



মাসিক পত্রিকা ।

“যত্র নার্যস্তু পূজ্যন্তে রমন্তে তত্র দেবতা: ।”

১৬শ ভাগ] শ্রাবণ, ১৩১৭, আগষ্ট, ১৯১০ । [১ম সংখ্যা ।

প্রার্থনা ।

হে বিশ্বজননি, হে মঙ্গলময়ি দেবি, তুমি আপনার অপার প্রেমে মত্ত হইয়া নরনারীর মঙ্গল সাধনের জন্ত সর্বদা আমাদের সঙ্গে রহিয়াছ। আমরা যতই কেন মনে করি না যে, আমাদের অবিশ্বাস ও পাপাসক্তি দেখিয়া তুমি আমাদের পরিত্যাগ করিয়াছ, তুমি কিন্তু এক মুহূর্ত্তও আমাদের ত্যাগ কর না অথবা আমাদের মঙ্গলসাধন করিতে বিরত হও না। আমরা পৃথিবীবাসী নরনারী তোমাকে যত অগ্রাহ্য করি ও অবিশ্বাস করি তুমি ততই আমাদের আপনার করিয়া লইতে চাও ও আমাদের বিকল্পে চলিয়াও আমরা তোমাকে দূর করিতে পারি নাই অথবা তোমার মঙ্গল-স্বরূপের বাহিরে যাইতে পারি নাই। এখনও কি আমরা তোমাকে স্বীকার

করিব না ও তোমার একান্ত বাধ্য হইব না? তুমি তোমার কৃপাগণকে কোমলতা, প্রেম, সৌন্দর্য্য ও সেবার ভাব দিয়া মাজাইয়াছ, এখন তুমি তাঁহাদিগকে স্বর্গীয় শোভায় সুসজ্জিত করিতে চাও। তোমার ইচ্ছা যে তুমি তোমার প্রত্যেক কৃপাকে আরও সুন্দর কর, তোমার বড় সাধ যে তুমি তোমার কৃপার গৃহসংসারের ভার আপনি লইয়া তোমার প্রেম ও পুণ্যের সৌন্দর্য্য দ্বারা তাঁহাদের ঘরসংসার ও প্রাণ মনকে শোভাযিত কর। বর্তমান যুগে এই জন্ত তুমি কত উচ্চ উচ্চ সত্য প্রকাশ করিতেছ, নরনারীর শরীর মনের সৌন্দর্য্য সাধনের জন্ত কত ফুল ফুটাইতেছ, তাহাদের শরীর, মন, গৃহ ও পরিবারকে সুখী ও শুদ্ধ করিবার নিমিত্ত কত আলোক প্রকাশিত করিতেছ। কিন্তু দেবতা, দেখ, তোমাকে সাক্ষাৎ বর্তমান প্রেমপুণ্যময়ী জননীরূপে না গ্রহণ করিয়া তোমার কৃপাগণ জ্ঞান-বিজ্ঞান ধনসম্পদ প্রভৃতি বহুপ্রকারের

দান পাইয়াও সংসারে নিশ্চিন্ত, শান্ত ও সুখী হইতে পারিতেছেন না। গৃহস্থের গৃহের সকল ধন জন তোমারই দান সত্য, কিন্তু সে সকলের সঙ্গে যদি তুমি আপনাকে না দেও তাহা হইলে কিছুতেই তোমার কৃত্যগণ সুখী হইতে পারিবেন না। তাই হে দয়াময়ি জননি, তব পাদপদ্মে প্রার্থনা করি তোমার সকল কৃত্যর জীবনে ও পরিবারে আপনি প্রকাশিত হইয়া বিরাজ কর এবং রূপা কর যেন সকলে তোমাকে পাইয়া স্বর্গস্থখে সুখী হইতে পারেন।

মহিলার নববর্ষ ।

মঙ্গলময় পরমেশ্বরের আশীর্ব্বাদে মহিলা আপন জীবনের ষোড়শ বৎসরে প্রবেশ করিল। ষাঁহার রূপায় প্রতিদিন মানুষ জীবন ধারণ করে এবং জীবনের কার্য বিষয়ে ষাঁহার আলোক লাভ করিয়া কার্যকেই শুদ্ধতা ও সুখলাভের পথ জানিয়া সেবার কার্যে পরমানন্দে জীবন মন সমর্পণ করে, মহিলার জীবন তাঁহারই লীলা। ইহাতে মানবীয় অপূর্ণতা যাহা প্রকাশ হইয়াছে তাহার জগ্ন তত্ত্বিষয়ক লেখক দায়ী, কিন্তু ইহার দ্বারা যে প্রকৃত সেবার কার্য হইয়াছে, তাহা শ্রীভগবানের গৌরব। আমরা এই দীর্ঘকালের কার্যে সেই অনন্ত মহিমাময় পরমদেবতার গৌরবের এক কণা প্রত্যক্ষ দর্শন করি এবং তাহাকে কৃতজ্ঞতা দান করি ও এই কার্যে তিনি তাঁহার যে সকল পুত্রকৃত্য-

গণকে লেখকরূপে, সাহায্যকারীরূপে ও মহিলার মঙ্গলাকাজ্জীকরূপে ব্যবহার করিয়াছেন, সেই সকল ব্রহ্মপুত্র ও ব্রহ্মকৃত্যগণকে কৃতজ্ঞতাভরে নমস্কার করি।

এই নববর্ষ মহিলার পক্ষে এক নব যুগের আরম্ভ বলিতে হইবে। ষাঁহার জ্ঞান, প্রেম ও তেজস্বীতার ভিতর দিয়া ভগবান্ এই কার্যপ্রণালী প্রকাশ করিয়াছিলেন, তাঁহাকে তিনি আপনার ক্রোড়ে তুলিয়া লইয়াছেন। অথচ এই নববর্ষে তিনি মহিলার ভার লইবার অল্প কোন যোগ্য কন্যা বা পুত্রকে উপস্থিত করেন নাই, এজন্য ষাঁহারা অস্থায়ীভাবে স্বর্গীয় ভাই গিরিশচন্দ্র সেন সম্পাদক মহাশয়ের এক প্রকার প্রতিনিধি হইয়া কার্য করিতে-ছিলেন, তাঁহাদিগের উপরই এখন মহিলা সম্পাদনের ভার পড়িল। কিন্তু ইহা একটি সাময়িক ব্যবস্থা মাত্র বলিতে হইবে। বঙ্গদেশের মহিলাগণের জ্ঞান, নীতি ও ধর্মবিষয়ক উন্নতিসাধনের কার্যে ব্রতী যে কোন মহিলা বা মহাশয় এই কার্যের জন্য বিশেষভাবে মনোনীত হইবেন তাঁহার অভ্যুদয়ের প্রতীক্ষায় বর্তমান সময়ে কার্য-সম্পাদন করা মাত্র বর্তমানে ভারপ্রাপ্ত আমাদের সাধ্যায়ত্ত। এই কার্য বিষয়ে আমরা ভগবানের আলোক ও আশীর্ব্বাদ ভিক্ষা করি এবং যে সকল হিতাকাঙ্ক্ষী বন্ধুগণ এই পত্রিকাতে বিজ্ঞাপন প্রকাশ করিয়া ইহার ব্যয়ের সাহায্য করেন এবং ষাঁহারা ইহার গ্রাহিকা ও গ্রাহকশ্রেণীভুক্ত আছেন তাঁহাদিগের সহায়ত্ব ও সাহায্য যাহাতে অক্ষুণ্ণ থাকে, সে বিষয়ে বিশেষ

অনুরোধ করি। মহিলার জীবনের একমাত্র উদ্দেশ্য এই মনে হয় যে, ইহাতে নারীজাতির শিক্ষা, উন্নতি, সুখ ও শান্তি-প্রদ বিষয় সকল ইহার পাঠিকাগণের নিকট যথাসময়ে উপস্থিত করা হইবে। এই মহৎ কার্যে এক জন বা দুই জন লেখক বা লেখিকা সম্পূর্ণ সফলতা লাভ করিতে পারেন না। যেসকল মহিলা স্বজাতির হিতকল্পে প্রবন্ধাদি লিখিয়া থাকেন, আমরা তাঁহাদিগকে বিশেষ অনুরোধ করি যে, তাঁহারা রূপা করিয়া ইহাতে আপনাদিগের প্রবন্ধাদি প্রকাশ করিয়া মহিলার সাহায্য করিবেন। মহিলাতে চিরদিন মহিলাগণের রচনা আদরের সহিত প্রকাশিত হইয়া আসিয়াছে, আমরা ইচ্ছা করিতেছি যে, এই অংশই ইহার বিশেষ আকর্ষণের বস্তু হয়। সম্পাদকীয় মতের দ্বারাই সাধারণত সাময়িক পত্রিকা সকল পরিচিত হয়, মত লইয়া বাদানুবাদ করাই যেন পত্রিকাদির চিরদিনের ব্যবসায়। আমাদেরও যে মত নাই, তাহা বলিতে পারি না, অবশ্যই ভিন্ন ভিন্ন বিষয়ে বিশেষ বিশেষ মত আমরাও পোষণ করি, কিন্তু তাহা লইয়া কিছু গোঁড়ামী করিতে আমরা কখনও ইচ্ছা করি না। সত্যই আমাদের ঞ্জব মত, যাহা সত্য বলিয়া জানিব তাহাই গ্রহণ করিব এবং মহিলাতেও তাহাই সম্মানের স্থান লাভ করিবে। যদি সত্য লাভের উদ্দেশ্যে কেহ ভিন্ন মতের কথা সরল ভাবে প্রকাশ করিতে ইচ্ছা করেন তাহা হইলে সেই লেখক বা লেখিকার নামে তাহা প্রকাশ

হইতে পারে। আমাদের সকল পাঠিকা ও পাঠক, লেখিকা ও লেখক এবং সহায়-ভূতিকারী বন্ধুগণ ইত্যাদি সকলের নিকট নিবেদন এই যে, মহিলার নববর্ষের অর্থাৎ ইহার জীবনের নববর্ষের কার্য আরম্ভ করিতে আমরা ইহা সরল ভাবে সকলকে জানাইতেছি যে, এই মাসিক পত্রিকা-রূপ প্রণালী স্থাপন করিয়া মঙ্গলময় ভগবান্ নারীজাতির মঙ্গলের জগ্ন যে শ্রোত প্রবাহিত করিয়াছেন তাহা প্রবাহিত রাখিবার জগ্ন আমাদের ভিতর দিয়া যে সকল প্রেরণা আসিবে তাহা আমরা সরল ও বিনীত ভাবে ইহাতে প্রকাশ করিতে যত্নবান্ থাকিব এবং আমরা একান্ত আশা ও বিশ্বাস করি যে, ভগবান্ ইহার অঙ্গপুষ্ট করিবার জগ্ন অথবা ইহার দোষ সংশোধনের জগ্ন ভগবান্ ষাঁহার ভিতরে যে সম্পদ বা আলোক প্রেরণ করেন তাহা তিনি আমাদের প্রদান করিয়া মহিলার কার্যের সহায়তা করিতে এবং আমাদের অনুরোধ করিতে কখনই বিরত হইবেন না। এক কথা পুনঃ পুনঃ বলিয়া লাভ নাই কিন্তু তথাপি মধো মধো মনে করাইয়া না দিলে চলে না। সে কথাটি এই যে সম্পাদকীয় উচ্চ অধিকার পাইবার জগ্ন আমরা মহিলা সম্পাদনের ভার গ্রহণ করি নাই। কেবল মহিলাজাতির হিতার্থে যে মাসিক পত্রিকা প্রতিষ্ঠিত আছে তাহার কার্য যাহাতে উপযুক্ত রূপে চলিতে থাকে সেই জগ্ন এই ভার গ্রহণ করা হইয়াছে। আমাদের বিশ্বাস এই যে ইহার

দায়িত্ব মস্তকে গ্রহণ করিলে আমাদের উপরও ব্রহ্মলোক অবতীর্ণ হইয়া নারী-জাতির হিতকল্পে প্রকাশিত হইবে এবং অগ্র যাহার যাহার ভিতরে সেইরূপ শিক্ষা ও আলোক অবতীর্ণ হইবে তাহা দ্বারা আমরা ও ইহার পাঠিকা এবং পাঠকগণ লাভবান হইব। মঙ্গলময় ভগবানের চরণে শ্রণাম করিয়া এবং সাহায্যকারী সকল বন্ধুবান্ধবের চরণে নমস্কার করিয়া এই দায়িত্বপূর্ণ পবিত্র কার্যে প্রবৃত্ত হইতেছি। দয়াময় দেবতা আমাদের সহায় হউন।

ভারতীয় নারীজাতি এবং জন্মান্তরবাদ রহস্য ।

স্ত্রীজাতি স্বভাবতঃ সুকোমল। অল্পো-
তাপে নবনীত যেমন গলে, তেমনি সামান্য
কারণে নারী-হৃদয়ও বিগলিত হয়। দুঃখ,
শোক, আঘাত, বিচ্ছেদ, করুণ কথা,
কুটিল-দৃষ্টি, অসন্তোষের অল্পমাত্র প্রভাবেও
রমণী-চিত্ত বিষম চকিত হইয়া উঠে। যে
অপোগণ্ড শিশু আশু চলিতে শিখে, সে
যেমন খুবই চলিতে চায়, অথচ চলিতে
চলিতে পড়ে, পড়িতে পড়িতে চলে,
চঞ্চলা কুলবালার এসংসারে সেই প্রকার
গতি। রমণী খুবই সহিতে বহিতে প্রস্তুত,
অথচ সহিতে বহিতে যেম সে অতিশয়
অসমর্থ। এমন কি মোটেই যেন সে
সহিতে পারে না; সামান্য কিছু বহিতেও
যেন ভাঙ্গিয়া পড়ে। পদে পদে যেমন
আঘাত পাইতেছে, অমনি কপালের প্রতি

দোষারোপ করিতেছে; অদৃষ্টচক্র যেন
তাহাকে পেঘিয়া ফেলিতেছে। দৈনন্দিন
জীবনে যন্ত্রণা তাড়না যাহা কিছু উপস্থিত
হয়, তাহা তাহার কোন কর্মফলে ঘটে,
সে তাহার কারণনিরূপণের পথ পাইতেছে
না। সকলই কর্মফল। এ জন্মের কর্ম-
ফল কি? না; এক জন্মের কর্মে এমন
বিষম ফল, এক জন্মের কর্মে এতাদিক
দণ্ড যে হইতে পারে, ইহা তাহার
কোমল হৃদয়ে কল্পনায়ও আসিতে পারে
না! সুতরাং তাহার মনের ধারণা পূর্ক-
জন্মে না জানি কত পাপ আচরিত হই-
য়াছে, তাহার ফলে এজন্মে একরূপ নিদারুণ
যাতনাভোগ করিতে হইতেছে। ভারতের
রমণী-সমাজে জন্মান্তরবাদ এই প্রকারে
ভয়ানক প্রভাব বিস্তার করিয়া রহিয়াছে।
ভারতবর্ষবাসী পুরুষগণও রমণীসদৃশ
জন্মান্তরে আস্থাবান। প্রভেদ এইমাত্র
যে রমণীগণ কথায় কথায় মুখ ফুটিয়া
ওকথা বলেন, পুরুষেরা তাহা বলে না;
অথচ জন্মান্তরে আস্থা সকলেই অন্তরে
পোষণ করে।

চারি সহস্র বৎসরেরও অধিককাল
হইতে ভারতবর্ষে ধর্মসম্বন্ধে নানা বিবর্তন
হইয়াছে। সত্যস্বরূপ ঈশ্বর এবং মানবের
সন্ধর্ম ভারতাকাশে মধ্যাহ্ন সূর্যের স্থায়
উজ্জ্বল প্রভায় প্রকাশ পাইয়াছে। ধর্ম
এবং সামাজিক রীতিনীতি, দয়া সৌজন্ম
এদেশীয় জনসমাজে যথেষ্টরূপ উৎকর্ষ
প্রাপ্ত হইয়াছে। তৎসহ কোন কোন
অজ্ঞানতা কুসংস্কার অনীতি অরীতি
আবার চিরদিন যেন অক্ষুণ্ণভাবে চলিয়া

আসিতেছে। এতটা আলোকের সহিত
এতটা অন্ধকার পাশাপাশিভাবে কিরূপে
চলিয়া আসিল তাহা ভাবিলে বিশ্বয়াপন্ন
হইতে হয়।

ভগবদ্দীতার সমুন্নত ধর্মসম্মুখের সঙ্গে
সঙ্গে ও জন্মান্তরবাদের কুসংস্কারটি গ্রথিত
করা হইয়াছে। বুদ্ধদেবের অমন জ্ঞান-
গৌরবপূর্ণ নিরুণ ধর্ম এবং উদারনীতি
প্রবাহেও জন্মান্তরে আস্থাজনিত ঘোর
আবিলতা মিশিয়া গিয়াছে। শিক্ষা, দীক্ষা,
জ্ঞান তপস্যা, প্রেম ভক্তি কোন কিছুই
জন্মান্তরবাদের ছায়ার বাহিরে যেন
কস্মিনকালেও এ ভারতে আসিতে পারে
নাই। এদেশে কিবা পুরুষের প্রথম মন
কিবা রমণীর কোমল-হৃদয়, দুইই জন্মা-
ন্তরে প্রত্যয়জনিত অক্ষয় কলঙ্কে চিরকাল
কলঙ্কিত হইয়া আছে। ত্রিকোণ ভারত-
ভূমির প্রত্যেক কোণে এসংস্কারের
ঘোরতর প্রভাব। দক্ষিণে কুমারিকা
অন্তরীপ, পূর্ক ও পশ্চিমোপকূলে, সিন্ধু,
পঞ্জাব, বাঙ্গলা, বিহার, উৎকল, আসাম
সর্বত্র জন্মান্তরবাদ পরিব্যাপ্ত। অধুনা
পাশ্চাত্য জ্ঞান বিজ্ঞান চতুর্দিকে আলোক
বিস্তার করিতেছে। সত্যধর্মের জ্যোতি
তেমনি সর্বত্র দেদীপ্যমান। তথাপি
ভারতে যেমন নারীর মুখে, তেমন পুরু-
ষের মনে জন্মান্তরের কথা লাগাই আছে।

এ পৃথিবীতে একবারের অধিক মনু-
ষ্যের জন্ম হয় না। মাতৃগর্ভে নরসন্তান
একবারমাত্র সঞ্চারিত হয়। কয়েকমাস
গর্ভাবাসে থাকিয়া প্রাকৃত নিয়মে ধরাতলে
জন্মগ্রহণ করে। জন্মগ্রহণের পর যত-

কাল পৃথিবীতে থাকে তাহার পরে
স্মৃতি তৃষ্ণতির ফলভোগার্থ যে তাহাকে
আবার মাতৃগর্ভে প্রবেশপূর্বক জন্ম পরি-
গ্রহ করিতে হয় না, এ সত্য এদেশে
প্রায় অধিকাংশ নারী ও নরের নিকটে
অসত্যরূপে পরিগণিত। দুঃখ শোক
বিপদাদি ঘটিলে উহা যে পূর্বজন্মার্জিত
কর্মফল একথাটি প্রায় সকল লোকেই
সরল মনে বলিয়া উঠিতেছে।

অধিকতর দুঃখের বিষয় এই যে,
বর্তমান সময়ে ভারতীয় বিশ্ববিদ্যালয়
হইতে বি, এ, এম, এ. বি, এস, সি; ডি,
এস, সি উপাধি প্রাপ্ত শিক্ষিত ব্যক্তিগণকেও
জন্মান্তর সম্বন্ধীয় কুসংস্কারাচ্ছন্ন দেখা যায়।
যে সকল মহিলা বর্তমান শিক্ষালোক এবং
ধর্মালোক লাভ করিতেছেন, তাঁহারা
অনেকে মনে মনে ঐ কুসংস্কার পোষণ
করেন।

শিক্ষার উদ্দেশ্য জ্ঞানলাভ। জ্ঞানের
উদ্দেশ্য সত্য জানা। সত্যজানার উদ্দেশ্য
সত্যোতে জীবনধারণ করা। যদি সত্যই
জানা না হইল, এবং সত্য জানিয়া তাহাতে
জীবনকে প্রতিষ্ঠিত করিবার চেষ্টা প্রকাশ
না পাইল তবে মনুষ্যের পক্ষে শিক্ষার
সার্থকতা কি? অশিক্ষিত এবং সুশিক্ষি-
তের তারতম্য কি? যাহারা অশিক্ষিত
তাহারাই গতানুগতিক। তাহাদের
স্বাধীনভাবে গুরুতর বিষয় সকলে চিন্তা-
শক্তি ব্যবহারের ক্ষমতা জন্মে না।
তাহারা সত্যাসত্য বিচারে অক্ষম। দেশ
যাহা বলে, দেশে যাহা ভাবে, দেশে যাহা
করে, দেশে যেভাবে চলে তাহাই বিচার-

বিহীন অশিক্ষিত লোকের শাস্ত। বর্তমান-কালে ভারত মহিলাগণ ৭ দশজনের ছন্দা-ভুবর্তিনী। গুরুতর বিষয়ে তাঁহারা বিচার বিমুখ। কঠাগণ, এদেশে যথারীতি জ্ঞানা-লোচনায় বহুশতাব্দী হইতে বিরত থাকা প্রযুক্ত মূর্খ গুরু, পুরোহিত, আত্মীয় অভিভাবকদিগের আদেশ উপদেশ ও শাস্ত্রীয় বচনাবলী দ্বারা সকল বিষয়ে শাসিত। কুলবালাগণের জীবনের উপরে ঐ সকলের অপরিমিত আধিপত্য অটুট রহিয়াছে। ভারতবর্ষে বিংশশতাব্দীর মহিলাবৃন্দ যদি জ্ঞান শিক্ষাদ্বারা চিন্তা-শক্তি ব্যবহার করিতে রত না হন, স্ব স্ব জীবনের জ্ঞান সত্য আবিষ্কারে বা নির্ধারণে সংকল্পাক্রম না হন, তবে অস্বদেশীয় গৃহিণী বা জননীকুল, সত্যাপথ, সত্যমত, স্বধর্ম এবং যথার্থ সংকল্পাবলম্বনে নিশ্চয়ই অসমর্থ থাকিবেন; অথবা যথাপূর্ব তথা-পর কেবল পুরুষের মতে মত দিতে বাধ্য হইবেন। বর্তমান সমুজ্জ্বল জ্ঞানালোক মহিলাদিগের বা অন্তঃপুরের অন্ধকার দূর করিতে পারিবে না।

চিরদিন চলিয়া আসিয়াছে বলিয়া কোন নর বা নারী কোন মতকে সত্য বলিয়া স্বীকার করিতে বাধ্য নহে। অসত্য চিরদিন মিথ্যা। তাহা যখন বোধগম্য হইবে তখনই পরিত্যাগ করিবে। সত্য যদি চিরকাল অগ্রাহ্য হইয়া থাকে তথাপি বিচারপূর্বক তাহা মানুষকে গ্রহণ করিতে হইবে। ইহাতে স্বকীয় ও স্বদেশের কল্যাণ নিহিত আছে। অতএব জন্মান্তরবাদ মতে সত্যাসত্য কি তদ্বিচার

অবশ্য কর্তব্য। বিশেষতঃ ভারত মহিলা-বর্গের অন্তরে এ তত্ত্ব যতশীঘ্র প্রকাশ পায় ততই মঙ্গল। জন্মান্তরবাদ সম্বন্ধীয় ইতিবৃত্তও অনুসন্ধান করা উচিত। ভারতের ধর্মসম্বন্ধীয় ইতিহাস অন্বেষণ করিলে দেখা যাইবে যে ব্রাহ্মণধর্মের কূটচক্রে বৌদ্ধধর্মের প্রবল প্রভাব তিরো-হিত হইলেও বুদ্ধের এবং বৌদ্ধধর্মের মত, ভাব, রীতি, নীতি জনসমাজে আধিপত্য বিস্তার করিতেছে। এবিষয়ে পরিষ্কার জ্ঞানলাভার্থ বুদ্ধদেবের জীবন এবং উপ-দেশসমূহ শিক্ষিত নর-নারীবর্গের যত্ন-সহকারে অধ্যয়ন করা আবশ্যিক। কেননা বুদ্ধদেবের অনেক আখ্যায়িকা এবং উপদেশ শুনিয়া তাঁহাকেও জন্মান্তরবাদ মতে একজন আস্থাবান পুরুষ বলিয়া ভ্রম জন্মে। কিন্তু তাঁহার সমস্ত জীবন মনশ্চক্ষুর সম্মুখে রাখিয়া তৎপ্রদত্ত শিক্ষা ও উপদেশগুলি বিশেষভাবে চিন্তা করিলে উল্লিখিত ভ্রম অপনীত হয়।

আখ্যায়িকারূপ উপায় অবলম্বনপূর্বক বুদ্ধদেব অনেক সময় ধর্ম ও নীতি বিষয়ে উপদেশ প্রদান করিতেন। অনেক আখ্যায়িকাতে পূর্বজন্মে আস্থা-প্রকাশক গল্প বর্ণিত হইয়াছে। পশুবধের দোষ প্রদর্শনার্থ বধার্থ উৎসর্গীকৃত এক ছাগলের মুখে বুদ্ধদেব বলাইয়াছেন, “আমি পূর্ব-জন্মে বেদজ্ঞ ব্রাহ্মণ ছিলাম। মৃতব্যক্তির কল্যাণের জন্ত এক ছাগ বধ করিয়া-ছিলাম। সেই অপরাধে ৪৯৯ বার জন্ম-ধারণ করিয়াছি। এবং প্রতিবারে আমার মস্তক ছেদন করা হইয়াছে। এইবার

মস্তক ছেদন হইলেই আমি উদ্ধার পাইব” বুদ্ধদেব তাঁহার আত্মসম্বন্ধে ও পূর্বজন্ম তত্ত্ব ঐ প্রকারে উল্লেখ করিয়া-ছেন। বলা বাহুল্য যে পরম জ্ঞানসম্পন্ন গৌতম বুদ্ধের এবশ্রকার উক্তি দ্বারা পূর্বজন্ম সম্বন্ধীয় কুসংস্কার ভারতবর্ষে অধিক দৃঢ়তর হইয়াছে।

হিন্দুশাস্ত্রেও জন্মান্তরবাদ মতের ভূয়োভূয়ঃ উল্লেখ দৃষ্ট হয়। বাহারা ব্রহ্ম-লাভ না করে, মুক্ত না হয়, তাহারা পাপের দণ্ডভোগার্থ এসংসারে পুনঃ পুনঃ জন্মগ্রহণ করিতে বাধ্য হয়। উপনিষদ্ ব্রহ্মতত্ত্ব পূর্ণ-গ্রন্থে জন্মান্তরবাদ তাহারও অন্তর্ভুক্ত করা হইয়াছে।

ঈশ্বরের সঙ্গে চতুর্বিধ যোগতত্ত্ব যে গ্রন্থের সর্বস্ব সে গ্রন্থের মধ্যে জন্মান্তরবাদ বিবৃত হইয়াছে যথা;—

১। “বাসাংসি জীর্ণানি বধা বিহার

নবানি গৃহ্ণান্তি নরোহ পরাণি।

তথা শরীরানি বিহার জীর্ণা-

তৃণানি সংযাতি নবান দেহী ॥”

২। শরীরং ঘদবাপ্নোতি যচ্চাপ্যং ক্রমস্বীশ্বরঃ
গৃহীত্বৈতানি সংযাতি বায়ুর্গন্ধানি বাশর্যং ॥

ভগবদ্ভগীতা।

অর্থ—১। জীর্ণবস্ত্র ত্যাগ করিয়া যেমন নববস্ত্র পরিধান করে তেমন জীর্ণ শরীর পরিত্যাগ করিয়া জীবনবীন দেহ ধারণ করে।

২। ঈশ্বর (এখানে দেহী) যে শরীর প্রাপ্ত হন, যে শরীর পরিত্যাগ করেন, প্রাপ্ত শরীরে পূর্ব শরীর হইতে এই সকল ইন্দ্রিয়াদি লইয়া যান। যেমন

বায়ু আশয় অর্থাৎ কুহুমাদি হইতে গন্ধাংশ উঠাইয়া লয়।

জন্মলাভের পর মনুষ্য পৃথিবীতে যে প্রকার কর্ম করে, তাহার অনুরূপ ফল লাভ করে। এই ফল পরজন্মে ভোগ করে। ইহাই জন্মান্তরবাদের মতের তাৎপর্যার্থ।

গৌতম সিন্ধার্থ পৃথিবীতে মানুষের হুঃখ দেখিয়া তাহা হইতে মুক্তিলাভের উপায় চিন্তাক্রমে রত হইয়াছিলেন। এজন্ত কঠোর তপশ্রায় প্রবৃত্ত হইয়াছিলেন। তিনি নির্বাণ লাভ করিয়াছিলেন। নির্বাণ কি? সর্বপ্রকার বাসনা বিনাশই নির্বাণ। ইহাই নিবৃত্তি। বুদ্ধদেবের মতানুসারে ধ্যান প্রবৃত্তি। ধ্যান সহায়ে জ্ঞানলাভ হয়; চিত্ত চরিত্রের শুদ্ধিলাভ ঘটে। ধ্যানযোগে সর্বজীবের প্রতি মৈত্রী ও অন্তরে সমাগত হইয়া থাকে। সূতরাং জ্ঞান পুণ্য ও মৈত্রী বিষয়ে প্রবৃত্তি ধ্যানের উদ্দেশ্য।

রামায়ণ মহাভারতেও জন্মান্তরবাদ মত দেখা যায়। রামায়ণ মহাভারত বুদ্ধের পূর্বে। সূতরাং এ মত হিন্দুজাতির মধ্যে বহু সহস্র বৎসর হইতে প্রবর্তিত। হিন্দুর সর্বপ্রকার ধর্ম, নীতি, সত্যতা ও সাহিত্যের সঙ্গে সঙ্গে জন্মান্তরবাদ অনুসৃত। বুদ্ধদেবের কথার যথার্থ-অর্থ পরিগ্রহ না করাতে জন্মান্তরবাদের কুসংস্কার ভারত-বর্ষে আরও দৃঢ়ীভূত হইয়াছিল। ধর্ম ও নীতি এতপ্রকার বিবর্তনেও জন্মান্তরবাদের কুসংস্কার অটল থাকার হেতু কি? বিজ্ঞা-নের জ্ঞান ভিন্ন কুসংস্কার কিছুতেই দূর

হইতে পারে না। ধর্মের বরং কুসংস্কার প্রাশ্রয় পায়। ভারতীয় সভ্যতার সমুন্নত যুগেও বৈজ্ঞানিক উন্নতি অত্যন্তমাত্র হইয়াছিল। কিন্তু সে বিজ্ঞানের প্রভাব ধর্মবিধানে বিন্দুমাত্র পড়িতে পায় নাই। অতএব বৈজ্ঞানিক ভাবে প্রাচীন ভারতে ধর্মবিষয়ক চিন্তা শাসিত হয় নাই। বিজ্ঞান নিরপেক্ষ হওয়া প্রযুক্ত সর্বপ্রকার ধর্মবিবর্ধনের উপরে অতি পুরাতন একটি অসতামূলক সংস্কারের প্রভাব চিরদিন অক্ষুণ্ণ রহিয়া গিয়াছে। এই কারণে পরিষ্কার ব্রহ্মজ্ঞান, যোগ ভক্তি কর্ম এবং নির্বাহ ধর্মের অত্যন্ত অবস্থাও জন্মান্তরবাদ মতের প্রভাব পরিহার করিতে পারে নাই।

ভারতবর্ষে নবীন যুগের আবির্ভাব হইয়াছে। পাশ্চাত্য বিজ্ঞান সাহিত্য ভারতে আলোক বিস্তার করিতেছে। নবীন ধর্মবিধান ভারতাকাশে অভূতদিত হইয়াছে। এ বিধানে বিজ্ঞানপ্রভাবে পুরাতন কুসংস্কার আর আধিপত্য বিস্তার করিতে পারে না। সুতরাং পুনর্জন্মবিষয়ক মিথ্যা সংস্কার ধর্মের সূত্র ধরিয়া আর ভারতনরনারীর চিত্তক্ষেত্রে স্থান পাইতে পারে না। অধুনা এদেশের অধিবাসী নরনারীগণ জলজ্ঞ বিজ্ঞানবর্তিকা করে গ্রহণ পূর্বক ধর্ম ও নীতির পবিত্র পথে পাদচারণা করুন। ধর্মপথে বিজ্ঞানের সদৃশ সহায় কিছুই নহে। বিজ্ঞান পুঙ্খানুপুঙ্খরূপে সকল দিক সুসংস্কৃত করে।

বুদ্ধদেবের মত মহাপুরুষ অদ্বিতীয়। কঠোর তপশ্চায় ও দৈবকৃপায় তিনি সমস্ত

বাসনা হইতে মুক্ত হইলেন। শুদ্ধজ্ঞান শুদ্ধ চরিত্র, শুদ্ধচিত্ত, শুদ্ধ করুণা প্রাপ্ত হইয়া অসংখ্য অসংখ্য নরনারীর বিকৃত বাসনা দূর করিলেন। কিন্তু ভাবিতে হুঃখ হয় যে, বিজ্ঞানসূর্য্যাকিরণের কণামাত্র না পাওয়াতে সেই বুদ্ধদেবের দ্বারাও নানারূপ কুসংস্কারের অন্ধকার—বিশেষতঃ জন্মান্তরবাদ মতের প্রভাব বিস্তীর্ণ বৌদ্ধ-মণ্ডলীতে বিস্তৃত হইয়া পড়িল। তাহা না হইলে নির্বাহ ধর্মের আবার জন্মান্তরবাদ মত প্রবেশের পথ কোথায়? বিলয়েই যাহার বিশেষত্ব, সে ব্যক্তি জন্মান্তরবাদ রূপ অনর্থ কেন আনয়ন করে? বাসনার বিলয় যাহাদের না হয়, বরং তাহারা বাসনানলে চিরকাল দগ্ধ হউক। যে পূর্বজন্মের স্মৃতি নাই, সূত্র নাই, হেতু নাই, নাই বলিতে কিছুই নাই, তথাপি তর্ভোগের কারণ কল্পিত পূর্বজন্মের প্রতি আরোপ করা কি নিতান্ত অর্কাচীনতা নহে?

কার্যের কারণ সূত্রের বিষয়ে যাহাদের বৈজ্ঞানিক ভাবে গবেষণা ও দৃষ্টি না আছে, হৃদয়ত ভাবদৌর্বল্য যাহাদের প্রবল তাহারাই বুকু আর না বুকু স্বীয় জীবনের সূত্র হুঃখ, সম্পদ বিপদের কারণ পূর্বজন্মের প্রতি আরোপ করিয়া স্থির হইতে পারে। আখ্যায়িকা উপলক্ষেই হউক আর স্বীয় জীবনতত্ত্বোপলক্ষেই হউক বুদ্ধদেবের মুখে বারংবার পূর্বজন্ম কথাটা প্রচলিত কুসংস্কারাপন্ন ভাবে নিতান্তই অশোভন শ্রুত হয়।

(ক্রমশঃ)

হ্যালিবার্টনপত্রীর জীবনের পরীক্ষা ।

চতুর্থ পরিচ্ছেদ ।

নুতন বন্দোবস্ত ।

শব্দব্যবচ্ছেদ পরীক্ষায় নিঃসন্দেহরূপে প্রতাপন্ন হইল যে ধর্মধাজক ফ্রান্সিস্ টেট হৃদরোগে গতাস্থ হইয়াছেন। তাঁহার যৌবনাবস্থায় লোকে সন্দেহ করিত যে তাঁহার হৃদরোগ আছে, কিন্তু জীবনের শেষ দশায় ইহার কোন সন্দেহজনক বহির্লক্ষণ প্রকাশিত হয় নাই।

তাঁহার মৃত্যুতে তাঁহার আয়ও চলিয়া গেল। সুতরাং যদিও তাঁহার পরিবারবর্গ একেবারে পথের ভিখারী হইলেন না বটে কিন্তু আর্থিক হিসাবে আর তাঁহাদের সংসারের মচ্ছল অবস্থা থাকিল না। টেট-গৃহিণী বাৎসরিক ৫০ পাউণ্ড হিসাবে তাঁহার পিত্রালয় হইতে সাহায্য পাইতেন সত্য, কিন্তু তাঁহার মৃত্যু হইলে তাঁহার পুত্রকন্যাদের সে অর্থে আর কোন অধিকার থাকিবে না। এখন তিনি এই সকল পুত্রকন্যা লইয়া কি করিবেন? হায়! এই হুঃখময় সংসারে টেটগৃহিণী অপেক্ষা শতগুণে হতভাগিনী কাঙ্গালিনী বিধবারমণীকে প্রতিদিন এই সমস্তাপূর্ণ প্রশ্ন জিজ্ঞাসা করিতে হয়! তবু তাঁহার সন্তানদের মধ্যে এক্ষণে তুইটীর ভার হইতে তিনি মুক্ত হইয়াছিলেন। জেনের বিবাহ হইয়া গিয়াছিল এবং ফ্রান্সিস্ একটা স্কুলে শিক্ষকতা করিয়া স্বীয় জীবিকা উপার্জন করিতেছিল। মার্গারেটকে শিক্ষার ব্যয়

নির্বাহার্থ বাৎসরিক ১০ পাউণ্ড করিয়া দিতে হইবে—তা ছাড়া রবার্টের ভার সম্পূর্ণরূপেই এক্ষণে তাঁহার স্বন্ধে।

জুলাই মাসে মিঃ টেটের মৃত্যু ঘটয়াছিল। অক্টোবরের মধ্যেই তাঁহাদিগকে বাড়ী ছাড়িয়া অগ্রভ্রমণে হইবে। হ্যালিবার্টন বলিলেন,—“মা, আপনি আপনার আশ্রয় স্থানের জন্ত ভাবিবেন না। আশা করি আপনি জেন ও আমার সঙ্গে আমাদের বাড়ীতেই থাকিবেন—ইহাতে অগ্রমত করিবেন না।”

গৃহিণী উত্তর করিলেন,—“হাঁ বাছা, এই ব্যবস্থাই এখন সব চেয়ে ভাল মনে হচ্ছে। আমাদের বাড়ীতে গৃহের যে সাজ সজ্জা আছে তাতেই উপস্থিত তোমাদের চণবে। সেগুলি আম সমস্তই তোমাদের দেব। আমার বাৎসরিক ৫০ পাউণ্ড আর ধ'রেও আমি তোমাদের গলগ্রহ হব, কিন্তু আশা কর তোমরা আমার ভার বহন করিতে অসম্মত হবেন না। আমি তো আর অগ্র কোন ব্যবস্থা ভেবে উঠতে পারছি না।”

“আপনার গৃহ-আসবাবে আমার কোনই অধিকার নাই। আর জেনেরই বা একলার তাহাতে অধিকার কি? যদি আপনি ইচ্ছা করেন আমি সেগুলিকে আমার বাড়ীতে লইব, কিন্তু তাহা হইলে হয় আপনাকে সেগুলির উচিত মূল্য লইতে হইবে, নচেৎ উহা আপনারই সম্পত্তি থাকিবে, আপনি যখনই ইচ্ছা করিবেন উহা অগ্রভ্রমণে লইয়া যাইবেন।”

অল্পদিনের মধ্যেই একটা বাড়ী ভাড়া

লগ্না হইল। গৃহসজ্জাগুলির মূল্য ধাৰ্য়া করা হইল এবং হ্যালিবার্টন ঐ গুলিকে ক্রয় করিয়া লইলেন। অবশ্য মূল্যের চতুর্থাংশ গৃহিণী জেনের নিকট হইতে গ্রহণ করিলেন না—কারণ তিনি জিদ করিয়া বলিলেন যে, জেনের ঐ অংশে গ্রায়তঃ অধিকার আছে। তৎপরে তাঁহারা তাঁহাদের বহুবৎসরের প্রিয় পুরাতন বাড়ীপরিভাগ করিয়া নূতন বাড়ীতে গিয়া উঠিলেন—মিঃ হ্যালিবার্টন, জেন, গৃহিণী, রবার্ট ও দুইটি পরিচারিকা।

গৃহিণী কণ্ঠকে জিজ্ঞাসা করিলেন—জেন, এখন কি তোমার দুটি পরিচারিকা রাখা সম্ভব হবে, মা?

জেন অত্যন্ত অপ্রস্তুত ও লজ্জিত হইয়া বলিল—“মা, এখন আমাদের একটী হ’লেই চলে বটে, কিন্তু শীঘ্রই আবার আমাদের দুটির দরকার হ’তে পারে। আর সুসান ও মেরী দুটীই এমন গুণের পরিচারিকা যে আমি তাদের একটীকেও ছাড়তে পারি না। আর তাদের দুজন না হ’লে তোমারও বিশেষ কষ্ট হবে।”

“মা, আমি খুব জানি যে তোমাদের সকল বিধি ব্যবস্থার মধ্যে তোমরা দুটিতে সর্বাগ্রে আমার সুখ সুবিধার কথাই ভাব। তুমি কি জান, কাল রাত্রে বিছানায় প’ড়ে প’ড়ে আমি ক্রি মনে মনে ভাবছিলাম?”

“কি ভাবছিলে, মা?”

“আমি ভাবছিলাম যখন হ্যালিবার্টন সবপ্রথম তোমাকে বিবাহ করবার কথা আমাদের জানালেন, তখন আমি আর

তোমার স্বর্গগত পিতা দুজনেই ইতস্ততঃ করছিলাম। আমরা ভাবছিলাম তোমার এর চেয়ে অনেক ভাল বরে ও ভাল ঘরে বিবাহ হ’তে পারে। কিন্তু মা, কাল রাত্রে আমার কেবলই মনে হচ্ছিল যে, হ্যালিবার্টন না হ’লে এই দুঃসময়ে কি যে কর্তাম তা ভেবেও উঠতে পারি না!”

“দেখ মা, যে সব জিনিস প্রথমে মন্দ ব’লে মনে হয়, সেই সবই আবার উত্তরকালে সবচেয়ে উৎকৃষ্ট ব’লে বোঝা যায়। মা, মঙ্গলময় বিধাতা সবই আমাদের মঙ্গলের জন্ত করেন।”

নূতন বাড়ীতে আসিবার পর কএক সপ্তাহ অত্যন্ত হইলে একদিন রবার্ট সন্ধ্যা সকলের মধ্যে বিশেষভাবে আলোচনা হইতে লাগিল। রবার্ট ভবিষ্যৎ জীবনে কি করিবে—ইহার মীমাংসা লইয়াই আলোচনা। রবার্টের কখনই লেখাপড়ার প্রতি বিশেষ আকর্ষণ ছিল না। মিঃ টেটের ইচ্ছা ছিল যে, তাঁহার দুইটি পুত্রই ধর্মপ্রচারক হইয়া জীবিকা উপার্জন করিবে। রবার্ট কখনও প্রকাশ্য ভাবে তাঁহার এ ইচ্ছার প্রতিবাদ করে নাই। ধর্মপ্রচারকের কার্যের প্রতি তাহার একটা আকর্ষণও ছিল—কিন্তু উহার জন্ত যে অধ্যয়ন ও মনঃসংযোগ আবশ্যিক রবার্ট তাহা আদৌ পছন্দ করিত না। যতদিন পিতা জীবিত ছিলেন ততদিন সে প্রকাশ্য ভাবে কোন কথাই বলে নাই। কিন্তু এক্ষণে সে আর নীরব থাকিতে পারিল না। সে সদ্যদাই তাহার মাতাকে এ বিষয়ে মনোযোগ দিবার জন্ত জেদ করিয়া

ধরিত। সে তখনও ডক্টার পার্সির স্কুলে প্রত্যাহ অধ্যয়ন করিতে যাইতেছিল।

একদিন রবার্ট তাহার মাতা ও জেনের নিকট একখানি চেয়ারে হঠাৎ বসিয়া পড়িল। তাহার পর সে পাছটীকে উঁচু করিয়া টেবিলের উপর চড়াইয়া দিয়া (রবার্টের এইরূপই বসিবার ধরণ ছিল) অতি গম্ভীর ভাবে বলিল—“আমি এ ক’রে কখনই কিছু উপার্জন ক’রতে পারব না।”

গৃহিণী জিজ্ঞাসা করিলেন—“কি ক’রে রবার্ট?”

“কেন, এই সব ছাই ভস্ম সেকলে পুঁথি পত্র প’ড়ে। আমি মিঃ হ্যালিবার্টন বা ফ্রান্সিসের মত কখনই শিক্ষক হ’তে পারব না। তা হ’লে আমার অদৃষ্টে কি হবে বল তো? আর প্রচারক হ’য়ে জীবিকা উপার্জন—তার আর এখন কোন আশাই নেই। পড়বার খরচের জন্ত এত টাকা এখন আসবে কোথা হ’তে?”

“তা হ’লে তোমার অদৃষ্টে হবে কি? আমি তো কিছুই বুঝে উঠতে পারছি না।”

রবার্ট কণ্ঠস্বর একটু নীচু করিয়া বলিল—“তা ছাড়া ভেবে দেখ—আমার নিজের জন্ত নিজের তো কিছু করা চাই। আমি এখানে তো দিবিয়া মিঃ হ্যালিবার্টনের ঘাড়ে চ’ড়ে অন্ন ধ্বংস ক’রছি।”

জেন তৎক্ষণাৎ বলিয়া উঠিল—“রবার্ট, তুমি তাঁর সঙ্গে থাকতে তিনি অত্যন্ত সুখী আছেন।”

“দিদি, তুমি চুপ কর; এ বিষয়ে

কোন কথা বলো না। স্বামীর খরচপত্রের সুবিধা অসুবিধার দিকে যার লক্ষ্য নেই সে কেমন স্ত্রী আমি বুঝে উঠতে পারি না! তুমিই না সে দিন গরীব ছেলেদের উপদেশ দিয়ে ব’লছিলে—সময় নষ্ট করা পাপ?”

“ব’লছিলাম তো। তাতে কি হ’য়েছে?”

“হবে আর কি? এমন বিশেষ কিছুই নয়। তবে কিনা অল্প লোকের পক্ষে যা সময় নষ্ট তা তোমার ভাইটির পক্ষে সময় নষ্ট নয়, কেমন?”

“কই, তুমি তো সময় নষ্ট ক’রছ না, রবার্ট।”

“না, আমি আর সময় নষ্ট করছি কোথায়? লোকের কাছে তুমি যেরকম বুদ্ধিমত্তী ব’লে পরিচিত তোমার মধ্যে যদি তার একটুও কিছু থাকতো তা হ’লে তুমি খুব সহজেই এ মোটা কথাটা বুঝতে পারতে। শিক্ষকতা ক’রে কোন জন্মে আমি কিছু ক’রতে পারব না। আর তুমিই বল এখন আমার বিশ্ববিদ্যালয়ে পড়া শুনা ক’রে পাদ্রি হবার কোন আশা আছে কি?”

“অবশ্য উপস্থিত তার আমি কোন আশা দেখছি না বটে।”

“তবে? এটা কি সময় নষ্ট নয়? আমি এমন এক জিনিসের জন্ত পড়াশুনা ক’রছি যে জিনিস জীবনে আমার কখনও লাভ করা ঘটবে না।”

গৃহিণী বলিলেন—“কিন্তু রবার্ট তুমি এ ছাড়া আর কি ক’রতে পার?”

তোমাকে বাড়ীতে বসে বসে কি রাস্তায় দৌড়া দৌড়ি ক'রে তো আর সময় নষ্ট করতে দিতে পারি না।”

নিশ্চয়ই না। সে রকম করার চেয়ে সারা জীবন স্কুলে কাটানো ভাল। মা, আমি সংসারে প্রবেশ ক'রে সংসার দেখতে চাই।

গৃহিণী সবিস্ময়ে ধীরে ধীরে বলিলেন—“তুমি-সং-সা-র-দে-খ-তে-চা-ও ?” জেনও ভাইয়ের মুখের দিকে এক দৃষ্টে তাকাইয়া থাকিল।

রবার্ট অবিচলিত ভাবে বলিল—এতে আর আশ্চর্য্য হবার কি আছে? এতো খুব স্বাভাবিক। ইয়র্ক শায়ারে যাবার জন্ত আমার নিমন্ত্রণ এসেছে।”

গৃহিণী—“কি ক'রবার জন্ত?”

“কত কি করবার জন্ত। তারা সব শীকারে বার হবে, আর—”

জেন হাসিয়া বলিল—“কিন্তু ভাই তুমি তো জীবনে কখনও গাধার পীঠেও চড় নি—ঘোড়া তো দূরের কথা! শীকার খেলতে গেলে নিশ্চয়ই হাত পা ভেঙ্গে বাড়ী ফিরবে।”

রবার্ট ক্রুদ্ধ হইয়া বলিল—“দেখ দিদি, তুমি চুপ ক'রে থাক বলছি। মার সঙ্গে আমার কথা হচ্ছে—তোমার সঙ্গে তো আমার কথা—হয় নি! আমার বন্ধু ইয়র্কশায়ারে তাদের বাড়ীতে বড় দিনের ছুটি কাটাবার জন্তে যেতে অনুরোধ করেছে। মা, আমি সেখানে যেতে চাই। আর তুমি এ কথা আমাকে না বললে কিছুতেই ছাড়ব না যে, ছুটির পরে আর

আমাকে স্কুলে যেতে হবে না। স্কুলে যাওয়া ছাড়া—আর তুমি যে ক'রতে বলবে আমি তা আনন্দের সহিত করব। আমি কোন ব্যবসা বাণিজ্য করতে চাই—কিংবা কোন অফিসে ঢুকতে চাই—কিংবা কোন ডাক্তার খানায় শিক্ষা নবিশী করতে চাই। আমি সব করতে পারব—কিন্তু মা সত্যি বলছি এই সব ছাই ভঙ্গ পুথিপত্র নিয়ে গলদ্বন্দ্ব হতে পারব না। বলতে কি এতে আমার অর্কটি জন্মে গেছে।”

গৃহিণী বলিলেন—রবার্ট, তুমি যে অবাক করলে। আমার কোথাও কোন প্রতিপত্তিশালী আত্মীয় স্বজন বন্ধু বান্ধব নেই। যে সব কাজের কথা বললে তার কোনটী তো তোমার জেটা সম্ভব দেখছিলেন।

“আমি খুব বলতে পারি মিঃ হ্যালিবার্টন একটু চেষ্টা করলেই হয়। তাঁর বহুলোকের সঙ্গে আলাপ পরিচয় আছে। দিদি তুমি তাঁকে একটু বললেই হয়—আমি বেশ জানি তোমার জন্যে তিনি সব ক'রতে পারেন।”

রবার্ট সম্বন্ধে ইহার পর অনেক তর্ক বিতর্ক হইল। কিন্তু রবার্টের সঙ্গে এ আখ্যায়িকার অধিক সম্বন্ধ নাই। মধ্যে মধ্যে তাহার বিষয়ে দুই একটা কথা আমরা পাঠকবর্গকে জ্ঞাপন করিব মাত্র। সকলেই বুঝিতে পারিল যে তাহার ইচ্ছার বিরুদ্ধে আর তাহাকে স্কুলে রাখা সম্ভব নহে—ইহাতে তাহার ভাবী জীবনের পক্ষে সমূহ অনিষ্ট হইবারই বিশেষ সম্ভা-

বনা। তাহাকে তাহার বন্ধুর নিমন্ত্রণ রক্ষা করিতে যাইতে দেওয়া হইল এবং যখন সে ফিরিয়া আসিল তখন দেখা গেল যে তাহার হস্ত পদ মস্তক প্রভৃতি বিছিন্ন না হইয়া পূর্ববৎ যথা স্থানেই সন্নিবিষ্ট আছে। হ্যালিবার্টন তাহাকে একটা সওদাগরী অফিসে নিযুক্ত করিয়া দিলেন। প্রথম প্রথম রবার্টের এ চাকুরী অত্যন্ত ভাল লাগিল সে প্রত্যেক রবিবারে বাড়ী আসিয়া সকলের সহিত প্রাণ খুলিয়া আমোদ আহ্লাদ করিত।

একদিন হ্যালিবার্টন জেনকে বলিলেন—“দেখ জেন, রবার্ট একদিন ব্যবসায়ীদের মধ্যে একজন প্রধান ব্যক্তি হইয়া দাঁড়াইতে পারে। আমার মাশা যেমন বলিতেন—সে এক দিন “সওদাগর পতি” হইতে পারে—যদি সে—”

“যদি সে—কি? কেন বলতে ইতস্ততঃ ক'রছ যে!”

আমি বলছিলাম—যদি সে ধৈর্য্যাবলম্বন করিয়া কার্য্যে লাগিয়া থাকিতে পারে। কিন্তু জেন, আমার ভয় হয় রবার্টের ধৈর্য্যগুণ মোটেই নাই।”

রবার্টের ধৈর্য্যগুণ থাকা না থাকা সম্বন্ধে ভবিষ্যৎই সাক্ষ্য প্রদান করিবে। সকলই ভবিষ্যতের গর্ভে নিহিত ছিল।

পঞ্চম পরিচ্ছেদ।

মার্গারেট।

দুই কি তিন বৎসর আরো অতীত হইয়া গেছে। গ্রীষ্মাবকাশ নিকটবর্তী।

মার্গারেট ছুটিতে আসিবে, জেন সানন্দ-চিত্তে তাহার জন্ত উদ্যোগ আয়োজন করিতেছিল। গত বৎসর মার্গারেট যে স্কুলে শিক্ষয়িত্রীর কার্য্যে নিযুক্ত ছিল এবার অবকাশান্তে সে আর সেখানে ফিরিবে না। এবার সে একটা ভদ্র পরিবারে শিশুশিক্ষয়িত্রীর কার্য্যে নিযুক্ত হইয়াছে। অধুনা একান্ত সুখভর হইলেও সে সময় সুশিক্ষিতা শিক্ষয়িত্রীর একান্ত অভাব ছিল—সুতরাং মার্গারেট অল্পবয়স্ক হইলেও বাৎসরিক ৭০।৮০ গিনি উপার্জনের আশা করিতেছিল।

জুনের একটা সুন্দর পরিষ্কার দিনে হ্যালিবার্টন মার্গারেটকে ষ্টেশনে আনিতে গেলেন। ঠিক দ্বিপ্রহরের সময় তিনি ষ্টেশনে পৌঁছাইলেন তাহার অল্পক্ষণ পরেই ট্রেন ষ্টেশনে আসিয়া পৌঁছিল।

মার্গারেট ভিতরে বসিয়াছিল। সে এখন বেশ লম্বা হইয়াছে—দেহ সুগঠিত, সুন্দর মুখখানি আরো যেন সুন্দর দেখাইতেছিল। সে মুখে দৃঢ়প্রতিজ্ঞা ও মানসিক তেজের চিহ্ন সুস্পষ্ট অঙ্কিত। মার্গারেটের গুণও ছিল দোষও ছিল—তাহার একটা প্রধান দোষ—সে বড় “একরোকা” মেয়ে। হ্যালিবার্টন সাহায্য করিবার পূর্বেই সে নিজেই হাসিতে হাসিতে গাড়ীর দরজা খুলিয়া নামিয়া পড়িল।

হ্যালিবার্টন সাদর সম্ভাষণ জানাইয়া জিজ্ঞাসা করিলেন—মার্গারেট, তোমার বাক্য সম্বন্ধে সংবাদ কি? এবার তারা সঙ্গে এসেছে তো?

মার্গারেট হাসিয়া উঠিল। “হাঁ,

আবার! বড়দিনের মত এবার আর তাদের রাস্তায় হারিয়ে আসিনি! পোড়া ছেলে কবার আর আগুনের কাছে যায় বল? তুমি ঐ কথা নিয়ে আমাকে “খোঁটা” দিতে কিছুতেই ছাড়বে না! কিন্তু ভেবে দেখ তাতে আমার দোষ কি ছিল—সে তো গার্ডেরই দোষ!”

অল্পক্ষণের মধ্যে হ্যালিবার্টন, মার্গারেট এবং মার্গারেটের বাক্স ঘোড়ার গাড়ি চড়িয়া বাড়ী অভিমুখে ছুটিল। মার্গারেট বলিল—“এখন আমাকে সকলের সংবাদ দাও। মা কেমন আছেন?”

“তিনি ভাল আছেন। আমরা সকলে ভাল আছি। জেন তো খুবই ভাল আছে।”

“আর আমার ক্ষুদে উইলিটা?”

“ওঃ তার যা ছুঁমি বেড়েছে! তার আবার কি হবে! তোমার দিদিকে আমি ব'লেছিলুম শীঘ্রই তার জন্তে বেত ধ'রতে হবে।”

“আহা! দিদি তোমার কথা শুনলে আর কি! দিদির বুদ্ধি শুদ্ধি আছে। তার পর, নতুন খুকিটা কেমন হ'য়েছে? বেশ সুন্দর হ'য়েছে তো?”

“জেন তো মনে করে—ভারি সুন্দর। আমার আশ্চর্য্য বোধ হচ্ছে তোমার দিদিটা এখনও তার এমন সুন্দর মেয়েটার ফটো তোলাচ্ছে না কেন!”

“তার নামকরণ হ'য়েছে?”

“হয়েছে। জাতকর্ম উৎসব তোমার আসার অপেক্ষায় বাকী আছে।”

“কি নাম হ'য়েছে?”

“জেন”

“ছিঃ—ছিঃ! দিদির কথার কিছু ঠিক থাকে না! দিদি আমার কাছে অঙ্গীকার ক'রেছিল তার নাম হবে—মার্গারেট। সে তার নিজের নামটার লোভ ছাড়তে পারল না!”

“আমিই ও নামটা পছন্দ ক'রেছি।”

“নিজের বউয়ের নামটা তোমাকে মিষ্টি লাগতে পারে—সবাইকার নাও লাগতে পারে।”

“তা এতে এত দুঃখ কেন? এর পরের বার তোমার নামই রাখা যাবে।”

মার্গারেট হাসিল। তার পর সে বলিল—“তোমার নিজের হাল চাল কেমন?”

“বেশ কেটে যাচ্ছে এক রকম মন্দ নয়। দিনের সনস্ত সময়টাই একটা না একটা কাজে ব্যস্ত থাকি।”

“তোমার চেহারা দেখে কিন্তু মনে হচ্ছে না তুমি বেশ ভাল আছ। তোমাকে রোগা আর ক্লান্ত দেখাচ্ছে।”

“আমি আর মোটা কোন্ কালে? আর আমার যে কাজ তাতে মাহুষ শ্রান্ত হয়ই। কিন্তু মোটের উপর আমি তো বেশ ভালই আছি।”

“ফ্রান্সিস কি ছুটীতে বাড়ী আসবে?”

“না। সে এবার নরফোকে এক ভদ্রলোকের বাড়ীতে ছুটী কাটাতে। এ ছুটীতে সে তাঁর ছেলেদের পড়াবে। ফ্রান্সিস খুব পরিশ্রমী—খুব অধ্যবসায়ী।”

“ঠিক রবার্টের উল্টো ব'লে আমার মনে হয়।”

“হাঁ, ও ভাবে কতকটা তাই পটে।”

মার্গারেট এইবার গভীর ভাবে জিজ্ঞাসা করিল—রবার্টকে নিয়ে বেশ গোলমাল হ'য়েছে, না? তাকে কাজ হ'তে ছাড়িয়ে দিয়েছিল, না?”

“তাকে ছাড়াবে বলে নোটিশ দিয়েছিল। আমি আবার কার্য্যাধক্ষদের সঙ্গে দেখা ক'রে, তাঁদের অহুন্নয় বিনয় ক'রে—পুনরায় তাকে রাখতে রাজী ক'রেছি। রবার্ট এই ব্যাপারে খুব ক্ষুব্ধ হ'য়েছে—তার কোন কথা গায়ে ময় না। রবার্টের অভিপ্রায় ভাল—কিন্তু তার মন চঞ্চল। আর তার কাজ ভাল লাগে না—সে এখন সময় নষ্ট ক'রছে। সওদাগরী কারবারে এরকম চঞ্চলচিত্ত লোককে রাখতে কেউ পছন্দ করে না।”

গাড়ী হ্যালিবার্টনের গৃহদ্বারে আসিয়া লাগিল। মার্গারেট কাহাকেও সাহায্য করিবার অবসর না দিয়া তাড়াতাড়ি নামিয়া পড়িল। পূর্বেই বলিয়াছি তাহার প্রকৃতিটা কিছু “একরোকা” রকমের। সে কতকটা সুবুদ্ধি, গান্ধীয়াসম্পন্ন শান্ত-প্রকৃতি জেনের উল্টা ছিল।

মার্গারেট সজোরে মাতাকে আলিঙ্গন করিয়া ছুটিয়া গিয়া পূর্ণ আবেগে জেনকে আলিঙ্গন করিল এবং তাহার পর তাড়াতাড়ি একটা ছই বৎসরের ভদ্রলোক—বে জেনের কাপড় ধারিয়া আপনার বড় বড় সুন্দর চক্ষু ছুটী মার্গারেটের উপর নিবন্ধ করিয়া একদৃষ্টে তাহার দিকে তাকাইয়া ছিল—সেই ভদ্রলোকটিকে আপনার কোলে তুলিয়া লইল।

“আরে ছুঁ উইলি—এরই মধ্যে মাসি মার্গারেটকে ভুলে গেছস? ছিঃ ছিঃ বোকা ছেলে!”

মার্গারেট উইলিকে কোলে করিয়াই ঘরের এক কোণে লইয়া গেল। সেখানে তাহাদের পুরাতন পরিচারিকা মেরি ছই মাসের একটা শিশুকে কোলে করিয়া খেলা দিতেছিল। শিশুটির সুন্দর ডাগর ডাগর চোখ। মার্গারেটের চীৎকার ও গোলমালে তার চক্ষুও মার্গারেটের উপর পড়িয়াছিল। “ওরে উইলি, খুকি তোর চেয়ে কত সুন্দর হ'য়েছে! আর আমি তোকে কোলে নেব না। মেরি, একটু দাঁড়াও, এখন তোমার সঙ্গে কথা বার্তা কচ্ছি। আগে আমাকে এই সুন্দর জিনিসটা কোলে নিতে দাও!”

উইলিকে কোল হইতে মাতীতে নামাইয়া দিয়া সে মেরির কোল হইতে খুকীকে সজোরে আপনার বুকে উঠাইয়া লইল। তাহার পর সে এমন আবেগে তাহার ছোট কচি মুখখানিতে চুম্বার উপর চুম্বা খাইতে লাগিল যে, সে বেচারী মাসিমার আদরের আতিশয্যে একেবারে চীৎকার করিয়া কাঁদয়া উঠিল। জেন আসিয়া তাহার উদ্ধার সাধন করিল।

“মার্গারেট, তুমি এখন খুকীকে মেরির কোলে দিরে উপরে তোমার ঘরে চল—কাপড় চোপড় বদলে একটু ঠাণ্ডা হবে এস। তুমি অনেকক্ষণ কিছু খাও নি—কিছু খাবে চল।”

“দিদি, আজ এত ক্ষিদে পেয়েছে যে আমার খাওয়া দেখে তুমি নিশ্চয় চমকে

যবে। বাড়ী আসবার আনন্দে কাল হ'তে কিছু খেতে পারিনি। আশা করি আমার জন্মে খাবার দাণ্ডা বিশেষ বন্দোবস্ত ক'রেছে।”

“তুমি যা ভালবাস তোমার জন্মে তাই ক'রে রেখেছি—সুপু, রোষ্ট, চপু—

“দিদি, তুমি কি গোছাণে মেয়ে ভাই! তোমার কি সুন্দর বুদ্ধি দিদি।”

মার্গারেট যখন জেনের সহিত সে ঘর হইতে চলিয়া যাইতেছিল, তখন গৃহিনী ডাকিলেন—“মার্গারেট—”। মার্গারেট পশ্চাৎ ফিরিয়া বলিল—“কেন মা?”

“মা, এসেই যে ভাবে ছেলেদের সঙ্গে আদর ক'রেছ, আশা করি বরাবর এমনটা ক'রবে না। তা হ'লে তুমি শীঘ্রই এই শান্তিপূর্ণ নিস্তরু বাড়ীখানিকে একেবারে হটুগোলে ভ'রে তুলবে!”

“তোমার একটা মেয়ে পারে ব'লে সবাই তো আর মুখ সেলাই ক'রে থাকতে পারে না! আমি চেষ্টাব, ছেলেদের আদর ক'রব এ তোমাদের সহিতেই হবে।”

মার্গারেট হাসিয়া জেনের সহিত সে ঘর হইতে বাহির হইয়া গেল।

ইহা বড় আশ্চর্য্য যে, অনেক সময় সংসারের কার্যাবলী আমাদের আশা ও আকাঙ্ক্ষারূপ না হইয়া ঘটনা ও দৈব-চক্রে অগুরূপ হইয়া দাঁড়ায়। যে দিন মার্গারেট ছুটীতে প্রথম বাড়ী আসিল সে দিন যদি কেহ গৃহিনীকে প্রশ্ন করিত—মার্গারেট ভবিষ্যৎ জীবনে কি হইবে?—তবে তিনি এই প্রশ্নে নিরতিশয় বিন্মিত হইতেন। তিনি বলিতেন—“কেন!

নিশ্চয়ই শিক্ষয়িত্রী হইবে; ইহাতে আবার সন্দেহ কি?” মানুষ যতটা বুঝিতে পারে তাঁহার মনে এ বিষয়ে কোনই সন্দেহ ছিল না। কিন্তু এমনি নিয়তির চক্র—মার্গারেট ভবিষ্যৎ জীবনে কন্মিন কালেও শিক্ষয়িত্রী হয় নাই!

(ক্রমশঃ)

শ্রীবিনয়ভূষণ সরকার।

নারী-কীর্তি ।

[শ্রাবণ মাসের ভারত-মহিলা হইতে উদ্ধৃত।]

সংবাদপত্র পাঠে, শিক্ষিত পাঠক পাঠিকাগণ শ্রীমতী সরলাসুন্দরী দেবী ও শ্রীমতী চপলাসুন্দরী দেবীর নরহত্যা-মোকদ্দমার সংক্ষিপ্ত বিবরণ অবগত আছেন।

এই তেজস্বিনী বালিকাদয়, স্বীয় সতী ধর্ম রক্ষার জন্ত যে প্রকার অদ্ভুত সাহসের পরিচয় প্রদান করিয়াছেন, তাহা সমগ্র নারীজাতিরই গৌরবের বিষয়।

জগতের যাবতীয় সভ্যসমাজেই স্ত্রী-জাতির সতীত্ব একটি অমূল্যরত্ন; হিন্দু-ললনাগণের পক্ষে সতীত্বই স্ত্রীজাতির একমাত্র সারধর্ম। সেই অমূল্যরত্ন, সেই সারধর্ম রক্ষার উদ্দেশ্যে ধর্মপ্রাণা হিন্দু-ললনাগণ যুগযুগান্তর ধরিয়া অতুলনীয় সাহস ও আত্মত্যাগের পরিচয় প্রদান করিয়া আসিতেছেন।

কিন্তু যে যুগে এই ভারতবর্ষ সভ্যতার আদর্শে সমগ্র জগতের শীর্ষস্থানে অবস্থিত ছিল, সরলা চপলা সেই যুগের বালিকা

নহেন; যে যুগে এই ভারতবর্ষে সীতা, সাবিত্রী প্রভৃতি প্রাতঃস্মরণীয়া সতীবৃন্দ আবির্ভূতা হইয়াছিলেন উঁহারা সেই যুগের সতী নহেন; যে যুগে জগদ্বিখ্যাত বীরপ্রণয় রাজপুতকুলসম্ভূত! সতীললনাগণ, সতীধর্ম রক্ষার উদ্দেশ্যে জলন্ত হুতাশনে জাবনাহাত প্রদান করিয়াছিলেন তাঁহারা সেই যুগের ললনাও নহেন; কিংবা বর্তমান যুগের পাশ্চাত্য সভ্য সমাজের—সুশিক্ষিতা, স্বাধীনপ্রাণা, স্বাভাবিক প্রয়াসিনী স্ত্রীমন্তিনীও নহেন; এমন কি তাঁহারা বর্তমান সময়ের স্কুল-কলেজে পড়া, সুশিক্ষিত বঙ্গমহিলাসমাজের বালিকাও নহেন। পক্ষান্তরে তাঁহারা পল্লানিবাসা নিতান্ত নিরীহ ও দুর্বল বঙ্গালী ব্রাহ্মণের ক্ষণাঙ্গিনী কন্যা, অসুখ্য-স্পষ্টা বঙ্গকুলবধু, এবং আজন্ম পল্লীসমাজের ভীষণভাবে অশিক্ষিতা রমণীগণের সংসর্গে, হিন্দু-অস্তুঃপুরের অলঙ্ঘনীয় অবরোধ প্রাচীরের এক কোণে, অগুপ্তিত মস্তকে অবস্থান করিয়াও সতীত্বের যে জলন্ত আদর্শ অঙ্কিত করিয়াছেন, তাহা ভাবিলে আশ্চর্য্যান্বিত হইতে হয়।

আমরা নিম্নে এই ঘটনার সংক্ষিপ্ত বিবরণ প্রদান করিলাম।

শ্রীযুক্ত কুঞ্জমোহন ভট্টাচার্য্য ও শ্রীযুক্ত প্যারীমোহন ভট্টাচার্য্য দুই সহোদর ভাই। উঁহাদের নিবাস ঢাকা জেলার ভাটপাড়া গ্রামে। কুঞ্জমোহনের পত্নীর নাম সরলা ও প্যারীমোহনের পত্নীর নাম চপলা। সরলার বয়স ১৯ বৎসর ও চপলার বয়স ১৮ বৎসর।

কুঞ্জমোহন ও প্যারীমোহনের জাতি ভাই শ্রীযুক্ত বসন্তকুমার ভট্টাচার্য্য অবস্থা: পন্ন লোক, নিঃসন্তান; কাজেই একটি দত্তক পুত্র গ্রহণ করিয়াছিলেন। সেই পুত্রের নাম রাখিয়াছিলেন বিনোদবিহারী। বিনোদের বয়স ২০ বৎসর। লেখাপড়া ভাল শিখে নাই, বরং স্বভাবদোষে মদের মহেশ্বর ও গাঁজার গঙ্গাধর হইয়া সাধারণ পোষ্যপুত্রদের সর্ববিধ গুণে গুণধর হইয়াছিলেন। শুনা যায় সেই গ্রামে বিনোদের ছায় আরও কয়েকটি গুণধর জন্মগ্রহণ করিয়াছেন, এবং তাঁহারা সকলে জুটিয়া একটি গুণ্ডার দল গঠন করিয়াছিলেন। আরও শুনা যাইতেছে যে বিগত দুই তিন বৎসর যাবৎ এই গুণ্ডাদের জালায়, সেই গ্রামের অনেক গৃহস্থেরই ঘুমের ব্যাঘাত ঘটয়াছিল।

প্রায় দুই বৎসর যাবৎ ঐ দলের কয়েকটি গুণধর সরলা ও চপলার পেছনে লাগিয়া, তাঁহাদের সতীত্ব হরণ কারবার অভিপ্রায়ে, নানা প্রকার প্রীতি প্রলোভন ও উৎপাত উৎপীড়ন করিয়া আসিতেছিল। সরলা চপলা উঁহাদের উৎপাত সহ্য করতে না পারিয়া, তাঁহাদের নিজ নিজ স্বামীকে, স্বীয় আত্মীয় স্বজনকে, ও অংশেষ বিনোদের পিতামাতাকে পর্য্যন্ত ঐ সকল কথা জানাইয়াছিলেন। কিন্তু দুঃখ্যবশতঃ কাহারও দ্বারা কোন প্রতিকার হয় নাই। বিগত ১৩১৬ সালের ১১ই চৈত্র শুক্রবার রাত্রিতে সরলার স্বামী ঢাকা যাওয়ার সরলা ও চপলা এক ঘরে শয়ন করেন। রাত্রি অল্পমান ১২টার

সময় উভয়ে একবার বাহিরে যান, এবং ফিরিয়া আসিবার সময় তাঁহাদের অনতিদূরে ঐ দলের দুইটি গুণ্ডাকে দেখিয়া তাড়াতাড়ি ঘরে গিয়া কবাট বন্ধ করেন। কিন্তু বিছানার নিকট যাইয়া দেখেন যে বিনোদবিহারী পূর্বেই ঘরে ঢুকিয়া রহিয়াছে। ঘরে বাহিরে সমানে গুণ্ডার অবির্ভাব দেখিয়া তাঁহারা ক্ষণকাল কিংকর্তব্যবিমূঢ় হইয়া পড়িয়াছিলেন। কিন্তু প্রত্যুৎপন্নমতিত্বের বলে অতি অল্পক্ষণের মধ্যেই স্বীয় কর্তব্য নির্ধারণ করতঃ সরলা বিনোদের অগ্রবর্তী হইয়া কতকটা আপোষের ভাব দেখাইলেন। বিনোদ তখন সফলকাম মনে করিয়া, একেবারে শয্যা উঠিয়া, অর্ধশায়িত ভাবে বসিয়া পড়িল ও সরলার হাত ধরিয়া অসদৃশ প্রায়বাক্য কথাবর্তা বলিতে বলিতে সরলাকে আকর্ষণ করিতে লাগিল। ইতাবসরে চপলা চঞ্চলগতিতে বিনোদের অলক্ষিতে একখানা তাঁক্ষধার ছুরী আনিয়া তড়িৎবেগে বিনোদের গলদেশে সবলে প্রবেশ করাইয়া দিলেন। বিনোদ তখন সরলার হাত ছাড়িয়া দিয়া, চপলার হস্তস্থিত ছুরীসহ হাত জড়াইয়া ধারল। এদিকে সরলা একখানা দা দিয়া বিনোদকে উপযুপরি আঘাত করিতে লাগিলেন। ডাক্তার সাহেবের জবানবন্দীতে প্রকাশ, চপলার ক্ষীণ হস্তের প্রথম আঘাতই এত গুরুতর হইয়াছিল যে, সেই এক আঘাতেই তৎক্ষণাৎ বিনোদের পঞ্চদশ পাইবার কথা; সুতরাং বিনোদ আর বেণী সময় ধরিয়া থাকিতে

পারিল না—অবসন্ন হইয়া পড়িয়া গেল। চপলা তখন সেই ভীষণ ছুরীর দ্বিতীয় আঘাতে বিনোদের অনিবার্য পাপতৃষ্ণার চিরনিবৃত্তি করিয়া দিলেন।

অতীত দুঃখের বিষয় যে হতভাগা বিনোদ তাহার চৌদ্দ পোনের বৎসর বয়স্কা পরমাসুন্দরী বালিকা পত্নীকে বিধবা করিয়া গিয়াছে।

অতঃপর সরলা ও চপলা দেখিলেন যে, বাহিরের গুণ্ডাঘর তখনও বাহিরে থাকিয়া দরজায় আঘাত করিতেছে। সুতরাং তাঁহারা, সমস্ত রাত্রি নিকাক নিস্পন্দভাবে, রক্তাক্ত বসন, শত্রুর শব্দেহ লইয়া ঘরে বাসিয়া রহিলেন এবং রাত্রি প্রভাত হইলে গ্রামের প্রাজ্ঞ, প্রবীণ ভদ্রলোকদিগকে আহ্বান করিয়া আনিয়া সর্বসমক্ষে ঘটনার বিবরণ বিবৃত করিলেন। কিছুকাল পর পঞ্চায়েতের প্রেসিডেন্ট আসলে তাঁহারা অপরাধ স্বীকার করিয়া জবানবন্দী দিলেন।

যথাসময়ে দারোগা শ্রীযুক্ত নাজিরুদ্দিন আহাম্মদ ঘটনাস্থলে তদন্তে আসিয়া যথাবোধ অনুসন্ধান করতঃ বালিকাদ্বয়ের অমাহুষিক কাণ্ড ও তাহাদের উক্তির সত্যতা সঞ্চক্ষে নিঃসন্দেহ হইয়া তাহাদিগকে চালান দিলেন।

মোকদ্দমা মূলতবা থাকা কালে, সম্ভবতঃ কোন বিশেষ কারণে ঢাকার আত্মরক্ত ডিপ্লীক্ট মাজিষ্ট্রেট সাহেব হঠাৎ একদিন আসামীদিগকে তলব দিয়া তাহাদের জামিন না-মঞ্জুর করতঃ হাজতে প্রদান করিয়াছিলেন। কিন্তু

সৌভাগ্যবশতঃ সেই দিনই ঢাকার সদাশয় জজ মিঃ নিউবোল্ড সাহেব জামিন মঞ্জুর করায় বালিকাদ্বয়কে হাজত ভোগ করিতে হয় নাই। অতঃপর নায়ায়গঞ্জের সবডিভিসনল মাজিষ্ট্রেট মিঃ সিটন সাহেবের নিকটেই মোকদ্দমার প্রাথমিক প্রমাণ গৃহীত হয় এবং তিনি বালিকাদ্বয়কে দায়রায় সোপর্দ করিয়াও দয়াবশে তাহাদের জামিন বহাল রাখিতে স্বীকৃত হইয়াছিলেন। কিন্তু বাদীপক্ষ তৎসময়ে বাধা প্রদান করায় জামিন দেওয়া তাঁহার ক্ষমতার বহির্ভূত বলিয়া তিনি সে বিষয়ে অস্বীকৃত হন। কিন্তু সেই দিনই ঢাকার পূর্বোক্ত সদাশয় জজ সাহেব জামিনের প্রার্থনা মঞ্জুর করায় বালিকাদ্বয়কে কোন কষ্ট ভোগ করিতে হয় নাই।

গত ১৯শে জুন তারিখে দায়রার বিচারের দিন ছিল। শুনানির তারিখে ঢাকার খ্যাতনামা সরকারী উকীল শ্রীযুক্ত শরৎচন্দ্র ঘোষ মহাশয় বলেন যে, এই মোকদ্দমার আসামীদিগের বিরুদ্ধে দণ্ডযোগ্য কোনই প্রমাণ নাই, এজন্য তিনি সদাশয় ডিপ্লীক্ট মাজিষ্ট্রেট শ্রীযুক্ত মার সাহেবের আদেশানুসারে এই মোকদ্দমা উঠাইয়া লইতে এবং আসামীদ্বয়কে মুক্তি দিতে প্রার্থনা করেন। জজ সাহেব বাহাদুর শরৎবাবুর প্রার্থনামতে মোকদ্দমা উঠাইয়া দিয়া বালিকাদ্বয়কে নির্দোষ সাব্যস্ত করতঃ মুক্তি প্রদান করিয়াছেন। এই সদাশয়তাপূর্ণ বাবহার ও ত্রায়বিচার দ্বারা ঢাকার ডিপ্লীক্ট মাজিষ্ট্রেট ও জজ সাহেব সর্বসাধারণের কৃতজ্ঞতা অর্জন করিয়াছেন।

স্বর্গগত ভাই গিরিশচন্দ্র সেন ।

(শেষ অংশ।)

ব্রহ্মানন্দ কেশবচন্দ্র সেন আপনার সমবিশ্বাসী সহপ্রচারকদিগের চরিত্রের বিশেষত্ব উত্তমরূপে নির্ধারণ করিতে সক্ষম হইয়াছিলেন। তিনি আপনার ধর্মবন্ধুগণের বিষয়ে যাহা বলিয়া গিয়াছেন তাহা তাঁহার স্বর্গারোহণের পরে অনেক বৎসর পর পর্য্যন্ত যাহারা পৃথিবীতে বাস করিয়াছেন তাঁহারা আপনাদিগের দীর্ঘজীবনে তাঁহার দর্শনের সত্যতা প্রমাণ করিতেছেন। ব্রহ্মানন্দ ভাই গিরিশচন্দ্রকে “সত্যবাদী” আখ্যা দান করিয়াছিলেন। কেশবচন্দ্র আপনার সহ সাধক ও সহ প্রচারকগণ সকলকেই অবশ্য সত্যবাদী ধার্মিক লোক বলিয়া বিশ্বাস করিতেন। তাঁহাদের মধ্যে ভাই গিরিশচন্দ্রকে বিশেষভাবে সত্যবাদী বিশেষণ কেন দিলেন, ইহা অল্প লোকে সহজে বুঝিতে পারিবে না, কিন্তু যাহারা ভাই গিরিশচন্দ্রের চরিত্র উত্তমরূপে জানিয়াছেন তাঁহারা দেখিতে পাইয়াছেন যে লাভ ক্ষতি, সম্মান অপমান বা অল্প কোন দিকে দৃষ্টি না রাখিয়া প্রাণের আগ্রহে সত্য বলা ভাই গিরিশচন্দ্রের স্বভাব ছিল। আমরা সকলেই সত্য কথা বলিতে ইচ্ছা করি, কিন্তু অসুবিধাজনক হইলে তাহা হয়ত সেভাবে বলি না। সরল সত্যনিষ্ঠ গিরিশচন্দ্র সত্যের অনুরোধেই সত্য বলিতেন, এখানে কোন বিষয় বুদ্ধি খাটাইতে জানিতেন না। এই সত্যবাদীতার জগ

তঁাহাকে অনেকস্থলে অত্যন্ত অপিয় হইতে হইয়াছে। তঁাহার প্রতি বাঁহারা অসম্বন্ধে তাঁহাদিগের অনেক সময় অসম্বন্ধি কারণ তাঁহার সবল অবিমিশ্রসত্যবাদিতা। সাধারণ সত্যবাদী লোকে কোন ঘটনা কাল, দেশ বালি ইত্যাদি বিষয় বলিতে সত্যবাদী হইতে চেষ্টা করেন। আপনাব মত বা ভাব যে ঠিক ঠিক অন্যকে বলিতে হইবে তাহা মনে করেন না। কিন্তু গিরিশচন্দ্র যেমন অন্য সকল বিষয়ে সত্যবাদী ছিলেন আপনার মনের ভাব, মত বা অবস্থা বিষয়ে সেইরূপ সত্যবাদী ছিলেন। এইজন্য অনেক সময়ে তাঁহার সত্যবাদিতা লোকের নিকট তাঁহাকে অপিয় কবিত, কিন্তু তিনি চিরদিন সত্যবাদী সত্যপিয় ছিলেন। নববিধানের পেরিত পচারকদিগের দলের একজন বলিয়া তিনি চিরদিন জগতে আদত হইবেন এবং তীব্র সত্যনিষ্ঠার জন্ত তাঁহার চরিত্রের প্রভাব চিরদিন সত্যের জয় ঘোষণা করিবে।

স্বর্গগত সেন মহাশয়ের চরিত্রের বিষয় সংক্ষেপে লেখা শেষ করিবার পূর্বে মহিলাগণ বিষয়ে তাঁহার চিরদিনের শিক্ষা, উপদেশ ও আদেশটী না লিখিলে ইহা অত্যন্ত অপূর্ণ থাকিয়া যাইবে। সে বিষয়টি এই মহিলাগণ যেন বিলাস ও স্বার্থপরায়ণা না হইয়া ধর্মশীলা, গৃহ-কার্যে দক্ষা এবং পরসেবা-পরায়ণা হন। তিনি নিরামিষভোজী ছিলেন। কোন ধর্ম্মাশ্রিত পবিবারে মৎস্য মাংস ভোজনের আধিক্য দেখিলে দ্বংধিত হইতেন। তাঁহার সহ প্রচারকগণ ভোজন ও পরি-

চ্ছদ বিষয়ে বিলাসী হইয়াছেন দেখিলে তিনি ন্যায়িক কেশ পাঠতেন। গৃহস্তের গৃহ সকল স্থখ স্বচ্ছন্দভাবে ব্যবস্থা ও স্থান আছে কিন্তু গৃহ একটি উপাসনার স্থান নাই। কিন্তু দীন দরিদ্র অতিগি অভাগতগণের সেবার কোন ব্যবস্থা নাই। এরূপ দেখিলে বড় ক্ষুব্ধ হইতেন। গরীবগণকে পনঃ পনঃ উপদেশ দিতেন যে তাঁহারা যেন ধর্ম্মসাধক ও দীন দ্বংধি-গণের সেবা যতদূর সম্ভব নিজহস্তে করেন। তাঁহার এই শিক্ষার ভিতরে মহিলাজাতির বিশেষ নারীজাতির সার ও সত্যধর্ম্ম নিহিত আছে। আশা করি তাঁহার এ বিষয়ের শিক্ষা এখন সকলে গ্রহণ করিবেন।

শ্রদ্ধেয় সেন মহাশয়ের চরিত্রে অনেক দেবগুণ ছিল। আমরা আশা করি অনতিদীর্ঘকাল মধ্যে তাঁহার একখানি জীবন-চরিত বচিত হইয়া তাৎপসমালার এক সংখ্যা বন্ধি করিবে। গিরিশচন্দ্রের গুণগ্রাহী কোন বন্ধ একাধা অবশুই নীচ প্রবৃত্ত হইবেন। মহিলা পত্রিকায় পাঠিকা ও পাঠকগণের জন্ত এই প্রবন্ধ দীর্ঘ করিতে ইচ্ছা করি না। বাঁহারা তাঁহার জীবনের বিস্তৃত ইতিহাস জানিতে ইচ্ছা করেন তাঁহারা তাঁহার 'আত্মজীবন' গ্রন্থ পাঠ করিলে সর্বিশেষ জ্ঞাত হইবেন। এই পুস্তক 'মহিলা' আফিসে প্রাপ্তব্য, মূল্য এক টাকা মাত্র। আত্মজীবনে ভাই গিরিশচন্দ্র আপনার 'উইল' পত্র ও প্রকাশিত করিয়াছেন, তাহাতে তাঁহার স্থাবর অস্থাবর সমস্ত সম্পত্তি কে পাইবেন

এবং কি ব্যবহার হইবে তাহা লিখিয়া গিয়াছেন। এই উইলপত্রের বিশেষত্ব এই যে তিনি যেমন স্বাভাবিক সরল লোক ছিলেন দায়ভাগ বিষয়েও ঠিক নিজ স্বভাবের অমায়ী ব্যবস্থা করিয়া গিয়াছেন। তাঁহার পৈতৃক বাসগৃহ এবং ভূ-সম্পত্তি তাঁহার ভ্রাতৃপুত্রগণকে দান করিয়াছেন। কিন্তু তাঁহার পরিশ্রম দ্বারা বাহা অর্জিত হইয়াছে তাহা উত্তরাধিকারীগণকে দান করেন নাই। তিনি নিজেও যেমন নিজের অর্জিত অর্থ ব্যবহার করিতেন না, সমাজের কার্যে পুস্তক মুদ্রাঙ্কণে অথবা দানে ব্যয় করিতেন তেমনই তাঁহার স্বর্গারোহণের পর তাঁহার পরিত্যক্ত পুস্তকাদি হইতে বাহা লাভ হইবে তাহা তাঁহার জন্মভূমি পাঁচদোনা গ্রামের দরিদ্র বিধবা, অনাথ শিশু বা অপার অত্যন্ত অসহায় ব্যক্তির সেবায় ব্যয় হইবে এবং প্রচারাশ্রমের ব্যয় নির্বাহ হইবে। আমরাদিগের পিতা পিতৃব্যতুল্য ঋণিচরিত্র শিক্ষক ও ধর্ম্মাচরণে দৃষ্টান্তস্থল পূজনীয় প্রাচীনগণ একে একে চলিয়া যাইতেছেন। তাঁহাদিগের মহৎ কার্য সকল, আত্মসংযম, ধর্ম্মনিষ্ঠা, পরহিতে রত স্বভাব আমরাদিগকে জীবনের কর্তব্যসাধন বিষয়ে কত সাহায্য ও আলোক প্রদর্শন করিয়া যাইতেছে তাহা আমরাদিগের সাবধানতা ও বিনয়ের সহিত দেখিয়া শিক্ষালাভ করা উচিত। মহিলা পত্রিকা গিরিশচন্দ্রের অত্যন্ত প্রিয়-সামগ্রী ছিল। ইহার পাঠিকাগণকে সুশিক্ষা, উন্নতি, ও আনন্দ দান করিতে তিনি কায়মনোবাক্যে

চিরদিন যত্ন করিতেন। বাঁহারা মহিলাতে শিক্ষাপদ নারীজাতির উন্নতি সাধক বিষয় লিখিয়া ইহার সাহায্য করিবেন তাঁহারা তদ্বারা ভাই গিরিশচন্দ্র সেনের প্রতি শ্রদ্ধা প্রকাশ করিবেন।

ভিক্টোরিয়া মহিলা বিদ্যালয় ।

গতবারে আমরা ভিক্টোরিয়া মহিলা বিদ্যালয়ের বিষয় বাহা লিখিয়াছিলাম তাহা পাঠ করিয়া একটী বন্ধু আমাদের উপর স্ববিরোধীতার অভিযোগ প্রদান করিয়াছেন। তাঁহার অভিযোগ এই যে যদি আমরা মহিলাগণকে বিশ্ববিদ্যালয়ের উচ্চ পরীক্ষার জন্ত শিক্ষা দান করি, কার্যতঃ যদি আমরা বিশ্ববিদ্যালয়ের শিক্ষার বিরোধী হই তাহা হইলে আমরা শিক্ষয়িত্রী নিযুক্ত করিবার সময় বি, এ, উপাধিধারিণী শিক্ষয়িত্রীর অন্বেষণ করি কেন? আমরাদিগের এই সমালোচক বন্ধু আমাদের প্রকৃত মত বুঝিতে পারেন নাই মনে হয়। যে সকল কুমারী বিশ্ববিদ্যালয়ের উচ্চ পরীক্ষায় উত্তীর্ণ হইয়া শিক্ষয়িত্রীর কার্য করিবেন, তাঁহাদিগের উচ্চ শিক্ষার আমরা বিরোধী হইব কেন? তাঁহারা যত উচ্চ জ্ঞান লাভ করিবেন ততই আমরাদিগের দেশের উন্নতি হইবে। ভিক্টোরিয়া মহিলা বিদ্যালয়ের বিশেষ উদ্দেশ্য এই যে, যে সকল অভিভাবক আপনাদিগের বালিকাগণকে বিশ্ববিদ্যালয়ের পরীক্ষা দানের উদ্দেশ্যে শিক্ষাদান করিতে ইচ্ছা করেন না, কেবল তাহা-দিগকে আপনাদিগের জীবনের উচ্চ কর্তব্য

সকল তাহারা যাহাতে উত্তমরূপে সম্পন্ন করিতে পারে, সাধারণ সকল বিষয়ে জ্ঞান লাভ করিতে পারে, সাহিত্য বিজ্ঞান, নীতি, ধর্ম ইত্যাদি বিষয়ে জ্ঞান লাভ করিতে আরম্ভ করে সেই সকল বালিকা-গণকে এই স্কুলে উপযুক্তরূপে শিক্ষাদান করিবার অভিপায়। আমরা বিশ্ববিদ্যালয়ের পরীক্ষাকে ঘণার চক্ষে দেখি না, কেবলমাত্র বলি যে ঐরূপ শিক্ষা যাহারা গৃহিণী হইবেন তাহাদিগের পক্ষে নিঃস্বয়-জন্ম ও অনিষ্টকর। এই বিদ্যালয়ের অধ্যক্ষ-সভা এতদর পর্যন্ত প্রস্তুত হইয়াছেন হয়ত ভবিষ্যতে যাহারা বিশ্ববিদ্যালয়ের পরীক্ষার জগু প্রস্তুত হইবেন, তাহাদিগের শিক্ষার জগুও উপযুক্ত ব্যবস্থা করা হইবে। এবিষয় এখনও শেষ মীমাংসা হয় নাই। স্কুলের নূতন বেঞ্চ, বোর্ড, ম্যাপ প্রভৃতি আসিয়াছে। শীঘ্রই অগ্র সকল সরঞ্জামও আসিবে। আগামী অক্টোবর মাস হইতে কিণ্ডারগারটেন শিক্ষয়িত্রীর পদ স্থায়ী হইবে এবং স্থির হইয়াছে যে পূজার অবকাশের পরে অনধিক সাত বৎসর বয়সের বালকগণকেও কিণ্ডারগারটেন ক্লাসে ভর্তি করা হইবে।

স্কুলগৃহে স্থানের অভাববশতঃ সম্পাদক নিকটে অগ্র কোন বাসা ভাড়া করিয়া থাকিবেন এবং বর্তমান স্কুলগৃহের সমস্তগুলি ঘর কেবল স্কুলের জগু ব্যবহার হইবে এইরূপ স্থির হইয়াছে।

গত আগষ্ট মাসে বিদ্যালয়ের আয় ব্যয়ের সংক্ষেপ বিবরণ নিম্নে প্রকাশিত হইল।

আয়।

মহিলা শিক্ষাবিভাগে সরকারী মাসিক সাহায্য দঃ জুলাই ২২১০, ৭৫
মডেল প্রাইমারী স্কুলের দঃ সরকারী সাহায্য জুন ও জুলাই, ৬৬
মাসিক দান।

শ্রীশ্রীমতী কুচবিহারের মহারানী, ১০০
শ্রীশ্রীমতী ময়ূরভঞ্জের মহারানী, ৫০
ক্ষুদ্র টাঁদা, ৪২।।০

বার্ষিক দান।

মহারাজা মণীন্দ্রচন্দ্র নন্দী বাহাদুরের (আংশিক) ১৫০
ছাত্রীদিগের বেতন, ১৩২
শিল্পশিক্ষা, নীতিশিক্ষা প্রভৃতি বিভাগ হইতে গাড়ীভাড়ার হিসাবে, ৩১
সম্পাদকের নিকট হইতে হাওলাত, — ২।।/১০
৬৪২/১০

ব্যয়।

শিক্ষয়িত্রীদিগের বেতন, ৩০৪।।/৫
ভৃত্যদিগের বেতন, ২২৮/১০
অম্নিবাস ও গাড়ীর খরচ, ১৯৮।৫
আবশ্যিকীয়া ক্ষুদ্র ব্যয়, ১৭।১০
বাড়ী ভাড়া, ১০০
৬৪২/১০

মহিলাদিগের রচনা।

সং-সংসর্গ।

নিঃস্বলঙ্ক চরিত্র জীবনের অলঙ্কার ও অমূল্য সম্পত্তি। লোকে বিদ্বানকে আদর ও সম্মান করে, কিন্তু পবিত্র চরিত্র ব্যক্তিকে ভক্তি ও বিশ্বাস করিয়া থাকে, চরিত্রবান ব্যক্তি জন সমাজের অনুকরণ স্থল। এই সমস্ত লোকের সংসর্গই সং সংসর্গ।

মানবমাত্রেরই সংসর্গপ্রিয়, মানুষ কখনও একাকী থাকিতে পারেনা। সং সংসর্গের অশেষ গুণ, তেমনি কুসংসর্গ তাহার বিপরিত। সং সংসর্গে হৃষ্ট লোকও সাধু হয়। এবং কুসংসর্গে সাধুকেও হৃষ্টচরিত্র করে। কুসংসর্গের কুহকে পড়িয়া কত শাস্ত সরল লোক কুচরিত্র হয়। কুসংসর্গের মত সাধুকে হৃষ্ট করিবার পথ বোধ হয় আর দ্বিতীয় নাই। দৃঢ় চিত্ত ব্যক্তি বাতিত দুর্বল চিত্ত লোক সহজেই ইহার কুহকে মুগ্ধ হয়। এই জগু সংসঙ্গ সদালাপ প্রভৃতি দ্বারা চিত্তকে দৃঢ় করা কর্তব্য।

কোন দেশের একটা চিত্রকরের মনে একবার একটা সর্বাঙ্গপেক্ষা সুন্দর চিত্র অঙ্কিত করিবার ইচ্ছা হইলে তিনি অনেক ভ্রমণ করিয়া অবশেষে একটা সুন্দর পুষ্প সদৃশ কোমল শিশুকে দেখিতে পাইয়া তাহার চিত্র অঙ্কিত করিলেন। এবং কয়েক বৎসর পরে সেই চিত্রকরের মনে একটা অতি কুৎসিত চিত্র অঙ্কিত করিবার বাসনা হওয়াতে তিনি নানাস্থান

পরিভ্রমণ করিয়া পরিশেষে এক কারাগারে কয়েদী বেশে অতি কুৎসিত আকার বিশিষ্ট একটা যুবককে দেখিতে পাইয়া তাহার চিত্র অঙ্কিত করিয়া উভয় চিত্রই তিনি তাহার শয়নাগারে ঝুলাইয়া রাখিয়া দেন; ক্রমে দেখিতে দেখিতে দুই চিত্রের মুখাবয়ব সদৃশ বলিয়া মনে হইল। অবশেষে তিনি অহুসন্ধান করিয়া জানিলেন যে সেই শিশুই এই কারাগারের যুবক; কুসংসর্গে পড়িয়া তাহার এই দুর্দশা !!

এই জগু সর্বদা সাধুদিগের সংসর্গে থাকা কর্তব্য। জগাই মাধাই প্রভৃতি দস্যু ও সাধুসঙ্গে থাকিয়া সাধু হইয়া গিয়াছে। এইরূপ জগতের ইতিহাস পাঠ করিলে সং সংসর্গের শুভফল এবং অসার সংসর্গে বিষময় ফল দৃষ্টিগোচর হইয়া থাকে। অতএব সর্ব প্রযত্নে অসং সংসর্গ পরিত্যাগ করিয়া সং সংসর্গ গ্রহণ করা কর্তব্য।

আশাকুটীর, } শ্রীমতী ভক্তিসুধা দেবী।
টাঙ্গাইল। }

পরম ভক্তিভাজন শ্রীযুক্ত গিরিশ

চন্দ্র সেন মহাশয়ের পর-

লোক গমনোপলক্ষ্যে।

হুঃখ করিবার শোক করিবার

নহে আজি দিন,

হয়েছেন সাধু পরম ভক্ত

পরম ব্রহ্মে লীন।

সদা আনন্দ গিরিশ চন্দ্র
‘মহিলার’ পিতা,
তোজিল দেহ, দেখালে জীবনে
রচিত ব্রহ্ম গীতা,
চিন্ময় সেই সচ্চিদানন্দ
জয় ব্রহ্ম জয়,
তাহারি মাঝে শোভিছেন সাধু
পূণ্য জ্যোতির্য়য় ।
জনমি জগতে দেখালে শুধু
কিরূপে সাধু প্রাণ,
পর উপকার তরে দেহ মন
করিতে পারেন দান ।
মহিলা সবার উন্নতি আশে
কতই করলে যত্ন,
বঙ্গ সাহিত্যে সাজাইলে দিয়া
কত অমূল্য রত্ন ।
পরের সেবায় সঁপিয়া দেহ
অর্থ মন প্রাণ সব,
লভিতে কত যে নিরমল সুখ
আনন্দ অভিনব ।
হে বিভূ তোমারি দয়ায় হেরি
মহৎ সাধু প্রাণ,
সাধিলেন নিজ কার্য
তব চরণে পেলেন স্থান ।
নমি শ্রীচরণে প্রভু পরমেশ
লহ হৃদয়ের ভকতি,
পুণ্যের আলয় হরি দয়াময়
চরণেতে করি প্রণতি ।


কাসৌলি ।

শ্রীমতী সা—

মূল্যপ্রাপ্তি ।

১৯১০ সালের প্রথম হইতে ২২শে সেপ্টেম্বর পর্যন্ত নিম্নলিখিত মূল্যক্রমতঃ সাহিত্য প্রাপ্তিস্বীকার করিতেছি ।

শ্রীযুক্ত বাবু দামুদর পাল, বাঁকিপুর	২১
ডাক্তার চুনীলাল বসু, কলিকাতা	২১
শ্রীমতী অন্নদায়নী সরকার, ঐ	২১
” কুমুদিনা দাস, ঐ	২১
” নিমলাসুন্দরী বসু, ঐ	২১
শ্রীযুক্ত বাবু কিরণচন্দ্র ঘোষ, ঐ	২১
শ্রীমতী কিরণশাশ দাস, ঐ	২১
” সরস্বতী সেন, ঐ	২১
শ্রীযুক্ত আর, এন্, মুখোপাধ্যায় মহাশয় ঐ	২১
” দেবেন্দ্রনাথ মিত্র, অমরপুর	২১
শ্রীমতী নিশিতারা সেন, রাজসাহী	৪১
” সরোজিনাবালা রায়, কলিকাতা	২১
শ্রীযুক্ত বাবু ভুবনমোহন রায়, লক্ষ্মী	২১
” দাওয়ান কাণীকাদাস দত্ত কুচাবহার	৪১
” ডাঃ মোহনলাল সেন, ঐ	২১
শ্রীমতী জ, এন, রায় মহাশয়, কাশপুর	৫১
” কুমুমকুমারী রায়, পিঙ্গনা	২১
” এন্, কে, লাহড়া মহাশয়, কলিকাতা	২১
শ্রীযুক্ত বাবু কালীদাস দাস, খুড়ট	৮১
” বামড়ার মহারাজা, বানড়া	২১
শ্রীমতী শরৎকুমারী তালুকদার, টাঙ্গাইল	২১



মাসিক পত্রিকা ।

“যত্র নার্যন্তু পূজ্যন্তে রমন্তে তত্র দৈবতাঃ ।”

১৬শ ভাগ] ভাদ্র, ১৩১৭, সেপ্টেম্বর, ১৯১০ । [২য় সংখ্যা ।

প্রার্থনা ।

হে মঙ্গলময়ী, হে বিশেষ্বরী, তোমার সৃষ্টি ও তোমাদ্বারা মঙ্গল নিয়মে পরিচালিত এই জনসমাজে তোমার কল্যাণের কি উচ্চ স্থান, কি স্বর্গীয় অধিকার তাহা তুমি রূপা করিয়া সকল নরনারীকে বুঝিতে দেও । তুমি রূপা করিয়া তোমার কল্যাণের মনে আত্মসম্মান দান কর, তাহারা যেন আপনাদিগকে তোমার কল্যাণ জানিয়া সংসারে দেবীর মত ব্যবহার করিতে শিক্ষা করেন এবং তুমি তোমার পুত্রগণকে যত জ্ঞান ও শুভবুদ্ধি দান করিয়াছ তাহার সদ্যবহার করিয়া যেন তাহারা নারীজাতির উন্নতি সাধন করিতে সর্বদা যত্নবান থাকেন । হে সর্বমঙ্গলময়ী জননী, তোমার মঙ্গল নিয়মে মাতৃজাতির সর্বাপীন উন্নতির উপর নরজাতির সর্বাপীন উন্নতি নির্ভর করিতেছে, অথচ বর্তমান সময়ে পুরুষের উন্নতির জন্ত শত

প্রকারে চেষ্টা হইতেছে, কিন্তু নারী-জাতির উন্নতির চেষ্টা অত্যন্ত অল্প হয় । তোমার কল্যাণকে তুমি শিশু শিক্ষা, চরিত্র গঠন, গার্হস্থ্য সুখশান্তির ব্যবস্থা ও সামাজিক শুদ্ধতা রক্ষার ভার দিয়া পৃথিবীতে পাঠাইয়াছ, তাহারা তোমার কল্যাণ হইয়া গৃহে ও সমাজে লক্ষ্মীরূপে স্থিতি ও মঙ্গল সাধন করিবেন ইহাই তোমার অভিপ্রায় কিন্তু দেখ, আজও তাহারা তাহাদের উচ্চস্থান লাভ করিতে পারেন নাই, তাহাতেই নানা প্রকারের উন্নতির চেষ্টা বিফল হইতেছে । হে কৃপাময় পরম দেবতা, তোমার কল্যাণকে সকল প্রকার কুসংস্কার, অজ্ঞানত, অন্ধবিশ্বাস, বিলাসাকাজ্জা ও মোহ হইতে মুক্ত করিয়া তোমার কল্যাণকে ব্রহ্মকল্যাণ-রূপে সংসারে বিচরণ করিতে শিক্ষা দেও । হে দেব, আমরাগের এই পতিত দেশকে উন্নত করিবে ইহাই যদি তোমার অভিপ্রায় তাহা হইলে পূর্বে যাহাতে তোমার

কর্তাগণ উন্নতিলাভ করেন তাহার বিধান কর। আমরা তব পাদপদ্মে এই প্রার্থনা করিয়া বার বার প্রণিপাত করি।

ধনোপার্জন।

এসংসারে সকলকেই পরিশ্রম করিতে হয়। কীট পতঙ্গ পশু পক্ষী সকলেই আপন আপন শক্তি ও অবস্থা অনুসারে পরিশ্রম করিয়া আত্মরক্ষা, পানাহারের সংস্থান, সন্তান প্রতিপালন প্রভৃতি কার্য করিতেছে। ইতর প্রাণীসকল সংসারের-বশ হইয়া হয়ত কষ্টবোধ না করিয়া সকল কষ্ট সহ করে। সৃষ্টিতে মনুষ্যের স্থান অত্যন্ত উচ্চ, মনুষ্য ইতর প্রাণীদের গায় সমস্ত অভাব ও প্রবৃত্তির অধীন হইয়া ও স্বাধীনভাবে কার্য করিতে পারে। ইচ্ছা করিয়া কষ্ট স্বীকার করে। শক্তি, ইচ্ছা ও রুচি অনুসারে স্বাধীন ভাবে কার্য করে। এই স্বাধীনতার ভাব হইতে মনুষ্য সমাজে নানা প্রকারের পরিশ্রম বিভক্ত হইয়া পড়িয়াছে। সম্পূর্ণ অসভ্য অবস্থায় প্রত্যেক নর ও নারী আপনার জীবন রক্ষা ও জীবিকার সংস্থান করিতে পরিশ্রম করিত কিন্তু ক্রমে যত সভ্যতা লাভ হইল ততই পারিবারিক ও সামাজিক জীবনের নিয়ম সকল প্রবর্তিত হইয়া কার্যবিভাগ হইতে আরম্ভ হইল। সভ্যতা বিষয়ে বর্তমান সময়ে যতই কেন তারতম্য প্রমাণিত হউক না, সভ্যতায় সাধারণ নিয়ম এই দাঁড়াইয়াছে যে কঠিন পরিশ্রমের কার্য পুরুষে করিবে ও অপেক্ষাকৃত

অল্প কষ্টসাধ্য অথচ অত্যন্ত প্রয়োজনীয় কার্য স্ত্রীলোক করিবে। আমরা সাধারণত জানিয়া রাখিয়াছি যে, গৃহকার্য নারীর কর্তব্য, বাহিরের কার্য পুরুষের কর্তব্য। সমাজের এই বাবস্থা যেন আমাদের স্বভাবের অঙ্গীভূত হইয়া গিয়াছে। এখন যদি কোন পরিবারে দেখিতে পাই যে স্ত্রী প্রাতঃকালে বাহির হইয়া গিয়া অর্থোপার্জনের কার্য করিতেছেন এবং মধ্যাহ্নকালে ক্লান্ত হইয়া গৃহে ফিরিতেছেন এবং আহার ও বিশ্রাম করিয়া পুনরায় ২৩টার সময় বাহির হইয়া রাত্রি ৯টার সময় পরিশ্রান্ত হইয়া আসিয়া কিছু আহার করিয়া শয়ন করিলেন এদিকে স্বামী গৃহের দৈনিক কার্য করিলেন, সন্তান প্রতিপালন, রন্ধন, রোগীর শুশ্রূষা, গৃহসংস্কার প্রভৃতি কার্য করিলেন—তাহা হইলে যেন আমাদের মাথা ঘুরিয়া যায়। যেন কেমন অস্বাভাবিক মনে হয়। বর্তমান সময়ে আমাদের সমাজের ভিতরে একপ্রকার বিপ্লব উপস্থিত হইয়াছে, ইহাতে চিরদিনের প্রচলিত ও স্বভাবের অনুমোদিত অনেক ব্যবস্থা বিধ্বস্ত হইয়া যাইতেছে। শুনিতে পাই ইউরোপ, ইংলণ্ড ও আমেরিকাতে জীবন-সংগ্রাম এত ভীষণ আকার ধারণ করিয়াছে যে অধিকাংশস্থলে প্রত্যেক পুরুষ ও প্রত্যেক নারীকে আপনার জীবিকানির্বাহের জন্ত ও প্রচলিত সুখ স্বাস্থ্য রুচির নিয়মানুসারে বাস করিবার অভি-প্রায়ে কঠিন পরিশ্রম করিতে হয়। এই উচ্চ সভ্যতার শাসনে অর্থের প্রয়োজন দিন দিন বাড়িতেছে এবং নর-নারীগণ

তাহার পেষণে স্বাস্থ্য, স্বাধীনতা, ও জীবন পর্য্যন্ত হারাইতেছে। একদিকে জ্ঞান বিজ্ঞানের প্রভাবে সকল দুর্গমস্থান সুগম হইতেছে, দূরতরস্থান নিকটতর হইতেছে, অন্ধকার দূর হইতেছে, রোগের ঔষধ আবিষ্কৃত হইতেছে, পান ভোজন শয্যা পরিচ্ছদ গৃহ উপবন রাজপথ প্রভৃতি অতি সুখকর, বিচিত্র সৌন্দর্য্যে সুশোভিত হইতেছে অপরদিকে অধিকাংশ নরনারী আপনাদিগের অবস্থাকে উচ্চতর সুখ-সম্ভোগের উপযুক্ত করিতে আপনাদিগের জীবনের প্রতি যুহুর্ভূত বিক্রম করিতে উদ্বৃত হইয়াছে। আমরাদিগের সমাজ যে মহাপরিবর্তনের অবস্থাতে পতিত হইয়াছে তাহা ঠিক আমরাদিগের দেশের স্বাভাবিক উন্নততর জীবনের আদর্শ অনুসারে ঘটতেছে না। ইউরোপ প্রভৃতি দেশের সামাজিক অবস্থার বাতাস আসিয়া এখানে ঝটিকা উপস্থিত করিতেছে। প্রকৃতপক্ষে ইংরাজী শিক্ষা ইংরেজের সামাজিক বাবস্থার নকল করিবার গভীর আকাঙ্ক্ষা ও বিদেশীয়দিগের সহিত ঘনিষ্ঠতাতে এই ঝটিকা উপস্থিত হইয়াছে। আমরাদিগের দেশেও যে জীবন-সংগ্রাম পূর্বে ছিল না বা এখন নাই তাহা নয়। শ্রমজীবীদিগের মধ্যে অধিকাংশস্থলে নর ও নারী উভয়কে পরিশ্রম করিতে হয়। অধিকাংশ শিল্পকর প্রভৃতি পরিবারে নরনারী উভয়কে পরিশ্রম করিতে হয়। কৃষকদিগের পরিবার মধ্যেও প্রত্যেক ব্যক্তির পরিশ্রম করিতে হয়। কিন্তু বহুকালের প্রচলিত নিয়মে সেগুলি এত স্বাভাবিক হইয়া গিয়াছে যে

তাহাতে পরিবারের ও সমাজের কার্যের কিছুমাত্র বিশৃঙ্খলা ঘটে না। আমরাদিগের দেশের নিম্নশ্রেণীর লোকদিগের মানসিক উন্নতি হয় না, তাহার কারণ স্বতন্ত্র, কিন্তু শারীরিক ও পারিবারিক সুখ স্বচ্ছন্দতা সম্বন্ধে তাহারা উচ্চতর শ্রেণীর ব্যক্তিগণ অপেক্ষা কিছুতেই হীন নহে। কৃষক, গোপ, প্রভৃতি শ্রেণীর নারীগণ অত্যন্ত সুস্থ সবল ও সুখী হয়। আমরাদিগের সমাজের নিম্নতর অংশকে জ্ঞানের ও ভাবের উচ্চতা দান করিতে পারিলে এবং মধ্যবিত্ত ও ধনীগণের মধ্যে নারীগণের যে বিলাসে বা বৃথা কার্যে সময় নষ্ট করা চলিতেছে তাহা সংশোধন করিতে পারিলে হয়ত, স্বাভাবিকভাবে এদেশের সমাজের সংস্কৃত অবস্থা লাভ হইত কিন্তু তাহা ঘটবার নয়। বিদেশের আদর্শ আসিয়া আমরাদিগের সমাজকে আক্রমণ করিয়াছে এবং যে উচ্চতর ভোগবিলাস, বা সুখসম্ভোগের তাড়নায় পড়িয়া ঐ সকল দেশের নরনারীকে ক্রীতদাসের মত পরিশ্রম করিতে হইতেছে আমরাদিগের দেশেও তাহাই উপস্থিত। আমরাদিগের অনেক পরিবারে নারীগণ উপার্জন করিতেছেন। এখন নারীগণের পক্ষে ধনোপার্জন করা একটা কার্যের মধ্যে দাঁড়াইয়াছে। একথা সত্য যে কোন কোন স্থলে নারীগণের পক্ষে ইহা স্বাভাবিকভাবে উপস্থিত হইয়াছে। যেমন একটি কুমারী কিছু দূর পর্য্যন্ত বিদ্যাশিক্ষা করিয়া আর অধিক শিক্ষা করিবার সুযোগ পাইলেন না অথবা বিদ্যাশিক্ষা শেষ করিয়াও বিবাহিত জীব-

নের জ্ঞান অপেক্ষা করিতে বাধ্য হইলেন, তখন যদি আপনার সময়ের ও শক্তির সংব্যবহার করিতে শিক্ষাদান বা ঐরূপ কোন কার্য গ্রহণ করেন এবং তাহার পরিবর্তে কিছু অর্থ গ্রহণ করেন তাহা অত্যন্ত গ্ৰায্য ও হিতকর কার্য হইল। যদি কোন নারী চিকিৎসা বা গৃহশ্রম বিদ্যা শিক্ষা করিয়া গার্হস্থ্য জীবন প্রাপ্ত না হন অর্থাৎ যদি অবিবাহিতা অথবা বিধবা হইয়া জীবনযাপন করেন তাহা হইলে তিনি জনসেবা করিয়া যাহা পারিশ্রমিক প্রাপ্ত হইবেন তাহা দ্বারা আপনার অভাব দূর করিতে পারেন ও প্রয়োজনানুসারে অত্রের সাহায্য করিতে পারেন। ইহাতেও কোনরূপ দোষ হয় না। কিন্তু যেহেতু নারীগণ জনসমাজে পুরুষের কার্য করিতেই যোগ্যতা লাভ করেন ও আফিসের কেরানীগিরি, কি ডাকঘর, রেলের ষ্টেশন প্রভৃতিতে কর্ম গ্রহণ করেন সেরূপ অবস্থাতে সমাজের মন্ডস্থানে গুরুতর আঘাত লাগে। রূপকথায় শুনিয়াছি যে এক রাজা হুকুমজারি করিয়াছিলেন যে তাঁহার রাজ্যে দিনকে রাত করা হইবে এবং রাতকে দিনের মত ব্যবহার করা হইবে। তেমনই এখানকার স্বাধীনতা স্পৃহা ও বিকৃতভাব নারীকে পুরুষ হইতে আদেশ করিতেছে। যাহারা নারী হইয়াও পুরুষের স্থায় অর্থোপার্জন করিতে চাকরী করেন তাহারা হয়ত বলিবেন যে উপযুক্ত-পাত্র জুটিল না বলিয়া বিবাহ করা হইল না অথবা হইতে পারে যে বিবাহ করিয়া কতকগুলি সন্তানগ্রস্ত হইয়া দারিদ্র্যবৃদ্ধি

করা অতি অগ্ৰায় এজ্ঞ বিবাহ না করিয়া চাকরী আরম্ভ করিলাম। বস্তুত অনেক নারীর জীবনে বিবাহ বিষয়ে একটা অত্যন্ত উচ্চ-আদর্শ সম্মুখে রাখা অনর্থের কারণ হয়। যদি কাল্পনিকভাবে আদর্শ স্থাপন করিয়া মনকে অস্বাভাবিক করিয়া ফেলা হয় তাহা হইলে মানুষ আপনার প্রকৃত অবস্থা বুঝিতে পারে না এবং বিবাহ বিষয়েও অন্তর্য়ামী দেবতার ইঙ্গিত ধারণা করিতে পারে না। তখন কুমারীগণ আপনাদিগের অবস্থার অতীত বর পাইতে ইচ্ছা করিয়া নিরাশ হন ও অর্থোপার্জন করিয়া স্বাধীনভাবে দায়িত্বশূন্য জীবনযাপন করিতে প্রবৃত্ত হন। ইহার ভিতরে গুঢ় সত্য এই যে বিধ-নিয়ন্তা তাঁহার জ্ঞান যে ব্যবস্থা করিয়াছিলেন তাহা অগ্রাহ করিয়া নারী আপনার ব্যবস্থা আপনি করিতে প্রবৃত্ত হন। এপথে দুঃখ, বিপদ, শূন্যতা, পাপ প্রলোভন চিরদিন বর্তমান থাকে। ক্রমে ক্রমে সমাজ, সৃষ্টি, স্রষ্টা সকলের প্রতি অশ্রদ্ধা ও বিদ্বেষ জন্মে। যাহারা পুত্র কন্যার ভারগ্রস্ত হইবার ভয়ে বিবাহ করেন না এরূপ নারীও হয়তো বিরল নহে। তাঁহারা আপনাদিগের উপর সংসার রক্ষার ভার লইয়া কল্পনার নিকটই রণে ভঙ্গ দিয়া পলায়ন করেন। বস্তুতই বর্তমান যুগের আদর্শ অগ্রসারে সচ্ছলভাবে জীবনযাপন করিতে সকলেই অত্যন্ত বাস্তব। একটি চাকর বা চাকরাণী ও একটি রাঁধুনী না হইলে গৃহস্থের চলে না এই আদর্শ সম্মুখে রাখিয়া গরীব গৃহস্থ অস্বথী হইতে আরম্ভ করেন। আপনি ত্রিশ টাকার অধিক উপার্জন

করিতে পারেন না—তাহাতে চাকরাণী ও রাঁধুনী রাখা সম্ভব নয়, এজ্ঞ স্ত্রীকেও চাকরী করিতে দিলেন যে তিনি আর ২০ টাকা উপার্জন করিলে ভদ্রভাবে বাস করিতে পারিবেন। ইহাতে সন্তান-গণের পক্ষে কত অনিষ্ট হইল, নারী-স্বভাবের উপর কত উৎপীড়ন করা হইল, পারিবারিক সুব্যবস্থার কত ব্যাঘাত হইল তাহা ভাবিবারই অবসর হইল না। কারণ প্রথমেই স্থির করা হইয়াছে স্বামীর অর্জিত ত্রিশ টাকার উপর আর ২০ টাকা না হইলে কিছুতেই চলে না। প্রত্যেক ব্যক্তির গ্ৰায়সঙ্গত আয় তাহার নিজের ও পরিবারের পক্ষে যথেষ্ট; অর্থাৎ অনন্ত ঐশ্বর্যশালী স্বর্গীয় পিতা তাহাকে তাহার পার্থিব অভাব মোচনের জ্ঞান সেই ধন দান করিয়াছেন। ইহা বিশ্বাসের সহিত ও শ্রদ্ধার সহিত গ্রহণ করিতে হইবে। যেমন বেতনগ্রাহী ভূত্য যুস লইলে অপরাধী হয় তেমনই স্বর্গীয় প্রভু যাহাকে মাসিক ৩০ টাকা দান করিয়াছেন সে যদি সন্তানগণকে কতকক্ষণের জ্ঞান মাতৃ-হীন ও গৃহকে কতকক্ষণের জ্ঞান লক্ষ্মী-ছাড়া করিয়া গৃহলক্ষ্মীকে চাকরী করিতে পাঠায় ও তাঁহার দ্বারা উপার্জিত ২০ টাকা গ্রহণ করে, তাহারও অগ্ৰায়রূপে উপার্জন করা হয়। আমাদিগের সমাজে নারীগণ অর্থোপার্জন করিতেছেন এবং করিবেন, কিন্তু সকলেরই একথা স্মরণ রাখিতে হইবে যে, আমাদিগের জীবন, শক্তি, শিক্ষা, সদগুণ কিছুই আমাদিগের নিজস্ব নহে, এসকলের উপযুক্ত ব্যবহার

করিতে আমরা পরমেশ্বরের নিকট দায়ী। ইউরোপের সভ্যতা, অথবা এক জন বড় পণ্ডিত না হয় বলিল প্রত্যেক মানুষ প্রথমে স্বাধীন হইবে, আত্মনির্ভর শিক্ষা করিবে, তার পর সুবিধা ও ইচ্ছা হইলে সংসার করিবে, কিন্তু অনন্তজ্ঞান প্রেমময় বিধাতার ব্যবস্থা মনুষ্যস্বভাবে লিখিত রহিয়াছে, তাহা অতিক্রম করিয়া কত দেশের কত দুঃখময় ফল লাভ হইয়াছে, এবং আমরাও যদি ধনলোভে নারীগণকে অর্থোপার্জনে নিযুক্ত করি, অথবা তাঁহারা যদি স্বাধীনতার লোভে অর্থোপার্জনের পথে গমন করেন সম্মুখে আমাদিগের জ্ঞান অত্যন্ত দুঃখ ও দুর্দশা আছে তাহার কোন সন্দেহ নাই।

ভারতীয় নারীজাতি এবং জন্মান্তরবাদ রহস্য ।

(পূর্বানুভূতি)

কারণ শুদ্ধোদনতনয় সিদ্ধার্থ জরা, বার্কক্য এবং মৃত্যু রূপ নিদারুণ দুঃখে জনসমূহকে নিপীড়িত দেখিয়া সংসারত্যাগ ব্রতে সংকল্পারূঢ় হইয়াছিলেন। লোক-চিত্তদহনকারী দুঃখানল নির্বাপনের উপায় আবিষ্কার করাই তাঁহার রাষ্ট্রোপার্জন এবং প্রিয়দর্শন দারাসুত ত্যাগের হেতুভূত। সিদ্ধার্থের যদি একথায় অণুমান আস্থা থাকিত যে পূর্বজন্মের কন্ধ্যানুসারে বর্তমান জীবনে লোক নানা প্রকারের দুঃখ ভোগ করে, তবে কি সে দুঃখ নিবারণ সাধ্যায়ত্ত মনে করিতেন? কখনই নহে।

প্রায় সাত বৎসর সিদ্ধার্থ কঠোর তপশ্চায় যাপন করেন। সিদ্ধিলাভের পরে ছঃখ এবং ছঃখের কারণ তিনি সত্য বলিয়া প্রকাশ করিলেন। অধিকন্তু ছঃখ নিরন্তর মহাসত্যরূপে তাঁহার নিকট প্রতীত হইল। ছঃখনাশার্থ আটটি পথ তৎকর্তৃক আবিষ্কৃত হইল। বুদ্ধ প্রাপ্ত হইয়া গোতম সেই অষ্টপথ জনসমাজে প্রচারার্থ জীবন উৎসর্গ করিলেন। এমন সত্যপ্রিয় বুদ্ধদেব কি পূর্বজন্মার্জিত কর্মফলেতে ছঃখের হেতু আরোপ করিতে পারেন? কি অসামঞ্জস্যপূর্ণ কল্পনা! এজন্ত বলিতে ইচ্ছা হয় পূর্বজন্মবিষয়ক অনেক কথা বুদ্ধশিষ্যগণ স্ব স্ব কল্পনানুসারে তাঁহার মুখে উঠাইয়া দিয়াছেন। এই ভাবে তিলপমাণ সূত্র ধরিয়া পর্বতপ্রমাণ কাহিনী রচিত হইয়াছে। উহা কুসংস্কারাপন্ন সাধারণ জনমণ্ডলীর কল্পনাকে চরিতার্থ করিয়াছে বলিয়া যথেষ্টরূপে পরিগৃহীত ও পরিকীর্তিত হইয়াছে।

যে বুদ্ধদেব সত্যোতে স্থিতিলাভ করিলেন, সরলতা বাঁহার ধর্মক্ষেত্রে বর্ষ হইল, অলৌকিক ক্রিয়াদি যিনি সাবধানে পরিবর্জন করিলেন, যিনি সময়ে সময়ে প্রকাশ করিয়াছেন “আমি ব্রহ্মলোকে উত্তীর্ণ হইয়াছি,” তিনি কি সেই মুখে কুসংস্কারাক্ত মূর্খের শ্রায় অলীক ভাবে পূর্বজন্মে ইহা ছিলাম উহা ছিলাম বলিয়াছেন? এরূপ কথাই চন্দ্রমণ্ডলে শশকশাবকবাসরূপ উপকথা সদৃশ। বুদ্ধ যদি লব্ধসত্য সম্বন্ধে মনেতে ঘৃণাক্ষরেও সংশয় পোষণ করিতেন তবে তাঁহার দ্বারা ওরূপ কথা

উক্ত হওয়া কল্পনা করা বরং সম্ভব হইত। কিন্তু সত্যোতে সংশয় করা মহাপাপ বলিয়া যিনি শিক্ষা দিয়াছেন, সত্যোতে বিশ্বাস যাহার দৃঢ়তর ভিত্তিভূমি, তিনি অস্বাভাবিক বালকের শ্রায় চিরপ্রচলিত পূর্বজন্মবিষয়ক ভ্রান্তিপূর্ণ মতটার ধূলি কি লোকের মানস-চক্ষের উপর নিক্ষেপ করিয়াছেন?

আখ্যায়িকা দ্বারা কোন কোন গভীর সত্য বুদ্ধদেব প্রাজ্ঞল করিয়া বুঝাইতেন। বুদ্ধের পরে অল্পবর্তী লেখকগণ স্বয়ং অনেক আখ্যায়িকা যোগে অনেক রূপ-কথা উপকথা অকথা গাঁথিয়া বুদ্ধদেবের নামে সংসারবাজারে চালাইয়াছেন। অথবা ইহা স্বীকার করিতে হইবে যে, বিজ্ঞান যে ধর্মজনপদের দৌবারিক না হইয়াছে, সে ধর্মজনপদে সত্যের বেশ ধরিয়া অনেক মিথ্যা চৌর প্রবেশ করা আশ্চর্যের বিষয় নহে।

মহাপুরুষগণ অনেকেই মনুষ্যের জন্ম-তত্ত্ব, জীবনতত্ত্ব, স্বর্গতত্ত্ব প্রভৃতি আখ্যায়িকা এবং চলিত ইতিকথা দ্বারা ব্যাখ্যা করেন; ও জনসাধারণকে উহার অর্থ-পরিগ্রহ করাইতে সচেষ্ট হন। কিন্তু বাহার শোনে তাহার যে কোন কথা কি অর্থ বোঝে তাহা কে সন্ধান করে? ঐ প্রকার চেষ্টার প্রায়শঃ উর্টা ফল ফলে। অন্ধবাক্তির দুঃসদর্শনের কথা প্রসঙ্গত এখানে বলিতে হইতেছে। কোন অন্ধ ব্যক্তি দুঃপদার্থের যথেষ্ট প্রশংসা এবং হিতকারিতা শুনিয়া এক কৃষককে বলিল, হায়! আমি এমন দুর্ভাগ্য যে, কখন এজীবনে দুঃ দেখি নাই। কৃষক বলিল বটে, তুমি দুঃ দেখ

নাই? সেতো খুব ছঃখেরই কথা। তবে দুঃখ ঠিক বকের মত সাদা। বক যদি দেখিয়া থাক তবে দুঃখও দেখিয়াছ। অন্ধ বলিল, ভাই, আমি বকও দেখি নাই। কৃষক বলিল, বকও দেখ নাই? বক ঠিক ধানকাটা কাস্তিয়ার মত। অন্ধ বলিল, আমি কাস্তিয়াও দেখি নাই। কৃষকের হাতে তখন কাস্তিয়া ছিল। সে বলিল, এই যে ধানকাটা কাস্তিয়া আমার হাতেই আছে, তুমি দেখনা কেন? তখন অন্ধ বলিল, দেওতো আমার হাতে। কৃষক হস্তস্থিত কাস্তিয়া অন্ধের হস্তে অর্পণ করিল, অন্ধ ব্যক্তি তাহা ফিরাইয়া ঘুরাইয়া তাহাতে হাত বুলাইয়া বলিল। ভাই যাহোক তোমার অল্পগ্রহে আজ আমার দুঃসদর্শন হইল। দুঃ একরূপ হলেত বড় শক্ত পদার্থ, মনে মনে তাহার এই সিদ্ধান্ত জন্মিল। আখ্যায়িকাদি দ্বারা আধ্যাত্মিক রাজ্যের গভীর তত্ত্ব সাধারণ লোকে প্রায়ই ঐ প্রকার বুঝিয়া লয় এবং অল্প বহু লোককে আবার তাহার তাহাই বুঝায়।

যাহাদের অন্তরে পরলোক সম্বন্ধীয় বিশ্বাস নাই, তাহাদিগকে যুক্তির সাহায্যে পরলোক বুঝাইবার চেষ্টা বৃথা। ঈশ্বরের প্রতি বিশ্বাস অন্তরে থাকা স্বাভাবিক। সেই বিশ্বাসের সহিত পরলোকে বিশ্বাসও জড়িত থাকে। প্রথমে পিতামাতা পরে জন্মভূমি। যাহার বাপ মা নাই বা ছিল না, তাহার আবার জন্মভূমি কোথায়? আস্থাহীন ব্যক্তিগণেরও মহাজনগণ প্রমুখাৎ পরলোকের কথা শুনিয়া এক প্রকার

প্রতীতি হইতে পারে। সে প্রতীতিকে জ্ঞান সংজ্ঞা দেওয়া যায় না।

বুদ্ধদেবের পূর্বে শ্রীকৃষ্ণ একজন লোকগুরু। গীতা গ্রন্থে শ্রীকৃষ্ণ শ্রদ্ধ উপদেশাবলী বিস্তারিত। শ্রীকৃষ্ণের মতে আত্মার জন্ম নাই, মৃত্যু নাই, পরিবর্তন নাই। ইহা নিত্য এবং পুরাতন। বর্তমান দর্শনশাস্ত্রের বিচারে জীবাত্মার লক্ষণ ওরূপ হইতে পারে না। যিনি অজরায়র নিত্য তিনি পরমাত্মা। মানবাত্মার জন্ম মৃত্যু ভ্রাস বৃদ্ধি উন্নতি অবনতি অবশ্যই আছে। জীবাত্মা অনন্ত উন্নতিশীলও বটে। গীতাতে পরমাত্মার লক্ষণই জীবাত্মাতে আরোপিত হইয়াছে। এ গীতা অদ্বৈতবাদ মত প্রচার করিতেছেন বলিলে কি শ্রায়সঙ্গত হইবে না? কিন্তু উপনিষদ পরমাত্মাসম্বন্ধে বলেন;—

“ন জায়তে ম্রিয়তে বা বিপশ্চিন্ময়ঃ কুতশ্চিন্ন বভূব কশ্চিৎ।”

অর্থ :—আত্মার জন্ম নাই মৃত্যু নাই, ইনি সর্বজ্ঞ। ইনি কোন কারণ হইতে উৎপন্ন হয়েন নাই এবং আপনিও অণু কোন বস্তু হয়েন নাই।

উপনিষদে জীবাত্মার লক্ষণ সম্বন্ধেও বহু শ্লোক রহিয়াছে। উপনিষদ জীবাত্মা হইতে পরমাত্মার ভিন্নতা স্বীকার পূর্বক জীবাত্মার হীনাবস্থা যে প্রকাশ করিয়াছেন এরূপ দুইটী শ্লোক নিয়ে উদ্ধৃত হইল।

ঋতং পিবন্তৌ স্কৃতশ্চ লোকে
গুহাং প্রবিষ্টৌ পরমে পরাঙ্কে।

ছায়াতপৌ ব্রহ্মবিদো বদন্তি
পঞ্চাঙ্গয়ো যে চ ত্রিণাচিকেতাঃ ॥

অর্থ :—শরীরে দুই জন প্রবিষ্ট হইয়া
আছেন। তন্মধ্যে এক জন স্বকৃত কর্ম-
ফল ভোগ করেন, আর এক জন সেই
ফল প্রদান করেন। ব্রহ্মবিৎ তত্ত্বজ্ঞেরা
তঁাহাদিগকে ছায়া ও আতপের ছায় পর-
স্পর ভিন্ন করিয়া বলেন। আর পঞ্চাঙ্গ
ও ত্রিণাচিকেত কর্ম্মরাও এই প্রকার
বলিয়া থাকেন।

“সমানে বৃক্ষে পুরুষো নিমগ্নোহ-
নীশয়া শোচতি মুহমানঃ।
জুষ্টং যদা পশুত্যন্যমীশ-
মশ্রু মহিমানমিতি বীতশোকঃ ॥

অর্থ :—জীবাশ্রা শরীরমধ্যে নিমগ্ন
রহিয়া এবং দীন ভাবে মুহমান হইয়া
সর্বদাই শোক করিতে থাকে। কিন্তু
যখন সর্বসেব্য ঈশ্বরকে ও তাঁহার মহি-
মাকে দেখিতে পায় তখন তাহার আর
শোক থাকে না।

“স ন সাধুনা কর্ম্মণাভূয়ান্
নো এব অসাধুনা কণীয়ান্।”

অর্থ :—সাধু কর্ম্মে তাঁহার বৃদ্ধি হয়
না এবং অসাধু কর্ম্মেও তাঁহার হ্রাস হয়
না।

উক্ত শ্লোকংশ ঈশ্বর সম্বন্ধে। জীবাশ্রা
পাপ কর্ম্মে ক্ষয় পায়; পুণ্য কর্ম্মে বৃদ্ধি
পায়। কিন্তু পরমাত্মার কোন কারণে
হ্রাসও নাই, বৃদ্ধিও নাই।

শ্রীকৃষ্ণ অর্জুনকে যুদ্ধে প্ররোচিত
করিবার জন্ত বলিয়াছেন :—

“ন জায়তে ম্রিয়তে বা কদাচিৎ
নায়ং ভূত্বা ভবিতা বা নভূয়ঃ।
অজো নিতাঃ শাস্বতোহয়ং পুরাণো
ন হৃতে হৃত্মানে শরীরে ॥”

“অবিনাশীতু তদ্বিক্রি যেন সর্বমিদং ততম্।
বিনাশমবায়শ্চাস্ত্র ন কশ্চিৎ কর্তুমর্হতি ॥”

উপনিষদ পরমাত্মার তত্ত্বপ্রকাশক
গ্রন্থ। ইহাতে জীবাশ্রার পরিচয় কিছুটা
পাওয়া যায়। গীতা মানবাত্মার সহিত
পরমাত্মার সম্বন্ধতত্ত্ব প্রকাশে উদ্বৃত।
যোগ, ভক্তি, কর্ম্ম ও জ্ঞান সেই সম্বন্ধের
চতুর্বিধ অবস্থা। কিন্তু মানবাত্মা যে কি
পদার্থ—গীতা তাহা বহু চেষ্টায়ও স্পষ্ট
প্রকাশ করিতে সক্ষম হয় নাই।

আমরা দেখিতেছি মনুষ্যদেহ আহার
দ্বারা বৃদ্ধি প্রাপ্ত হইতেছে। মনুষ্যের মন
জ্ঞানালোচনা ও জ্ঞান গ্রহণে প্রসারিত
হইয়া থাকে। মনুষ্যের আশ্রাও সজ্ঞানে
পরমাত্মাসহ যোগ প্রাপ্ত হইয়া উন্নতি লাভ
করে। এ উন্নতি মানবাত্মা অনন্তকাল
লাভ করিতে থাকিবে। মানুষের কোন
দিক যদি বৃদ্ধিলাভে অপারগ হয় তবে সে
দিক দিয়া মানুষ জড়পদার্থ-মধ্যে গণ্য হয়।

উপনিষদ যাঁহাকে সত্যং জ্ঞানমনস্তং
শাস্তং শিবমর্দৈতং আনন্দরূপমমৃতং যদ্বি-
ভাতি রূপে প্রচার করে, তিনিই উত্তম
পুরুষ। তাঁহার প্রসাদে তাঁহার সঙ্গে
মানবাত্মা কর্ম্মযোগে, জ্ঞানযোগে, ভক্তি-
যোগে অনন্ত যোগস্থত্র প্রাপ্ত হয়। মান-
বাত্মার এই পক্ষে অনন্তকাল উন্নত হইতে
হইবে। তাহার পক্ষে এ দেহ জীর্ণবস্ত্রের
ছায় ত্যাগ করিয়া নূতন দেহ ধারণের

প্রয়োজন বা সম্ভাবনা কোথায়? ছায়-
সঙ্গত যুক্তিপথে ত জন্মান্তরবাদ মত স্থাপন
করা অসম্ভব দেখা যায়। বিজ্ঞানসঙ্গত
দৃষ্টি এই প্রকার জন্মান্তরবাদের অপর
সিদ্ধান্তে ঘোর প্রমাদ দর্শন করে।

আমাদের বিশ্ববিদ্যালয়ের উপাধিধারী
ছাত্রগণ অধুনা একটু গীতাগ্রন্থের গোঁড়া।
গীতার গোঁড়া হইতে গিয়া জন্মান্তরবাদ
প্রভৃতি ব্রাহ্ম মতেরও তাঁহারা গোঁড়ামি
প্রকাশ করেন। কোন বি, এল, উপাধি-
ধারী পদস্থ ব্যক্তির সহিত একদা জীবাশ্রার
জন্মান্তর বিষয়ে আমার কথা হইয়াছিল।
তিনি “জীর্ণানি বাসাসি যথা বিহায়”
ইত্যাদি শ্লোক আওড়াইয়া, মানুষ যে
পূর্বজন্মের কর্ম্মফল এজন্মে ভোগ করে
তাহা বলিলেন। আমি বলিলাম, যদি
তাহাই সত্য হয় তবে স্বীকার করিতে
হইতেছে যে, ঈশ্বর যেন কতকগুলি
আত্মাকে বহু বহু লক্ষ বৎসর পূর্বে উৎপন্ন
করিয়াছেন। সেই আত্মারাই এই জগতে
পুনঃ পুনঃ যাতায়াতপূর্বক কর্ম্মফল ভুগি-
তেছে। উকীল মহাশয় বলিলেন—তাই
বৈ কি; পুনঃ পুনঃ মানবাত্মা সৃষ্টির
কোন প্রয়োজন নাই। তদ্বত্তরে আমি
বলিলাম তবে দশ বৎসর পরে পরে জন-
সংখ্যা গণনায় মনুষ্য সংখ্যা বাড়িতেছে
কেন? তিনি বলিলেন ও সকল গণনার
ভুল। কোন দিকে রাড়ে আবার কোন
দিকে কমে। মোটের উপর জনসংখ্যা
একই আছে। আমি যখন ভূগোল বিবরণ
ধরিয়া দেখাইলাম, মোটের উপর জন-
সংখ্যাও ক্রমে বাড়িতেছে; তখন তিনি

বিরক্ত হইয়া বলিলেন, ওসব ঠিক গণনা
নহে। কাজেই ওরূপ দেখা যায়। অর্থাৎ
শাস্ত্রেরই কথা ঠিক। আমি উঁহার ধৈর্য্য-
চ্যুতি ও শাস্ত্রের গোঁড়ামি দেখিয়া চাপিয়া
গেলাম। কয়েক দিন পরে উঁহার মনের
অবস্থা একটু ভাল দেখিয়া আবার এই
কথা উপস্থিত করিলাম। তখন তিনি
গীতারই মতবিভ্রম স্বীকার করিলেন।
আমিও বাঁচিলাম। গীতার উক্ত শ্লোক
সত্য সকলের গোঁড়া হওয়া প্রার্থনীয়।
কিন্তু তৎসহ উঁহাতে যে ভ্রম প্রমাদ আছে
তাহার গোঁড়া হইলে কি লাভ? গীতাতে
জন্মান্তরবাদ তত্ত্ব ও জীবের জন্মতত্ত্ব বিষয়ে
যে ভ্রান্তমত আছে তাহা অবশ্যই পরিহার
করা কর্তব্য। শাস্ত্রে যাহা লেখা সকলই
সত্য, মূর্খের মুখেই একথা শোভা পায়।

হ্যালিবার্টন পত্রীর জীবনের পরীক্ষা।

(পূর্নাত্মবৃত্তি।)

ছুটি প্রায় শেষ হইয়া আসিতেছিল।
হ্যালিবার্টন মার্গারেটের জন্ত একটা অতি
সুন্দর চাকরী যোগাড় করিয়াছিলেন—
এবং সে সম্বন্ধে কথাবার্তা প্রায় শেষ
হইয়া আসিয়াছিল। শিক্ষকতা উপলক্ষে
হ্যালিবার্টনের অনেক সম্ভ্রান্ত পরিবারে
যাতায়াত ছিল। তিনি শুনিলেন একটা
অবস্থাপন্ন ভদ্রপরিবারে একটা শিক্ষয়িত্রীর
প্রয়োজন। তিনি মার্গারেটের কথা
তঁাহাদের নিকট বলিলেন। তঁাহার
কথাতেই মার্গারেটকে রাখিতে তঁাহারা

সম্মত হইলেন। তাঁহারা একদিন মার্গারেটকে স্বয়ং তাঁহাদের সঙ্গে সাফাৎ করিতে বািললেন—সেই সাফাৎের পর তাঁহারা তাহাকে নিযুক্ত করিবেন।

একদিন সন্ধ্যাকালে হ্যালিবার্টন তাঁহার শিক্ষকতার কার্য সম্পন্ন করিয়া বাড়ী ফিরিলেন। জেন একাকী বসিয়াছিল। গৃহিণী অস্থ্য থাকায় সকাল সকাল গুইয়াছিলেন এবং মার্গারেট রবার্টের সঙ্গে বেড়াইতে বাহির হইয়াছিল। বৎসরের এই সময়টায় কারবারে তেমন ভিড় থাকে না—সুতরাং রবার্ট এই সময় প্রায় বাড়ী আসিতে পাইত। রবার্ট ও মার্গারেট দুজনে মিলিয়া বেড়াইতে বাহির হইত।

হ্যালিবার্টন একটা জানালার কাছে আসিয়া চুপ করিয়া বসিলেন। জেন তাঁহার নিকটে গিয়া তাঁহার কাঁধের উপর হাত রাখিয়া বলিল—তুমি আজ বড় ক্লান্ত হ'য়েছ?

হ্যালিবার্টন কোন উত্তর করিলেন না—কেবল জেনের হাতখানি সম্মেহে আপনার হাতের মধ্যে টানিয়া লইলেন। জেন তখন বলিল—“আর তুমি দেরি করো না—কিছু খাও। তোমার এখন কিছু খাওয়ার দরকার। আর প্রতিরাতে মার্গারেটের জন্তে অপেক্ষা ক'রে ক'রে থাকাও ভাল নয়—এতে তাকে কতকটা প্রশ্রয় দেওয়া হ'চ্ছে।”

“অবশ্য রাত্রি ১০টা পর্যন্ত ফিরে না আসলে তার জন্তে আর অপেক্ষা করা চলবে না।” তাহার পর তিনি বলিলেন—“জেন, মার্গারেটের প্রতি সন্ধ্যায় এতক্ষণ

ধ'রে বাইরে বাইরে বেড়ানো কি তুমি ভাল মনে কর?”

“সে তো রবার্টের সঙ্গে থাকে।”

“সে সব সময় হয়তো কেবল রবার্টের সঙ্গেই থাকে না।”

জেনের মুখ লাল হইয়া উঠিল। সে তাহার স্বামীকে বিলক্ষণ চিনিত—সে জানিত বিশিষ্ট কারণ না থাকিলে তিনি কোন বিষয়ে কোন কথা বলেন না। তাই সে জিজ্ঞাসা করিল—“আচ্ছা, কেন তুমি একথা ব'লছ? তুমি কি এবিষয়ে কিছু জান? তুমি কি মার্গারেটকে দেখেছ?”

“১৫ মিনিট আগে আমি তাকে দেখেছি।”

“রবার্টের সঙ্গে?” জেন তাড়াতাড়ি করিয়া এই প্রশ্ন জিজ্ঞাসা করিল।

“রবার্ট তার সঙ্গে ছিল। কিন্তু সে মিঃ মারের সঙ্গে হাত ধরাধরি করিয়া যাইতেছিল।”

জেন এ সংবাদে স্তম্ভিত হইতে পারিল না। এই মিঃ মারের রবার্টের সঙ্গে একই “হৌসে” কার্য্য করিত। তাহার বেতন রবার্টের অপেক্ষা অধিক ছিল। রবার্ট মধ্যে মধ্যে তাহাকে আপনাদের বাড়ী আনিত এবং সে তাহাদের সঙ্গে চা পান করিয়া যাইত। জেন ভগ্নীর আচরণের কথা শুনিয়া বিস্মিত হইল—তাহার সরল সাধুচিত্ত একরূপ লুকোচুরির ব্যাপারকে একান্ত নিন্দনীয় বলিয়া মনে করিল। জেন যদি জানিত যে তাহাদের একরূপ একত্র ভ্রমণ এই প্রথম নহে—প্রত্যুত উহা এক্ষণে তাহাদের নিত্য নৈমিত্তিক ব্যাপার

হইয়া দাঁড়াইয়াছে তাহা হইলে সে যে কি ভাবিত তাহা বলা সুকঠিন। রবার্ট সঙ্গে থাকিলেও একরূপ ব্যবহার একান্ত নিন্দাই।

কিছুক্ষণ পরে তাহারা মার্গারেটকে রবার্টের সহিত বাড়ী ফিরিতে দেখিল—তখন তাহাদের সঙ্গে তৃতীয় ব্যক্তি ছিল না। রবার্ট মার্গারেটকে দরজা পর্যন্ত পৌঁছিয়া দিয়া নিজের বাসায় চলিয়া গেল। জেন তখন কিছুই বলিল না—কিন্তু কিছুক্ষণ পরে সে মার্গারেটের ঘরে গমন করিল।

সন্ধ্যার প্রথম মুহূর্ত অতীত হইলে মার্গারেট বলিল—মিঃ হ্যালিবার্টন তোমাদের কাছে এসে কতকগুলো আজ গুবি খবর দিয়েছেন—কেমন না? আমি দেখলাম এডগার আমাদের দিকে একদৃষ্টে তাকিয়ে রয়েছেন।”

জেন মার্গারেটের একরূপ দাস্তিকতা দেখিয়া অবাক হইয়া গেল। সে কতকটা হাঁপাইতে হাঁপাইতে বলিল—“মার্গারেট, তোমার হয়েছে কি? তোমার মেজাজ দেখছি একেবারে বদলে গেছে! তুমি দেখছি এখন আর ভদ্রবরের মেয়ের মত কথাবার্তা বলছ না!”

“আমাকে মিছিমিছি রাগাতে এস কেন? আমার নিজের ভাই সঙ্গে থাকবার সময় একজন ভদ্রলোকের সঙ্গে হাত ধরাধরি ক'রে বেড়ানো কি একটা মস্ত ভারি অপরাধ?”

“মার্গারেট, নিজেই কাউকে কিছু না জানিয়ে একরূপ করা নিশ্চয়ই অস্থায়। যদি

তুমি লোক দেখানো ভাবে রবার্টের সঙ্গে বেড়াতে যাও আর”—

মার্গারেট আরক্ত-নেত্রে উত্তর করিল—“জেন, আমি তোমার কোন কথা শুনতে চাইনে। তুমি এখন বিবাহ ক'রে খুব মুক্কির হ'য়েছ কিনা—তাই যখন তখন আমাকে ধর্মোপদেশ দিতে এস! আমি কোন দোষই করিনি। যখন কোন অপরাধ করব তখন তোমার গায়ে যত ঝাল আছে আমার উপর ঝেড়ে।”

জেন ব্যথিত স্বরে বলিল—“মার্গারেট, তুমি আমার কথার অগ্র অর্থ ক'রছ কেন? আমি তোমাকে ভালবেসেই এসব কথা ব'লছি, আমি তোমার উপর রাগ করে বলিনি, বোন। আমি তোমার ভালর জন্তেই তোমায় একথা ব'লছি—না হলে আমি কখনও বলতাম না। ষাঁদের বাড়ী তুমি পড়াও তাঁরা যদি কোন স্ত্রী এ কথা জানতে পারেন তাহলে তাঁরা তোমাকে তাঁদের বালক বালিকাদের উপযুক্ত শিক্ষায়িত্রী মনে করবেন না।”

মার্গারেট বিক্রমের স্বরে বলিল—“আচ্ছা, সে ভাবনায় তোমার মাথা বাথার দরকার নেই।” অগ্র রজনীতে মার্গারেট তাহার দিদির সহিত যেক্রম রুচ ব্যবহার করিল এমন সে ইতঃপূর্বে আর কখনও করে নাই। জেন বিস্মিত হইয়া তাহাকে জানাইল যে তাহার প্রকৃতি সম্পূর্ণ পরিবর্তিত হইয়া গেছে।

মার্গারেট বলিল—“আমার কত্রীরা আমাকে যথেষ্ট উপযুক্ত শিক্ষায়িত্রীই মনে করবে, যদি আমি আবার কখনও তাদের বাড়ী শিক্ষা দিতে যাই।”

জেনের হৃদয় সজোরে স্পন্দিত হইতে লাগিল। সে বলিল—“মার্গারেট, তোমার এ কথার অর্থ কি? তোমার এ কথার নিশ্চয়ই কোন গুট অভিপ্রায় আছে!”

মার্গারেট এতক্ষণ দর্পণের সম্মুখে দাঁড়াইয়া তাহার সুদীর্ঘ কেশগুচ্ছ অঙ্গুলিতে জড়াইতেছিল। সে এইবার আপনার মুখ ফিরাইয়া জেনের দিকে একদৃষ্টে রক্তভাবে তাকাইয়া বলিল—“জেন, যদি তুমি আমার এ কথার গুট অর্থ একান্তই জানতে চাও তবে সে অর্থ আমি তোমাকে স্পষ্ট বলছি শোন—কিন্তু তুমি স্বীকার কর যে আমার সম্বন্ধে সব কথা মাকে ভাল ক’রে বুঝিয়ে আমার পথ পরিষ্কার ক’রে দেবে। আমি আমার বর্তমান কত্রীদের বাড়ী বা ভবিষ্যতের কোন কত্রীদের বাড়ী শিক্ষকতা ক’রতে যাব না”—

জেন ইঙ্গিতে ব্যাপার কি বুঝিয়া ভগ্ন-হৃদয়ে বলিল—“বটে!! বুঝেছি!”

“আমি শীঘ্রই বিবাহিত হ’তে বাচ্ছি।”

“কি বললে মার্গারেট!!”—

মার্গারেট বলিল—“এতে কাতর হবার কোন কারণই নেই। মিঃ মারে কাল মাকে একথা ব’লতে আসবেন। আর যদি তোমাদের মধ্যে কারো তাঁর বিরুদ্ধে কোন কথা বলবার থাকে তবে তোমরা সে কথা তাঁর মুখের উপরে ব’লতে পার। তিনি সবশ্রুত—তাঁর আয়ও যথেষ্ট। তবে আবার তাঁর সম্বন্ধে আপত্তি কি আছে?”

জেন কিছুই বলিতে পারিল না। ব্যক্তিগতভাবে মিঃ মারের প্রতি তাহার

কোনরূপ অনুরাগ ছিল না। ভগ্নীর প্রতি অকৃত্রিম মৈত্রবশতঃ সে কল্পমা-লোকে সুন্দরী সুশিক্ষিতা মার্গারেটের ভগ্নীকাশে অতি সুন্দর বর্ণে চিত্রিত করিয়া দেখিয়াছিল। সে কেবল এইমাত্র বলিল—“মার্গারেট যদি তুমি তাঁকে বিবাহ ক’রতে দৃঢ়-সঙ্কল্প হ’য়ে থাক তবে ভগ্নবানের কাছে প্রার্থনা করি আর সর্কান্তঃকরণে আশীর্বাদ করি বোন—তুমি যেমন সুখী হও।”

“আমি আশা করি আমি এ বিবাহে খুব সুখী হব। অন্ততঃ আর দশজনের মত আমিও এই বিবাহে আমার অদৃষ্ট পরীক্ষা ক’রবো।—দিদি, আজ তোমার সঙ্গে বড় রুচ বাবহার ক’রেছি—সেজন্তে আমি তোমার নিকট ক্ষমা চাচ্ছি। কিন্তু তুমিই আমাকে প্রথম উত্তেজিত ক’রে তুলেছিলে।”

যেমন আর দশজনে করিয়া থাকে—ঠিক কথা। পরিণয় ব্যাপার ঠিক যেন “স্বৃতি” খেলা। মার্গারেট এইরূপ জানিয়াই অগ্রপশ্চাৎ না ভাবিয়া দাম্পত্য-জীবনে প্রবেশ করিয়া বসিল।

ষষ্ঠ পরিচ্ছেদ ।

চিকিৎসকের সহিত সাক্ষাৎ ।

ক এক বৎসর অতিবাহিত হইয়া গেল। সময়ের শ্রোতের সহিত পরিবর্তনের শ্রোতও অবশ্রুস্তাবীরূপে জগতের নাট্যশালায় দর্শন দেয়। জেন এখন চারিটা সন্তানের জননী। জ্যেষ্ঠ পুত্র উইলিয়াম এখন প্রায় ত্রয়োদশবর্ষীয়; কনিষ্ঠ এডগার ৮ বৎসর উত্তীর্ণ ৯ বৎসরে পদার্পণ

করিবে; জেন এবং ফ্র্যাঙ্ক এতদুভয়ের মধ্যে। টেট-গৃহণী রোগ-শোকের হস্ত হইতে চিরদিনের জগ্ন মুক্ত হইয়া জরামরণহীন লোকে গমন করিয়াছেন; এবং ফ্র্যানসিস্ এক্ষণে “ধর্মযাজক ফ্র্যানসিস্ টেট” এ পরিণত হইয়াছেন। কঠোর পরিশ্রম ও অধাবসায়ের গুণে তিনি অবশেষে ধর্মযাজক হইতে সমর্থ হইয়াছিলেন। এক্ষণে তিনি লণ্ডনের একটা ক্ষুদ্র পল্লীতে তাঁহার স্বর্গীয় পিতার স্থায় দীনাবস্থায় কালযাপন করিতেছিলেন। তাঁহার গ্রাসাচ্ছাদনের সঙ্গতির অভাব ছিল না সত্য, কিন্তু অর্থাভাবে তাঁহার অনেক প্রাণের সাধ অপূর্ণ থাকিয়া যাইত। সাহিত্যের প্রতি তাঁহার হৃদয়ের অকৃত্রিম আকর্ষণ ছিল, কিন্তু অর্থাভাবে তিনি তাঁহার প্রাণের এ সাহিত্য-পিপাসা মিটাইতে পারিতেন না। যে সকল গ্রন্থ পাঠ করিতে তিনি ব্যাকুল সে সকল ছদ্মূল্য হওয়ায় তিনি অর্থ দিয়া ঐ সকল গ্রন্থ ক্রয় করিতে পারিতেন না। সে সময় সাধারণ পাঠাগারও নিতান্ত দুর্লভ ছিল। তিনি ধর্মযাজকের কার্যা করিয়াও ইচ্ছা করিলে শিক্ষকতার দ্বারা কিছু অর্থ উপার্জন করিতে পারিতেন—কিন্তু তাঁহার ধর্মজ্ঞান ও কর্তব্য-বুদ্ধি তাঁহাকে এবিষয়ে নিরস্ত রাখিয়াছিল। আপনার অধীন লোক-মণ্ডলীর সেবা পরিচর্যাতেই তাঁহার সমস্ত সময় অতিবাহিত হইয়া যাইত। তিনি উত্তরাধিকার স্বত্রে তাঁহার স্বর্গীয় পিতার নিকট হইতে সেই অমূল্য ধন—বিবেক বুদ্ধি, পূর্ণ-মাত্রায় লাভ করিয়াছিলেন।

তিনি মনে মনে ভাবিতেন—পিতা যেমন জীবনের সন্ধ্যাকালে প্রচুর পুরস্কার লাভ করিয়া যত্ন হইয়াছিলেন আমিও আমার বৃদ্ধাবস্থায় নিশ্চয়ই আমার এই পরিশ্রমের ও পত্নসেবার প্রচুর পুরস্কার লাভ করিয়া যত্ন হইব।”

এইরূপে ফ্র্যানসিস্ টেট অদমা বিখ্যাসের বলে বুক বাঁধিয়া কর্তব্যপথে অগসর হইতে লাগিলেন। তিনি আশাপূর্ণ-হৃদয়ে সেই শুভদিনের প্রতীক্ষা করিতে লাগিলেন যে দিন স্বর্গ হইতে দেবতার নিম্নল আশীর্বাদ অক্ষয় পুরস্কাররূপে তাঁহার মস্তকে বর্ষিত হইবে।

মার্গারেট কোথায়? মার্গারেট চিরদিনের মত প্রাচীন ইংল্যান্ডের নিকট বিদায় গ্রহণ করিয়াছে। তাহার স্বামী কর্মক্ষেত্রে আশানুরূপ উন্নতিলাভ করিতে না পারিয়া জন্মভূমি ও জন্মভূমির যাবতীয় আকর্ষণ ছিন্ন করিয়া নূতন পৃথিবীস্থ ক্যানেরডার নির্জন বনভূমিতে সংসার পাতিলেন। মার্গারেট কি তাহার হঠকারিতা পশ্চত বিবাহ ব্যাপারের জগ্ন এখন দুঃখিত? সে কি তাহার রাজপ্রাসাদোপযোগিনী শিক্ষা দীক্ষা রুচি ও অগ্রাণ্ড যাবতীয় গুণাবলীকে জনশূণ্ড বনভূমিতে সম্পূর্ণ ব্যর্থ হইতে দেখিয়া হৃদয়ে ব্যথা অনুভব করিল? সাহিত্য, সঙ্গীত, চিত্র-বিদ্যা—এখন এসকল তাহার কি উপকারে আসিবে? অবশু সে তাহার নিজের পুত্রকন্যাদের সুন্দররূপে শিক্ষাদান করিতে পারিবে এবং একরূপ শিক্ষা ব্যতীত তাহার সন্তানদিগের অত কোন শিক্ষারও সম্ভাবনা

মাত্র ছিল না। মার্গারেট যে তাহার সুসংস্কৃত শিক্ষা দীক্ষার নিতান্ত প্রতিকূল ক্ষেত্রে গিয়া পড়িয়াছিল তাহাতে আর সন্দেহ কি? কিন্তু সে নির্ভীক বীরাজনার ছায় আপনায় নিয়তির শাসনকে শিরোধার্য করিয়া লইল। বাড়ীতে যে সমস্ত পত্রাদি লিখিত তাহার কোন স্থলে ঘৃণা-ক্ষরেও কোনরূপ অসন্তোষ বা অমুশোচনার চিহ্নমাত্র পরিলক্ষিত হইত না। সে প্রথম হইতেই বাড়ীতে বড়বেশী চিঠিপত্র লিখিত না এবং যতই দিন অতিবাহিত হইতে লাগিল তাহার চিঠির সংখ্যাও অল্প হইতে অল্পতর হইতে লাগিল। রবার্ট তাহাদের সঙ্গে গিয়াছিল এবং সে গর্ব করিয়া বলিত যে অবরুদ্ধ দুর্গকময় সওদাগর অফিসে যাবজ্জীবন পচিয়া মরা অপেক্ষা নির্জন অরণ্যের এই স্বাধীন প্রযুক্ত জীবন সহস্র-গুণে শ্রেয়ঃ।

হ্যালিবার্টনের শিক্ষাপদ্ধতি অতি সুন্দর ছিল—সুতরাং ইহাতে তিনি যথেষ্ট অর্থো-পার্জন করিতেন। এক্ষণে তিনি “কিংস্ কলেজের” (Kings's Colledge) একজন অধ্যাপক নিযুক্ত হইয়াছেন। কিন্তু অক্সফোর্ড (Oxford) বা কেম্ব্রিজ (Cambridge) বিশ্ববিদ্যালয়ে প্রবেশ পূর্বক উচ্চতর শিক্ষাভরূপ তাহার যে সুখের স্বপ্ন তাহা এপর্যন্ত সফল হইল না। হ্যালিবার্টন ভ্রমক্রমে সোপানের বিপরীত দিকে আরম্ভ করিয়াছিলেন—তাঁহার প্রথমে বিশ্ববিদ্যালয়ের শিক্ষা শেষ করিয়া পরে বিবাহ করা উচিত ছিল। কিন্তু তিনি প্রথমেই বিবাহ করিলেন সুতরাং

বিশ্ববিদ্যালয়ের শিক্ষা আর তাঁহার অদৃষ্টে ঘটয়া উঠিল না। একজন সামান্য আয়ের লোককে বাড়ীভাড়া ও চাকর চাকরাণীর বেতন দিয়া, আপনার স্ত্রী পুত্র পরিবারের ভরণপোষণ ব্যয় নির্বাহ করিয়া যদি সংসার করিতে হয়, তবে তাহার সময় ও অর্থ কলেজে না যাইলেও অনেক প্রকারে ব্যয়িত হইবার সুবিধা প্রাপ্ত হয়। ফল-কথা বিবাহের পর পুত্র কন্যা ও সংসারে জড়িত হইয়া পড়িলে বিশ্ববিদ্যালয় এবং কলেজ ধীরে ধীরে মস্তক হইতে অপসৃত হইয়া পড়ে। হ্যালিবার্টন এক্ষণে বিশ্ব-বিদ্যালয়ের শিক্ষার আশা সম্পূর্ণরূপে পরিত্যাগ করিয়াছিলেন। এখন আর পূর্বের ছায় ইহাতে তাঁহার কষ্ট নাই। তাঁহার নিজের সংসারটাই এখন একটা পূর্ণ সুখশান্তি ও আরামের আলয়স্বরূপ হইয়া উঠিয়াছিল।

কিন্তু এই সময়ে অগবা প্রকৃতপক্ষে ইহার কিছুদিন পূর্বে হইতেই হ্যালিবার্টন আপনার মনে বৃদ্ধিতে পারিতেছিলেন যে তিনি অতিরিক্ত পরিশ্রম দ্বারা আপনার শরীরের বলক্ষয় করিতেছেন। বহুদিন পূর্বে হইতে—এমন কি যে অবধি তিনি লণ্ডনে আসিয়াছিলেন সেইদিন হইতেই তিনি বৃদ্ধিতে পারিতেছিলেন যে তাঁহার স্বাস্থ্যের অবস্থা বেশ ভাল নহে। গ্রীষ্ম-কালে তিনি গ্রীষ্মের উত্তাপে নিতান্ত ক্লান্ত হইয়া পড়েন এবং শীতকাল আসিলে ঠাণ্ডা লাগিয়া তাঁহার কাশি হয় এবং বৃকে তিনি এক প্রকার বেদনা অনুভব করেন। কিন্তু তিনি এসমস্ত অসুস্থতার লক্ষণের প্রতি

দ্রক্ষেপ না করিয়া নির্বিকার-চিত্তে আপ-নার কার্য সম্পন্ন করিয়া যাইতেন—তাঁহার একথা মনেও হইত না যে ইহাই ভবিষ্যতে গুরুতর হইয়া দাঁড়াইতে পারে। এবিষয়ে তিনি কখনও কোন শঙ্কাবোধ করেন নাই।

কিন্তু একদিন সন্ধ্যাকালে আপনার দৈনিক কঠোর কর্তব্য সম্পন্ন করিয়া যখন তিনি ক্লান্তদেহে একখানি চেয়ারের উপর বসিয়া পড়িলেন তখন সহসা তাঁহার মুচ্ছা হইল। মুচ্ছাভঙ্গের পর তিনি দেখিলেন যে জেন এবং একজন পরিচারিকা উদ্ভিগ্ন-ভাবে তাঁহার নিকটে দাঁড়াইয়া আছে। জেনের মুখখানি অন্ত্যন্ত মলিন ও চিন্তা-রেখাঙ্কিত।

তিনি সহাস্রবদনে জেনকে সম্বোধন করিয়া বলিলেন—“জেন, ইহাতে তোমার ভয় পাবার কিছুই নেই। আমার মনে হচ্ছে আমি যেন হঠাৎ ঘুমিয়ে পড়েছিলুম অথবা কোন কারণে অজ্ঞান হ'য়ে প'ড়ে-ছিলাম।”

“তুমি মুচ্ছা গিয়েছিলে!” “মুচ্ছা? তাই কি? কি বিপদ! জেন, ঘরটা অত্যন্ত গরম হ'য়ে উঠেছিল, বোধ হয় সেইজন্মেই এমনটা হ'য়ে থাকবে।”

কিন্তু জেন এ ব্যাখ্যায় সন্তুষ্ট হইতে পারিল না। সে বৃদ্ধিতে পারিল যে তাহাকে সাহুনা দিবার জন্মই তিনি বিষয়-টাকে হাঁসিয়া উড়াইবার চেষ্টা করিতে-ছেন। হ্যালিবার্টন সেদিন কিছুই খাইতে পারিলেন না—ইদানীং প্রায়ই তিনি খাইতে পারিতেন না।

জেন বলিল—“তুমি অতিরিক্ত পরিশ্রম আরম্ভ করেছ—আমি অনেকদিন হ'তেই এ বিষয় লক্ষ্য ক'রে আসছি।”

“কি লক্ষ্য ক'রেছ, জেন?”

“লক্ষ্য ক'রেছি যে, তোমার শক্তি তোমার কাজের উপযোগী নয়—তুমি নিজের ক্ষমতার অতিরিক্ত কাজ শুরু ক'রেছ। এখন তোমার কিছু কাজ ছেড়ে দেওয়া উচিত।”

“প্রিয়তমে, তা আমি কি ক'রে করি বল? আমাদের খরচ সংকুলান করতে আমার উপার্জনের সমস্ত অংশই কি খরচ হ'য়ে যায় না? বছরের শেষে যখন জমা খরচ মিলিয়ে দেখি তখন আমাদের কি একটা টাকাও উদ্ধৃত থাকে?”

প্রকৃত সমস্যাই এই, এবং জেন ইহা জানিত। কিন্তু জগতে তাহার স্বামীর স্বাস্থ্য অপেক্ষা অধিক প্রিয় পদার্থ জেনের আর কিছুই নাই। সুতরাং সে বলিল—“আমরা এখন আমাদের খরচপত্র কমাও। এখন যে রকম ক'রে আছি ঠিক এরকম ক'রে আর আমাদের থাকা চলবে না। আমরা এর চেয়ে একখানি ছোট বাড়ীতে উঠে যাব—আর ছুটির বদলে একটা দাসী রাখব। সংসারের বাকী কাজ কম্ব এখন আমি নিজের হাতে ক'রব।”

কথাগুলি যদিও জেন প্রসন্ন মুখে বলিল, কিন্তু সেগুলি হ্যালিবার্টনের বুকে যেন শেল বিদ্ধ করিল। তিনি বলিলেন—“না জেন, আশা করি এমন ছরবস্থা আমাদের জীবনে কখনও আসবে না।”

হ্যালিবার্টন সে রাত্রি জাগিয়া কাটা-

ইলেন। অকূল চিন্তাসমুদ্র তাঁহার চতুর্দিকে যেন গর্জন করিয়া উঠিল। বাতাবিস্কন্ধ বিশাল বারিধি বক্ষে যেমন ফেনিতরঙ্গমালা একটীর পর একটা উখিত হইয়া ভাঙ্গিয়া পড়ে তেমনি তাঁহার মস্তিষ্কের মধ্যে অপার ভাবনারাশি একটীর পর একটা করিয়া উঠিতে ও পড়িতে লাগিল। তিনি ভারিলেন—অমার মৃত্যু হইলে আমার স্ত্রী পুত্রের দশায় কি হইবে? আবার চিন্তার পর চিন্তা—একটীর পশ্চাতে আর একটা—অন্তহীন শৃঙ্খলে গাঁথা—কিন্তু সকল চিন্তার মূলে সেই একই কথা—আমি স্ত্রী পুত্রের জন্ত কোন উপায় ক’রে গেলাম না; যদি প্রভু এখন এ দাসকে এখান হ’তে ডেকে নেন, তবে তাদের পতি কি হবে!”

মিঃ হ্যালিবার্টনের একটা অতি মহৎ গুণ ছিল। বোধ হয় এ গুণটী তিনি তাঁহার স্ত্রীর নিকট হইতে লাভ করিয়াছিলেন, কারণ জেনের চরিত্রে এই মহৎ গুণটী অত্যধিক মাত্রায় পরিলক্ষিত হইত। সেই গুণটী এই—তিনি বিপদ হুঃখে কখনও ভাঙ্গিয়া পড়িতেন না—প্রত্যুত নির্ভীক হৃদয়ে তাহার সম্মুখীন হইতে পারিতেন। বিপদ আসিলে তিনি ব্যাকুলচিত্তে হা হতাশ করিতেন না—তিনি বিপদে এরূপ ভাবে রোদন করিতেন না যেন তাঁহার আত্ম হুঃখ ইতঃপূর্বে জগতে আর কখনও কাহারও হয় নাই—কিন্তু বিপদ পরীক্ষার মুহূর্ত্তে তিনি শান্ত ও নিরাকুল চিত্তে তাহা হইতে উদ্ধারের উপায় চিন্তা করিতেন এবং সেই বিপদরাশির মধ্যে ভগবানের

মঙ্গল শিক্ষা লাভ করিতে চেষ্টা করিতেন।

বর্তমান অকূল দুর্ভাবনারাশির মধ্যে তিনি একটা মাত্র পন্থা দেখিতে পাইলেন। সে পন্থা—তাঁহার জীবন বীমা করা। তাঁহার অর্থ বা ভূসম্পত্তি কিছুই ছিল না। যদি বা তিনি এক্ষণে বৎসরে বৎসরে কিছু কিছু জমাইতে চেষ্টা করেন তাহা হইলেও বহু বৎসর পরে তবে উহা উল্লেখযোগ্য অর্থে দাঁড়াইতে পারে। এমন কি হাজার টাকা জমাইতেও তাঁহার কত দিন চলিয়া যাইবে! না, তাঁহার একমাত্র উপায়—জীবন বীমা করা। এ অবস্থায় এ চিন্তা সকলেরই মনে উঠিতে পারে। কিন্তু তিনি জানিতেন না যে এই জীবনবীমা ব্যাপারে তাঁহার বাৎসরিক আয়ের কতটা পরিমাণ চলিয়া যাইবে! তাঁহার একটা অস্পষ্ট ধারণা ছিল যে, ইহাতে অনেক টাকা দিতে হইবে—কারণ তাঁহার বয়স এক্ষণে নিতান্ত কম হয় নাই।

তিনি স্ত্রীর নিকট কোন কথাই লুকাইতেন না—সকল কক্ষে তিনি তাহার সহিত পরামর্শ করিতেন। তাঁহার স্ত্রী একাধারে তাঁহার সখা, সচিব, আনন্দ এবং বিশ্বাসের স্থল। সেই জন্ত এই হুঃখ সমস্তায় তিনি যে উপায় অবলম্বন করিতে সক্ষম করিলেন তাহা জেনের নিকট গোপন রাখিতে চাহিলেন না।

পরদিন প্রাতরাশের সময় তিনি বলিলেন—“জেন, কাল সমস্ত রাত্রি ধরে আমি কি কথা ভেবেছি জান?”

“নিশ্চয়ই হুঃখের কথা। কাল তুমি খুব ব্যাকুল হ’য়ে পড়েছিলে।”

ভগ্নীসমাজের নবম বার্ষিক রিপোর্ট।

অনন্ত মেহের আধার পরম জননীর অনন্ত করুণাশুণে আমাদের প্রিয় ভগ্নীসমাজ, অগ্ন নবমবর্ষ অতিক্রম করিয়া, দশমবর্ষে পদার্পণ করিতেছেন। ষাঁহার অজস্র রূপাবারি সন্তোষ করিয়া ভগ্নীসমাজ এ পর্যন্ত সঞ্জীবিত রহিয়াছেন ও বর্ধিত হইয়াছেন আজ ভগ্নীসমাজের শুভ-জন্মদিনে আমরা তাঁহার চরণে ভক্তি ও কৃতজ্ঞতাভরে প্রণাম করি।

গত বৎসর ভগ্নীসমাজে যে সকল কার্য সম্পন্ন হইয়াছে তাহার সংক্ষেপ বিবরণ নিম্নে লিখিত হইতেছে:—

মায়ের রূপায় ভগ্নীসমাজের বর্তমান সভ্যসংখ্যা ৩১ জন। তন্মধ্যে ৪ জন বর্তমান সময়ে অগ্ন অবস্থান করিতেছেন ২৭ জন স্থানীয় সভ্য। বৎসরের গড় উপস্থিত সংখ্যা ১৮ জন। এবং বৎসর ২১টা অধিবেশন হইয়াছে। গত বৎসর সভ্যসংখ্যা ২৫ জন, উপস্থিত সংখ্যা ১০ জন ছিল, এবং ১৮টা অধিবেশন হইয়াছিল।

১ উপাসনা—

শ্রদ্ধেয়া শ্রীযুক্তা সারদাসুন্দরী দাস মহাশয়া ১ দিন, শ্রীযুক্তা বিন্দুবাসিনী সেন মহাশয়া ৭ দিন, ভক্তিভাজন শ্রীযুক্ত কামীচন্দ্র গুপ্ত মহাশয় ১ দিন, শ্রীযুক্ত রাজেশ্বর গুপ্ত মহাশয় ৩ দিন, শ্রীযুক্ত হুর্গানাথ রায় মহাশয় ১ দিন, শ্রীযুক্ত হরিশচন্দ্র দত্ত মহাশয় ১ দিন ও সম্পাদিকা ৪ দিন করিয়াছেন। ১৭ দিন উপাসনা

হ্যালিবার্টন নিজের কাছেও স্বীকার করিতে প্রস্তুত নহেন যে বাস্তবিকই এক অভূতপূর্ব হুঃখের ভাবনা তাঁহার হৃদয় অধিকার করিয়া তাঁহাকে বেদনা দিতেছে। সেই জন্ত বলিলেন—“না, জেন, ঠিক হুঃখের কথা নয়।”

“হুঃখ-প্রতিবিধানের উপায় চিন্তা?”

“ঠিক ব’লেছ, জেন। এখন আমার বড় আশ্চর্য্য বোধ হ’চ্ছে যে এরকম উপায় চিন্তার আবশ্যকতা পূর্বে আমার মনে হয় নি কেন?”

জেন তাঁহার বাক্যের গূঢ় অভিপ্রায় হৃদয়ঙ্গম করিয়া চুপ করিয়া থাকিল। হ্যালিবার্টন আবার বলিলেন—

গত রাত্রের সেই আকস্মিক মূচ্ছাতে আমার চোখ ফুটেছে। বা ভুলেছিলাম তা স্মরণ হ’য়েছে—মানুষের জীবনের কিছুই স্থিরতা নেই। জীবন পদ্মপত্রের উপর জলবিন্দুর মত সর্বদা টলমল ক’রছে—কখন ঝরে পড়বে তার কিছুই ঠিক নেই। শুধু যে আমার জীবনের স্থিরতা নেই তা নয়—কিন্তু যিনি বাহুবলে জগতের অদ্বিতীয় বীর তাঁরও জীবন ক্ষণভঙ্গুর। এখন আমার জীবনকে কাচের মত ভঙ্গ-প্রবণ ভেবেই কাজ করা উচিত। জেন, যদি এখন প্রভু আমাকে এখান হ’তে ডেকে নেন, তা হ’লে তোমরা একেবারে নিকরপায়!”

জেন নীরব হইয়া থাকিল।

(ক্রমশঃ)

শ্রীধিনয়ভূষণ সরকার।

হইয়াছে ও ৪ দিন প্রার্থনা করিয়া কার্য আরম্ভ করা হইয়াছে।

২। বিশেষকার্য—

বক্তৃতা, উপদেশ ও কথকতা। শ্রীযুক্ত কাশীচন্দ্র গুপ্ত মহাশয় 'ব্রত গ্রহণ' সম্বন্ধে ১ দিন ও শ্রীযুক্ত রাজেশ্বর গুপ্ত মহাশয় 'জননীর দায়িত্ব' সম্বন্ধে ১ দিন উপদেশ প্রদান করিয়াছেন। নববিধান প্রচারক পূজনীয় শ্রীযুক্ত দুর্গানাথ রায় মহাশয় একদিন 'যীশু-চরিত্র' বিষয়ে কথকতা করিয়াছেন। অবসরপ্রাপ্ত সিবিল সার্জন রায় শ্রীযুক্ত নবীনচন্দ্র দত্ত বাহাদুর 'মানব শরীর গঠন' বিষয়ে একদিন বক্তৃতা করিয়াছেন। ষাঁহার ভগ্নীদিগের শিক্ষার্থ এইরূপ যত্ন করিয়াছেন আমরা তাঁহাদের চরণে কৃতজ্ঞতার সহিত প্রণাম করিতেছি। তাঁহারা যে শুভইচ্ছা হৃদয়ে লইয়া আমাদের জন্ত আপনাদিগের সময় ও শক্তি ব্যয় করিলেন; আমরা তাঁহাদের সেই সব শিক্ষা জীবনে গ্রহণ করিয়া তাঁহাদের পরিশ্রম সার্থক করি, তা আমরাদিগকে এই আশীর্বাদ করুন।

৩। আলোচ্যবিষয়।

১। আমরা কিরূপে সুখী হইতে পারি? ২। নারীজীবনের উদ্দেশ্য। ৩। ভগ্নীসমাজের কার্য সুশৃঙ্খলার সহিত নিৰ্বাহিত হইবার উপায়। ৪। ব্রহ্মদর্শন ও ব্রহ্মবাণী শ্রবণ। ৫। ব্রত-গ্রহণের উপকারিতা। ৬। সন্তানদিগকে সুশিক্ষা দান। ৭। কিরূপে ঈশ্বর বিশ্বাস বর্দ্ধিত হইতে পারে? ৮। জননীর দায়িত্ব। ৯। অভ্যস্ত দোষ পরিহারের জন্ত বিশেষ

বিশেষ সাধনা গ্রহণ। ১০। উপাসনা-নিষ্ঠা। ১১। সত্য উপাসনা ও প্রার্থনার ফল। ১২। ব্রহ্ম কল্পার আদর্শ। ১৩। জীবনে কার্যতঃ সত্যনিষ্ঠ হওয়া। ১৪। বিধবাদের জন্ত আমরা কি করিতে পারি? ১৫। প্রাচীনা ও আধুনিক রমণীদিগের তুলনা, প্রাচীনাদিগের হইতে আমরা কি শিখিতে পারি? ১৬। সাধ্বী রমণীদিগের জীবনী পাঠ ও তদবলম্বনে প্রবন্ধ লেখা। ১৭। অহঙ্কার কিরূপে দূর হয়? ১৮। নিঃস্বার্থ প্রেম। ১৯। সদিচ্ছার বল কেমন করিয়া বাড়িতে পারে? ২০। রিপুগুলির হাত হইতে কিরূপে মুক্ত হইব? ২১। ভগ্নীসমাজের কল্যাণার্থ চিন্তা ও কিরূপ ভাবে ব্রত-গ্রহণ করিতে হইবে। ২২। ঈশ্বর আমার সঙ্গে আছেন ও আমাকে দেখিতেছেন ইহা অনুভব করিতে পারিলে আমাদের জীবন কত সুন্দর ও সুখময় হয়। ২৩। উৎসব কার্য কি প্রণালীতে নিৰ্বাহ হইবে?

৪। সাধনা—

নিম্নলিখিত বিষয়গুলি সাধনার জন্ত গ্রহণ করা হইয়াছিল। ১। ব্রহ্মধ্যান। ২। শিশুসেবা। ৩। বৈরাগ্য। ৪। সন্তোষ। ৫। প্রেম। ৬। ধৈর্য।

৫। প্রবন্ধ—

এবংসর ১১টি ভগ্নী কর্তৃক ১৭টি প্রবন্ধ লিখিত ও পঠিত হইয়াছে। তন্মধ্যে এপর্যন্ত ৬টি প্রবন্ধ ২ খানা মাসিক পত্রিকায় মুদ্রিত হইয়াছে। বাকী প্রবন্ধগুলির ও অধিকাংশ মুদ্রিত হইবার যোগ্য। কোন

কোন ভগ্নী সময়ে সময়ে পত্রিকাদিতেও লিখিতেছেন।

লাইব্রেরী—এবংসর লাইব্রেরীর যথেষ্ট উন্নতি হইয়াছে। শ্রদ্ধাপদ শ্রীযুক্ত শশি-ভূষণ মল্লিক মহাশয় ১৪ খানা ধর্মগ্রন্থ শ্রীযুক্ত সতীশচন্দ্র ঘোষ মহাশয় স্বরচিত 'চাকমা জাতি', শ্রীযুক্ত মোহিনীদাস মহাশয় স্বামীর রচিত 'আত্মবিজ্ঞান', শ্রীযুক্ত সৌদামিনী নিয়োগী মহাশয় স্বামীর রচিত 'নীতি প্রবন্ধ মালা', শ্রীযুক্ত বিহারীকান্ত চন্দ মহাশয় 'বিধান বিশ্বাসী রমণীকান্ত' খৃষ্টধর্ম প্রচারক শ্রীযুক্ত আর্থার জুসন সাহেব ৬ খানা খৃষ্টধর্ম গ্রন্থ, শ্রীযুক্ত হরিশচন্দ্র দত্ত মহাশয় মাতৃ-শ্রাদ্দো-পলক্ষে ৪ খানা সদগ্রন্থ, শ্রীমতী স্বর্ণপ্রতিমা দাস গুপ্তা শ্রীযুক্ত রবীন্দ্রনাথ ঠাকুর প্রণীত কাব্য গ্রন্থাবলী ২ খণ্ড ও নবীনচন্দ্র সেনের গ্রন্থাবলী ২ খণ্ড রূপা পূর্বক ভগ্নীসমাজে দান করিয়াছেন। এই সব দানের জন্ত আমরা দাতাদিগকে শ্রদ্ধা ও কৃতজ্ঞতার সহিত প্রণাম করি।

নিম্নলিখিত কয়েক খনি পুস্তক লাই-ব্রেরীর জন্ত ক্রয় করা হইয়াছে।

বাইবেল—১১০

চারিটী মুসলমান সাধ্বীনারী—১০

ব্রহ্ম-সঙ্গীত (অর্ধমূল্য)—১

সচিত্র পরিচর্যা শিক্ষা—১

গত বৎসর লাইব্রেরীতে মোট ৮৮ খানা পুস্তক ছিল ও ৩ খানা হারাইয়া গিয়াছিল, এবার হারান পুস্তক ৩ খানার ১ খানা (মহর্ষির আত্ম-জীবনী) পাওয়া

গিয়াছে। সর্বশুদ্ধ লাইব্রেরীতে এবংসর মোট ১২৫ খানা পুস্তক আছে।

এতদ্ব্যতীত পূজনীয় শ্রীযুক্ত গিরিশচন্দ্র সেন মহাশয় সম্পাদিত (লিখিবার সময় ইনি জীবিত ছিলেন) 'মহিলা', শ্রদ্ধেয়া শ্রীযুক্তা সরযুবালা দত্ত সম্পাদিত 'ভারত মহিলা' 'ধর্মতত্ত্ব' ও বঙ্গবন্ধু এই চারিখানা পত্রিকা আমরা বিনামূল্যে ও বিনা ডাক-মাংশে নিয়মিতরূপে প্রাপ্ত হইতেছি। এই সব দানের জন্ত আমরা দাতাদিগকে শ্রদ্ধা ও কৃতজ্ঞতা দান করিতেছি।

এবংসর অনেক ভগ্নীই লাইব্রেরী হইতে পুস্তকাদি লইয়া পাঠ করিয়াছেন। ভগ্নীরা সাধারণতঃ যে সকল ভাল ভাল পুস্তক পড়িতে ইচ্ছা করেন, তাহা আমাদের লাইব্রেরীতে না থাকাতে তাঁহাদিগকে অগ্রস্থান হইতেও বই সংগ্রহ করিয়া দিতে হইয়াছে। লাইব্রেরী হইতে মোট ৪০ খানা পুস্তক ভগ্নীগণ এবংসর পাঠ করিয়াছেন। লাইব্রেরীর উদ্দেশ্য ভগ্নীদিগের পাঠের রুচি বৃদ্ধি করিয়া দেওয়া, সে উদ্দেশ্য কথঞ্চিৎ সিদ্ধ হইয়াছে বলা যায়। তথাপি এই ইচ্ছা যাহাতে উত্তরোত্তর বৃদ্ধি হয় আমাদের তত্ত্ব চেষ্টা করিতে হইবে। লাইব্রেরীর ভার ভগ্নীসমাজের রমাসুন্দরী গুপ্তের হস্তে অর্পিত রহিয়াছে। তিনি এ বৎসর লাইব্রেরীর উন্নতির জন্ত যথাসাধ্য চেষ্টা করিয়াছেন, আমরা একান্ত তাঁহাকে অন্তরের সহিত ধন্যবাদ প্রদান করিতেছি।

পত্রিকাগুলি সকল ভগ্নীর নিজস্ব নিয়ম মত প্রেরণ করিতে না পারায়

অনেক ভগ্নীর পাঠ করার সুবিধা হয় নাট। এত দিন এক জন পিয়ন না থাকাতে পত্রিকা পাঠান অসুবিধা হইত। ভগ্নবানের রূপায় এবার আমাদের দুই জন পিয়ন হইয়াছে। এখন হইতে যাহাতে পত্রিকাগুলি সকল ভগ্নীর নিয়ম মত পড়িবার সুবিধা হয় তজ্জন্ত বিশেষ চেষ্টা করা প্রয়োজন।

শিক্ষা বিভাগ—এ বিভাগের কার্য প্রত্যেক ভগ্নী অন্ততঃ এক জনকে হইলেও নিয়মিত সেলাই ও লেখা পড়া শিক্ষা দিবেন। এ বিভাগের কার্য এবারও আশানুরূপ হয় নাই, ভগ্নবানের রূপায় যতটুকু হইয়াছে তদর্শনে আমরা ভবিষ্য-

তের জন্ত আশাবিত্তা হইতেছি। শ্রদ্ধেয়া শ্রীযুক্তা সরোজিনী চৌধুরী সহকারী সম্পাদিকা মহাশয়া নিজ বাড়ীতে শিশুদের জন্ত একটা স্কুল স্থাপন করিয়াছেন ও নিজে শিশুদিগকে শিক্ষা দান করিতেছেন। শ্রদ্ধেয়া শ্রীযুক্তা চাকুলতা দাস মহাশয়া একজন প্রতিবেশিনীকে লেখা পড়া শিখাইতেছেন। কোন কোন ভগ্নী কয়েক জনকে সেলাই শিক্ষা দিয়াছেন। শ্রীযুক্তা অনন্তময়ী দাস মহাশয়ার প্রতি এ বিভাগের বিশেষ ভার রহিয়াছে। তাঁহার কার্য বিবরণী নিম্নে লিখিত হইতেছে।

নাম	সময়	শিক্ষার বিষয়।
শ্রীমতি মানদাবালা সেন (সমিতির সভ্য)	১৯০৯ আগষ্ট হইতে ১৯১০ এপ্রিল পর্য্যন্ত	সেমিজ, বেনিয়ান, ইজার সেলাই।
শ্রীমতী কিরণবালা (জৈনিক হিন্দু বধু)	১৯০৯ ডিসেম্বর	ইজার সেলাই।
ঝরিণা বিবি (জৈনিক মুসলমান বধু)	১৯০৯ নবেম্বর হইতে ১৯১০ এপ্রিল পর্য্যন্ত	মোজা, ক্রশীর লেস, কলারেট ও রুমাল সেলাই
কুমারী উষাবালা বসু (জৈনিক হিন্দু বালিকা)	১৯০৯ নবেম্বর ও ডিসেম্বর	ক্রশীর লেস ও বেনিয়ান সেলাই।
কুমারী কিরণবালা সেন (জৈনিক ব্রাহ্ম বালিকা)		বাস্তনা ও অঙ্ক।

আমরা এ বিভাগের উন্নতির জন্ত তাঁহার কাছে আরও অধিক আশা করিতেছি।

শিল্প বিভাগ—শ্রীযুক্তা অমলাবালা সেনের উপর এ বিভাগের বিশেষ ভার ছিল। তিনি স্থানান্তরে যাওয়াতে শ্রীযুক্তা প্রেমলতা দত্তের উপর এ বিভাগের বিশেষ ভার অর্পিত হইয়াছে। নিম্নলিখিত ভগ্নীদের নিকট হইতে আমরা কয়েকটা সেলাই

মাত্র প্রাপ্ত হইয়াছি, তাহাও অতি অল্প মূল্যে বিক্রীত হইয়াছে।

শ্রীযুক্তা সরোজিনী চৌধুরী ফ্রক ১
কুমারী বনমলতা দাস সার্ট ১
শ্রীযুক্তা কুমুমবালা সেন ফ্রক ১
শ্রীযুক্তা প্রফুল্লকুমারী চৌধুরী লেস
৬ গজ খঞ্চাপোষ ১
শিল্পজাত দ্রব্য বিক্রয় করিয়া ১৬৮০
লাভ হইয়াছে।

শ্রীযুক্তা সরোজিনী চৌধুরী ও শ্রীযুক্তা রম্যসুন্দরী গুপ্ত প্রতিবেশিনী ভগ্নীদের অনেক সেলাই করিয়া দিয়াছেন। ইহা দ্বারা ভগ্নীদের লাভ হইয়াছে সত্য, মজুরীর জন্ত কিছু অর্থ প্রদান করিলে সমাজের আয় হইত। এ বিভাগের উন্নতি কিরূপে হইতে পারে তাহা সকল ভগ্নীরই চিন্তা করা প্রয়োজন।

দাতব্য বিভাগ—গত বৎসর উৎসবের সময় ২৭১০ দান সংগৃহীত হইয়াছিল। উৎসব দিনে ৯১৬/১০ আনা দান করা হইয়াছিল এবং ৭৬/১০ জমা ছিল। ভগ্নীসমাজের মাসিক চাঁদা হইতে এ বিভাগে ২০/১০ দেওয়া হইয়াছে এবং মোট ১০ টাকা নিম্নলিখিত হিসাবে ব্যয়িত হইয়াছে।

একটা কপা অনাথা স্ত্রীলোকের সেবার্থ শ্রীযুক্তা কানীচন্দ্র গুপ্ত মহাশয়ের হস্তে দেওয়া হইয়াছে ২১০

মাষোৎসবে গরীবদিগকে কমলা লেবু বিতরণ ২১

এক জন ভিখারিণীকে দান ১০
উদ্ধারশ্রমের সাহায্যার্থ প্রেরিত হই-

য়াছে ৫১
হস্তে স্থিত ১০

এতদ্ব্যতীত ৬০ খানা বস্ত্র (গরম জামা আলোয়ান) প্রভৃতি সংগৃহীত হইয়া শীতের সময় ছুঃখী গরীবদিগকে বিতরণ করা হইয়াছে। এ বিভাগের বিশেষ ভার শ্রীযুক্তা সাবিত্রীবালা বিশ্বাসের হস্তে স্থিত ছিল। তিনি বহু দিন স্থানান্তরে থাকাতে এ বিভাগের কার্য কিছুই করিতে পারেন নাই। প্রত্যাগমন করিয়াও শারীরিক অসুস্থতা বশতঃ গত এপ্রিল মাস হইতে কার্যভার পরিত্যাগ করিতে বাধ্য হইয়াছেন। এখন এ বিভাগের বিশেষ ভার শ্রীযুক্তা বিমলাসুন্দরী সেন মহাশয়ার উপর অর্পিত হইয়াছে। তিনি এ পর্য্যন্ত ১৬৬৮/০ আনা দান সংগ্রহ করিয়া কপ্তার গুরুতর পীড়া বশতঃ স্থানান্তরে গমন করিয়াছেন। তিনি অতি অল্প সময়ের মধ্যে বিশেষ যত্নে দান সংগ্রহ করিয়াছেন। আমরা আশা করি তাঁহা দ্বারা এ বিভাগের যথেষ্ট উন্নতি হইবে। তিনি স্থানান্তরে যাওয়ার পর আমরা আরও ১১০ এ বিভাগের জন্ত প্রাপ্ত হইয়াছি। এ বিভাগে মোট ১৭১৬/০ জমা আছে। সন্তুষ্ট উৎসব দিনের দান কার্যে তাহা ব্যয়িত হইবে।

সেবা বিভাগ—নিম্নলিখিত ভগ্নীগণ এবার বিশেষ ভাবে সেবা কার্যে ব্যবহৃত হইয়াছেন।

শ্রীযুক্তা হরিদাসী দাস, শ্রীযুক্তা জ্ঞানবালা দত্ত, শ্রীযুক্তা নলিনীবালা সেন, শ্রীযুক্তা সরোজিনী চৌধুরী, শ্রীযুক্তা

রমানন্দরী গুপ্ত ও শ্রীযুক্তা পার্বতীবালা অধিকারী। আমরা আজ বিশেষ দিনে সেবিকা ভগিনীদিগকে শ্রদ্ধার সহিত অভিনন্দন করিতেছি। তাঁহারা জগতের সেবা করিয়া ধন্য হউন। ভগবান তাঁহা-দিগের সহায় হউন।

আয় ব্যয়— গত বৎসরের উৎসবের চাঁদা সমেত সমস্ত বৎসরের মোট ১৩৩৯/০ আয়, ১১৪৬/০ আনা ব্যয় হইয়াছে। হস্তে স্থিত ১৮৯/০।

আজ আমাদের ভগ্নী সমাজ নবম বর্ষ অতিক্রম করিলেন। গত বৎসর ভগ্নী সমাজের জন্ম আমরা কি করিয়াছি তাহা ভাবিবার বিষয়। যদি স্থির চিন্তে চিন্তা করি তবে দেখিতে পাই ভগ্নী সমাজের জন্ম যাহা করা উচিত ছিল আমরা তাহার কিছুই করি নাই। সে সম্বন্ধে একরূপ উদাসীন ভাবেই দিন কাটাইয়াছি। যদি সকলে মিলিয়া ভগ্নী সমাজের উন্নতি ও কল্যাণের জন্ম জীবন ঢালিয়া দিতাম তবে আজ আমাদের সমিতি কত শক্তিশালিনী ও সফল দায়িনী হইতেন।

আদরের ভগ্নী সমাজ! তুমি আমা-দিগকে স্বর্গের দেবী সমাজে লইয়া যাইবার জন্ম অবতীর্ণ। আমরা এখনও তোমার মাহাত্ম্য বুঝিতে পারিতেছি না। যে দিন তোমারই জন্ম আমরা আপনাদিগকে বিস্ময় করিব, হৃদয়ের পূণ্য শোণিত তোমার সেবার ঢালিব সে দিন আমরা সত্যই মায়ের উপযুক্ত কন্যা হইব, সে দিন আমরা কত সুন্দর হইব আর মায়ের প্রসন্ন বদন দেখিয়া পরম আনন্দ ও নিত্য শান্তি সন্তোগ করিয়া কৃতার্থ হইব।

মা, তুমি আমাদের শুদ্ধ ও সুখী করিবার জন্ম, তোমার পৃথিবীকে স্বর্গ করিবার জন্ম এই ভগ্নীসমাজ সঞ্চার করিয়া ইহার সেবায় আমাদের মত পাপী, তাপী, অজ্ঞান, মলিনদিগকে নিমুক্ত রাখিয়াছ, ইহা তোমারই অদ্ভুত লীলা। আমাদের কোন গুণ ও শক্তি নাই সত্য, কিন্তু মা, তুমি আছ। আমরা যে কিছুই নই, তুমি আমাদের সর্বস্ব যদি আমরা ইহা সত্য বিশ্বাস করি ও তোমার পদে দীন হীনের হ্রায় আত্মসমর্পণ করি তবে তুমি এই ভগ্নীসমাজকে সত্যই দেবী-সমাজে পরিণত করিবে। আজ শুভ দিনে আমরা তোমার চরণে আত্মসমর্পণ করিতেছি। তুমি আমাদের দীন হীন শিশুর হ্রায় মা-সর্বস্ব করিয়া লও। সকল গৌরব ও প্রশংসা তোমার। আমরা যেন অকিঞ্চন হয়ে কেবল তোমারই গৌরবের জন্ম সকল কার্য্য করিতে পারি তুমি আমাদের এই আশীর্বাদ কর।

শান্তি: শান্তি: শান্তি:।

শ্রীপ্রফুল্লকুমারী চৌধুরী

সম্পাদিকা,

ভগ্নীসমাজ—চট্টগ্রাম।

ভিক্টোরিয়া মহিলাবিদ্যালয়।

ভিক্টোরিয়া মহিলা বিদ্যালয়ের প্রতি এখন অনেকের মেহ-দৃষ্টি পড়িয়াছে। ভগবান্ সামান্য চেষ্টার তিতর দিয়া কিরূপে মহৎকার্য্য সম্পন্ন করেন এখন তাহাই দেখিবার সময় আসিয়াছে। এই বিদ্যা-

লয়টি এতদিন আশারূপ সাহায্য এবং সহানুভূতি প্রাপ্ত হয় নাই এবং আপনার কার্য্যও সন্তোষজনকরূপে সম্পন্ন করিতে পারে নাই। এখন ক্রমে ইহার উন্নতি দেখা যাইতেছে। উপযুক্ত শিক্ষয়িত্রীগণ কার্য্যক্ষেত্রে উপস্থিত হইয়াছেন, অল্প সকল ব্যবস্থাও সন্তোষজনক হইতেছে কিন্তু ইহার একটি গুরুতর অভাব রহিয়া গিয়াছে। এপর্য্যন্ত বালিকাগণের জন্ম একটি ভাল বোর্ডিং স্থাপন করা হয় নাই। অপেক্ষাকৃত অধিক বয়স্ক বালিকাগণকে উপযুক্ত অভিভাবিকার তত্ত্বাবধানে বোর্ডিংএ না রাখিতে পারিলে এই বিদ্যা-লয়ের মুখ্য-উদ্দেশ্য কিছুতেই সাধিত হইতে পারে না। একটি বোর্ডিং স্থাপন বিষয়ে প্রধান অবলম্বন একটি তত্ত্বাবধা-য়িকা। বিদ্যালয়ের অধ্যক্ষগণও ইহার তত্ত্বা-বধায়িকা মহিলা সমিতি অল্প সকল বিষয়ে কার্য্য সম্পাদন করিতে পারেন কিন্তু বোর্ডিংএ বাস করিয়া বালিকাগণকে দেখা শুনা করিবার ভার একটি বিশেষ নারীকে গ্রহণ করিতে হয়। এই বিদ্যালয়ের কার্য্যক্ষেত্রে মঙ্গলময়ের অনেক মঙ্গল লীলা দর্শন করিয়া আমরা আশা করিতেছি তিনি কৃপা করিয়া বোর্ডিংএর ভার গ্রহণ করিতে কোন নারীকে অবশ্যই কার্য্যক্ষেত্রে উপস্থিত করিবেন। আমরা বিশ্বাস করি আমাদের মধ্যেই এই ভার লইবার উপযুক্ত নারী রহিয়াছেন। যিনি এ বিষয়ে আপনার কর্তব্য অনুভব করেন তিনি অনুগ্রহ করিয়া স্কুলের অধ্যক্ষগণকে জানাইলে তাঁহারা কর্তব্য স্থির করিতে পারেন।

পূজার ছুটির পর আগামী ৭ই নবেম্বর সোমবার পুনরায় বিদ্যালয়ের কার্য্য আরম্ভ হইবে।

ভিক্টোরিয়া মহিলা বিদ্যালয়ের গত সেপ্টেম্বর মাসের আয় ব্যয়ের সংক্ষেপ বিবরণ নিম্নে প্রকাশিত হইল।

(সরকারী) আয়

মহিলা বিভাগের জন্ম আগষ্ট মাসের সাহায্য— ৭৫/

মডেল প্রাইমারী-বিভাগে শিক্ষয়িত্রী ও ভৃত্যের বেতন হিসাবে প্রাপ্ত— ৩২৫/৫

ঐ আনুসঙ্গিক ব্যয় হিসাবে প্রাপ্ত ৪/ মধ্য ইরাজী বালিকা স্কুলে সাহায্য

৩/১৫ আগষ্ট পর্য্যন্ত ৬ মাসের জন্ম প্রাপ্ত— ৩৩২/

ব্যক্তিগত সাহায্য—

শ্রীমন্মহারাজা মণীন্দ্রচন্দ্র নন্দী বাহা-ছুরের বার্ষিক সাহায্য (অবশিষ্ট) ৪৫০/

শ্রীশ্রীমতী ময়ূরভঞ্জের মহারাণীর সাহায্য (সেপ্টেম্বর ১০১০)— ৫০/

শ্রীশ্রীমতী কুচবিহারের মহারাণীর সাহায্য (সেপ্টেম্বর ১৯১০)— ১০০/

অগ্রাগ্র মাসিক সাহায্যের সমষ্টি— ৬৬৯/

ছাত্রীগণের বেতন— ১১৪/

এক কালীন দান— ১০/

শিল্পশিক্ষা, নীতিশিক্ষা প্রভৃতি বিভাগ হইতে গাড়ীভাড়া হিসাবে প্রাপ্ত ১৮/

সমষ্টি— ১২৪২৫/৫

ব্যয়

শিক্ষয়িত্রীগণের বেতন হিসাবে— ৫৬৬/ (পূর্বের দেয় শোধ সহিত)

ভূতাদিগের বেতন—	৫৩
গাড়ীভাড়া হিসাবে বায়—	১২৩৬০
আল্লসঙ্গিক বায়—	১২১১০
বাড়ীভাড়া হিসাবে—	২০০
সম্পাদকের গত মাসের হাওলাত শোধ	২১/১০

সমষ্টি—১০২৮

হস্তে স্থিত ২১৪১৫

সমষ্টি—১২৪২১৫


মহিলাগণ 'মহিলাকে' আপনাদিগের মুখপত্ররূপে গ্রহণ করেন ইহাই বাঞ্ছনীয়। মহিলাগণের লিখিত প্রবন্ধ পাইলে আমরা আদরের সহিত গ্রহণ করি। যে সকল বালিকা শিক্ষালাভ করিতেছেন তাঁহারা রচনা, কবিতা বা কোনরূপ বর্ণনা মহিলার উপযুক্ত করিয়া লিখিয়া পাঠাইলে তাহাও যথাস্থানে প্রকাশ করা হয়। বর্তমান সময়ে মহিলাগণ মিলিত হইয়া সদালোচনা, ধর্মসাধন ও জনহিতকর কার্য্য সকল করিতেছেন, তাঁহাদের ঐরূপ সমিতি সকলের কার্য্য বিবরণ প্রকাশ করিতে আমরা সর্বদাই প্রস্তুত থাকিব। এবার চট্টগ্রামের ভগিনী-সমিতির কার্য্য বিবরণ প্রাপ্ত হইয়া আমরা আশ্চর্যের সহিত প্রকাশ করিতেছি। এই বিবরণী আরও সংক্ষেপ হইলে অপেক্ষাকৃত অল্পস্থানে প্রকাশিত হইতে পারিত, কিন্তু এই রিপোর্ট পাঠ করিয়া অল্প মহিলা সমিতি আপনাদিগের বৎসরের কার্য্য বিবরণ লিখিতে ও প্রকাশ করিতে উৎসাহিত হইবেন আশা করিয়া আমরা সমগ্র বিব-

রণীটি প্রকাশ করিলাম। 'মহিলা' পত্রিকাতে মহিলাগণের কার্য্য ও চিন্তার বিষয় অধিক পরিমাণে প্রকাশ হয় ইহাই আমাদের অন্তরের আকাঙ্ক্ষা 'কিন্তু যাহারা মহিলাগণের হিতচিন্তা করেন এবং মহিলাগণের উপযোগী বিষয় সকল লিখিয়া প্রকাশ করিতে ইচ্ছা করেন আমরা একরূপ মহাশয়গণের লেখা আদরের সহিত প্রকাশ করি এবং আপনাদিগের লোক শিক্ষক ও উচ্চশিক্ষিত বন্ধুগণকে অনুরোধ করি যে তাঁহারা মহিলাকে স্নেহের চক্ষে দেখিয়া ইহার উচ্চ কর্তব্য সাধনে চিরদিন ইহাকে সাহায্য করেন।

মহিলার মূল্যপ্রাপ্তি :

২৭এ অক্টোবর হইতে ৩১এ অক্টোবর ১৯১০।—

শ্রীমতী বাজুমণি রায়,	কলিকাতা	২
” সাবিত্রী দেবী,	কুচবিহার	৪
” কিরণশশি দাস,	কলিকাতা	১
শ্রীযুক্ত অঘোরনাথ রায়		৪
” হরলাল সাহা	কলিকাতা	২
” পাদরী বিমলানন্দ সেন	ঐ	১
” কিরণচন্দ্র ঘোষ	ঐ	১
স্বর্গীয় তারকনাথ রায়	ঐ	২
” মধুসূদন সেন	ঐ	২
শ্রীযুক্ত বিধান পুস্তকালয়ের সম্পাদক	কুচবিহার	৪
” মহিমচন্দ্র দে,	টাঙ্গাইল	১
শ্রীমতী রাণী উমাসুন্দরী, ছবলহাটী		৪
শ্রীমতী ক্ষীরোদাসুন্দরী, ঢাকা		২



মাসিক পত্রিকা।

“যত্র নার্য্যন্তু পূজ্যন্তে রমন্তে তত্র দৈবতাঃ।”

১৩শ ভাগ] আশ্বিন, ১৩১৭, অক্টোবর, ১৯১০। [৩য় সংখ্যা।

প্রার্থনা।

মঙ্গলময়ী জননি, তোমার প্রিয় বঙ্গদেশ তোমাকে আশ্বিনমাসে বিশেষভাবে মাতৃভাবে দেখিয়া পূজা করিল, কত সহস্র বঙ্গনারী তোমাকে মা দুর্গে বলিয়া ডাকিলেন, কিন্তু জননি, তুমি সর্বদশী তুমি সকলের অন্তরে বাসিয়া দেখিয়াছ যে তাঁহারা রংকরা পুতুলের সম্মুখে প্রণত হইয়াছেন এবং সহস্রে একজনও সম্মুখে উপস্থিত জড়-মূর্ত্তিকে অতিক্রম করিয়া বিশ্বজননী নিরাকারা দেবী যে তুমি, তোমার মঙ্গল চরণ দর্শন করিয়া তাহার নিকট প্রণত হইয়াছেন কিনা সন্দেহ। হে দয়াময়ী দেবি, বল, এদেশের নারীগণ কতদিনে তোমাকে মা বলিয়া ডাকিয়া তোমার চরণে প্রণাম করিবেন ও তোমাকে ভক্তির সহিত পূজা করিবেন। তিন দিন পরে যে পুতুলকে জলে ফেলিয়া দেওয়া হয় সেই পুতুলকে মা বলিয়া আমাদের দেশের

মাতৃজাতি মাতৃহীন হইয়া ক্রন্দন করিতেছেন। আহা, দেবতা, দেখ, আমাদের দেশের নারীগণের মন প্রাণ যে মাটির পুতুল পূজা করিয়া মাটি হইয়া রহিয়াছে। তুমি যে মঙ্গলময়ী নিত্যকালের জননী তাহা দেখিতেই পাইতেছেন না। মা আনন্দময়ী জননী, তুমি যে সকল পুত্র-কন্যাগণকে সর্বক্ষণ কোলে করিয়া রাখিয়াছ এবং সকলের নিকট আত্মস্বরূপ প্রকাশে প্রস্তুত রহিয়াছ, তাহা তাঁহারা জানিতেছেন না। তাই তব পাদপদ্মে প্রার্থনা করি যে তুমি যদি এদেশের মাতৃজাতিকে মাতৃপূজা করিতে শিখাইলে তবে কৃপা করিয়া তাঁহাদের চক্ষু খুলিয়া দেও যে তাঁহারা বিশ্বাস চক্ষে তোমার মঙ্গলস্বরূপ দর্শন করিয়া বৎসরে তিন দিন নমস্কার জীবনের প্রাতদিন তোমার পাদপদ্ম পূজা করিয়া ও তোমার চরণে মঙ্গল প্রার্থনা করিয়া যেন তোমার স্বর্গীয় কন্যাত্ব লাভ করেন; এই প্রার্থনা করিয়া তব পাদপদ্মে বার বার প্রণিপাত করি।

বঙ্গের বার্ষিক মহোৎসব ।

যদিও বঙ্গদেশে বহু মুসলমান আছেন, এবং খ্রীষ্টানের সংখ্যাও দিন দিন বাড়িয়া যাইতেছে, তথাপি বঙ্গদেশ হিন্দুদেশ এবং হিন্দুগণের উৎসব বঙ্গদেশের সাধারণ উৎসব বলিতে হয়। শারদীয় দুর্গোৎসব কত প্রাচীন তাহা বলা যায় না। তবে নিজামরাজ্যে বৌদ্ধ-কীর্তির একপার্শ্বে হিন্দু-দিগের স্বর্গের যে খোদিত মূর্তি সকল আছে তাহাতে বঙ্গদেশের দুর্গোৎসবের প্রতিমার সমস্ত গুণি মূর্তি আছে। এহ হলেরায় মূর্তিগুলি সাতশত বৎসর পূর্বে খোদিত হইয়াছিল এরূপ প্রমাণ আছে, এজন্ম মনে হয় এহ দুর্গোৎসবের মূর্তি অতঃ সাতশত বৎসর পূজিত হইতেছে। ইহা কত সত্য প্রমাণ আমরা জানি না, কিন্তু দুর্গোৎসব যে বঙ্গদেশের সর্বত্র আদৃত সৌবধরে কোন সন্দেহ নাই এবং ইহা বঙ্গের ব্যাধিক জাতীয় মহোৎসব হইয়া রহিয়াছে। লোকে সাধারণত দোল দুর্গোৎসবকে বিশেষ উৎসবের দিন বালিয়া থাকে কিন্তু বঙ্গদেশে দুর্গোৎসবের যত আদর দোলের তত নয়। ফলতঃ জাতীয় উৎসব বলিতে কি বুঝিতে হয় তাহা বিচার করিতে হইলে দুর্গোৎসবের সময় বঙ্গদেশের অপর সাধারণ, ছোট বড় সকল লোকের মনে কি একটা ভাব আসে তাহা আলোচনা করিলে বুঝিতে পারা যায়। দুর্গোৎসব রাজ-পূজা— অর্থাৎ ধনালোক না হইলে এপূজার অনুষ্ঠান করিতে পারে না, তাই বলিয়া উৎসব ধনীর গৃহে আবদ্ধ নয়। সকল লোকেই

এসময়ে উৎসব করে। এই সময়ে যেন আপনাপনি মানুষ নূতন ও সুন্দর বসন-ভূষণ ক্রয় করে, পূজার দিনে যেন আপনি উৎসবের উপযোগী খাণ্ডের ব্যবস্থা হয়, যেন সকলেই নিমন্ত্রণ খাইয়া আমোদ আহ্লাদ করিতে প্রস্তুত হয়। যে বালক বালিকাগণ সমস্ত বৎসর মলিন ও ছিন্ন-বস্ত্র পরিধান করিয়া দিন কাটাইয়াছে এসময়ে তাহারাও নূতন কাপড় পরে ও আনন্দ করে। এই আনন্দ করা দেখিলে কার না আনন্দ হয়? মানুষ সংসারে কেবল খাটতে আসে নাই, কেবল অর্থ উপার্জন ও সংগ্রহ করিতে আসে নাই, কেবল পান ভোজনে মানুষের মন পূর্ণ হয় না। নানা-বিধ বিদ্যা উপার্জন, রাজনীতি সমাজ-নীতির আলোচনা এসমস্ত প্রয়োজন বটে কিন্তু কেবল তাহা লইয়া মানুষ চিরদিন থাকিতে পারে না। মানুষ উৎসব চায়, আনন্দ চায়। শাস্ত্র বলেন আনন্দ হইতে মানুষের উৎপত্তি, আনন্দে স্থিতি; সে মানুষ কি উৎসব হীন হইয়া থাকিতে পারে? যদি ধর্মের নামে, ধর্মকর্ম, পূজা-বন্দনা উপলক্ষ করিয়া আনন্দ করিতে না দেওয়া হয়, তাহা হইলে স্বভাব-প্রধান হইয়া অল্প কিছু উপলক্ষ করিয়া মানুষ আনন্দ করিবে। তাহাতে সমাজের গতি স্বর্গের দিক না হইয়া কোন নীচ দিকে হইবে সন্দেহ নাই। এদেশের বার্ষিক উৎসব একটা পৌত্তলিক পূজার সহিত জড়িত। পুতুল তৈয়ার করিয়া তাহাকে রং করিয়া তাহার পূজা করিয়া উৎসব হয়। ইহারা বুঝিতে পারিয়াছেন যে

মানুষের হাতে গড়া প্রতিমা মানুষের উপাশ্রয় হইতে পারে না অথবা মানুষকে স্বর্গ বা অমরত্ব দান করিতে পারে না তাহারা অবশ্য একটা পুতুল পূজা করিয়া উৎসব করিবেন না কিন্তু তাই বলিয়া কেহ উৎসব-হীন জীবন-যাপন করিতে পারেন না। ব্রাহ্মসমাজের নরনারী নিত্য-নিরঞ্জন পরব্রহ্মকে এখন গৃহদেবতা জানিয়া, পিতা মাতা, সকল মঙ্গলদাতা দেবতা জানিয়া পূজা করিতে শিখিয়াছেন। তাহাদের উপাশ্রয় দেবতা আনন্দময়, সেই দেবতার উপাসনা প্রতিদিন গৃহে হয়; অতএব প্রতিদিনই কিছু কিছু আনন্দ উৎসবের কারণ আছে কিন্তু বিশেষ দিনে সাপ্তাহিক উপাসনার দিনে, ষাণ্মাসিক উৎসবের দিনে ও বার্ষিক উৎসবের দিনে তাহারা সাধ মিটাইয়া উৎসব করিবেন। প্রতিদিন আনন্দ মনে সেই চির-প্রসন্ন দেবতার পূজা করা দৈনিক আনন্দ। সপ্তাহে বন্ধুবান্ধবের সহিত মিলিত হইয়া বিধাসী সকলের পূজ্য সেই মঙ্গলময়ের পূজার জন্ম উত্তম বসন-ভূষণে সজ্জিত হইয়া সেই প্রেমপূণ্যময়ের পূজাতে আনন্দ করিবেন। সন্ধ্যাপরি উৎসবের দিনে হৃদয়-ভরিয়া উৎসব করিবেন। যদি তুলনা করিয়া ধর্মবিশ্বাস বিচার করা সম্ভব হয় তাহা হইলে আমরা বলি যে যিনি আপনার দেবতার পূজায় যত উৎসব করেন, আনন্দ করেন, নূতন বসন-ভূষণ ব্যবহার করেন, আত্মীয় বন্ধুগণকে নিমন্ত্রণ করিয়া ভূরি-ভোজন করান, আপনার অল্প সকল অবস্থা সেই শুভ সময়ের অনুরোধে ভুলিয়া মঙ্গল-

ময়ের পূজার উৎসবের দিনে উৎসব করেন তিনি তত বিধাসী।

ব্রাহ্মসমাজের নারীগণ কি ব্রহ্মোৎসবের দিনে আনন্দ করা লজ্জাকর মনে করেন? তাহাদের অবস্থা উচ্চ, তাহারা উচ্চ জ্ঞানলাভ করিয়াছেন, উচ্চ বিষয় আলোচনা করিতে শিখিয়াছেন। তাহারা ছেলেমানুষের মত বা অশিক্ষিতদিগের মত নূতন কাপড় পরিবেন, সুগন্ধ, সুখকর খাদ্য ব্যবহার করিবেন ইহা কি শোভা পায়! একথা যেন কেহ মনে না করেন। উৎসবের দিনে উৎসব করিতেই হইবে! ব্রহ্মোৎসব আমাদের দেশের জাতীয় উৎসব হইবে তাহা আমরা মনে রাখিব কিন্তু মুসলমানগণ ইদের দিনে যেমন উৎসব করেন, হিন্দুগণ দুর্গোৎসবের দিনে যেমন উৎসব করেন, আনন্দময় ঈশ্বরের উপাসক উপাসিকাগণ তাহার পূজাতে তেমনই উৎসব করিবেন।

ফ্লোরেন্স নাইটিঙ্গেল ।

ফ্লোরেন্স নাইটিঙ্গেলের নাম অনেকেই শুনিয়াছেন, কিন্তু তিনি যে এতদিন জীবিত ছিলেন, তাহা আমরা মনে কেই অবগত ছিলাম না। গত ১৩ই আগষ্ট লণ্ডন নগরে তাহার নিজালয়ে তিনি দেহত্যাগ করিয়াছেন। ক্রিমিয়ার যুদ্ধের বিখ্যাত শুশ্রূষাকারিণী ফ্লোরেন্স নাইটিঙ্গেল, তদবধি “শিবিরাত্যন্তরে দেবী” “Angel of the camps” নামে অভিহিত হইয়া ছিলেন। যদিও বহুকাল হইতে তিনি রোগশয্যায় পড়িয়াছিলেন, তথাপি এত-

শীঘ্র যে তিনি অমরধামে চলিয়া যাইবেন, ইহা কাহারও মনে হয় নাই। জংপিণ্ডের গতিরোধেই তাঁর মৃত্যু হয়। ইদানী-
তুর্কলতা ও বান্ধিকাবশতঃ কাহারও সহিত
পায় দেখা করিতে পারিতেন না। গত
১৯ই মে কাহার নববই বৎসর পূর্ণ হয়।
ঐ দিনে তিনি রাজা জর্জের নিকট হইতে
জন্মোৎসব উপলক্ষে পত্র পাঠিয়াছিলেন।

ফ্লোরেন্স নাইটিঙ্গল, আরও একটি
নামে সকলের নিকট পরিচিত হইয়াছিলেন
“প্রদীপ-হস্ত দেবী” “Lady with the
Camp” ইটালীর অন্তর্গত ফ্লোরেন্স গরে
১৮২০ খৃষ্টাব্দে ইহার জন্ম হয়। ফ্লোরেন্স
নগরে জন্মিয়াছিলেন বলিয়া ঐ নাম পাপ্ত
হইয়াছিল। কাহার পিতা, একজন
সঙ্গতিপর গ্রামবাসী ভদ্রলোক ছিলেন।
ফ্লোরেন্স নগরে কিছুকাল বাস করিয়া,
সপরিবারে ইংলণ্ডে ফিরিয়া গেলেন।
ডিবনসহরের অন্তর্গত লিভলে, তাঁহাদের
নিজালয় ছিল। বালিকাবয়স হইতেই
ফ্লোরেন্স পশুপক্ষীদের সেবা করিয়া দয়া-
বৃত্তি চরিতার্থ করিতেন, ক্রমে তাহা মনুষ্য-
জাতির সেবা করিয়া পূর্ণতা লাভ
করিয়াছিল।

বালাকালে, কিরূপে একটি কুকুরকে
বাঁচাইয়াছিলেন, সে বিষয়ে একটি সুন্দর
গল্প আছে। ইহাদের প্রতিবেশী এক
মেঘপালকের একটি কুকুর ছিল, সেই
কুকুর মেঘদের রক্ষণাবেক্ষণ করিত।
কোনও ছুঁই বালক কুকুরের পায়ে প্রান্তর
মারিয়া তাহার পা ভাঙ্গিয়া দিয়াছিল।
কুকুরের পা ফুলিয়া উঠিয়াছিল, ও যন্ত্রণায়

চীৎকার করিতেছিল। মেঘপালক
ভাবিয়াছিল, কুকুরটি আর বাঁচবে না।
কুমারী নাইটিঙ্গল, মেঘপালকের নিকট
হইতে ককরের পীড়ার কথা শুনিয়া,
ককুরটিকে দেখিতে গেলেন। জল গরম
করিয়া ফানেল দিয়া তাহাকে সেক দিতে
লাগিলেন, এইরূপ করিতে করিতে
ক্রমশঃ ককুরটি আরোগ্য লাভ করিল।
ইহা হইতেই বেশ বৃদ্ধিতে পারা যায় পরে
যে রোগীর সেবায় আনন্দ পাইতেন সেই
দেবগুণ বাল্যকালেই অঙ্কুরিত হইয়াছিল।
তখন যে ককুর, সহানুভূতি পশুপক্ষীর
কষ্ট দূর করিত, তাহা দুর্বল, আতত, রুগ্ন
নর-নারীর প্রতি অর্পিত হইল। তাঁর
ছোট ঘোড়া ও বিড়াল, তাঁহার নিকটতম
বন্ধু ছিল। তিনি আজীবন, পশুপক্ষী
প্রিয় ছিলেন। তখন হইতেই গ্রামে
কাহারও পীড়া হইলে সংবাদ লইতেন, ও
নিজগৃহে কেহ অসুস্থ হইয়া পড়িলে সেবা
শুশ্রূষার ভার আপন হস্তে লইতেন।
স্বগ্রামস্থ দরিদ্রদের সেবা করিতে গিয়া,
তিনি শিক্ষা প্রাপ্ত শুশ্রূষাকারিণীর প্রয়ো-
জনীয়তা বৃদ্ধিতে পারিয়াছিলেন।

কারাবাসিনীদের বন্ধু এলিজাবেথ
ফ্রাইএর দৃষ্টান্তে ক্রমে ক্রমে নিজেকে
ইঁসপাতালের কার্যের উপযোগী করিতে
লাগিলেন। তাহার পরে তিনি ফ্রান্স
ইটালী ও জার্মানীর ইঁসপাতাল সমূহ
পর্যবেক্ষণ করিলেন।

অবশেষে জার্মানীর অন্তর্গত কাইসার-
ওয়ার্থ আশ্রমে শুশ্রূষাকারিণী হইয়া প্রবেশ
করিলেন। সেখানে কতকগুলি নারী

পরসেবায় নিযুক্ত ছিলেন, এখানে আসিয়া
শিক্ষিতা শুশ্রূষাকারিণীর প্রয়োজনীয়তা
অধিকতররূপে অহুভব করিলেন। শুশ্রূষা-
কারিণীদের শুশ্রূষা বিষয়ে শিক্ষালাভ
করিবার প্রয়োজনীয়তা, অনেক দিন
হইতেই তিনি অহুভব করিতেছিলেন।
কাইসারওয়ার্থ হইতে প্যারিসে গমন
করিলেন, সেখানে চিকিৎসালয়ে অস্ত্র
চিকিৎসা অধ্যয়ন করিতে লাগিলেন। সে
সময়েও মধ্যে মধ্যে দরিদ্রের গৃহে গমন
করিতেন। তৎপরে কিছুকাল সেন্টভিন-
সেন্টের ভগ্নদলের সহিত বাস করিয়া-
ছিলেন।

১৮৫৪ খৃষ্টাব্দের বসন্তকালে রুশিয়ার
সহিত যুদ্ধ আরম্ভ হইল। তখন তাঁহার
চৌত্রিশ বৎসর বয়স। আলমবুকের
বিবরণীর সহিত এই সংবাদ আসিয়া
পৌঁছিল যে আহত সৈন্যেরা অচিকিৎসায়
অবহ্নে পড়িয়া রহিয়াছে। পূর্বে হইতে
কোন ব্যবস্থাই করিয়া রাখা হয় নাই,
এবং খাণ্ড সংগ্রাহক কর্মচারীরা পলায়ন
করিয়াছিল। London Times পত্রি-
কার সংবাদ দাতা উইলিয়ম হাউয়ার্ড-
রসেল সৈন্যদের অন্নবস্ত্রের অভাব ও
আহতদের অবহ্ন এই দুই বিষয়েই সাধা-
রণের মনোযোগ আকর্ষণ করিলেন, তিনি
লিখিয়া পাঠাইলেন, ইহাদের মধ্যে ভদ্রতা
পরিচ্ছন্নতা বিষয়ে কোনই ব্যবস্থা নাই,
আমাদের মধ্যে কি কতকগুলি সমর্থ ও
সেবা-পরায়ণা নারী নাই, যাহারা এই
সকল আহতদের সেবা করিতে বাইতে
প্রস্তুত।

যুদ্ধের কর্মসাধক্ষ কুমারী নাইটিঙ্গলকে
শুশ্রূষাকারিণীদের তত্ত্বাবধানকের পদে
মনোনীত করেন। ১৮৫৪ খৃষ্টাব্দের ২৯শে
অক্টোবর কুমারী নাইটিঙ্গল আরও ৩৭ জন
মহিলাকে সঙ্গে লইয়া ক্রিমিয়া আভমুখে
যাত্রা করিলেন।

মহিলাদলের মধ্যে অধিকাংশই ভদ্র-
পরিবারের সন্তান ও এ বিষয়ে উপযুক্ত
শিক্ষালাভ করিয়াছেন। ইনকরমান
যুদ্ধের পরদিন তাঁহারা সেখানে পৌঁছি-
লেন। নিঃশঙ্কচিত্তে তাঁহারা সেই ভয়ঙ্কর
স্থানের সম্মুখীন হইলেন।

নাইটিঙ্গল তাঁহার ইচ্ছামত সকল
ব্যবস্থা করিয়া লইলেন, সকল বিভাগের
কর্মচারীগণের নিকট হইতে সম্মান ও
সহানুভূতি লাভ করিলেন। তাঁহার বাইবার
তিনমাস পরে ইস্কুটারির শিবির হইতে
অপরিচ্ছন্নতা ও অব্যবস্থা পলায়ন করিল।
রোগীর সেবা অতিশয় নিপুণতা ও সূক্ষ্ম-
তার সহিত সম্পন্ন হইতে লাগিল। কুমারী
নাইটিঙ্গল নিজে সকল রোগীর গৃহ
পরিদর্শন করিতেন। তিনি সৈন্যদের
অত্যন্ত প্রিয়পাত্রী হইয়া উঠিলেন।
রোগীর সংখ্যার কথা আর কি বলা
হইবে, ইহাদের গৃহ সকল অনেক মাইল
পর্যন্ত বিস্তৃত ছিল।

রাত্রিতে যখন তাঁহার সাহায্যকারিণী
শুশ্রূষাকারিণীগণ সমস্ত দিনের শ্রান্তির পর
মৃতবৎ নিদ্রিত থাকিতেন, তখন বলক্ষণ
পর্যন্ত কুমারী নাইটিঙ্গল তাঁহার ছোট
আলোকটি হস্তে গৃহ হইতে গৃহান্তরে,
ভ্রমণ করিয়া সকলের সংবাদ লইতেন।

নাইটিঙ্গল হোমে আলোক হস্তে তাঁহার একটি প্রতিমূর্তি স্থাপন করা হইয়াছে। কবি লংফেলো “আলোক হস্তে মহিলা” নামক একটি পত্র লিখিয়াছিলেন।

১৮৫৫ খৃষ্টাব্দের মে মাসে কুমারী নাইটিঙ্গল বালাক্রেভার দুর্দশাপন্ন চিকিৎসালয়কে সুব্যবস্থিত করিবার জন্ত সেখানে গমন করিলেন। বালাক্রেভা যাইবার কয়েকদিন পরেই ক্রিমিয়াজের আক্রান্ত হইলেন। ইস্কুটারী ও লগুনবাসীরা তাঁহার পীড়ার সংবাদ পাইয়া অত্যন্ত উদ্বেগ হইলেন। নাইটিঙ্গলের জীবন-চরিত প্রণেতা লিখিয়াছেন বারাক (Barrack) চিকিৎসালয়ের রোগীরা তাঁহার পীড়ার সংবাদ পাইয়া বালকের স্থায় রোদন করিতে লাগিল। দুসপ্তাহ শয্যাগত থাকিবার পর তিনি অনেকটা আরোগ্য লাভ করিলেন ও সেস্থান হইতে ইস্কুটারীতে আনীত হইলেন ও তৎপরে ইংলণ্ডে ফিরিয়া গেলেন।

কুমারী নাইটিঙ্গল গোপনে ১৮৫৬ খৃষ্টাব্দের ৬ই আগষ্ট ইংলণ্ডে পৌঁছিলেন। কেহ জানিবার পূর্বেই নিজালয়ে লীর্হাষ্টে পৌঁছিলেন। যখন জন-সাধারণ জানিতে পারিলেন তিনি লীর্হাষ্টে আসিয়াছেন, তাঁহার মহৎ কার্যের জন্ত তাঁহার প্রতি সম্মান প্রদর্শনের জন্ত অসংখ্য নরনারী আসিতে লাগিলেন। বালমোরাস প্রাসাদে মহারাণী ভিক্টোরিয়া তাঁহার সহিত সাক্ষাৎ করিলেন ও স্বহস্তে মুক্তাখচিত একটি বহুমূল্য অলঙ্কার পরাইয়া দিলেন। এই সমস্ত সম্মান প্রদর্শন ব্যতীত ৪৮০০০

হাজার পাউণ্ড ইহার নিদর্শন স্বরূপ সংগৃহীত হইল। কিন্তু নাইটিঙ্গল সে দান গ্রহণ করিতে অস্বীকৃত হইলেন এবং সেই অর্থ দ্বারা তাঁহারই প্রস্তাবমত গুশ্রুবা শিক্ষা দিবার জন্ত একটি বিদ্যালয় স্থাপন করা স্থিরীকৃত হইল।

১৮৬১ খৃষ্টাব্দে যখন আমেরিকার যুক্তরাজ্যে যুদ্ধ আরম্ভ হইল তত্রত্য শাসনকর্তা তাঁহার পরামর্শ চাহিলেন, তাঁহার উপদেশ মত Red Cross (সেবার দল) গঠিত হইল। সেইদিন হইতে সে দল যুদ্ধক্ষেত্রে আহতদের সেবা করিয়া আসিতেছে।

ফ্লোরেন্স নাইটিঙ্গল তাঁহার অবশিষ্ট জীবন লগুন নগরে সাউথব্রীটে “নাইটিঙ্গল আলয়ে” কাটাইয়াছিলেন। যদিও তিনি রুগ্ন হইয়া শয্যাশায়ী হইয়া থাকিতেন কিন্তু শেষদিন পর্যন্ত চিকিৎসালয় ও স্বাস্থ্য-বিজ্ঞান সম্বন্ধীয় সকল সংবাদ লইতেন। তিনি অনেক পুস্তক লিখিয়াছেন, গুশ্রুবা সম্বন্ধেও তাঁহার কয়েকখানি পুস্তক আছে।

লগুন নগরের প্রান্তস্থিত কদর্যা পল্লী সমূহের বিষয়ে নাইটিঙ্গলই সর্বপ্রথম সাধারণের দৃষ্টি-আকর্ষণ করিয়াছিলেন।

“খাদ্য”।

সুবিজ্ঞ চিকিৎসক রায় বাহাদুর শ্রীযুক্ত চুনীলাল বসু কর্তৃক প্রণীত। বাঙ্গলা ভাষায় এ জাতীয় পুস্তকের একান্ত অভাব, এই পুস্তকখানি রচনা করিয়া রায় বাহাদুর বাঙ্গালীদের বিশেষতঃ বঙ্গনারীদের একটি

বিশেষ অভাব-মোচন করিলেন। ইহার ভাষা সহজ ও বিষয়গুলি এত সুন্দররূপে বোঝান হইয়াছে, যে সকলেই অনায়াসে বুঝিতে পারেন। কতকগুলি অসার উপাচয় ক্রমে অর্থ ব্যয় না করিয়া, যদি বঙ্গ-মহিলারা এখানি ক্রয় করেন ও বঙ্গ-পূর্বক পাঠ করেন, তবে তাঁহারা আপনাদের পরিবারবর্গের পরম উপকার সাধন করিবেন। আমরা প্রত্যেক বঙ্গ-মহিলাকে ইহা ক্রয় করিতে ও মনোযোগ পূর্বক পাঠ করিতে অনুরোধ করিতেছি।

এই প্রসঙ্গে যদি আমরা আর একটি কথা উল্লেখ না করি, তবে অকৃতজ্ঞতা দোষে দোষী হইব। ভিক্টোরিয়া মহিলা বিদ্যালয়ে তিনি “জল” ও “বায়ু” বিষয়ে অনেক বক্তৃতা দান করিয়াছেন। মহিলারা তাঁহার বক্তৃতা অত্যন্ত আগ্রহের সহিত শুনিয়াছেন, কারণ তিন বিষয়গুলি মহিলাদের বোধগম্য করিবার জন্ত অত্যন্ত পরিশ্রম করিতেন ও মহিলাদের সমক্ষে পরীক্ষা (Experiment) করিয়া বিষয়গুলি সুস্পষ্ট করিয়া দিতেন। তিন গুলিতে আনন্দিত হইবেন, তাঁহার এত পারিশ্রম বৃথা যায় নাই, অনেকে তাহা কার্যে পরিণত করিতে চেষ্টা করিয়াছেন, অনেকের অনেক ভুলসংস্কার দূরীভূত হইয়াছে।

এই পুস্তকখানির জন্ত বঙ্গ-মহিলারা তাঁর নিকট বিশেষ কৃতজ্ঞ, কারণ খাদ্যের আয়োজন করিবার ভার প্রধানতঃ নারীদের হস্তে। তাঁহারা যদি খাদ্যের গুণাগুণ ও পরিপাক ক্রিয়া কিরূপে সাধিত হয়

শরীরের পুষ্টির জন্ত কোন্ কোন্ জাতীয় পদার্থ কি পরিমাণে আবশ্যিক জানেন তবে বাঙ্গালীর গৃহে রোগ অকালমৃত্যু বহু পরিমাণে হ্রাস পাইবে।

খাদ্যে ভেজাল দেওয়া একটি গুরুতর চিন্তার বিষয় হইয়া পড়িয়াছে। এ বিষয়ে তিনি বিশেষরূপে সকলের মনোযোগ আকর্ষণ করিয়াছেন। বাঙ্গালীদের অল্পায়ু দুর্বল ও রোগের আকর স্বরূপ হওয়ার ইহা একটি প্রধান কারণ। অল্প মূল্যে ভেজাল দ্রব্য ক্রয় করা নিতান্ত অপরিণামদর্শীর কাজ, পশ্চাতে তাহার জন্ত অন্ততাপ করিতেই হইবে। সমস্ত যেটুকু লাভ হইয়াছিল, রুগ্ন হইয়া তাহার শত-গুণ অর্থ ব্যয় হয় ও লাভের মধ্যে এই চিরকালের মত শরীর ভাঙ্গিয়া যায়। চুনীলাল সে কথা বেশ করিয়া বুঝাইয়া দিয়াছেন। অধিক মূল্য দিয়া বিশুদ্ধ অমিশ্রিত দ্রব্য ক্রয় করিলে, কিছুই ক্ষতি হয় না, ভবিষ্যতে তাহার সুফল পাওয়া যায়।

বিষয়টি নিম্নলিখিত কয়েক বিভাগে বিভক্ত করিয়া লইয়া লিখিয়াছেন। ১। স্বাস্থ্যের সহিত খাদ্যের সম্বন্ধ। ২। খাদ্য কাহাকে বলে। ৩। খাদ্যের প্রয়োজনীয়তা। ৪। পরিপাক প্রণালী। ৫। খাদ্যের বিভিন্ন উপাদান ও তাহাদিগের গুণ। ৬। খাদ্যের পরিমাণ নিরূপণ। ৭। খাদ্যের অগ্নাত উপকরণ। ৮। নিত্য ব্যবহার্য খাদ্য সম্বন্ধে কয়েকটি কথা। ৯। খাদ্যের পরিপাকের সময় ও পরিপাচ্যতা। ১০। রন্ধন। ১১। বয়সভেদে আহারের পরিমাণ

৭ সময় । ১২ । পরিমিত ভোজন ও দীর্ঘ-
জীবন লাভ । ১৩ । আমিষ ও নিরামিষ
ভোজন । ১৪ । খাতে ভেজাল ও তন্ন-
রূপণের উপায় । ১৫ । খাত্তের ভেজাল
নিবারণের উপায় ।

পাঠিকাদিগের জ্ঞাত “খাত্ত” হইতে
কিছু কিছু উদ্ধৃত করিয়া দিতেছি ।
স্বীলোকদিগের রক্ষন করার বিষয় তিনি
লিখিয়াছেন :—

“রক্ষন সভ্যতার একটা অঙ্গ এবং
কলাবিচার অন্তর্গত । যে স্বীলোক ভাল-
রূপে রক্ষন করিতে পারেন, কি স্বদেশী,
কি বিদেশী সকল সমাজেই তিনি সম্মান
লাভ করিয়া থাকেন । আমাদের দেশে
পল্লীগামে কাহারও বাটীতে কোন ক্রিয়া
উপস্থিত হইলে, সম্ভ্রান্ত পরিবারের মহিলা-
গণ রক্ষন কার্যে যোগ দিয়া নিরতিশয়
আনন্দ লাভ করেন । বাঁহারা রক্ষন
কার্যে সুপটু এই সময়ে তাঁহারা আত্মীয়-
বর্গ ও প্রতিবাসিগণের নিকট হইতে কত
আদর ও কত সম্মান পাইয়া থাকেন ।
বাঁহারা রক্ষন কার্যকে নীচবৃত্তি বলিয়া
মনে করেন, তাঁহারা নিতান্ত ভ্রান্ত ।
স্বহস্তে রক্ষন করিয়া স্বামী পুত্র ও আত্মীয়-
বর্গকে ভোজন করাইলে মনে কিরূপ
আনন্দের উদয় হয়, বাঁহারা এই কার্য
করিয়াছেন তাঁহারাই তাহা অবগত
আছেন । বিলাতে অতি সম্ভ্রান্ত ও ধনী-
পরিবারের মহিলাগণ রক্ষন কার্যে যোগ-
দান করা গৌরবের কার্য মনে করেন ।
কোন ভোজের সময় নিমন্ত্রিত ব্যক্তিগণ
গৃহ-স্বামিনীর স্বহস্তে প্রস্তুত খাত্তসামগ্রীর

উপর সর্কাপেক্ষা অধিক অনুরাগ প্রকাশ
করিয়া থাকেন । পরিবারস্থ স্ত্রীলোকেরা
রক্ষন কার্যে নিপুণা হইলে, সাংসারিক
ব্যয়েরও বিশেষ সুবিধা হইয়া থাকে ।
সহরের মধ্যবিত্ত ভদ্রলোকদের দিন দিন
যে রূপ অবস্থা দাঁড়াইতেছে, তাহাতে যদি
পরিবারস্থ রমণীগণ রক্ষন কার্যের ভার
গ্রহণ করেন, তাহা হইলে অনেক খরচ
বাঁচিয়া যায় এবং তদ্বারা পুষ্টিকর খাত্ত ও
উপযুক্ত বস্ত্রাদির সংগ্রহ এবং বালক
বালিকাদের বিদ্যাশিক্ষা সম্বন্ধে যথেষ্ট
স্বাধিকুল্য হইতে পারে । সর্বদা মনে
রাখা উচিত যে রক্ষন কার্য বিদ্যাশিক্ষার
অন্তর্গত, সুতরাং ইহা সম্মান ও গৌরবের
বিষয় ।” উত্তমরূপে চর্ষণ করা—“বিখ্যাত
শারীর তত্ত্ববিদ ডাক্তার সার মাইকেল
ফষ্টার চর্ষণ সম্বন্ধে এইরূপ বলিয়াছেন—
ইহা নিঃসন্দেহ যে খাত্ত উত্তমরূপে চর্চিত
না হইলে, প্রয়োজনতিরিক্ত আহাৰ্য্য
সামগ্রী গ্রহণ করিতে বাধ্য হইয়া থাকে,
এবং আমাদের দেহ শীঘ্র অতি ভোজ-
নের বিষময় ফলভোগ করে । খাত্ত
অধিকক্ষণ চর্চন করিলে ক্ষুধার অস্বাভা-
বিক প্রকোপ বিনষ্ট হইয়া যায়, সুতরাং
যে পরিমাণ ক্ষুধা তদধিক খাত্ত গ্রহণ করি-
বার আবশ্যক হয় না । এই সুঅভ্যাসের
ফলে আমরা সহজলব্ধ খাত্তসামগ্রী দ্বারা
যথেষ্ট তৃপ্তলাভ করতে পারি এবং অধিক
মাংস খাইবার প্রবল লালসার নিবৃত্তি হয় ।
খাত্ত উত্তমরূপে চর্চিত হইলে তাহার
অধিকাংশই পরিপাক হইয়া যায় অতি
সামান্য অংশই মলরূপে পরিত্যক্ত হয়,

সুতরাং মলের পরিমাণ কম হয় । ইহাও
পরীক্ষা দ্বারা প্রমাণিত হইয়াছে যে বাঁহারা
খাত্ত উত্তমরূপে চর্ষণ করে, তাহাদের
মলে অধিক জুর্গন্ধ হয় না । মল বিকৃত
হইলেই সর্বশেষ জুর্গন্ধযুক্ত হইয়া থাকে
এবং তন্মধ্যস্থিত দূষিত পদার্থ রক্তের
সাহিত মিশ্রিত হইয়া নানাবিধ ব্যাধি
উৎপাদন করে । সুতরাং উত্তমরূপে
চর্ষণ করিলে আমরা যে নানাবিধ রোগের
হস্ত হইতে অব্যাহতি লাভ করিতে পারি,
শুধু তাহাই নহে, অনাবশ্যক খাত্তের জ্ঞাত
যে অর্থব্যয় হয়, তাহাও নিবারণ করিতে
পারি ।”

দাঁধ—“দাঁধ খাত্ত পরিপাকের বিশেষ
সহায়তা করে । অনেকে দুধ পরিপাক
করিতে পারেন না, কিন্তু দাঁধ অধিক
পরিমাণে খাইলেও তাহাদের কোন অনিষ্ট
হয় না । যে সকল বীজাণুদ্বারা দুধ
দাঁধিতে পরিবর্তিত হয় তাহারা দেহের
কোন অনিষ্ট সাধন না করিয়া স্বাস্থ্যরক্ষার
সহায়তা করিয়া থাকে । দাঁধের ব্যবহার
আমাদের দেশে সর্বত্র প্রচলিত, দাঁধ না
থাকলে নিমন্ত্রণের অঙ্গভঙ্গ হয় ; এপ্রথা
সর্বথা সুসঙ্গত ও স্বাস্থ্য বিজ্ঞানানুমোদিত ।
আর একটা বিশেষ কথা এই যে দুধের
সাহিত যে সকল বীজাণু আমাদের শরীরে
প্রবেশ করিয়া কলেরা প্রভৃতি সাংঘাতিক
রোগ উৎপাদন করে, দাঁধের মধ্যে যে
সকল বীজাণু থাকিলে বিনষ্ট হইতে
পারে না, এবং শীঘ্র মরিয়া যায় । পরীক্ষা
দ্বারা প্রমাণিত হইয়াছে যে দাঁধ বখারীতি
ভোজন করিলে আমাদের অন্ত্র মধ্যে

অবস্থিত অনিষ্টকারক বীজাণুদিগের
(Tissue-destroying Bacilli)
সংখ্যা হ্রাস প্রাপ্ত হয় সুতরাং রোগ ও
অকাল বার্কিক্যের হস্ত হইতে আমরা
অনেক সময়ে অব্যাহতি লাভ করিতে
পারি ।”

রক্ষন—“এসম্বন্ধে দুই একটা কথা
বলিতে ইচ্ছা করি । আমরা যেকোন ভাবে
ভাত প্রস্তুত করি তাহাতে ফেনের সহিত
উহার সারাংশ অনেক পরিমাণে নির্গত
হইয়া যায় । ভাত ও ডাল পৃথক প্রস্তুত
না করিয়া একত্রে খিচুড়ি প্রস্তুত করিলে,
উহা অধিক সারবান হইয়া থাকে । তবে
অনেকের আপত্তি যে প্রত্যহ খিচুড়ি
খাইলে পেট গরম হইবার সম্ভাবনা থাকে,
অথচ ফেন-সমেত ভাত রাখিলে উহা
হাবষায়ের মত অনেক সময় জমাট
বাঁধিয়া যায়, সুতরাং খাইবার সুবিধা হয়
না । এবশ্বয়ে আমাদের গৃহীদিগের
একটু শিক্ষার প্রয়োজন । কিছুদিন
অভ্যাস করিলেই তাঁহারা বুঝিতে পারি-
বেন যে কতটুকু জল দিলে চাউলগুলি
সুসিক্ত হইয়া যাইবে, অথচ ফেন গালিবার
আবশ্যক হইবে না । এই শিক্ষাটুকু হইলে
আমাদিগের সাংসারিক ব্যয়ের পক্ষেও
সুবিধা হইবে, অথচ অল্পের সহিত আমরা
অধিক পরিমাণ সারপদার্থ গ্রহণ করিতে
সক্ষম হইব । দুই একটা পরিবারের
গৃহীণীগণ এবশ্বয়ে প্রশংসনীয় অভিজ্ঞতা
লাভ করিয়াছেন ।

বাজারের মিঠাই—“বাজারে যে
মিঠাই প্রস্তুত হয় তাহার জ্ঞাত সচরাচর

অত্যন্ত ভয়ঙ্কর ব্যস্ত হইয়া থাকে । অনেক সময়ে উহার মধ্যে স্নানের অংশ মোটেই থাকে না । তৈল ও চর্কি-মিশ্রিত করিয়া এই সকল মিষ্টান্ন প্রস্তুত হইয়া থাকে । আমাদের দেশের অনেক লোকেরই অজীর্ণ রোগ বাজারের খাবার খাইয়াই উৎপন্ন হয় । ঘরের তৈয়ারী রুটী ও তরকারী এবং গুড় বা চিনি জল-খাবারের জন্ত ব্যবহার করা উচিত । ভাল ঘি মঠাই প্রস্তুত করিবার জন্ত যতদিন না ব্যবহৃত হয়, ততদিন বাজারের খাবার বিষয় পরিভ্যাগ করাই সুবেচনার কার্য্য । বিশেষতঃ দোকানে খাবার যেক্রমে মেলাইয়া রাখা হয়, তাহাতে উহার উপর মলমূত্র-আবজ্জনা-মিশ্রিত পথের ধূল স্তরে স্তরে নানাবধ রোগের রাজ অরূপে এই সকল মিষ্টান্নের সাহিত্য মিশ্রিত থাকিয়া আমাদের শরীর মধ্যে প্রবেশ করিয়া এই সকল রোগ উৎপাদন করিবার সম্ভাবনা ।

মেয়ের হাট ।

হিন্দুর ঘরে সর্বদা ব্রত পালন হইয়া থাকে । গুরু পুরোহিতগণ অনেক কয়েই উপাস্ত থাকেন । ব্রাহ্মণ ভোজন ও দানাদি হিন্দুদের নিত্যকর্ম । সাবিত্রী একজন সম্পন্ন গৃহস্থের কন্যা । তাহার পিতা হরিজীবন মিত্র চণ্ডীপুর গ্রামের তালুকদার । দেবদেবী তাহার প্রগাঢ় ভক্তি । কিছু ছুঃখের বিষয় হইবার কথা সাবিত্রী বাল-বিধবা । কথা বিধবা হইয়া

অনধি হরিজীবন মিত্রের স্ত্রীও বিধবার ছায়াই আহার ব্যবহার করেন । একাদশীর দিন মাতাও কন্ডার সহিত একত্রে একাদশী-ব্রত পালন করেন ।

হরিজীবনের আর একটা পুত্র আছে । তাহার নাম রামজীবন । রামজীবন বিধবাব্যালয়ে সূখ্যাতির সাহিত্য বি, এ, পাশ করিয়াছে । রামজীবন বিবাহ করিয়াছে । তাহার স্ত্রীর নাম দময়ন্তী । ইনি শিবপুরের বিখ্যাত কৈলাসচন্দ্র ঘোষের কন্যা । এ পরিবারে স্ত্রী পুরুষ সকলেই নব্য-শিক্ষার পক্ষপাতী । দময়ন্তী ছাত্রবৃত্তি পরীক্ষায় উত্তীর্ণা স্বামীর নিকট যত্নের সাহিত্য ইংরেজী ভাষা শিক্ষা করিতেছেন । সাবিত্রী হইবার নন্দ । সাবিত্রীও বাল্যকালে কিছুকাল বাঙ্গলাস্কুলে পড়িয়াছিল । কিন্তু বিধবা হওয়ার পর আর লেখাপড়ার সাহিত্য সম্পর্ক নাই । হরিজীবন মিত্র কন্যাকে শিবপূজা গ্রহণ করাইয়াছেন । নানারূপ ব্রতপলক্ষে খুব উৎসাহ দিয়া থাকেন ।

হরিজীবন মিত্রদের বাড়ীর নিকটেই কয়েকটা জমিনা মিশনের খ্রীষ্টান রমণী বাস করেন । তাহারা গৃহস্থের বাড়ীতে গিয়া মেয়েদের কিছু কিছু ধর্মপুস্তক পড়ান । প্রধানতঃ হিন্দুদের মেয়েদের শিলাই শিক্ষা দেন । ইহারা বুনন শিলাই কার্যে খুব দক্ষ । রামজীবন বাবুর উৎসাহে তাহার স্ত্রী ইহাদের নিকট নানারূপ শিল্পকর্ম শিক্ষা করেন । এসকল স্ত্রীলোকও বাঙ্গালা । কিন্তু ইহারা খ্রীষ্টধর্ম দীক্ষিত হইয়াছেন । সাড়ীর পার্বর্তে কেহ কেহ

গাউন পরেন । রবিবার সকলেই গির্জায় গিয়া উপদেশ শোনেন ।

যখন সুশীলা রায় ও মিস্ চন্দ্রমুখী নন্দী হরিজীবনের বাড়ীতে বৌমাকে শিলাই শিখাইতে আসে, তখন পাড়ার কি বউ, বুড়ো সব মেয়ে একত্র হয় । যেন মেয়ের হাট বসে । নানা রকম কথা হতে থাকে ।

একদিন রামজীবনের মা তাহার ভগ্নী ও স্ত্রী জননামিশনের মেয়েদের সঙ্গে কথা বলিতেছেন, এমন সময়ে তাহাদের গুরুপত্নীও সেখানে আসিয়া উপস্থিত হইলেন । সেদিন বাইবেল পড়িয়া “লড্‌স্ প্রেমার” বিষয়ে কথাবার্তা হইতেছিল ।

যীশুখ্রীষ্ট তাহার শিষ্যদিগকে যে প্রার্থনা করিতে শিখাইয়াছিলেন, তাহার অর্থ কি ভৎসম্পর্কে নববধু এবং খ্রীষ্টান মেয়েদের প্রণোত্তর চলিতেছিল ।

গির্জা শুনিয়া বলিলেন ওসব কি রকম ধর্মগো ? ওতে আমাদের দরকার নাই । ঈশ্বরের জীবন আসুক বা না আসুক, ঈশ্বরের ইচ্ছা পূর্ণ হোক কি না হোক, সে কথায় তোমার আমার দরকার কি ? ওসব রেখে দাও । তোমরা বৌমাকে একটু শেলাই শিখাইতে হয় তাই শেখাও । জোঠান কথাগুলি না বকলেই ভাল ।

গুরুপত্নী জিজ্ঞাসা করিলেন এদের চেহারা ত বাঙ্গালীর মত । গাউন পরেছে । তবে তোমরা কি ফিরিস্তী ? সুশীলা বলিল, না মা আমি বাঙ্গালী বউ ।

তোমার নাম কি ?

সুশীলাসুন্দরী বাড়রী ।

গুরুপত্নী -- বাড়রী ? তবে তুমি কি বাসুনের মেয়ে ?

সু -- হাঁ ; আমার পিতা বাসন ।

গুরুপত্নী -- তবে তুমি কি করে খ্রীষ্টান হলে ?

সু -- সে অনেক কথা ।

গুরুপত্নী -- না তোমাকে সে কথা বলতেই হবে ।

সু -- তবে শুনুন । আমার পিতা একজন ব্রাহ্মণ পণ্ডিত ছিলেন । তাঁর নিবাস রামকালীগ্রামে । আমি বাল্যকালে বিধবা হই । আমিও ঐ সাবিত্রী ঠাকুরাণীর মত পিতৃ-আজ্ঞাতে অনেক ব্রত উপবাস করিতাম । পিতার সঙ্গে তীর্থযাত্রা করিয়াছিলাম । পথে পিতা মাতার মৃত্যু হয় । আমিও কলেরা রোগে মৃত্যুমুখে পতিত হই । একজন পাদরী সাহেব আমাকে তাহার ঘরে লইয়া গিয়াছিলেন । তিনি অনেক ব্রত আমার জীবন রক্ষা করেন । আমি ঈশ্বরের জায় বাঁচিয়া উঠিলাম । সুস্থ ও সবল হইলাম । পাদরী সাহেব আমাকে স্বদেশে লইয়া যাইতে চাহিয়াছিলেন । কিন্তু আমার পিতা মাতা নাই । আমি বিধবা । তাহাতে পতিকলের কাহাকেও জানি না । দেশে গেলে লোকের ঘৃণাই হইবে । এজন্ত দেশে যাইতে অনিচ্ছা জন্মিল । সাহেব তখন আমাকে খ্রীষ্টান করিতে চাহিলেন । কিন্তু তাহাতেও আমার প্রতি হইল না । আমি সাহেবকে বলিলাম আপনাদের ধর্ম আমি জানি না । যদি ভালরূপ বুঝিতে পারি তবে গ্রহণ করিব কিনা

বুঝি। চাই বৎসরকাল পাদরী সাহেবের সঙ্গে থাকিয়া ইহার উপদেশ ও আচরণ দেখা শুনা গেল। আমরা হিন্দুধর্ম যেটুকু করি, তাহা অপেক্ষা খ্রীষ্টানধর্ম ভাল। যিশুখ্রীষ্ট একজন ঈশ্বরপুত্র দেবতা। তাঁকে ভক্তি করা অতি গুরুতর কর্তব্য। মনুষ্যের নানারূপ সেবা ঈশ্বরের উপদেশ। আপনার সুখ সুবিধা পরিহার সর্বথা করিতে হয়। আমাদের যে হিন্দুধর্ম অনুষ্ঠান করা হয়, তাহা কেবল অর্থহীন ভাবে শরীরকে কষ্ট দেওয়া, উপবাস করা, আর অর্থলোভী অজ্ঞান চরিত্রহীন ব্রাহ্মণদিগকে দান। ইহা ভিন্নত কিছুই বুঝিতে পারি নাই।

গিন্নী—তুমি অবশ্য গুরু মুরগী খাইতে শিখিয়াছ।

সু—তোমরা বিশ্বাস না করিতে পার, তাতে কিছু আসে যায় না। ফলতঃ আমি এপর্যন্ত মাছ মাংস কিছু খাই না। আমি সস্ত হইলে সাহেব আমাকে মাংস মাছ খাইতে বলিয়াছিলেন। কিন্তু বালিকাবয়স হইতে উহা আমার অভ্যাস নহে। আমি নিরামিষ খাইয়াই সখে আছি। একথা বলাতে সাহেব আর দ্বিকল্পিত করেন নাই।

গুরুপত্নী—তুমি এখানে এলে কি করে?

সু—আমি খ্রীষ্টানধর্ম গ্রহণ করার পর সাহেব বলিলেন তোমার জীবনের একটা কার্য আবশ্যিক। আমি বলিলাম আমিত কিছু জানি না। সাহেব আমাকে তিন বৎসর এক খ্রীষ্টানস্কুলে রাখিয়া লেখাপড়া

শিল্পকর্ম এবং ধর্মশাস্ত্র শিক্ষা করাইয়াছেন। অবশেষে চন্দ্রমুখীকে সঙ্গে দিয়া এটি গ্রামে রাখিয়াছেন। এখানে তাই ঘরে ঘরে গিয়া মেয়েদের শিক্ষা দেই।

গিন্নী—তোমাকে কি সাহেব আবার বিয়ে দিয়েছে?

সু—না। বিবাহে আমার মতি হয় না। ঈশ্বরের নিকট প্রার্থনা করিয়া এবং দশজন মেয়ের সেবা করিয়াই আমার পরমানন্দ বোধ হয়। বিবাহ যাহা একবার হয়েছে তাই বেশ। আর দরকার বোধ হয় না। যাহার আবার দরকার বোধ হয় তাহারই বিবাহ।

গুরুপত্নী—তোমার একথা বড়ই ভাল লাগিল। তা না হইবে কেন। বামুন পণ্ডিতের মেয়েত। তুমি যে বলিলে ঈশ্বরের নিকট প্রার্থনা কর। সে কেমন। বীশু-খ্রীষ্ট না খ্রীষ্টানদের ঈশ্বর? তবে বীশু-খ্রীষ্টের কাছেই তাহারা প্রার্থনা করে।

সুশীলা—ঈশ্বর সর্বগত পিতা। বীশুখ্রীষ্ট তাঁর একমাত্র প্রিয়পুত্র। খ্রীষ্টানেরা ঈশ্বরের নিকটই প্রার্থনা করে। তবে বীশুর নামে প্রার্থনা করিয়া থাকে।

গিন্নী—ঈশ্বরের নিকট প্রার্থনা আবার বীশুর নামে কি?

সু—সাহেব একপই শিখাইয়াছেন। তবে এবিষয়টা আমিও পরিষ্কার বুঝি না। বুঝা আমার আবশ্যিকও বোধ হয় না। আমি ঈশ্বরকে পিতা ভাবিয়া এবং তাঁর দয়ার উপরে নির্ভর করিয়া প্রার্থনা করিতেই আমার হৃদয় পবিত্র এবং জীবন কৃতার্থ বোধ হয়। ক্ষুদ্র জীবন দ্বারা

ঈশ্বরের সম্মানদের যে সেবা করি তাহাই আমার বিশেষ আনন্দ।

দময়ন্তী—আপনি কখন ব্রাহ্মসমাজের নাম শুনিয়াছেন?

সু—হাঁ; ব্রাহ্মসমাজের নাম শুনেছি। কিন্তু কখন ব্রাহ্মসমাজে যাই নাই। পাদরী সাহেবেরা আমাদের সেখানে যেতে অসু-মতি দিত না।

দময়ন্তী—তবে হিন্দুসমাজে যেমন মূর্খ ব্রাহ্মণের অত্যাচার। খ্রীষ্টানসমাজেও পণ্ডিত পাদরীর আধিপত্য আছে দেখা যায়।

সু—পাদরীদের আধিপত্য আছে বই কি? অনেক বিষয় ধর্মশাস্ত্রে আছে যাহা বুঝা যায় না। অথচ মেনে নিতে হয়। তবে সেরূপমানা হিন্দুসমাজেও আমার অভ্যাস ছিল। খ্রীষ্টানদের মধ্যে থেকেও না বুঝে আমার অভ্যাস হচ্ছে।

দময়ন্তী—ব্রাহ্মসমাজে অত মানামানি পাদরী পুরোহিতের আধিপত্য নাই। ভেবে চিন্তে বুঝে যে যার মতে মানামানি চলে।

গুরুপত্নী—তুমি বউ মানুষ। ব্রাহ্মসমাজের খবর অত কি করে রাখ?

দময়ন্তী—আমার বাবাই ব্রাহ্মসমাজের একজন সভ্য। আমাদের বাড়ীতে প্রতি শুক্রবার একসভা হয়। আমি বসে বসে সব শুনি। শুনে শুনে এটি বেশ বুঝেছি যে এখানে সকলেই স্ব স্ব প্রধান। কেহ কাহারও ধারণারে না। বামুন পুরোহিত গুরু পাদরী কাহারও কর্তৃত্ব নাই। যার যা ইচ্ছা সে তাই করতে

পারে। উপাসনা ভজন সাধনেরও কোন বাধাবোধ নাই।

গিন্নী—দেখছেন কি মা, বউ আমার বড় পাক্কাবউ। সব জানে, সব বোঝে।

বউ এসমুখ্য শুনে সেস্থান হতে এক পায় ছ পায় প্রস্থান করিল।

সুশীলা বলিল ব্রাহ্মসমাজ নিকটে পাইলে আমি কিছুদিন যাতায়াত করিতাম, এবং ব্রাহ্মধর্মের বই পাইলে আমি ভালরূপ পড়িয়া দেখিতাম।

চন্দ্রমুখী সুশীলাকে বলিল শীঘ্র চল যোন্ ভাত খাওয়ার সময় হল।

তাহারা উভয়ে সকলকে ধন্যবাদ ও নমস্কার পূর্বক চলিয়া গেলেন।

হ্যালিবার্টন পত্নীর জীবনের পরীক্ষা।

(পূর্বাহ্নরূপিত)

মিঃ হ্যালিবার্টন বলিলেন—সেইজন্ত যতশীঘ্র সম্ভব, তোমাদের জন্ত একটা উপায় চিন্তা করা আমার উচিত। আমি মনে করেছি—আমি আমার জীবন-বীমা করব।

জেন তৎক্ষণাৎ কোন উত্তর দিল না। কিছুপরে সে বলিল—কিন্তু তাতে তোমার আয়ের যে অনেকটাই চলে যাবে?

“হাঁ, তা আমি ভেবেছি। কিন্তু এটা না করলেই নয়। কেন জেন, তুমি আমার এ প্রস্তাব শুনে তেমন আশাবিত হ'চ্ছ না কেন?”

“কারণ, যদি তুমি জীবন-বীমা কর তা হ'লে সেই বীমার খরচ, আমাদের পারিবারিক ব্যয়—এই সকলের জন্ত তোমাকে এখনকার মত বরাবর কঠোর পরিশ্রম কর'তে হবে।”

“হাঁ, তাতো আমি নিশ্চয়ই করব।”

“তা যাইই হোক, উপস্থিত এখন আমাদের খরচ পত্র কমাতে হবে। সে বিষয়ে আমি স্থির করে ফেলেছি।”—কিন্তু এই যে জীবন-বীমার জন্ত বছরে বছরে টাকাটা দিতে হবে, সেজন্ত—

হ্যালিবার্টন বাধা দিয়া বলিলেন—
“জেন, এখন আমার পরিশ্রম কমাবার কোন দরকার নেই। আমি এখন সে কথা ভাবছিই না। আমি খুব সবল না হ'তে পারি কিন্তু আমার কোন ব্যারাম তো নেই। সংসারের খরচ পত্র কমানোর—সেটা এখন বাধা হ'য়েই করতে হবে। কারণ এই আয় হ'তেই তো বীমার টাকাটা দিতে হবে।”

“যদি তুমি শরীর স্ত্রুত রেখে চল'তে পার তাহ'লে জীবন-বীমা করা উচিত। একথা আমার মনেও হ'য়েছে।”

“তবে তুমি একথা আমাকে আগে বলনি কেন?”

“কেন যে বলিনি তা বল'তে পারি না। তোমাকে একথা বল'তে আমার মনে সরেনি। আর বীমা কর'লে টাকা কোথা হ'তে দেবে কতকটা তা ভেবেও তোমাকে বলিনি। তুমি কত টাকার বীমা কর'বে?”

“২০০০ টাকার কর'ব মনে করেছি। এর চেয়ে বেশী পেরে উঠব কি?”

“আমার মনে তো হয় না। এই টাকার জীবন-বীমা কর'তে বছরে তোমাকে কত টাকা দিতে হবে?”

“তাতো আমি জানি না। এবিষয়ে আমি সব খোঁজ খবর নেব। জেন, তুমি দীর্ঘনিঃশ্বাস ফেলে যে?”

জেন আবার দীর্ঘনিঃশ্বাস পরিত্যাগ করিল। তাহার বকের উপর যেন একটি বোঝা চাপিয়া পড়িয়াছিল। সে বলিল—
“জীবন-বীমার কথা হ'লেই সঙ্গে সঙ্গে আমার মৃত্যুর কথা মনে পড়ে যায়।”

হ্যালিবার্টন হাসিয়া বলিলেন—“সে কি জেন? আমি তো জানি তুমি কখনও সাধারণ কুসংস্কারের বশীভূত নও। আমি এমন অনেক লোকের কথা শুনেছি যারা “উইল” কর'তে ভয় পান—কেননা তাঁদের মনে হয় উইল করলে আর মানুষ বাঁচে না। আমার জীবন-বীমা করলেই যে আমি শীঘ্র শীঘ্র মারা পড়ব—এর কোনই মানে নেই। আমার তো খুব বিশ্বাস আছে যে আমি এ পৃথিবীতে এখনও অনেকদিন থাকব। আমি বেঁচে থেকে অনেকদিন ধরে এই বীমার টাকা দিতে থাকব। তখন হয়তো আমার মনে হবে—জীবন-বীমা না কর'লে কোন ব্যাঙ্কে টাকা জমা রাখলে ভাল হ'ত।”

জেন কিছু আশস্তভাবে বলিল—“ব্যাঙ্কে বা অল্প কোথাও টাকা জমা দেবার প্রধান দোষ এই যে সেখানে তুমি টাকা জমা দিতে বাধ্য নও। যা জমান উচিত—যা

জমবে ব'লে তোমার আকিঞ্চন—সে টাকাটা পর্যন্ত উপস্থিত প্রয়োজনে ব্যয় হ'য়ে যায়। সুতরাং “সঞ্চয় করা” কেবল কথার কথাই থেকে যায়। কিন্তু জীবন-বীমা করলে তুমি বছরে বছরে নির্দিষ্ট টাকাটা দিতে বাধ্য।”—তারপর জেন বিষয়ান্তরের কথা পাড়িয়া বলিল—“আমাদের ছেলেগুলিকে নিয়ে আমরা কি করব? তাদের উপায় কি হবে?”

হ্যালিবার্টনের গণ্ডগূল আরক্তিম হইয়া উঠিল। তিনি বলিলেন—“আমার ভাগ্যে তো বিশ্ববিদ্যালয়ে যাওয়া ঘটে উঠলো না, ভগবান্ মুখ তুলে চাইলে তাদের নিশ্চয়ই বিশ্ববিদ্যালয়ে পাঠাতে হবে।”

“ভগবান্ যেন তাই করেন! অন্ততঃ তাদের মধ্যে একটা কি দুটিকে কলেজে পাঠাতে হবেই।”

হ্যালিবার্টন এ অবস্থার কোনই অন্তরায় দেখিতে পাইলেন না। বাদিও তিনি নিজে বিশ্ববিদ্যালয়ে প্রবেশলাভ করিতে পারেন নাই, কিন্তু তিনি পুত্রদ্বয়কে কলেজের উচ্চতর শিক্ষা দিবে মনস্থ করিয়াছিলেন।

আমাদের নিকট আমাদের পুত্রকন্যা-দিগের ভাগ্যাকাশ অত্যন্ত সুপ্রসন্ন বলিয়াই মনে হয়। উহালয়ন এবং ফ্র্যাঙ্ক কিঙ্গস্ কলেজ সংশ্লিষ্ট বিদ্যালয়ে অধ্যয়ন করিতে-ছিল। মিস হ্যালিবার্টনও এক্ষণে এই কিঙ্গস্ কলেজের একজন অব্যাপক। এডগার (যাহাকে লোকে শুধু “গার” বলিয়া ডাকিত) একটা বেসরকারী স্কুলে পড়িতে-ছিল, কিন্তু তাহারও শীঘ্রই নাম কাটাইয়া

King's Collegeএ ভর্তি হইবার কথা হইতেছিল। হ্যালিবার্টনের পুত্রগুলি তাহাদের বয়সের তুলনায় অতি সুন্দর-রূপে সূক্ষ্মিত হইয়াছিল। হ্যালিবার্টন ও জেন উভয়েই মেধিষয়ে তীক্ষ্ণ-দৃষ্টি রাখিয়াছিলেন। তাহাদের পুত্রগণ সম্বন্ধে তাহাদের গৃহ-শিক্ষা বিদ্যালয়-শিক্ষা হইতেও অধিক কার্যকরী হইয়াছিল। স্কুল-শিক্ষার সাহিত কল্যাণপ্রদ গৃহ-শিক্ষা সম্মিলিত হইয়া তাহাদগকে সংবনে বিনীত ও চরিত্রে উন্নত করিয়া-তুলিয়াছিল।

জেন স্বভাবতঃই তীক্ষ্ণ-বুদ্ধিশালিনী, এবং প্রকৃতি বহুবিধ সদৃশ্যে তাহার হৃদয় মনকে বিভূষিত করিয়াছিলেন। সে আপনার পুত্রকন্যা-দিগের প্রতি উপযুক্ত কর্তব্য পালনে কখনই পরাজুখ হয় নাই। সে বালক বালিকা-দিগকে কিরূপে স্নেহের সাহিত শিক্ষা দিতে হয় তাহা বুঝত এবং সে নিজের কর্তব্য গৌরবের সাহিত সম্পন্ন করিয়াছিল। বঙ্গুগণ, তোমরা তোমাদের বালক বালিকা-দিগের চরিত্রের-ভিত্তি তাহাদের জীবনের উষাকালেই সুন্দর করিয়া স্থাপন করিতে কখনও অবহেলা করও না—তাহা হইলে দোষ হবে ভাব্যতে তাহারা পুত্র ও কন্যারূপে হইয়া নিশ্চয়ই তোমাদের মুখ-উজ্জ্বল ও কুল-পবিত্র করবে।

জেন, আমি ঠিক কর'তে উঠতে পারাছি না যে কোন্ অফিসে বীমা কর'লে সব চেয়ে ভাল হয়।”

“কিঙ্গস্ অফিসে কর'লে হয় না?”

হ্যালিবার্টন হাসিয়া উঠিলেন। “জেন,

সে অফিস জীবন-বীমার অফিস নয়। সেটা বোধ হয় অগ্নি-বীমার অফিস। যাই হোক আমিও সেবিষয়ে খুব নিশ্চিত নই।”

বাস্তবিক হ্যালিবার্টনও নিজে বড় একটা জীবন-বীমা অফিসের খোঁজ খবর রাখতেন না।

জেন বলিল—“অফিস তো এমন কত আছে—সূর্য (sun) আছে, আটলাস (Atlas) আছে, আর্গাস (argus) আছে—আরো কত গুণা আছে।”

“আজ আমি এসম্বন্ধে খোঁজ খবর নেব এখন।”

“জীবন-বীমা করলে বছরে ১০০ টাকা করে দিতে হবে না তো?”

হ্যালিবার্টন সে বিষয়ে কিছুই বলিতে পারিলেন না। তাঁহার ভর হইল হয়তো বা ১০০ টাকা করিয়াই দিতে হইবে। তিনি বলিলেন—“জেন, যখন আমাদের বে হ'য়েছিল সেই সময়ই যদি জীবন-বীমা করতাম তা হলে বড় ভাল হতো। তখন বড় বেশী টাকা দিতে হতো না—আর আমরা অনায়াসেই সে টাকাটা বাঁচিয়ে দিতে পারতাম।”

জেন বলিল—হাঁ, মাঝে মাঝে আমিও গতজীবনের অনেক কাজের কথা ভাবি—যা আমি অনায়াসেই তখন কর'তে পারতুম কিন্তু বা আমার কর'তে ওঠা হয়নি। এখন—আর সময় নেই।”

“ঠিক কথা জেন—কিন্তু জীবন-বীমার এখনও সময় যায়নি”—আনন্দ-সূচক-স্বরে এই কথাগুলি বলিয়া হ্যালিবার্টন প্রাত-

রাশের টেবল ছাড়িয়া উঠিলেন। স্বস্তি দেখিয়া বলিলেন—“এখন চাটা বেজেছে। জেন, এখন তবে আমি চললাম। পার্থনা কর যেন আমাদের ভাগ্যলক্ষী সুপ্রসন্ন হন।”

জেন হাসিয়া বলিল—পার্থনা করি খুব বেশী টাকার জীবন-বীমা হোক, আর তার জন্মে যেন খুব কম টাকা দিতে হয়। তুমি কি এখনই জীবন-বীমা করতে চললে নাকি?

“না না জেন, এখন যাচ্ছি না। এখন গেলে অফিস খোলা পাব কোথা? আজকার মধ্যেই আমি সুবিধামত একবার কোন না কোন অফিসে যাব।”

মিঃ হ্যালিবার্টন তাঁহার নির্দিষ্ট কর্তব্য-কর্মে গমন করিলেন। তখন এপ্রিল মাস দিনটা বেশ একটু গরম ছিল। প্রথমে তাঁহাকে কিঙ্গ'স্ কলেজে যাইতে হইল—প্রাতঃকালটা সেইখানেই কাটিয়া গেল। তৎপরে তিনি জীবন-বীমা অফিসগুলির সম্বন্ধে এবং তাহাদের গুণাগুণ বিষয়ে খোঁজখবর লইতে গেলেন। অবশেষে তিনি একটিকে মনোনীত করিয়া তাহাতেই জীবন-বীমা করিবার উদ্দেশে সেই অফিসে গিয়া উপস্থিত হইলেন।

সেই অফিসটা সহরের মধ্যস্থলে স্থাপিত ছিল। সেখানে কারকারবারের অত্যন্ত ভিড়। তিনি যখন সেই অফিস-গৃহে প্রবেশ করিলেন তখন দেখিলেন সেখানে অনেকগুলি লোক দাঁড়াইয়া আছে। একটা যুবক আসিয়া জিজ্ঞাসা করিল—“আপনি কি চান?”

হ্যালিবার্টন বলিলেন—“আমি আমার জীবন-বীমা কর'তে চাই। এবিষয়ে আমাকে কি কি কর'তে হবে?”

“আপনি এখনই সব জানতে পারবেন—একটু অপেক্ষা করুন।” তৎপরে সে অফিসের একজন কর্মচারীকে ডাকিয়া বলিল—“এই ভদ্রলোকটা জীবন-বীমা কর'তে চান; তুমি একে যা যা কর'তে হবে সব দেখিয়ে দাও।”

সেই লোকটা হ্যালিবার্টনকে একটা ভিতরকার ঘরে লইয়া গেল। সেখানে একটা ভদ্রলোক তাঁহাকে সাদর সম্ভাষণ জানাইলেন। মিঃ হ্যালিবার্টন সবিস্তারে আপনার অভিপ্রায় ব্যক্ত করিলেন—তিনি তাঁহার বয়স ও যত টাকার জীবন-বীমা করিতে চান তাহাও জ্ঞাপন করিলেন। তিনি যাহা যাহা জানিতে চাহিলেন সকলই তাঁহাকে নম্রভাবে জ্ঞাত করা হইল। তৎপরে সেই ভদ্রলোক তাঁহার হস্তে একখানি কাগজ দিলেন। উহাতে ছাপার অক্ষরে কতকগুলি প্রশ্ন মুদ্রিত ছিল। তিনি বলিলেন—এই কাগজখানি অবকাশ মত পড়িয়া এবং ইহাতে লিখিত প্রশ্নগুলির যথাযথ উত্তর দিয়া এখানি আমাদের অফিসে ফিরাইয়া দিবেন।”

মিঃ হ্যালিবার্টন সেই কাগজ খানির উপর চক্ষু বুলাইয়া গেলেন। তিনি বলিলেন—“আমি দেখছি আমার যে পত্রীতে জন্ম হ'য়েছিল সেই পত্রীর গিঞ্জায় রক্ষিত জন্মমৃত্যুর হিসাব তালিকা হ'তে আপনারা আমার জন্ম সম্বন্ধে একখানি “সার্টিফিকেট” চান। কেন? আমি আপনাদের যে বয়স

বললাম তাই আমার প্রকৃত বয়স। এবিষয়ে কি কিছু সন্দেহ করেন?”

ভদ্রলোকটা হাসিলেন। “সে বিষয়ে আমার মনে কোন সন্দেহ নাই। আপনি আমাকে যে বয়স বলিলেন আপনাকে দেখিয়া তত বয়স মনে হয় না। তবে আমাদের অফিসের একটা নিয়ম আছে যে জন্ম সম্বন্ধে একখানি সার্টিফিকেট উপস্থিত করিতে হয়। মহাশয়, সকলেই আপনার শ্রায় সত্যের মর্যাদা রক্ষা করিতে যত্নবান নয়। সুতরাং বাধ্য হইয়া আমাদেরকে এই নিয়ম করিতে হইয়াছে। এজন্য আমাদের অনেক সময় প্রতারণিত হইতে হইয়াছে। আমরা অনেকস্থলে দেখিয়াছি যে লোকের কথায় বিশ্বাস করিয়া আমরা যত বয়সের জন্ম জীবন-বীমা করিয়াছি পরে (অবশ্য বীমাকারীর মৃত্যুর পূর্বে নহে) জানা গিয়াছে সেই লোকের বয়স তাঁহার কথিত বয়স অপেক্ষা ১০ বৎসর অধিক। সেই জন্মই এই সার্টিফিকেটের নিয়ম। মধ্যে মধ্যে এরূপও ঘটয়া থাকে যে কোন ভদ্রলোক হয়তো তাঁহার বয়স সম্বন্ধে সাক্ষ্য দিবার জন্ম কতিপয় সম্ভ্রান্ত ভদ্রলোক উপস্থিত করেন—সেস্থলে আমাদের আর সার্টিফিকেট লইবার প্রয়োজন হয় না।”

মিঃ হ্যালিবার্টন চারিদিক ভাবিয়া দেখিলেন। লগুনে এমন কোন বিশিষ্ট-ভদ্রলোক নাই যিনি প্রত্যক্ষভাবে তাঁহার বয়স সম্বন্ধে কোন বিষয় জ্ঞাত আছেন। সুতরাং সেদিকে তাঁহার কোনই ভরসা নাই। তিনি প্রকাশভাবে বলিলেন—

“আচ্ছা, এবিষয়ে আমার বিশেষ অসুবিধা হবে না। আমি পত্র দিয়ে ২৩ দিনের মধ্যেই ডিভনসায়ার হ’তে আমার বয়সের সার্টিফিকেট আনিতে নিতে পারব। আমার পিতা সেখানকার ধর্মযাজক ছিলেন। তাহ’লে আমাকে এই দু’টা কাজ করতে হবে—এই কাগজখানিতে লিখিত প্রশ্নগুলির উত্তর পূরণ করে এখানি ফেরত দিতে হবে, আর আমার বয়সের সার্টিফিকেট দিতে হবে। কেমন, আর তো কিছু না?”

“না আর বড় কিছুই নয়। ইহার পর কেবল আমাদের ডাক্তারের কাছে স্বাস্থ্যসম্বন্ধে আপনাকে পরীক্ষা দিতে হইবে।

“কি? একজন ডাক্তারের কাছে পরীক্ষা দেওয়া কি একান্তই প্রয়োজন? এই কাগজে লেখা আছে যে যে ডাক্তার সাধারণতঃ আমাকে দেখেন তাঁর কাছ হ’তে আমার স্বাস্থ্যসম্বন্ধে একখানি সার্টিফিকেট দিতে হবে। তিনি অবশ্যই আমার স্বাস্থ্যসম্বন্ধে বিশেষ খারাপ কিছুই বলবেন না। কারণ আমাকে বড় বেশী তাঁকে ডাকতে হয়নি। বিশেষ ব্যারামের মধ্যে একবার মাত্র আমার কাশির জন্ম তাঁকে ডাকতে হয়েছিল।”

“তাহ’লে তো আরও ভালই। কিন্তু আপনাকে দেখিয়া খুব সবল মনে হইতেছে না।”

“না, আমি খুব সবল কোন কালেই নহি। আমাকে অতিরিক্ত পরিশ্রম করতে হয়। আরাম ও বিশ্রামের জন্ম খুব কম সময়ই পাই।” তিনি সরলভাবে আরো

বলিলেন—“খুব সবল নহি—এই সন্দেহ বশতঃই তো আমি স্ত্রী পুত্রের ভবিষ্যৎ ভরণ-পোষণের জন্ম এই জীবন-বীমা ব্যাপারে হস্তক্ষেপ করেছি। যদি নিশ্চয় বুঝতে পারতাম যে রুদ্ধাবস্থা পর্যন্ত আমি এইভাবে পরিশ্রম করতে পারব আর ততদিন পর্যন্ত জীবন আমার পৃথিবীতে থাকবে—তা হ’লে বোধ হয় জীবন-বীমা করতাম না।”

সেই ভদ্রলোকটি পুনরায় একটু হাসিলেন। “মাতৃষের চেহারা দেখিয়া স্বাস্থ্যের কথা কিছুই বলা যায় না। আকৃতিতে অনেক সময় মানুষ প্রতারিত হয়। কখনও কখনও যাহাদের স্বাস্থ্য অত্যন্ত খারাপ বলিয়া মনে হয় তাহারা পৃথিবীতে দীর্ঘকাল বাঁচিয়া থাকে।”

“আমার চেহারা দেখিয়া কি আমার স্বাস্থ্য খারাপ বলিয়া মনে হয়?”

“আমি তো তাহা বলি নাই। আপনাকে দেখিয়া আমার মনে হইতেছে যে আপনি খুব সুদৃঢ় বা বলবান নহেন। কিন্তু ইহাতে এ বুঝায় না যে আপনার স্বাস্থ্য খারাপ। আমার যাহাই বোধ হউক না কেন আপনার স্বাস্থ্য হয়তো খুবই ভাল হইতে পারে।”

তিনি এই কথা বলিবার সময় একবার মিঃ হ্যালিবার্টনের আপাদমস্তক নিরীক্ষণ করিলেন। তাঁহার দীর্ঘাকৃতি সুগঠিত অবয়ব, তাঁহার সুকৃষ্ণ কেশগুচ্ছ যাহাতে শুভ্রতার একটা রেখাও পতিত হয় নাই, তাঁহার নারী-জন-মূলত প্রোজ্জ্বল মুখকান্তি -- সকলই তিনি একবার দেখিয়া লইলেন।

সে আকৃতিতে কি কোন সন্দেহের আভাষ সূচিত হইতেছিল? দর্শক ভাবিলেন—সবল না হইলেও ইনি একজন অতি রূপবান পুরুষ।

মিঃ হ্যালিবার্টন বলিলেন—“তাহা হইলে আপনাদের নিয়োজিত ডাক্তারের সহিত আমাকে নিশ্চয়ই একবার দেখা কর’তে হবে?”

“হাঁ, ইহা না হইলেই চলিবে না। আমাদের ডাক্তার আমাদের অফিসে সপ্তাহে দুই দিন আসেন।

তিনি সোমবার ও বুহস্পতিবার এখানে আসেন সপ্তাহের অগ্রাগ্র দিন আপনি স্মাভিল্ রো এ ৩টা হইতে ৫টার মধ্যে তাঁহার সহিত সাক্ষাৎ করিতে পারেন। তাঁর নাম—ডাক্তার ক্যারিংটন।

হ্যালিবার্টন বলিলেন—“আজ হ’ছে শুক্রবার। সম্ভবতঃ আজি আমি তাঁর সঙ্গে দেখা কর’ব।”

(ক্রমশঃ)

মহিলাদিগের রচনা।

পূর্ণিমা ।

নীল আকাশে কাহার হাসি

উথলে পড়ে বেয়ে

নিগেব হারা নয়ন মেলি

বিধ আছে চেয়ে

গাছের পাতায় ফোটা ফুলে

সোণার মত ধারা

মায়ের-স্নেহ পরশ যেন

সকল দুখ হরা!

ছায়ায় ঢাকা গাছের কোলে

সুপ্ত-পাখীর নীড়ে

চাঁদের আলো ডাকে তারে

জাগায় এসে ধীরে

অমানি কণ্ঠ ছোট্টে তাহার

সুন্দর আকাশ পানে

নিশীথ রাতে আনন্দ তার

বিরাম নাহি মানে

মেতে বেড়ায় দক্ষিণ বায়ু

সৌরভে আকুল

সেই আনন্দে বিভোর হল

সাঁঝে ফোটা ফুল।

বিধ জুড়ি আনন্দ আজ

বাজায় কি যে তান

সেই সুরে আজ সুর মিলিয়ে

গাইতে চাহে প্রাণ।

হে প্রসন্ন! তোমার হাসি

সবায় আনে ডেকে

রুদ্ধ দুয়ার খুলে আজি

আমিও রব জেগে!

হৃদয় আমার ধর’বো মেলে

করপুটের মত

আঁধার আমার চলে যাবে

দুঃখ আমার যত।

পত্নীর কি কি গুণ থাকা উচিত।

(বাইবেল হইতে)

বাইবেলের পুরাতন বিধির অন্তর্গত প্রভাবসে (Proverbs) এবিষয়ে একটা সুন্দর বর্ণনা পাওয়া যায়। ইহা রাজা লেমুএলের লিখিত, তিনি আপন মাতার

নিকট হইতে সাধী স্ত্রীর গুণাবলীর বিষয় যাহা লিখিয়া গিয়াছেন তাহাই লিখিয়া গিয়াছেন। বর্ণনাটী এই জগুই আরও বিশেষ উল্লেখযোগ্য যে ইহা নারীর কর্তব্য ও গুণাবলীর বিষয়ে এক নারীরই উক্তি।

“সেই সাধী-নারী কোথায় বহুমূল্য প্রসূর অপেক্ষা যাহার মূল্য অনেক অধিক।

Who can find a virtuous woman, for her price is far above rubies.

তাহার স্বামী তাহাকে সম্পূর্ণ বিশ্বাস করেন, তিনি কোন অনিষ্ট আশঙ্কা করেন না।

আজীবন তিনি তাহার মঙ্গল সাধন করিবেন, কখনই অনিষ্ট করিবেন না।

তিনি পশম ও পাট সংগ্রহ করেন, ও আনন্দের সহিত স্বহস্তে তাহা প্রস্তুত করেন।

বণিকের জাহাজের মত তিনি তাহার খাণ্ড বহুর হইতে সংগ্রহ করেন।

সর্ঘ্যাদয়ের পূর্বে তিনি গাত্রোথান করেন, পরিবারের সকলকে খাণ্ড বিতরণ করেন, দাসীদেরও একাংশ দান করেন।

তিনি ভূমি ক্রয় করেন, দ্রাক্ষালতা রোপণ করেন।

তিনি আপনার শরীর সুস্থ রাখেন, ও হস্তকে বলবান করেন।

তাহার পণ্যদ্রব্য সকল উত্তম, রাত্রিতে তাহার প্রদীপ নিৰ্কাপিত হয় না।

তিনি পাট হইতে স্ত্রী প্রস্তুত করেন।

দরিদ্রের প্রতি তাঁর হস্ত প্রসারিত, তিনি অভাবগ্রস্তের অভাব-মোচন করেন।

তুষারপাত হইলে তাহার পরিবারবর্গের জগু ভীত হইতে হয় না, কারণ পরিবারস্থ সকলে যথেষ্ট শীতবস্ত্র দ্বারা আবৃত।

তিনি আপনার জগু বুটাদার আচ্ছাদন প্রস্তুত করেন। তাহার পরিষ্কৃত বেগুনে রঙের রেশম দ্বারা প্রস্তুত।

তিনি সূক্ষ্ম বস্ত্র বয়ন করেন ও তাহা বিক্রয় করেন।

স্বাস্থ্য ও সুনাম তাহার পরিধেয় বস্ত্র। সম্মুখে তাহার জগু আনন্দ রহিয়াছে।

সাবধানতা ও সুবিবেচনার সহিত তিনি বাক্য উচ্চারণ করেন। তাহার জিহ্বা কখনও দয়া ও কোমলতার সীমা অতিক্রম করে না।

তিনি গৃহের সকল তত্ত্বাবধান করেন। তিনি পরিগ্রহের অন্ন গ্রহণ করেন, আলয়ে কাল কাটান না।

তাহার সন্তান সন্ততিরা তাহাকে ধন্য ধন্য করে তাহার স্বামীও তাহাকে ধন্য বলেন ও তাহার প্রশংসা করেন।

লোকের অহুগ্রহের স্থিরতা নাই, সৌন্দর্য্য অসার, কিন্তু যে স্ত্রীলোক ঈশ্বরকে ভয় করেন তিনিই কেবল প্রশংসার পাত্র।

ঈশ্বরে বিশ্বাস ।

ধর্ম্ম জীবনের পক্ষে বিশ্বাস অতি প্রয়োজনীয়, বিশ্বাস ভিন্ন যেমন মানব জীবনধারণ করিতে পারে না তদ্রূপ বিশ্বাস ব্যতিরেকে কখন ধর্ম্ম জীবনে প্রবেশ করিতে পারে না। ঈশ্বর কখন আমার অঙ্গুল করিবেন না তিনি মঙ্গলময় সর্ক-

দাই আমার মঙ্গল করিতেছেন; তিনি আমার সঙ্গে সঙ্গে আছেন, এইটী স্থির নিশ্চিত্ত জানা ঈশ্বরে বিশ্বাস। তাহাকে বিশ্বাস করিলে মানবের কখন অধোগতি হয় না।

এক সময়ে কোন গুরু নিকট কয়েকটী যুবক ধর্ম্মশিক্ষা করিবার জগু আগমন করে। গুরু তাহাদিগকে উপযুক্তরূপে ধর্ম্মশিক্ষা দান করেন। শিক্ষা সমাপ্ত হইলে গৃহে প্রত্যাগমনের সময় গুরু সমুদয় শিষ্যকে পরীক্ষা করিতে লাগিলেন। তিনি প্রত্যেকের হস্তে একটী করিয়া কপোত দিলেন এবং বলিলেন কোন একটী নির্জন স্থানে লইয়া এই কপোতগুলি হত্যা করিয়া লইয়া এস। গুরু আদেশে সকলেই বন ঝোপের আড়াল হইতে পাখীগুলি হত্যা করিয়া লইয়া আসিল। কিন্তু একটী শিষ্য কপোতটী আনিয়া গুরুকে ফিরাইয়া দিল এবং বলিল দেব! আমি কোথাও নির্জন স্থান পাইলাম না, যেখানেই যাই সেইখানেই দেখি কে একজন আমার অন্তরে আছেন। গুরু বলিলেন বৎস তোমারই প্রকৃত ধর্ম্মশিক্ষা হইয়াছে, এখন তুমি গৃহে গমন করিতে পার। এবং অগ্ৰাণ্ড সকলকে বলিলেন তোমাদের এখনও শিক্ষা হয় নাই আরও শিক্ষা করিতে হইবে।

“বিশ্বাসে ধর্ম্ম মূলংহি।” ধর্ম্মের মূল বিশ্বাস। বিশ্বাস ব্যতিরেকে মানব-জীবন অরণ্যে পরিণত হয়।

কি বিশ্বাস বলে বালক প্রহ্লাদ বিষপান করিয়া, অগ্নিতে নিষ্কিপ্ত হইয়া, পর্ত্তত হইতে পতিত হইয়া রক্ষা পাইয়াছিলেন?

তিনি জানিয়াছিলেন যে একজন আছেন, তিনি কখন আমার অঙ্গুল করিবেন না নিশ্চয়ই রক্ষা করিবেন। কি বিশ্বাস বলে বালক ইসমাইল দয়াময়ের নিকট আশ্রয়-বলিদানে প্রস্তুত ছিলেন! বাস্তবিক বিশ্বাসীর জীবন এইরূপই হইয়া থাকে।

একদিন মহম্মদ একাকী উপবিষ্ট আছেন এমন সময়ে তাহার একজন প্রধান শত্রু শাণিত তরবারী হস্তে মহম্মদের নিকট আসিয়া তরবারী উত্তোলন পূর্ব্বক তাহাকে বলিল রে মহম্মদ এখন তোকে কে রক্ষা করিবে? ঈশ্বর বিশ্বাসী মহম্মদ তাহাতে ভীত না হইয়া বজ্রগন্তীর-স্বরে বলিলেন ঈশ্বর আমাকে রক্ষা করিবেন। তৎক্ষণাৎ অবিশ্বাসীর হস্ত হইতে তরবারী ভূতলে পতিত হইল। মহম্মদ তরবারী গ্রহণপূর্ব্বক বলিলেন এখন তোমাকে কে রক্ষা করে? সে ভীত হইয়া বলিল মহম্মদ রক্ষা কর, মহম্মদ রক্ষা কর! মহম্মদ বলিলেন কাফের মহম্মদ রক্ষা কর, মহম্মদ কি কখন রক্ষা করিতে পারে? এখনি কলুমা পাড়িয়া বিশ্বাসী হও। তৎপর সে মহম্মদের আশ্চর্য্য বিশ্বাস দেখিয়া ইসলামধর্ম্মে দীক্ষিত হইয়া বিশ্বাসী হইল।

এইরূপ বিশ্বাসীরা শত বিপদ ঝঞ্ঝা-বাতো টলেন না। বিশ্বাসীর জীবন অটল অচল পর্ত্ততের ত্রায়; শত বাধা বিঘ্নতেও বিশ্বাসচ্যুত হয় না। • বিশ্বাসীগণ বিশ্বাস ব্যতিরেকে জীবনধারণ বুঝা মনে করেন। তাহারা জীবন দিতে প্রস্তুত কিন্তু কখন বিশ্বাসত্যাগ করিতে পারেন না তাই বিশ্বাসী ভক্ত গাহিয়াছেন—“আর

কিছু ধন চাইনে মা'গো বিধাস দিয়ে
বাঁচাও সবে ।

শ্রীভক্তিসুধা দেবী ।

আশাকুটীর, টাঙ্গাইল ।

একখানি পত্র ।

(স্বামীর প্রতি স্ত্রীর)

* * * তুমি যে আমাকে অযোগ্য
নরাধম ভাব না তা আমি বেশ জানি এবং
ভাব না বলেই আমার বেশী করে লজ্জা
হয় । তুমি যতটা গৌরব আমাকে দাও
সত্যিই আমি এতটা পাবার উপযুক্ত নই ।
আমাকে অতবড় করে যে দেখেছ সে
কেবল তোমার নিজেরই উদার হৃদয়ের
গুণে, আমার গুণ তাতে কিছুই নেই ।
ভগবানের কাছে দিন রাতই মনের সঙ্গে
বলি যে প্রভু দয়া করে যদি অমন স্বামী
দিয়েছ তা হ'লে আমাকে তাঁর উপযুক্ত
করে দাও । জানি না তিনি আমার এ
মনস্কামনা পূর্ণ করবেন কি না । ভাল
হওয়ার আকাঙ্ক্ষা খুব আছে কিন্তু ক্ষমতা
নেই । সত্যি সত্যি তোমার সঙ্গে যখন
তুলনা করে দেখি তখন নিজেকে কত
হীন বলে মনে হয়—মনে হয় তুমি আমার
চেয়ে কত উঁচুতে । (একথা আমি চরি-
ত্রের সম্বন্ধে বলছি—কারণ সুলেখক হওয়া
কিছু সকলের ভাগ্যে ঘটে না ।)

* * * যদি অতলোকের মাঝখান
হ'তে আমাকেই তোমার সঙ্গিনী বলে
চিনে নিয়ে থাক তা হ'লে যেমন করে পার
আমাকে তোমার উপযুক্ত করে নাও—

নইলে সত্যিই তোমার অগৌরবের কথা ।
দেখ মহাভারতের শ্রীবংশ রাজার উপা-
খ্যানটী আমার বড় ভাল লাগে ।

রাজকণ্ঠা ভদ্রার স্বয়ম্বর—কত দেশের
অগণন রাজা এসেছে, আর শনিগ্রস্ত
শ্রীবংশ রাজা তখন কাঠুরেদের বাড়ী
থাকতেন—তিনি তখন রাজ্যহীন দুঃখীর
বেশে আছেন । ভদ্রার স্বয়ম্বর দেখবেন
বলে সেখানে গিয়ে একটা কদমগাছের
তলায় বসলেন । এমন সময় ফুলের মালা
হাতে করে ভদ্রা সভায় এল । এসে
বল্লেন :—

“যত দেবগণে আমি করি নমস্কার,
আজ্ঞা কর পতি আমি পাই আপনার ।
এত বলি চতুর্দিকে করে নিরীক্ষণ,
শূন্য হ'তে দৈববাণী হইল তখন ;—
কদম্ব তরুরতলে তোমার ঈশ্বর,
যার লাগি কৈলে তপ দ্বাদশ বৎসর ।”

সেই দৈববাণী শুনে ভদ্রা কদমতলায়
গিয়ে শ্রীবংশ রাজার গলায় মালা দিলে ।
রাজাতো অবাক ! সভাশুদ্ধ সকল রাজা
ছি ছি কর'তে লাগল । বাপ তো রাগ
ক'রে বল্লেন অমন মেয়ের মুখ দেখব না ।
ভদ্রা স্বামীর সঙ্গে সেই কাঠুরেদের বাড়ী
গেলেন । তারপর কতদিনে প্রকাশ হ'ল
যে তিনিই শ্রীবংশ রাজা ।

ভদ্রা আপনার স্বামী চিনে ক্ষিয়েছিল—
আমি ফুলের মালা দিয়ে স্বয়ম্বর সভায়
দাঁড়িয়ে তোমাকে বরণ করে নিইনি বটে
কিন্তু আমিও আমার স্বামী চিনেছিলুম ।
এরমধ্যে নিশ্চয়ই বিধাতার মঙ্গলইচ্ছা
আছে—তবে সে ইচ্ছা যদি আমরা পূর্ণ

কর'তে পারি তবেই তো আমাদের জীবন
সার্থক হয় । ইংরেজেরা স্ত্রীকে বলেন—
“উত্তমার্কি” । *কথাটা খুবই ঠিক যদি স্ত্রী
ধর্ম্মে অর্থে ভোগে ভালবাসায় মুখে দুঃখে—
জীবনের সকল অবস্থায় স্বামীর সহযোগিনী
হয়—না হ'লে সকল স্ত্রীর সম্বন্ধে একথা
খাটে না । সত্যিই স্বামী স্ত্রীর মত এমন
পবিত্র মধুর ঘনিষ্ঠ সম্বন্ধ আর কিছুই নাই !
মা বাপ ভাই বোন—এঁদের তো সকলের
সঙ্গেই নাড়ীর যোগ রয়েছে । কিন্তু এবে
কোথাকার অজানা অচেনা হুটী হৃদয় মিলে
পৃথিবীতে সব চেয়ে আপনার হয়ে যায়—
একি কম আশ্চর্যের কথা ! এতে যে
বিধাতার লীলাই বেশী করে প্রকাশ
পাচ্ছে । হায় ! এমন পবিত্র সম্বন্ধও
আবার খাঁটি থাকে না ! * * *

বিবিধ প্রসঙ্গ ।

নূতন বড়লাট লর্ড হার্ডিজ সস্ত্রীক
ভারতবর্ষে আগমন করিয়াছেন । কার্যভার
লইবার সঙ্গে সঙ্গে তাঁহাকে বিশেষ অভ্য-
র্থনা করা হইতেছে এবং তিনি এই সকল
অবসরে ভারতবর্ষে রাজত্ব করিতে আসিয়া
যে সকল কার্য করা অভিপ্রায় করিয়াছেন
তাহা কিছু কিছু প্রকাশ করিতেছেন ।
কলিকাতার মিউনিসিপ্যালিটি ও অযোধ্যার
তালুকদারগণ তাঁহাকে যে অভিনন্দন পত্র
দিয়াছেন তাহার উত্তরে তিনি অপর সকল
বিষয়ের সঙ্গে বলিয়াছেন যে লেডী হার্ডিজ
আপনার ভাবে এদেশের মহিলাগণের
সহিত সৌহার্দ স্থাপন করিবেন । একথা

মহিলাগণের পক্ষে একটি শুভ-সংবাদ ।
বড়লাট তাঁহার দায়িত্বপূর্ণ রাজ্যশাসন
কার্যে অবশ্যই ব্যস্ত থাকিবেন, তাঁহার পত্নী
সে সকল ভারগ্রস্ত নহেন অথচ তিনি
ইচ্ছা ও চেষ্টা করিলে এদেশের নারীগণের
প্রভূত মঙ্গল সাধন করিতে পারেন । লেডী
ডাফারিনের নারী হাসপাতালের কথা কে
না শুনিয়াছেন । ভারতের বিভিন্ন প্রদেশের
বড় বড় নগরে এই হাসপাতাল স্থাপিত
হইয়া নারীগণের চিকিৎসার বিশেষ সুবিধা
হইয়াছে । সেই সময় হইতে বড়লাট
পত্নীগণ কোন বিশেষ স্থায়ী মঙ্গলকর কার্য
করিতেছেন ! লেডী মিটো মফঃস্বলে যে
সকল ইংরেজ মহিলা থাকেন তাঁহাদের
শুশ্রূষার জন্ত যে সকল নারীকে শিক্ষা-
দানের বাবস্থা করিয়াছেন তাহাতে অবশ্য
বিশেষ উপকার হইবে । আমরা আশা
করি নূতন বড়লাটের পত্নী এদেশের মহিলা-
গণের সহিত সৌহার্দ স্থাপন করিতে যেমন
চেষ্টা করিবেন তেমনই এদেশের নারী-
গণের হিতের জন্ত বিশেষ কোন স্থায়ীকার্য
করিবেন ।

আজকাল ইংলণ্ডের মহিলাগণ দেশ-
শাসন বিষয়ে অধিকার লাভ করিতে যে
সকল চেষ্টা করিতেছেন, যত কষ্ট স্বীকার
করিতেছেন মহিলার পাঠিকাগণ অবশ্যই
তাহা সংবাদপত্রে পাঠ করিতেছেন । এদে-
শের মহিলাগণ পালিয়ামেন্টের সভ্য-নির্বা-
চন কার্যে অধিকার পাইতে চেষ্টা করুন
একথা অবশ্য আমরা বলিব না । বিশেষত
অগ্র দেশের সভ্যতা ও জাতিগত ভাব
ভারতের সভ্যতা ও জাতিগত ভাবের

সহিত এক নহে। কিন্তু একথা সত্য যে ভারত-মহিলাগণ যতদিন ঈশ্বর প্রদত্ত আপনাদিগের উচ্চস্থান অধিকার না করিবেন ততদিন ভারতের শুভদিন আসিতে পারিবে না। গৃহ সংসারের কার্য পবিত্র এবং অবশ্য কর্তব্য কিন্তু তাঁহাদিগের সমস্ত জীবন গৃহ সংসার, পরিবার ইত্যাদিতেই আবদ্ধ থাকিতে পারে না। মহিলার পাঠিকাগণ আপনাদিগের কর্তব্য কার্য সকল সম্পাদন করিয়া প্রতিবাসীগণের রোগ শোক দুঃখ দুর্দশা, দরিদ্র, কুসংস্কার অজ্ঞানতা প্রভৃতি দূর করিবার উচ্চ অধিকার গ্রহণ করুন। তাঁহাদিগের ইংরাজ ভগ্নীগণ যেমন উচ্চ অধিকার লাভ করিতে ব্যাকুল হইয়া নানারূপ কষ্ট পাইতেছেন ও কষ্ট দিতেছেন আশা করি আমাদের প্রদর্শিত পথে উচ্চ অধিকার লাভ করিতে যত্ন করিলে তাঁহাদিগকে তত কষ্ট দিতে বা কষ্ট পাইতে হইবে না। তবে ইহাতেও কষ্ট আছে, কষ্ট না করিলে বড় হওয়া যায় না।

ভিক্টোরিয়া মহিলা বিদ্যালয়ের অক্টোবর (১৯১০) মাসের আয় ব্যয়ের সংক্ষিপ্ত বিবরণ।

আয়।

হস্তস্থিত—	২০৪১৩
মহিলা বিভাগে সেপ্টেম্বর মাসের দরুণ সরকারী সাহায্য—	৭৫
শ্রীমতী কুচবিহারের মহারাণীর মাসিক দান—	১০০
শ্রীমতী ময়ূরভঞ্জের মহারাণীর মাসিক দান	৫০
ক্ষুদ্র মাসিক দান—	১৬
এককালীন দান—	১
ছাত্রীদিগের বেতন—	১০৮
শিল্প-বিদ্যালয় ও নীতি-বিদ্যালয় হইতে গাড়ীভাড়া হিসাবে প্রাপ্ত—	২৩

৫৮৭১৩

ব্যয়।


শিক্ষয়িত্রীগণের বেতন—	২৬৬
ভৃত্যদিগের বেতন—	২২১০
গাড়ীভাড়া হিসাবে খরচ—	৫০৬
প্রয়োজনীয় ক্ষুদ্র ব্যয়—	১২১৬
বাড়ীভাড়া হিসাবে—	৮০

মোট ব্যয়—৪৩১১৬

হস্তস্থিত—১৫৫৬০৯

মোট—৫৮৭১৩

বিদ্যালয়ের হিতাকাজীগণের সাহায্যে বিশেষভাবে শ্রীমতী কুচবিহারের মহারাণী শ্রীমতী ময়ূরভঞ্জের মহারাণী এবং কাশিমবাজারের মমহারাজা মণিলচন্দ্র নন্দীর মাসিক দানের সাহায্যে বর্তমান সময়ের এতবড় মাসিক ব্যয় নিরীহ হইতেছে এ জন্ত বিদ্যালয়ের কার্যনির্বাহক সভা সদাশয় বন্ধুগণও দাতৃগণের নিকট কৃতজ্ঞ কিন্তু বিদ্যালয়ের এখনও অনেক অভাব রহিয়াছে। বিশেষ প্রায় নয়শত টাকা ঋণ রহিয়াছে। সকল শুভ-কার্যের সহায় পরমেশ্বর কাহার প্রাণে এবিষয় দয়া উপস্থিত করিয়া বিদ্যালয়কে ঋণ-মুক্ত করিবেন আমরা জানি না, তবে আমাদের এক উপায় বিদ্যালয়ের হিতাকাজীগণের নিকট ও সাধারণের নিকট আমাদের অবস্থা বলা। আশা করি যখন মহিলার কোন পাঠক বা পাঠিকা দান করিতে প্রবৃত্ত হইবেন তখন ভিক্টোরিয়া মহিলা বিদ্যালয়ের কথা একবার স্মরণ করিবেন।



মাসিক পত্রিকা।

“যত্র নার্যস্তু পূজ্যন্তে বসন্তে তত্র ইবতাঃ।”

১৬শ ভাগ] কার্তিক ১৩১৭, নভেম্বর, ১৯১০। [৪র্থ সংখ্যা।

প্রার্থনা।

হে বিশ্বেশ্বর, হে পূর্ণব্রহ্ম, তুমি যে পূর্ণ মঙ্গলময়, তাহা তোমার কৃপা ও পুত্রগণকে বুঝিতে দেও। তোমার সৃষ্টিতে স্রুতের পরে দুঃখ আইসে; মিলনের সন্তিত বিচ্ছেদযুক্ত হইয়া আছে। জীবনের সহিত মরণ নিত্য যুক্ত রহিয়াছে, ইহা দেখিয়া আমরা সুখ, মিলন, লাভ প্রভৃতিকে মঙ্গল বলি ও দুঃখ, বিচ্ছেদ, ক্ষতি, মৃত্যু প্রভৃতিকে অমঙ্গল ঘটনা বলি। আমাদের সংস্কার এত হীন যে মনে হয় যেম যাহা কিছু ভাল, মঙ্গলকর, তাহা তুমি কর, আর যাহা কিছু কষ্টকর তাহা তোমার বিরোধী কোন শক্তি বা ব্যক্তি দ্বারা সম্পন্ন হয়। এইরূপে, হে দেব, দেখ, আমরা যদিও এক তোমাতে বিশ্বাস করি, মুখে বলি কিন্তু কার্যত এক শিব ও আর এক অশিব ঈশ্বরে অথবা শনি বা শয়তানে বিশ্বাস করি। আমাদের এই ভ্রান্ত সংস্কার

কোন যুক্তি তর্ক দ্বারা যায় না, ইহা আমরা দেখিয়াছি। বিশেষ তোমার কৃপা সকল পার্থিব বিদ্যা, সমভা, ধন জনের মধ্যে থাকিয়াও ভিতরে ভিতরে এক অশিব ঈশ্বরের ভয়ে ভীত হইয়া বাস করেন। এই অন্তরের সংশয় ও অন্ধকার আর কেহ দূর করতে পারে না। তোমার বিশেষ কৃপা ভিন্ন একমাত্র তোমাতে বিশ্বাস স্থাপন করা সম্ভব নয়। এজন্ত একান্ত অসহায় হইয়া তোমার শ্রীপাদপদ্মে আশ্রয় লইয়া প্রার্থনা করিতেছি যে তুমি তোমার কৃপাগণের মন হইতে এই দৈত ভাব দূর করিয়া দেও। তুমি যে একমাত্র স্রষ্টাপাতা ও মঙ্গল বিধাতা তাহা তোমার কৃপাগণকে বুঝাইয়া দেও। তুমি দয়াময়, শিবস্বরূপ, তোমাতে এক বিন্দুও মন্দ ভাব কিছু নাই এবং তোমার বিরোধী কোন শক্তি বা ব্যক্তি, অথবা তোমা ভিন্ন কোন বিচার বা ব্যবস্থা নাই, তাহা তুমি তোমার কৃপাগণের মনে পরিষ্কার করিয়া বুঝাইয়া দেও। হে

মঙ্গলময়, এই মঙ্গল বিধান কর যে তোমার কঠাগণের মনে তোমার মঙ্গলস্বরূপের বিরুদ্ধে যেন কোন ভাব না থাকে। রূপা করিয়া এই দৃঢ় বিশ্বাস সকলকে দেও যে তুমি যাহা ঘটাই সকলই মঙ্গলের জন্ত ঘটাই। যদি ক্রন্দন করি, দয়াময়ের নাম করিতে করিতে ক্রন্দন করিব এবং আমরা সকলে তোমার মঙ্গলস্বরূপে দৃঢ় বিশ্বাস করিয়া সুখে ও শান্তিতে বাস করিতে পারি তব পাদপদ্মে এই প্রার্থনা করিয়া বার বার প্রণাম করি।

কর্মফল না মঙ্গলস্বরূপের প্রকাশ ?

একমাত্র ভারতবর্ষ কর্মফলে বিশ্বাস করে। কতকাল হইতে এই কর্মফলবাদ এদেশে প্রচলিত আছে তাহা নিরূপণ করা কঠিন কিন্তু পণ্ডিতগণ সিদ্ধান্ত করিয়াছেন যে এদেশে কর্মফলে বিশ্বাস বহুদিন হইতে প্রচলিত আছে এবং অতীত প্রাচীনদেশে যে অস্বাভাবিক পুনর্জন্মবাদ ও কর্মফল দেখা যায় তাহা হয়ত এই দেশ হইতে গৃহীত হইয়াছিল। কর্মফল মান্যর একমাত্র ভূমি এই যে সকল মানুষের অবস্থা সমান নয়। কেহ কেহ রোগ শোক দুঃখ দারিদ্র্য অবিচার অত্যাচার প্রভৃতি সহ করিয়া জীবন শেষ করে; কেহ কেহ বা সুখ সম্পদ পদ মান সুস্থতা আনন্দ সম্ভোগ করে। যদি এইরূপ ভিন্ন ভিন্ন অবস্থা ঈশ্বরের প্রদত্ত হয় তাহা হইলে তাঁহাতে পক্ষপাত দোষ দেখা যায়; কিন্তু তিনি

পরম ঠায়বান, তিনি পক্ষপাতী হইয়া একজনকে চিরজীবন সুখ দিবেন এবং অপর একজনকে নানারূপ দুঃখ দিবেন ইহা কখনও হইতে পারে না। মানুষের মনে ঠায় বিচারের আকাঙ্ক্ষা এত প্রবল যে ধন মান প্রাণ সব ঠায় বিচারের অনুরাগে ত্যাগ করিতে পারে কিন্তু অঠায় করিয়া কেহ কপর্দক লইলে তাহা সহ করিতে পারে না। সৃষ্টিতে পক্ষপাতিতা আছে অর্থাৎ ঈশ্বর পক্ষপাতী একথা মনে স্থান দিতেও মানুষের মন সঙ্কুচিত হয়। এজন্য এই পৃথিবীতে মানুষের অসম অবস্থার কারণ অতীত নির্দেশ করে। পৃথিবীর রাজ্য যত ঠায়বান হন ততই তাঁহার প্রশংসা হয় কিন্তু তিনি যে ঠায় বিচারে অপরাধীর দণ্ড দেন, তাহাদিগের প্রতি নিষ্ঠুর হন, তাহাতে কেহ তাঁহাকে নিষ্ঠুর বলে না। রাজা যেমন ঠায়তে রাজাশাসন করিতে বহু অনিষ্টকারী প্রজাকে নানারূপ দণ্ড দেন এই সৃষ্টির যিনি রাজা বা পরমেশ্বর তিনিও পূর্নকৃত কোন মন্দ কর্মের জন্ত এজন্যে মানুষকে কষ্ট দেন, দুঃখ দেন। একরূপ বিশ্বাস করিলে ঈশ্বরের ঠায় অক্ষয় অথচ মানুষ দৃশ্যত কেন দুঃখ কষ্ট পায় তাহার একটা কারণ নির্দেশ করা হইল। এইরূপ করিয়া অন্তর্নিহিত ঠায়ের ভাব ও ঈশ্বরের নিষ্ঠুরতার একটা সামঞ্জস্য হইল। কিন্তু যে ব্যক্তি কর্মফল ভোগ করে সে জানে না যে কি দুষ্কর্মের জন্ত কোন দণ্ড ভোগ করিতেছে, ইহাতে সুবিচারের নিয়ম প্রতিপালিত হইল না, একথা ভাবিয়া দেখা হয় না। কর্মফল

বাদীগণ কর্মকে অনাদি বলিয়াছেন, ইহাতে অজানিত পূর্নকর্মের অন্ধকার আরও ঘনীভূত হইয়াছে। যদি বলা হয় যে কোন পূর্নকর্মে আমি কাহারও চক্ষু উৎপাটিত করিয়াছিলাম সেইজন্য এই জন্মে আমার চক্ষু উৎপাটিত হইল, তাহা হইলে আমার মনে অমনই প্রবল উপস্থিত হইবে যে আমি একরূপ নিষ্ঠুর প্রকৃতি কোথায় লাভ করিলাম যে আমা দ্বারা চক্ষু উৎপাটনরূপ ভয়ানক দুষ্কার্য হইল। তখন বলা হইবে যে তাহার পূর্ন কোন দুষ্কার্য করিয়াছিলাম বলিয়া ঐ স্বভাব দণ্ডস্বরূপ লাভ করিয়াছিলাম। এইরূপে যদি সৃষ্টির আদিতে যাই তখন কি বলিব না যে আত্মা অস্তিত্ব লাভের সময় অবশ্যই কোন মন্দকার্য দ্বারা দূষিত ছিল না। তবে সেই নির্দোষ আত্মা পাপ কর্মফলে আবদ্ধ হইল কেন? কিন্তু কর্মফলবাদীগণ বলেন যে কর্ম অনাদি। কর্মের আদি আমরা ধারণ করিতে পারি না। অর্থাৎ তাহা আমাদের মনোবুদ্ধির অগোচর। এইস্থানে আসিয়া কর্মফলবাদীগণ আমাদের কাছে নীরব হইতে বলেন কিন্তু আমাদের ঠায় স্পৃহা এখানে নিবৃত্ত হইতে সম্মত হয় না। যদি কর্মের আদি নাই, কর্ম আমাদের বিচারের বিষয় না হয়, তাহা হইলে বলিতে হইবে যে আমার ভাগ্যে মন্দকর্ম যুটিল কেন তাহা আমি জানি না এবং কোন মন্দকর্মের জন্ত এই বর্তমান জীবনে এত দুঃখ কষ্ট সহ করিতেছি তাহাও জানি না; তাহা হইলে স্বভাবতই মনে হয় আমার জীবনের বর্ত-

মান দুঃখ আসিবার কোন ঠায় সম্ভব হেতু যখন কিছুই জানি না তখন কর্মফলবাদ আমাদের কোন সাহায্য করিতে পারিল না। আমি তাহা গ্রহণ করিয়া আরও গভীর অন্ধকারে পতিত হই, তাহা অপেক্ষা আমি এই সহজ সত্য কেন গ্রহণ করি না যে আমার দুঃখ কষ্ট আছে সত্য কিন্তু আমি ইহার কারণ জানি না। সকল সরল মনের এই অবস্থা হওয়াই সম্ভব। ঈশ্বরের অবিচার করিয়াছেন ইহা আমরা ভাবিতে পারি না কিন্তু আমাদের অবিচার অত্যাচার সহ করিতে হইতেছে, রোগ শোকের যন্ত্রণা সহ করিতে হইতেছে তাহা অত্যন্ত সত্য। ঈশ্বরবিশ্বাসী প্রত্যেক মানুষের এইভাব হওয়া সম্পূর্ণ স্বাভাবিক। যদি আমাদের পাঠিকাগণের মনের অবস্থা এইরূপ হয় তাহা হইলে তাঁহাদিগের মনে অনেক ভাব ও আলোক আসিবে। যাহারা অতীত মুখে শুনিয়া একটা বুদ্ধির অগম্য কর্মফলে বিশ্বাস করিয়া বসিয়া আছেন তাঁহাদের মন এবিষয়ে জড়ত্ব প্রাপ্ত হইয়াছে। আশা করি মহিলার পাঠিকাগণ একরূপ অন্ধ বিশ্বাসে আবদ্ধ থাকিয়া সত্যের আলোক হইতে বঞ্চিত থাকিবেন না। এই আশা করিয়া আমরা এবিষয়ে একটু আলোচনা করি। যদি আমরা বিশ্বাস করি যে পূর্ন জন্মকৃত দুষ্কর্মের ফলস্বরূপ কোন কোন ব্যক্তি জন্মাবধি রুগ্ন হয়, কেহ বা হীনকূলে জন্মলাভ করে, কেহ দুঃখ দারিদ্র্য প্রাপ্ত হয়। একরূপ কর্মফল লাভ কোন কোন লোকের ঘটে, কিন্তু প্রকৃতপক্ষে সকল

মানুষকেই কষ্ট পাইতে হয়। পৃথিবীতে জন্মধারণ করিলেই দুঃখ বা কষ্ট পাইতে হয় তাহাও যদি পূর্বজন্মের কর্মের ফল হয় তাহা হইলে কর্মফলের কোন অর্থই থাকে না। ধনী গৃহে শিশুর জন্ম হইলে শিশু পরম আদরে যত্নে প্রতিপালিত হয় কিন্তু শিশু ক্ষুধার কষ্ট অনুভব করিয়া ক্রন্দন না করিলে তাহাকে আহার দেওয়া হয় না। এ কষ্ট সে পায় কেন? শিশু একটু বড় হইলেও মাতৃস্তন্য পান করিতে চিন্তা করে, কিন্তু তাহাকে কষ্ট দিয়া ক্রন্দন করাইয়া, তাহাকে মাতৃস্তন্য হইতে বঞ্চিত করা হয় ও অনুরূপ খাদ্য দেওয়া হয়। তাহাতে সে ক্রেশ পায়। শিশু যখন বালক হইল সে সমস্তদিন খেলা করিতে বাস থাকে কিন্তু তাহাকে খেলা হইতে নিবৃত্ত করিয়া, কষ্ট দিয়া, শিক্ষার পথ ধরাইতে হয়। ক্রমে বালক বালিকা যবক যুবতী হইল—সমাজ বলিল এখন আর শিক্ষা নয়, এখন বিবাহিত হইয়া সমাজেব সেবা কর। প্রথম প্রথম সমাজের সেবা করা কি ক্রেশকর, নব বিবাহিতা কণ্ঠা শশুরালয় যাইতে কত ক্রেশ পায় তাহা আমরা সর্বদাই দেখিতে পাই। প্রসব বেদনায় মাতা কত ক্রেশ পান, সন্তান প্রতিপালন করিতে পিতা মাতাকে কেমন ক্রেশ পাইতে হয়। এ সকল ক্রেশ কাহাকে না সহ করিতে হয়? যদি বলা হয় যে অল্পবয়সে মৃত্যু হওয়া ভাল নয়, শোকের ব্যাপার, তাহা হইলে বার্কিকোর আনু-সঙ্গিক ক্রেশ দুঃখ অবশ্য সহ করিতে হয়। যদি বলা হয় যে বৃদ্ধ হইব অথচ শরীর

ক্ষয় হইবে না, দস্ত কষ্ট যাতনা দিয়া স্থলিত হইবে না, তাহা হইলে এ সৃষ্টির নিয়মকেই অগ্রাহ্য করা হয়। সর্বশেষে মৃত্যু যখনই আসিবে তখন তাহার কষ্ট যাতনা ও ভয় আছে, তাহাও কর্মদোষে বলিলে সৃষ্টিই কর্মদোষের কার্য এইরূপ সিদ্ধান্ত করিতে হয়। কিন্তু আমরা সহজ বুদ্ধিতে বুদ্ধিতে পারি যে জীবন কোন কর্মফলে লাভ হয় নাই এবং জীবন লাভ করিয়া ক্রমে ক্রমে যে উচ্চ হইতে উচ্চতর অবস্থাতে উন্নত হইতেছি তাহাও কিছু পূর্বজন্মার্জিত কর্মফলের জন্ম নহে। আমাদের শরীর যখন আমাদের সর্বস্ব ছিল তখন তাহাতে স্বখী ছিলাম, কিন্তু মঙ্গলময় আমাদের উচ্চ অবস্থা দান করিবেন বলিয়া শরীরকে সংবত করিয়া মনকে প্রাধিক্য দান করিলেন, তাহার পর মনের উপরে প্রেমের রাজ্য প্রতিষ্ঠিত করিবেন বলিয়া মনকে ক্রেশ দান করিলেন। ক্রমে সময় আসিল যখন শরীর, মন, প্রাণ প্রভৃতি সকলকে নির্ঘাতন করিয়া আত্মাকে অর্থাৎ ব্রহ্ম-সন্ধানকে সেখানে প্রতিষ্ঠিত করিলেন। যে ক্ষেত্রে উন্নতি সেই ক্ষেত্রেই কষ্টের অনুভূতি আছে। নারী যখন পুত্রের মুখ দর্শন করিবেন তাহার পূর্বে তাহাকে প্রসব-বেদনা সহ করিতে হয়, ইহাতে কোন পূর্বজন্মের কর্মফল নাই কিন্তু ইহা নব আশীর্বাদ লাভের প্রস্তুতির জন্ম সহ করিতে হয়। পৃথিবী যাহাকে অত্যন্ত মৌভাগ্যশালী পুরুষ বলে তাহার জীবনে ও স্বাভাবিক ভাবে অনেক ক্রেশ ভোগ

হয়; সে সকল বিধাতার বিধানে মঙ্গলের পূর্বাভাসরূপে আসিয়া থাকে। শিশুর মাতৃস্তন্য পান বন্ধ করিতে যে নিষ্ঠুরতা তাহা নিষ্ঠুরতা নয়, কিন্তু পরসের উপযুক্ত অধিকতর পয়োজনীয় খাদ্য গ্রহণ করিতে তাহাকে শিক্ষাদান করা মাত্র। ঠিক সেইরূপ সংসারে স্বাভাবিক ভাবে আগা-দিগের পক্ষে যে সকল ক্রেশকর অবস্থা হয় তাহা কোন উন্নত অবস্থা দান করিবার জন্ম আসিয়া থাকে।

আমরা পৃথিবীতে জীবনধারণ করিতে যে সকল ক্রেশ কষ্ট সহ করি তাহার মধ্যে এক শ্রেণীর দুঃখ ক্রেশ যে শরীর মনের উন্নতির ও সুখের জন্ম তাহা বোধ হয় সকলেই বুঝিতে পারিবেন। অপর অনেক দুঃখ ক্রেশ অবশ্য অত্যন্ত কঠিন সত্য এবং অসাধ্য বাধী, অসহ শোক, ঘোর অত্যাচার প্রভৃতি আমাদের কেমন সহ করিতে হয় ইহা একরূপ বুদ্ধির অতীত মনে হয়। কিন্তু আমাদের পৃথিবী অত্যন্ত পুরাতন, এবং মনুষ্য যত প্রকারের কষ্ট যাতনা সহ করিয়াছে তাহার অনেক ইতিহাস আমরা পাঠ করিয়া থাকি। যদি এই পৃথিবীতে মনুষ্যের জীবনের শেষ হয়, ইহার পর যদি ক্ষতিপূরণ, উন্নতিলাভ, সুখ লাভের সম্ভাবনা না থাকে তাহা হইলে সত্য সত্যই পৃথিবীর বিবিধ প্রকারের মহা দুঃখ ক্রেশের কোন উপকারিতা বা মহৎ উদ্দেশ্য কিছু বুঝিতে পারা যায় না। কিন্তু আমরা বিশ্বাসনেত্রে দেখিতে পাইতেছি মৃত্যুই মানুষের শেষ নয়, মৃত্যুর পর অমৃতলোকে মানুষের জন্ম স্থান আছে।

শরীর মন ও আত্মা লইয়া মানুষ। মঙ্গল-ময় পরমেশ্বরের বিধানে শরীরের প্রতি অত্যন্ত যত্ন করা হয়, তারপর শরীরকে ক্রেশ দিয়া মনকে উন্নত করা হয় এবং সর্বশেষে শরীর ও মন উভয়কে ক্রেশ দিয়া বা বিনাশ করিয়া আত্মাকে উন্নত করা হয়। ফলে আমরা এতই মোহাক্রান্ত জীব যে শরীর ও মন যে পৃথক, শরীর অপেক্ষা যে মন শ্রেষ্ঠ তাহা বুঝিতে পারি না, বুঝিলেও সে অনুসারে চলিতে পারি না। অপর মন ও আত্মা যে পৃথক তাহাও আমরা সহজে ধারণ করিতে পারি না এবং আত্মার জন্ম যে অল্প সকলকে বলিদান করিতে হইবে তাহা বুঝিতে পারি না। কিন্তু আমাদের মঙ্গলময় পরমেশ্বর আমাদের মত লইয়া যেমন আমাদের সৃষ্টি করেন নাই, তেমনই আমাদের মত লইয়া বা আমাদের পরামর্শ অনুসারে আমাদের মঙ্গল সাধন করেন না। তিনি সত্য সত্যই মঙ্গলময়, এবং মঙ্গল প্রকাশই সৃষ্টির অভিপ্রায়। আমরা যে সকল রোগ শোক দুঃখ কষ্ট আপনারা পাইয়া অথবা অল্পকে পাইতে দেখিয়া মন্বাত্তিক ব্যথা পাই তাহারা ঈশ্বরের পেরিত দূত। আমাদের সাবধান করিয়া, জাগ্রত করিয়া, এবং প্রেম, ত্যাগ ও শান্তির রাজ্যের জন্ম ব্যাকুল করিয়া তাহার মঙ্গল ক্রোড়ে তুলিয়া লইবার জন্ম তাহারা আসিয়া থাকে। কর্মফলবাদীগণ ঈশ্বরের ত্রায় বিচারের আভাস দেখাইতে পারেন কিন্তু তাহার প্রেম যে দিবানিশি শরীর মন আত্মার মঙ্গল করিতেছে তাহা

তাঁহাদের চক্ষে পড়ে না। অথচ সহজ দৃষ্টিতে দেখিলে আমরা কি দেখিব? আমরা দেখিতে পাইব যে পৃথিবী তায়, প্রেম, শান্তি ও আনন্দ পূর্ণ—স্থানে স্থানে এ সকলের বিপরীত অবস্থা দেখিতে পাই সত্য কিন্তু তাহার ভিতরে যে লুক্কায়িত তায় প্রেম শান্তি আনন্দ রহিয়াছে তাহা একটু অন্তর্দৃষ্টি থাকিলেই দেখা যায়। এ সত্য অতি স্পষ্ট দেখিতে পাওয়া যাইতেছে যে এই সৃষ্টি মঙ্গলময়ের সৃষ্টি, তিনি মনুষ্য-গণকে সচ্চিদানন্দময় অমৃতরাজ্যে লইয়া যাইবেন বলিয়া তাহাকে কষ্ট দিয়া প্রস্তুত করিয়া লয়েন। ইহার মধ্যে অজানিত পূর্বজন্মের কর্মের ফলস্বরূপ কষ্টভোগ নাই। মঙ্গলময় মঙ্গলরাজ্যে মনুষ্যকে জন্ম দিয়াছেন এবং উচ্চ হইতে উচ্চতর অবস্থাতে লইয়া যাইতেছেন। যে কিছু হুঃখ কষ্ট রোগ শোক উপস্থিত হয় সকলই মঙ্গলগর্ভ, যে সকল রোগের বা শোকের এখানে নিরুত্তি নাই স্বর্গে তাহার পূর্ণ নিরুত্তি আছে এবং ব্রহ্মরূপাতে সকলেই চিরদিন শুদ্ধতা সুখ শান্তি ও আনন্দ নিত্যকাল সকলে আহরণ করিবেন।

বড় হুঃখের বিষয় যে আমরাদিগের অনেক মহিলার মধ্যে এই কর্মবাদে একরূপ বিশ্বাস এখনও রহিয়া গিয়াছে। প্রাচীন সমাজ কর্মবাদে পূর্ণ—প্রাচীনা নারীগণ সকল প্রকার হুঃখকেই কর্মফল বলিয়া গ্রহণ করেন কিন্তু যাহারা অনন্ত মঙ্গলময় দেবতার পূজা করেন তাঁহারা কেন মঙ্গলময়ের মঙ্গলরাজ্যে অন্ধ তায় বিচাররূপ কর্মকে আনিয়া আপনাদিগের

ঈশ্বর বিশ্বাসকে খর্ব করেন তাহা বুঝিতে পারা যায় না। এখন হইতে আমরাদিগের মধ্যে এবিষয়ে ধারণা, বিশ্বাস ও ভাষা পরিষ্কার হওয়া আবশ্যিক। যখন কোন হুঃখকর ঘটনা ঘটিবে আমরা কোনরূপেই মনে আসিতে দিব না যে তাহা কর্মফলে হইয়াছে; বরং দৃঢ় বিশ্বাসের সহিত বলিব যে মঙ্গলময় কোন মঙ্গল সাধন করিবেন বলিয়া এই হুঃখকে উপস্থিত করিয়াছেন।

কে যুবা? কে বৃদ্ধ?

(জে, টি, সাগুরলাও সাহেবের ইংরাজী হইতে।)

অনেক স্ত্রী পুরুষ ২০ বৎসর উত্তীর্ণ না হইতেই বৃদ্ধ প্রাপ্ত হন—আবার অনেকে অশীতিপর হইয়াও যুবক থাকেন। পঞ্চবিংশতিবর্ষীয় এমন অনেক স্ত্রী পুরুষ দেখিতে পাওয়া যায় যাহারা সর্বদাই বলিয়া থাকেন—“অসার সংসারের মোহঘোর আমাদের কাটিয়াছে; মায়াময় এ সংসার—ধোঁকার টাটী মাত্র। সকলই মিথ্যা স্বপ্নের কহক।” ইহাদের এই সকল কথার নিগূঢ় তত্ত্ব এই যে ইহাদের নিকট জীবন আপনার উচ্চ অর্থ হারাইয়া বসিয়াছে এবং সেই জগুই ইহারা জীবনে কোন আনন্দের ছবি দেখিতে পান না। ইহাদের নিকট সংসার বিধাতার গুঢ় অভিপ্রায় সম্পন্ন রহস্যময় লীলাক্ষেত্র নহে—উহা একটা অপূর্ণ বিশ্বয় ভবন, আনন্দের নিকেতন নহে; ইহাদের চক্ষে সংসার শূন্য মরীচিকা, মায়া ভোজবাজী

ধূসর বালুকাময় মরুভূমি মাত্র। বাইবেল ধর্মগ্রন্থে একটা বৃদ্ধ নরপতির চিত্র অঙ্কিত করা হইয়াছে। ইনি বয়সে বৃদ্ধ নহেন—কিন্তু ইহার আত্মা জরাগ্রস্ত, সঙ্কুচিত আনন্দহীন—কারণ তিনি কেবল স্বার্থ-সুখের জগু জীবনধারণ করিয়াছেন। তাহার মুখে সর্বদা এই বাক্য শুনিতে পাওয়া যায়—“সবই শূন্য, সব মায়া, সব ভোজবাজী।” তিনি নিজের কাহিনী এইভাবে বর্ণনা করিতেছেন:—

“আমি নিজের জগু প্রাসাদ নিৰ্ম্মাণ করিয়াছিলাম; আমি নিজের জগু দ্রাক্ষা-কুঞ্জ রোপণ করিয়াছিলাম; আমি নিজের জগু সরোবর খনন করাইয়াছিলাম; আমি নিজের জগু ভৃত্য ও পরিচারিকা নিযুক্ত করিয়াছিলাম; আমি নিজের জগু ধনরত্ন উপার্জন করিয়াছিলাম;

এইরূপে আমি প্রাধান্য ও প্রভুত্ব লাভ করিয়া জেরুজালেমবাসী সকল নরনারী হইতে অধিক ক্ষমতালালী হইয়াছিলাম।

তাহার পর আমি আমার স্বহস্ত-রচিত সমস্ত কার্যাবলীর দিকে দৃষ্টি-নিষ্ফেপ করিলাম; কিন্তু হায়! আমি দেখিলাম এই সকল বস্তুতে আমার লাভ কিছুমাত্র নাই!

সকলই মায়া—সবই বৃথা—সকলই অন্তরাত্তার বিরক্তিজনক!”

এই রাজার কাহিনী শুনিয়া অজ্ঞাত-সারে আমাদের হৃদয় হইতে এই বাণী উথিত হয়—হায়! জরাগ্রস্ত শুষ্ক দীন-হৃদয়! যথার্থই তুমি জগতের কৃপাপাত্র!

একজন প্রতিভাবান লেখক একটা সুশিক্ষিতা বিলাসিনী আধুনিক রমণীর মানসিক চিত্রপট এইভাবে অঙ্কিত করিয়াছেন:—

লোকে বলে সমাজে সুসভা নরনারীর সম্মেলনীয় বস্তু; আমি সমাজ দেখিয়াছি; সেখানে যে চাক্চিকোর অভিনয়—যে লীলাবিলাসের তরঙ্গ—উহার উপকারিতা কি? আমি এই দুইটিতেই পূর্ণ মাত্রায় যোগদান করিয়াছি—কিন্তু এখন আমার হৃদয় এই দুইটিতেই বিরক্ত। আমি অনেক হাসিয়াছি—এখন আর আমার হাসিবার প্রবৃত্তি হয় না। আমি অনেককে হাসাইয়াছি কিন্তু এখন আমি সেই সকল লোকের প্রচণ্ড মূর্খতা ভাবিয়া তাহাদিগকে অন্তরের সহিত ঘৃণা করি।”

লেখক বলিতেছেন—“এরূপ লোকের জন্য সংসারে কি অবশিষ্ট থাকে? দৃশ্যমান সকল নিব্বারের স্বাদগ্রহণ করিয়া তাঁহাদের হৃদয় বিরক্ত হইয়াছে, কিন্তু গভীরতর নূতন উৎস খনন করিবারও তাঁহাদের প্রবৃত্তি নাই। পৃথিবীতে নানারূপ বিভিন্ন অবস্থা ও চরিত্রের লোক দেখিতে পাওয়া যায়, কিন্তু সেই সকল সৌভাগ্য-সুখপালিত নরনারী যাহারা চিত্রবিলাসের সকল মধুপান করিয়া পরিশেষে এই ধারণায় উপনীত হইয়াছেন যে সংসারে জীবনধারণ নিরবচ্ছিন্ন ক্লেশের ব্যাপার মাত্র—তাঁহাদের ন্যায় নিরাশ্রয় দীন কৃপামাত্র কি সংসারে আর কেহ আছে? বস্তুতঃই তাঁহাদের জীবন নিরানন্দ অন্ধকার মলিন।”

যখনই কোন পুরুষ এই সিদ্ধান্তে উপনীত হয় যে মানবজীবনের সর্বপ্রধান লক্ষ্য সার্থান্বেষণ, তখনই সে বৃদ্ধ—তখন তাহার হৃদয় শুষ্ক, রসলেশশূন্য। যখনই কোন নারী অপরের সরলতা বা সাধুতায় সন্দেহ পরায়ণা, তখনই তিনি বৃদ্ধা—তাঁহার গণ্ডস্থল অপূর্ব গোলাপীবর্ণে সমুজ্জ্বল হইলেও তাঁহার আত্মা নিবিড় কালিমায় সমাচ্ছন্ন। সার্থময় জীবন যাপন করিতে করিতে, জীবনের অগভীর তুচ্ছ বিষয়ের চিন্তা করিতে করিতে যখন অবশেষে জীবনের উচ্চ ও গভীরতম বিষয়গুলি একে একে পরিগ্ৰহন হইয়া আসতো পরিণত হইয়া উঠে—তখন মানুষকে যে অকাল-বান্ধক্য আসিয়া গ্রাস করিয়া ফেলে সেই আকালিকী জরার ন্যায় ভয়ঙ্কর বস্তু এ সংসারে আর অন্য কিছু আছে কিনা জানি না।

যে মানুষের হৃদয় বিশ্বাস হারাইয়াছে—সে বিশ্বাস সত্যোতে বিশ্বাস হটুক, ন্যায়ে বিশ্বাস হটুক, অন্য মানুষে বিশ্বাস হটুক, নিজের প্রতি বিশ্বাস হটুক অথবা ভগবানে বিশ্বাস হটুক—যখন মানুষ বিশ্বাস হারায় তখন সে হৃদয়ে বৃদ্ধ হইতেছে—জরা এবং দুর্বলতা ধীরে ধীরে তাহার হৃদয়কে অধিকার করিয়া বসিতোছে।

হৃদয় ও মনের বান্ধক্যই প্রকৃত বান্ধক্য। এই বান্ধক্যের আরো অন্যান্য লক্ষণ আছে। যখনই তুণের কোমল হরিৎ অথবা গোলাপের অপূর্ব লোহিত কিম্বা পতনশীল বৃষ্টিধারার অলৌকিক

মোহ—কোন মানুষকে আনন্দে পরিপ্লুত করিতে পারে না—তখনই বুঝিতে হইবে সেই লোক জরাগ্রস্ত হইয়া পড়িতেছে।

যে লোকের দৃষ্টি পশ্চাতের দিকে নিবদ্ধ—যে সম্মুখের দিকে দৃষ্টি প্রসারিত করিতে পারে না, সে বৃদ্ধ। যদি তাহার বয়ঃক্রম বিংশতি বৎসর মাত্রও হয়, তথাপি সে বৃদ্ধ।

নূতনে যাহার কোন আনুরক্তি নাই সে বৃদ্ধ। যে অতীতে স্বর্ণ যুগকে দর্শন করে এবং অতীতকালকে বর্তমান হইতে শ্রেষ্ঠ জ্ঞান করে, সে বৃদ্ধ।

যে উদীয়মান যুবকহৃদয়গুলির প্রতি আস্থাশূন্য—এবং মনে করে যে উন্নত মহৎ চরিত্রগুলি একে একে মৃত্যুর মধ্যে মিলিয়া যাইতেছে এবং তাঁহাদের স্থান গ্রহণ করিতে পৃথিবীতে কেহই নাই—সে বৃদ্ধ।

যে নূতন কোন কার্য্য হস্তে লইতে—নূতন পথের পথিক হইতে ভীত, সে বৃদ্ধ।

অন্ধকারবাদী বৃদ্ধ। সংশয় ও অসন্তোষবাদী বৃদ্ধ। পরছিদ্রাঘেষী বৃদ্ধ।

সেই পুরুষ নারী অথবা শিশু যে সংসারের কেবল অপকারচিত্র দর্শন করে এবং যে সমুজ্জ্বল সূর্যালোক ও স্নিগ্ধ চন্দ্রিকাকিরণ না দেখিয়া কেবল নিবিড় ঘনঘটার দামনী স্কুরণ ও প্রবল ঝটকা-বর্তের প্রলয় হুঙ্কারের কথা চিন্তা করে সে বৃদ্ধ।

সেই লোক—তা সে বয়সে যতই নবীন হটুক না কেন—সেই লোক যে মনে স্থির বুঝিয়াছে যে সে দুর্ভাগ্য এবং

বিধাতা সকল কার্য্যেই তাহার প্রতি বাম, সে জরাগ্রস্ত হইয়া পড়িয়াছে।

যে ব্যক্তি বালক বালিকাদিগের প্রতি যত্নশীল নহে সে বৃদ্ধ। যাহার কর্ণে শিশুর স্নমধুর হাস্যকোলাহল সঙ্গীত বলিয়া প্রতিভাত নহে সে বৃদ্ধ। যাহার সন্তান আছে সে যদি শিশুদিগের সহিত মিশিয়া খেলা না করে এবং তাহাদের সেই অনাবিল আনন্দে প্রাণের যোগ অনুভব না করে তবে সে বৃদ্ধ।

যে কৌতুকে আনন্দ অনুভব করে না এবং যাহার মুখে কদাচিৎ হাস্য দেখা যায় সে বৃদ্ধ।

যাহার বৈষায়ক কার্য্য হৃদয় মনকে এক্রমে আধকার কারয়া বাসরাছে যে সে আপনার শিশুসন্তানগুলিকে চুষন কারবার অবসর পায় না, অথবা যে সপ্তাহের একটা দিনকেও স্বতন্ত্র রাখিতে পারে না যেদিন সে জ্বলন্ত আত্মাকে শাস্ত ও বিশ্রাম দিতে পারে—সে বান্ধক্যগ্রস্ত হইতেছে।

বিহঙ্গের সুললিত সঙ্গীত শ্রবণ করিতে অথবা কুঙ্কুমের স্নকুমার মাধুর্য্য দর্শন করিতে যে একবার স্থির হইয়া দাঁড়াইতে অবসর পায় না—সে বৃদ্ধ।

যে ব্যক্তির নিকট একটা রৌপ্যখণ্ড চিত্তপ্রসারকারী সমুন্নত চিন্তা বা ভাব হইতে অধিক মূল্যবান, সে ব্যক্তি অত্যন্ত স্থাবর ও দীন।

অতএব আমরা দেখিতেছি যে বয়সের সহিত প্রকৃত বান্ধক্যের বিশেষ কোন সম্বন্ধ নাই। হৃদয় মনের বান্ধক্যই প্রকৃত

বান্ধক্য—এবং এই বান্ধক্যকেই মানুষের ভয় করা উচিত—বয়সাধিক্যে ভীত হইবার কোন কারণ নাই। এই বান্ধক্য বয়সের প্রতীক্ষা করে না—ইহা অশীতি বৎসরেও আসিতে পারে আবার বিংশতি বৎসরেও মানুষের হৃদয় অধিকার করিতে পারে। এই বান্ধক্যের তুলনায় দেহের বান্ধক্য নগণ্য তুচ্ছ বস্তু! জরাজীর্ণ দেহের ভিতরেও সতেজ নবীন আত্মা বাস করিতে পারেন। আমরা বিধাতার চরণে প্রার্থনা করিঃ—

শিশু হ'তে চাই হব না প্রবীণ
চাই সেই প্রাণ কোমল নবীন,
সরল নির্ভর, আনন্দ নিব্বার,
নিফলক ছবি পুণ্যের আধারে।
এই আশীর্বাদ বাচি শ্রীচরণে,
জরা যবে দেহ টানিবে মরণে,
অমল, সরস, শিশুর পরশ,
নিত্য যেন পাই প্রাণের মাঝারে।

হ্যালিবার্টন পত্রীর জীবনের
পরীক্ষা ।

(পূর্বাহ্নবৃত্তি ।)

মিঃ হ্যালিবার্টন তখন কাগজখানি হাতে লইয়া গৃহান্তর্গুণে প্রস্থান করিলেন। বাড়ীতে সকলে মধ্যাহ্ন ভোজনকালে তাঁহার জন্ম অপেক্ষা করিয়া আছে ইহা ভাবিয়া তিনি দ্রুত-পদবিক্ষেপে গৃহের দিকে চলিলেন। যাইবার সময় মনে মনে ভাবিতে লাগিলেন—আমাকে এই যে ডাক্তারের দ্বারা পরীক্ষা করান এটা উহা-

দের অনর্থক আমাকে কষ্ট দেওয়া মাত্র। কিন্তু বোধ হয় ইহাই নিয়ম সূত্রের আমাকেই বা তাহারা অব্যাহতি দিবে কেন?

সত্বর মধ্যাহ্ন ভোজন শেষ করিয়া তিনি আপনার লিখিবার ডেস্কের নিকট বাসিলেন এবং জন্মপ্রতিপাদক সার্টিফিকেটের জন্ম পত্র লিখিলেন। পত্রখানি খামে পুরিয়া তিনি পুনরায় বহির্গমনের জন্ম টুপি মাথায় দিলেন।

জেন জিজ্ঞাসা করিল—আজ বিকেলেই কি তুমি স্মৃতিশীল হইবে?

“যদি সময় থাকতে আমার পড়ানর কাজ শেষ করতে পারি তাহলে যাব। ফিল্ম-নেকে ৪টার সময় পড়াতে হয়—আজ না হয় তাকে সন্ধ্যার সময় পড়াব। খুব সম্ভবতঃ আজই আমি সেখানে যাব।”

সত্বর সকল কার্য সম্পন্ন করিয়া মিঃ হ্যালিবার্টন সেই দিন অপরাহ্ন ৩ বাটকার সময় গলদ্বার কলেবরে শ্রাভিষ্ণ হইয়া পৌঁছলেন। সেই দিনই একপাশে তাড়াতাড়া করিয়া বাহার বিশেষ কোন অবস্থা কটা ছিল না—কিন্তু এই কাব্যটা যতদূর সম্ভব শেষ করার ফেলবার জন্ম তিনি সাতশর ব্যগ্র হইয়া পাড়িয়াছিলেন। তিনি যেন মনে করিলেন বর্তমানে আত্ম-রক্ত ব্যস্ততার সহিত এ কাব্য সম্পন্ন করিতে পারিলে তাহার পূর্ব-উদাসীনের কথাই প্রায়শ্চিন্ত করা হইবে।

ডাক্তার ক্যারিংটন বাড়াতেই ছিলেন। কিন্তু সে সময় তিনি আর একজনকে পরীক্ষা করিতেছিলেন। সুতরাং হ্যালিবার্টনকে একটা ঘরে গিয়া বসিতে হইল।

সেখানে আরও ৩৪ জন পূর্ব হইতে অপেক্ষা করিতেছিলেন। তাহারা কোন রোগের চিকিৎসার জন্ম আসিয়াছিলেন অথবা তাহারা ইন্ডিয়া সার্টিফিকেট-প্রার্থী হইয়া আসিয়াছিলেন তাহা তিনি বুঝিতে পারিলেন না। তাহার পূর্বে তাহারা ই ডাক্তারের সহিত দেখা করিতে গেলেন।

যাহা হউক অবশেষে তাহার ‘পালা’ আসল। তাহাকে ডাক্তারের সম্মুখে লইয়া উপস্থাপিত করা হইল। ডাক্তার একটা খর্সাক্রান্ত গোরবর্ণ গস্তীর প্রকৃতির নোক—তাহার মস্তকের চুলে ঈষৎ পাক ধরিয়াছিল।

সাধারণতঃ কথাবার্তায় অল্পভাষী হইলেও পরীক্ষাকালে প্রশ্ন করিবার সময় তাহার অল্পভাষিণীর কিছুমাত্র লক্ষণ দেখা গেল না। তিনি হ্যালিবার্টনকে পুঙ্খানুপুঙ্খরূপে কুট প্রশ্ন জিজ্ঞাসা করিতে লাগিলেন। তাহার কি কি ব্যাধি আছে এবং তাহার কি কি ব্যাধি নাই? তাহার চালচলন আচার ব্যবহার কিরূপ? পূর্বেই বা কেমন ছিল এখনই বা কেমন? অবশেষে তিনি এই প্রশ্ন জিজ্ঞাসা করিলেন—“আপনি কি নিজেকে সম্পূর্ণ সবেল মনে করেন? সম্পূর্ণ সুস্থ এবং নীরোগ?”

হ্যালিবার্টন বাসিলেন—“প্রায়শ্চিন্তে আমি দুর্বলতা এবং ক্রান্তি অনুভব করি।”

“হাঁ, তা বেশ। ক্ষুধা বেশ আছে তো? আহায়ে রুচি?”

“হাঁ, সাধারণতঃ আমার ক্ষুধা মন্দ নহে, তবে কিছুদিন হইতে তেমন ক্ষুধা বোধ করিতেছি না।”

“হাঁ, তা বেশ। নিশ্বাস প্রশ্বাস সব ভাল তো? কোনরূপ কষ্টবোধ নাই?”

“হাঁ, তবে মাঝে মাঝে যেন একটু কষ্টের মত মনে হয়।”

“হাঁ, তা বেশ। কাসি টাসি হয় কি?”

“বরাবর যে আমার কাসি আছে তা নাই—তবে মধ্যে মধ্যে রাত্রিকালে হঠাৎ এক একবার শুকনো কাসির মত হয়, তাতে যেন দমআটকে আসে। আমার মনে হয় অতিরিক্ত পরিশ্রম বশতঃই এমনটা হয়।”

“হাঁ, তা বেশ। একবার আপনার শার্টটা খুলে ফেলুন তো।” ডাক্তার তাহার বুকের উপর আঙ্গুল রাখিয়া বলিলেন “টিক এইখানে বোতামটা একবার খুলুন তো। আর নীচে যদি ফ্যানেলের ওয়েস্ট-কোট থাকে তবে সেটাও খুলে ফেলুন।”

মিঃ হ্যালিবার্টন ডাক্তারের নির্দেশ অনুসারে তাহার বুকের বোতাম খুলিয়া ফেলিলেন। ডাক্তার বুক বাজাটয়া দেখিলেন। তাহার বুকের উপর কান রাখিলেন। বোধ হয় তিনি খালি কাণে কিছুই ধরিতে পারিলেন না। তিনি ড্রয়ার হইতে একটা যন্ত্র বাহির করিলেন, হ্যালিবার্টনের বুকের উপর সেই যন্ত্র স্থাপন করিলেন, তৎপরে সেই যন্ত্রে আপনার কাণ রাখিয়া ৩৫ বার একস্থান হইতে অন্য স্থানে যন্ত্রটা নাড়িয়া চাড়িয়া স্থাপন করিলেন।

অবশেষে তিনি বলিলেন—“আচ্ছা, এতেই হবে এখন।” তারপর তিনি

যন্ত্রটিকে দেবাজে পুনঃস্থাপিত করিতে গেলেন। হ্যালিবার্টন ইত্যবসরে আপনার শার্টের বোতাম আঁটিয়া লইলেন।

ডাক্তার যন্ত্রটা রাখিবার সময় দেবাজে মাথা গুঁজিয়া তীক্ষ্ণবরে বলিলেন—“আপনি ফ্যানেলের ওয়েস্ট-কোট ব্যবহার করেন না কেন?”

“নীতকালে ব্যবহার করি, কিন্তু গ্রীষ্মকালে আমি ফ্যানেল ব্যবহার করি না। মাত্র গত সপ্তাহে আমি ফ্যানেল ছেড়েছি।”

ডাক্তার ক্যারিংটন বলিয়া উঠিলেন—“এমন নির্বুদ্ধিতা কোথা হ’তে মানুষের আসে! লোকগুলো কি মাথায় ঘাস আর গে’বর নিয়ে জন্মগ্রহণ করে। এদের বুদ্ধি শুদ্ধি দেখছি এককালে লোপাপত্তি পেয়েছে! যত লোক আমার কাছে আসে তার অর্ধেকেরও বেশী এই কথাই বলে। তারা গ্রীষ্মকালে ফ্যানেল ব্যবহার করে না! গ্রীষ্মকালে করে না তো করে কোন্ সময়? গ্রীষ্মকালে ফ্যানেলের সব চেয়ে বেশী দরকার। মহাশয় ঘরে যান, আর অবিলম্বে একটা ফ্যানেলের ওয়েস্ট-কোট গি’ব পড়ুন।”

হ্যালিবার্টন হাঁসিয়া বলিলেন—“যদি আপনি তাই পরামর্শ দেন তবে নিশ্চয়ই আমি উহা ব্যবহার করব। আপনার এ সচপদেশের জন্ম আপনাকে আমি ধন্যবাদ দিচ্ছি।”

তিনি ছাট লইয়া অপেক্ষা করিতে লাগিলেন। ডাক্তারও তাহার গমনের প্রতীক্ষা করিতেছেন বলিয়া মনে হইল।

তখন হ্যালিবার্টন বলিলেন—আমি অফিসে গিয়ে জেনেছি যে আপনি আমাকে যে পরীক্ষা ক'রেছেন সে বিষয়ে আমাকে একখানি সার্টিফিকেট দেবেন।”

ডাক্তার বলিলেন—“হাঁ, কিন্তু আমি তা দিতে পারছি না।”

“কেন মহাশয়?”

“কারণ আমি আপনাকে পরীক্ষা করিয়া সন্তুষ্ট হইতে পারি না। আমি আপনাকে সুস্থ ও নীরোগ বলিয়া জীবন-বীমার জন্ম সার্টিফিকেট দিতে পারি না।”

হ্যালিবার্টনের ধমণীতে সবেগে রক্ত প্রবাহিত হইতে লাগিল। তিনি বলিলেন—“কি বললেন মহাশয়, আমি সম্পূর্ণ সুস্থ ও নীরোগ নহি?”

“না, আপনার স্বাস্থ্য জীবন-বীমার পক্ষে সম্পূর্ণ উপযোগী নয়।”

“কেন, আমার কি রোগ হ'য়েছে?”

ডাক্তার ক্যারিংটন উত্তর দিবার পূর্বে এক মিনিট ধরিয়৷ হ্যালিবার্টনের আপাদ মস্তক নিরীক্ষণ করিলেন। তিনি বলিলেন—এর পূর্বে যে সকল লোককে আপনার জায় আমি সার্টিফিকেট দিতে অস্বীকার ক'রেছি তাঁরাও আমাকে এই প্রশ্নই জিজ্ঞাসা করেছেন আর আমি তাঁদের যে উত্তর দিতে বাধ্য হ'য়েছি সে উত্তর নিশ্চয়ই তাঁদের তেমন প্রীতি প্রদ হয় নি।”

“মহাশয়, আমার পক্ষে আপনার উত্তর নিশ্চয়ই অপ্রিয় হবে না, কারণ আমি প্রকৃত সত্য জানতে বাস্ত হ'য়েছি। আপনি বলুন আপনি আমার মধ্যে কি ব্যাধি দেখলেন।”

“আপনার ফুসফুস ব্যাধিগ্রস্ত।”

মিঃ হ্যালিবার্টনের শরীর যেন অবশ হইয়া আসিল। তিনি জিজ্ঞাসা করিলেন—“খুব বেশী পরিমাণে ব্যাধিগ্রস্ত কি? আরোগ্য লাভের কি আর কোন আশা নাই?”

“যদি আমি বলি খুব বেশী পরিমাণে নয় তবে আপনার সঙ্গে প্রতারণা করা হয়। আর আপনি আমাকে পূর্বেই জানিয়েছেন যে আপনি এ বিষয়ে প্রকৃত সত্য জানতে চান। প্রকৃতই আপনার ফুসফুস খুব বেশী পরিমাণে ব্যাধিগ্রস্ত।”

হ্যালিবার্টনের মুখ ভাবী অশুভ আশঙ্কায় একেবারে বিবর্ণ হইয়া গেল—তিনি একখানি চেয়ারে বসিয়া পড়িলেন। ডাক্তার তাঁহার নিকটে আসিলে তিনি কাতরস্বরে বলিলেন—“মহাশয়, আমি নিজের জন্ম কিছুমাত্র ভীত নহি—কিন্তু আমার স্ত্রী পুত্র পরিবার আছে। যদি আমার মৃত্যু হয় তবে তাহারা অনাহারে কষ্ট পাইবে।”

ডাক্তার স্থির গম্ভীরস্বরে বলিলেন—“কিন্তু আপনি আমার সব কথাটা তো এখনও শোনেন নি। আপনার ফুসফুস খুব বেশী পরিমাণেই ব্যাধিগ্রস্ত বটে কিন্তু এখনও বে আরোগ্যের আশা নেই সেরূপ অবস্থা নয়। তবে খুব বেশীও বে আশা আছে তাও আমি বলতে পারি না। তবুও আমি যতটুকু বুঝতে পারি তাতে মনে হয় এখনও আশা আছে। যদি আপনি এখন হ'তে বিশেষ সাবধান হ'য়ে চলেন আর এ সম্বন্ধে ঠিক ব্যবস্থামত কাজ করেন তবে রোগ সারলেও সারতে পারে।”

“আমাকে কি কর'তে হবে বলুন। এ সম্বন্ধে ব্যবস্থাই বা কি?”

“অবশ্য আপনি কয়সায় ঘেরা নিশ্বাস প্রশ্বাস রোধকারী ধোঁয়ায় ঢাকা এই লগুন সহরের মধ্যেই বাস করেন?”

“তা হ'লে কালবিলম্ব না ক'রে সহর এ কয়েদখানা হ'তে বার হ'য়ে পড়ুন। যেখানে বিশুদ্ধ বায়ু ও নির্মূল আকাশ আছে সেইখানে প্রস্থান করুন। ইতাই এ রোগের প্রথম এবং প্রধান ঔষধ, এবং ইতাই এখন সর্কাপেক্ষ অধিক প্রয়োজনীয়। কয়েক সপ্তাহের জন্ম নয়—কয়েক মাসের জন্ম নয়—লোকেরা যাকে “বায়ু পরিবর্তন” করা বলে সে ভাবে নয়—কিন্তু চিরদিনের জন্ম লগুন পরিত্যাগ কর'তে হবে। আপনাকে লগুনের সঙ্গে সকল সম্বন্ধ কাটতে হবে, বললেন?”

হ্যালিবার্টন বলিলেন—“কিন্তু এরূপ করা আমার যে অসম্ভব। আমার কাজ-কর্ম সবই যে লগুনে। লগুন ছাড়লে আমার জীবিকার যে কোন উপায় থাকবে না।”

ডাক্তার বলিলেন—“হাঁ। আমার কাছে আপনার আগেও অনেক লোক এসেছেন—তাঁদের সম্বন্ধেও ঐ এক কথা। কিন্তু আপনাকে আমি নিশ্চয় ক'রে বলছি যে লগুন না ছাড়লে আপনার মঙ্গল নেই। নচেৎ ব্যাপার দাঁড়াবে এই—লগুন বনাম জীবন। লগুন চাইলে জীবন পাবেন না, জীবন চাইলে লগুন পাবেন না। এখন কি চান পছন্দ করে নিন। আপনার আদৌ লগুনে আসাই উচিত

হয় নি—আপনার লগুনে জন্ম নয় তো?”

“১৮ বছর আগে আমি লগুন চক্ষেও দেখিনি। ডিভনশায়ারে আমার জন্ম সেইখানেই আমি লালিত পালিত।”

“আমিও তা ঠিক ভেবেছি। যাদের লগুনে জন্ম তারা লগুনের জলবায়ুতে অভ্যস্ত হ'য়ে পড়ে—তাদের বড় বেশী অনিষ্ট হয় না। আবার এমনও অনেক লোক দেখেছি যাদের লগুনে জন্ম নয়। কিন্তু যাদের পক্ষে এই স্থান পৃথিবীর মধ্যে একটা পরম স্বাস্থ্যকর স্থান। কিন্তু এমন কতকগুলি লোক আছে যাদের লগুনে বাস করা মোটেই উচিত নয়। আমি আপনাকে শেষোক্ত দলের একজন মনে করি।”

“আমার কি অনেক দিন ধ'রে স্বাস্থ্য-নষ্ট হ'য়ে এসেছে?”

“হাঁ—কয়েক বছর ধ'রে মনে হয়। যদি আপনি বরাবর ডিভনশায়ারেই থাকতেন তবে আপনি সমস্ত জীবন ধ'রে একজন সম্পূর্ণ সুস্থকায় ব্যক্তি থাকতে পারতেন। এখন আমার আপনার প্রতি একমাত্র উপদেশ এই আপনি অবিলম্বে লগুন পরিত্যাগ করুন। যদি আর কিছু দিন এখানে থাকেন তাহলে আপনি মারা পড়বেন।”

মিঃ হ্যালিবার্টন ডাক্তার ক্যারিংটনকে ধন্যবাদ জ্ঞাপন করিয়া বাহির হইয়া পড়িলেন। আজ তাঁহার চক্ষে সংসারের মুখশ্রী সম্পূর্ণ পরিবর্তিত হইয়া গেল। আনন্দপূর্ণ দিবসের অনিন্দ্য সৌন্দর্য্য আজ কে হরণ

করিয়ালইল ? সুনীল আকাশের কোমল
নীলীমা আজ কোথায় অন্বেষিত হইয়া
গেল ? দীপ্ত দিবাকরের সমজ্জল জ্যোতিঃ
আজ কোন্ অন্ধকারে বিলীন হইয়া গেল ?
আকাশ তেমনি সুনীল, সূর্য্য তেমনি
সমজ্জল, কক্ষমে তেমনি অমান সৌন্দর্য্য—
কিন্তু পুরুতির চারুচিত্রপট আজ তাঁহার
চক্ষে মসী-মলিন হইয়া গেছে ।

তুর্ভাগা-ঘনঘটার নিবিড় অন্ধকার ছায়া
আজ বাহিরের যাবতীয় পদার্থের উপর
ঘনাইয়া আসিয়াছে । মতামখে ও কাঁচার
প্রিয়তমা পত্নীর ভাবী অদৃষ্টের বিষয় চিত্র
প্রাণে জাগিল—তাঁহার পানপত্রলি বালক
বালিকাদিগের তৎখ ক্রিষ্ট চন্দ্রমণ্ডলি
কল্পনানৈত্রের সম্মুখে ফুটয়া উঠিল !
তাঁহার সর্লশরীর যেন কাঁপিতে লাগিল
এবং গভীর নিরাশার মর্য়্যভেদী তৎখভার
তাঁহার বক্ষের উপর জগদল পাথরের
ছায় চাপিয়া বসিল ।

(ক্রমশঃ)

প্রাপ্ত ।

প্রিয় মহিলা প্রবাসে স্বদেশের সুসমা-
চার শুনিবার জন্ত নারীর প্রাণ আকুল
হয় । তোমার নিকটে মধ্য মধ্য সং-
বাদাদি পাইয়া সুখী হই ।

মহিলা, তুমি কি নববিধানের পূর্ণ-
বিধাসী-দাসী ? আশা করি তুমি আমাদের
শুভকাজক্ষী ।

কয়েকটি কথা তোমাকে আজ জিজ্ঞাসা
করিতে আসিলাম, আর কয়েকটি কথা

জানাইতে আসিলাম, স্থির হইয়া শুনিলে
বাধিত হইব ।

তোমার পরিচ্ছদ দেখিলে মনে হয়,
কোন লোক যাহার কোন রকম স্ত্রীপরিচ্ছ-
দের সম্বন্ধে অভিজ্ঞতা নাই, তাহার দ্বারা
তোমার বস্ত্রাদি ক্রীত হয় । যেখানে যাহা
দেওয়া উচিত তাহা দেওয়া হয় না ।
অনেক সময় শিক্ষিত ও ভদ্র সমাজের
উপযোগী পরিচ্ছদ দেওয়া হয় না, সেজন্য
পাঠিকারা কত সময় তোমাকে দেখিয়া
লজিত হইয়েন ।

এ পৃথিবীতে কত নারী কত মহিলা
আছে, তুমি “নববিধান” দাসী বলিয়া তুমি
এত জনের প্রিয় হইয়াছ । এ কথাটি
স্মরণে রাখিও ! আমাদের সমাজে তোমার
আদর কেবল তুমি নববিধানের নববিধান
এইজন্য ।

তোমার কথাবার্তা কিন্তু মনমত হই-
তেছে না । তুমি নববিধানের আশ্রিত
জীবনদের বিষয় কিছু লিখিতেছ নাত ?
যাহারা নবসংহিতা পালন করেন, যাহারা
আর্য্যনারী নামের উপযুক্ত, যাহাদের
জীবনে পবিত্রতা, কথায় মিষ্টতা সে সকল
জীবন তুমি কি দেখে নাই ?

আর্য্যনারীর আচার, ব্যবহার আর্য্য-
বংশীয়দিগের মত হইবে । অশান্তিক
ভাবে যাহারা থাকে তাহাদিগের শিথিলতার
অনেক আছে । যে নারীর সংসারে কেবল
বিনয়, যাহারা অগ্র সকলকে বড় করেন
এবং নিজে কে দীনহীন মনে করেন সে
সকল জীবনের কথা শুনিতে ইচ্ছা হয় ।
যাহারা নববিধান মতে উপাসনাদি করেন,

যাহারা অহং ভাব ছাড়িয়াছেন এসকল
জীবন কি এখন দেখা যায় না ?

আধুনিক স্ত্রীলোকেরা অল্পবয়স্ক হই-
লেও বয়ঃজ্যেষ্ঠাদিগের যথোপযোগী মান্ত
ও শ্রদ্ধা দিতে জানে না, পদূলী লইয়া
প্রণাম করা বোধ করি অপমান মনে করে !
ব্যসে কনিষ্ঠা হইলেও জ্যেষ্ঠাদিগের কথা
মাগ্ধের সহিত শুনিবে না, পালন করিবে
না । উৎসবদির সময় নিজ নিজ মতে
থাকিবে অগ্ধের সহিত যোগদান করিবে
না, মিলনের সাহায্য করিবে না । এখন
কি প্রচারকদিগের কথাদিগের ভিতর কেহ
কেহ এমন আছে তাহাদের স্বামীরা হিন্দু-
রাজ্যে কস্মচারী বলিয়া ব্রাহ্মিকা বলিয়া
পরিচয় দিতে পারে না ? মহিলা, এই
সকল মহিলাদের তুমি কি একটু শিক্ষা
দিতে পার না ?

এই পাশ্চাত্যদেশে মহিলাদিগের নিকট
আমাদের শিক্ষা করিবার অনেক আছে ।
ধর্ম্মসংকে ও সমাজসংকে কত শিথিলতার
আছে । সন্তানদিগকে অতি শৈশব হইতে
ধর্ম্মশিক্ষা দেয় । বালিকাদিগকে নীতি-
শিক্ষা দেয় । আর নংসারে জনসমাজে
পর পর পর পরকে যথোচিত সম্মান দিয়া
থাকে । পরোপকার, দেশাতুরাগ এদেশীয়
মহিলাদিগের জীবনকে কেমন সুন্দর
করিতেছে ।

আশা করি মহিলা আমার এ কথা-
গুলিতে তুমি অসন্তুষ্ট হইবে না এবং
জানিবে তোমার ও আমাদের শুভইচ্ছা
করিয়াই এ কথাগুলি লিখিলাম ।

শুভকাজক্ষী ।

একটি কথা বলিবার জন্ত প্রিয় মহিলা
—তোমার কাছে আজ দৌড়িয়া আসি-
লাম । এত আমরা আমাদের উন্নতি
বিষয়ে চিন্তা ও আলোচনা করি ধর্ম্মশিক্ষা
সংসারে কত অগ্র করি সে বিষয়েও
কখনও আলোচনাত করি না ! পাশ্চাত্য-
দেশে আমাদের কি শিক্ষা করিবার কিছুই
নাই ? সুন্দররূপে ছোট ছোট শিশুদের
প্রার্থনার নিয়মগুলি শিখাইয়া দেয় । যা
যে রকম চরিত্রেরই হউক না কেন, সন্তান-
দিগকে শৈশবে ধর্ম্মশিক্ষা দিতে ভুলিয়া
যায় না । আমাদের বঙ্গ মহিলারা বর্তমান
সময়ে ধর্ম্মের নামে অনেকে পরিচিত
হইতে ইচ্ছা করেন না । এমন কি ব্রাহ্মধর্ম্ম
প্রচারকের কথারা হিন্দুরাজ্যে স্বামী কাজ
করেন বলিয়া কস্মচ্যুত হইবার ভয়ে “ব্রাহ্ম”
নামে পরিচিত হইতে চাহেন না এবং
পুত্রেরা টাকা উপার্জন করিবার জন্ত
উৎসবাদিতে যোগদান না করিয়া বিদেশে
টাকা উপার্জন করিতে যান, এসকল কি
ভ্রুংখের বিষয় নহে ? স্বামীগণ যদিও ধন,
মানের বশ হন স্ত্রী কেন আর্য্যনারী নামের
উপযুক্ত হইয়া স্বামী ও পুত্রদিগকে পার্থিব
বিষয়ের দাস হইতে বিরত হইতে অধুরোধ
করিবেন না ? স্ত্রীহিত সংসারে লক্ষ্মীশ্রী
আনয়ন করেন ।

মহিলাদিগের রচনা ।

চিরসন্তোষের উপায় ।

চট্টগ্রাম ভাষ্যসমাজে পঠিত ।

কিসের অভাব হৃদয় খানিতে সর্বদা
লাগিয়া রহিয়াছে । দিনের পরে দিন

বংশের পর বংশ অতিবাহিত হইতেছে, প্রাণের গভীর অভাব কোন বিষয়ের দ্বারাই আজ পর্যন্ত দূরীভূত করিতে পারিয়া কিছুতেই চিরসন্তোষ লাভ করিতে পারিতেছি না। পরম পিতা পরমেশ্বর আমাদের নিমিত্ত কত কি পৃথিবীতে স্বজন করিয়াছেন। তিনি যে কত প্রেমময়, কত মঙ্গলময় তাহা নিঃসন্দেহে কিছুক্ষণ চিন্তা করিলেই অনুভব করা যায়। তাঁহার রূপা এবং মঙ্গলইচ্ছা অপার অসীম। ক্ষুদ্রজ্ঞানী মানব তাহা অনুভব করিয়াও আপন কণ্ঠব্য ভুলিয়া যায়। তিনি আমাদের অপেক্ষা আমাদের জন্ত অধিক চিন্তা করিয়া থাকেন। মোটামুটী কোন এক বিষয় ধরিয়া চিন্তা করিলেও তাহা আমরা সহজে বুঝিতে পারি। শিশু জন্মগ্রহণ করিবার পূর্বেই তিনি মাতৃস্তনে দুগ্ধ সঞ্চয় করিয়া রাখেন। শিশু ভগবানের আদেশেই সেই স্তন্যদুগ্ধ পান করে, কাহারও তাহাকে শিখাইয়া দিতে হয় না। ভগবানের অপার করুণায় শিশু বর্দ্ধিত হইতে থাকে। তাঁহার এইরূপ অপার করুণা দেখিয়া কি মানব তাঁহার মহত্ত্ব অনুভব করিতে পারে না? কোন মানব কোন কৌশলে বা চেষ্টায় সেই প্রকার শিশুকে লালিত পালিত ও বর্দ্ধিত করিতে পারে? আমাদের সুখে জীবনযাত্রা নির্বাহ করিবার জন্ত তিনি বায়ু, শব্দ, জল প্রভৃতি কতই না নিত্য আবশ্যকীয় দ্রব্য প্রদান করিয়াছেন যাহা ব্যতিরেকে আমরা ক্ষণেকের জন্তও জীবনধারণ করিতে পারি না। আমাদের প্রকৃষ্ণতার জন্তও কতই করিয়াছেন। তিনি

প্রকৃতি-দেবীকে কেমন সৌন্দর্যে ও মাধুর্যে অতুলন করিয়া সাজাইয়াছেন। বিহগের কলকণ্ঠ নিশ্চরিত, মধুর সঙ্গীতে, স্নিগ্ধ পবনের মুহূর্মিল্লোলে, প্রফুল্লিত কুমুমের মন-প্রাণহারি সৌরভে, বিটপি পল্লবে জড়িত নব-রবির স্বর্ণকিরণের মাধুরী দর্শনে কাহার না হৃদয় মুগ্ধ হইয়া ভগবৎ-চরণে ভক্তি, প্রেমে মস্তক অবনত হইয়া পড়ে? তিনি যদিও আমাদের সুখ শান্তির জন্ত সকলই অর্পণ করিয়া এতই রূপা-দৃষ্টিতে নিরক্ষণ করিতেছেন, সুখে, দুঃখে সকল অবস্থাতেই আমাদের চিরসঙ্গী রহিয়াছেন কিন্তু হায়! আমরা ক্ষুদ্র মানব কিসের অভাবের নিমিত্ত চিরদিন শান্তি-হারা হইয়া থাকি? কিছুক্ষণ অনুধাবন করিলে বুঝিতে পারা যায় যে, কিছুই নহে কেবল কল্পনাপ্রসূত মনের বিচিতি মাত্র। এই কল্পনাপ্রসূত চির অশান্তিতে মানব জীবনের বহুমূল্য সময় অতিবাহিত করি। সকল অবস্থায়, সকল বিষয়ে, পূর্ণ-মাত্রায় সন্তোষ লাভ করা যেন আমাদের ক্ষমতার অতীত হইয়া উঠে। তাই আমরা সুখে দুঃখে সকল অবস্থাতেই অভাবের হাত হইতে মুক্ত হইতে পারি না। কিসে অভাব হইতে নিস্তার লাভ করিয়া চিরসন্তোষ লাভ করিতে পারি ইহাই এই প্রবন্ধের আলোচ্য বিষয়।

“শরীর রক্ষা করিবার জন্ত যেমন নিত্য নৈমিত্তিক নিয়মিত আহারের প্রয়োজন, অনাহারে কিংবা পুষ্টিহীন আহারের অভাবে যেমন শরীর দুর্বল ও কুশ হইয়া পড়ে, তদ্রূপ আহার পোষণের নিমিত্ত ও তদু-

পোষণীয় আহারের নিত্যই আবশ্যক। নচেৎ আহারের অভাবে মনের সংপ্রবৃত্তিগুলি ধীরে ধীরে লোপ পাইয়া হৃদয় নিস্তেজ, নীরস ও দুর্বল হইয়া মনুষ্যত্বহীন করিয়া ফেলে। উভয় বিষয়ের পরিণাম অতিশয় শোচনীয় ও ভয়াবহ। জীবনধারণের অনুপযোগী আহারে বা অনাহারে মানব শারীরিক অশেষ রোগ যাতনা ভোগ করিয়া অবশেষে যেমন কালগ্রাসে পতিত হয় তদ্রূপ আহার উপযোগী আহার ব্যতিরেকে কিংবা অনাশনে মানব অবশেষে পাপপঙ্কে নিমগ্ন হইয়া শারীরিক, মানসিক, আধ্যাত্মিক অশেষ যাতনা ভোগপূর্বক ইহপরকাল-হারা হইয়া মহামূল্য জীবন-ত্যাগ করিতে বাধ্য হয়।

এই সুবিশাল ধরাতলে জগতপিতা আমাদের জন্ত সকল দ্রব্যই স্বজন করিয়াছেন সত্য বটে, কিন্তু জ্ঞান, অর্থ প্রভৃতি কতকগুলি দ্রব্য যেমন স্বীয় যত্ন ও শ্রম ব্যতীত কেহ সংগ্রহ করিতে সমর্থ হয় না তদ্রূপ আহার আহারও আপন যত্ন ও চেষ্টা ব্যতিরেকে কেহই সংগ্রহ করিতে পারে না। আমরা শরীর রক্ষার্থে শারীরিক আহারের নিমিত্ত কঠোর পরিশ্রম করিতেও কুণ্ঠিত নহি। কিন্তু আহার রক্ষার্থে মানসিক আহারের নিমিত্ত সামান্য যত্ন ও চেষ্টা করিতেও যেন সচরাচর সকলে নিত্যই উদাসীন। সুতরাং আমাদের যে গভীর অভাব লাগিয়া রহিয়াছে অর্থাৎ সব কিছু পাইয়াও চিরসন্তোষ লাভ করিতে পারিতেছি না এই যে দুর্গন্ধকার তৃষ্ণা আহার আহারের নিত্যই অভাব বশতঃই যে ঘটি-

তেছে সে বিষয়ে কোন সন্দেহ নাই। কারণ স্থূল দৃষ্টিতে দেখিতে গেলেও অনেক বিষয়ে তাহা স্পষ্টরূপে হৃদয়ঙ্গম করা যায়।

এই মহা সৌন্দর্যময় সমাগরা ধরণীর অধীশ্বর (যাঁহার পার্থিব কোন বিষয়েরই অভাব নাই।) অমাত্য পারিষদ্বর্গ, সভাসদগণ, সৈন্যসামন্তগণ, বহু পরিচারক প্রভৃতি নানাভাবে পরিবেষ্টিত হইয়া মহামূল্য রত্নভরণে নক্ষত্রভূষিতা নিশাকরের মত মুশোভিত হইয়াও তাঁহার যখন তথাপিও হৃদয়ে অভাব পরিলক্ষিত হইয়া থাকে, তবুও তিনি যখন আরো প্রার্থনা করেন, অথচ সংসারাগ্রাম-ত্যাগী, অর্থাৎ নখর সকল বিষয়ে আসক্তিহীন ব্যক্তি, যাঁহার জগতের অশেষ দ্রব্যের মধ্যে পরিধানের বসন ছাড়া আর কিছুই নাই সেই যে যোগীপুরুষ যাঁর ভগবৎচরণই একমাত্র সম্বল তাঁহারও জগতে কোন অভাবই বোধ হয় না। তিনি কেবল মাত্র আহার আহার যোগাইয়াই সুখী, তাঁহারই ত সকল অবস্থায় চিরসন্তোষ দেখিতে পাওয়া যায়। এইজন্ত পণ্ডিতেরা বলিয়া থাকেন :—

তামা তুষা সর্বসে আচ্ছা,

রাজা সে যোগী উচা।

তামা বুবে তুষা তরে,

রাজা যোগীরে সেবা করে।

যাহা হোক বুঝা যাইতেছে শারীরিক ভোগের অভাব না থাকিলেও আহার আহার ব্যতিরেকে কেহই জগতে কোন দিনই চিরসন্তোষ লাভ করিতে পারে না।

আহার আহার কি? আহার আহার বাহ্যিক আহারের স্থায় নানাভাণ্ডে বিভক্ত

হইলেও “ঈশ্বর উপাসনা এবং ঈশ্বরের নিকট প্রার্থনা” এই দুটাই প্রধান। উপাসনা বলিলে যে কতগুলি স্তব স্তুতি বলিয়া গেলাম, প্রার্থনা বলিলে যে কেবল ধন, পুত্র চাহিয়া গেলাম বুঝিতে হইবে এমন নহে। পরমেশ্বর অন্তরে, বাহিরে, আকাশে পাতালে, অনলে, অনিলে প্রভৃতি সর্বস্থানেই বর্তমান। যেখানে তিনি নাই সেখানে কিছুই থাকিতে পারে না। আহা-রের তায় সময় ধার্য্য করিয়া নিয়মিত সময়ে দেব-পদে উপাসনা করিতে হইবে— “জগদীশ্বরের আমাদের প্রতি যে অপার-করণা ও সকল বিষয়ে শুভইচ্ছা নিয়ত রহিয়াছে যেন তাহা আমরা কখনও না ভুলি, সুখে, দুঃখে সকল অবস্থাতেই যেন তাহা বিশেষরূপে স্মরণ থাকে।” প্রার্থনা করিতে হইবে—“তিনি আমাদের প্রাণে ভক্তি, প্রেম, দয়া প্রভৃতি যে সংপ্রভৃতি-গুলি দিয়াছেন তাহা যেন ধীরে ধীরে প্রকাশ করিয়া সময় ও জীবনের সম্ভব্য-হার করিতে পারি।” বাস্তবিক মনুষ্য-জীবনে ভোজন অপেক্ষা ভজনের সমধিক আবশ্যিক। যিনি যত পরিমাণে ভগবৎচরণে আত্মনির্ভর করিতে শিখিয়া সুখ, দুঃখ, বিপদ, সম্পদ সকলই তাঁহার দান এবং তিনি কখনও সন্দেহাগ করেন না এই গভীর বিশ্বাসে আপনাকে অসহায় মনে না করিয়া জীবন-পথে অগ্রসর হইয়া থাকেন তিনি তত পরিমাণ অনুসারে অভাবের হাত হইতে মুক্তিলাভ করিয়া চিরসন্তোষের অধিকারী হইতে পারেন।

ছনহরা ।

শ্রীহেমন্তবাবা দত্ত ।

সুনীতি কলেজ—কুচবিহার ।

সেহাস্পদা কুমারী বিধাননন্দিনী
মজুমদার লিখিয়াছেন :-

বিগত দুই বৎসর হইতে আমাদের মাননীয় কুচবিহার-মহারাজীর অভিপ্রায়-নুসারে সুনীতিকলেজে নূতন প্রণালীতে শিক্ষাদান চলিতেছে। পূর্বে শিক্ষা বিভাগের বিভাগীয় পরীক্ষানুযায়ী বিষয়সমূহ শিক্ষা দেওয়া হইত। বালক ও বালিকা-দিগের পরীক্ষার ব্যবস্থা একই ছিল। বর্তমানে নূতন প্রণালীতে বালিকা-দিগের শিক্ষাপযোগী বিষয় সকল নির্দ্ধারিত হইয়াছে। কুচবিহার কলেজের অধ্যক্ষ ডাক্তার ব্রজেননাথ শীল মহাশয় বালিকা-দিগের পাঠ্য পুস্তক ও অপরাপর শিক্ষণীয় বিষয়সমূহ নির্দ্ধারিত করিয়াছেন। এই নূতন প্রণালীতে সুনীতিকলেজে এখন ইংরাজী বাঙ্গলা উচ্চ-প্রাথমিক ষ্টাণ্ডার্ড ও ইংরাজী বাঙ্গলা নিম্ন-প্রাথমিক ষ্টাণ্ডার্ড পরীক্ষা নামে দুই প্রকার পরীক্ষা চলিতেছে। বর্তমান ডিসেম্বর মাসে উভয়বিধ পরীক্ষা গৃহীত হইয়াছে। বালিকাগণ পরীক্ষায় খুব ভালরূপে উত্তীর্ণ হইয়াছে।

যে বালিকাটা নিম্ন-প্রাথমিক পরীক্ষায় প্রথম স্থান অধিকার করিয়াছে সে মাসিক দুই টাকা হিসাবে দুই বৎসর বৃত্তি পাইবে।

সুনীতিকলেজে নূতন প্রণালী অনুযায়ী মধ্য-ইংরাজীর সমস্থানীয় শ্রেণী এখনও খোলা হয় নাই। বিগত সেপ্টেম্বর মাসে তিনটি বালিকা প্রাইভেট শিক্ষালাভ

করিয়া বিভাগীয় পরীক্ষার সঙ্গে মধ্য ইংরাজী পরীক্ষায় উত্তীর্ণ হইয়াছে।

উপরোক্ত তিনটি বালিকার মধ্যে কুমারী খনানাইটস্কেল মজুমদার সমস্ত কুচবিহারের মধ্যে বালকদিগের সহিত প্রতিযোগিতায় পারদর্শিতানুসারে দ্বিতীয় স্থান অধিকার করিয়াছে। কুচবিহারে দিন দিন স্ত্রীশিক্ষার বিস্তার হয় ইহাই আমাদের একান্ত প্রার্থনা। মহারাজা ও মহারাজী এ শিক্ষার খুব পক্ষপাতী ও মুক্ত-হস্ত।

আমার ভিক্ষা ।

আমি মনোমারো কত আশা করে থাকি
তুমি কর নিরাশায় পূর্ণ
আমি মানস-মন্দিরে কত ঘর গড়ি
তুমি প্রতিদিন কর চূর্ণ।
আমি যত দিতে চাই দুঃখে বলিদান
চাই সুখের মধুর দ্রাণ
তুমি দাও তত মোরে দুঃখ শোকতাপ
ব্যথিয়া কোমল প্রাণ।
আমি যাই নো জ্বালিতে যত আশা বাতি
আলোকিতে স্বপ্ন মোর
তুমি ততই তাহারে দাও গো নিভায়ে
করিতে আঁধার ঘোর।
আমি যত ভালবাসি হিয়ার মাঝারে
দেখিতে পূর্ণিমা ইন্দু
জোছনা আলোকে ধৌত হৃদিতল
শুভ্র রজতের সিন্দু।
চাকি মেঘের ভিতরে সুনীল অঙ্গুরে
ডুবায়ে জোছনা-লোক

তুমি বল তত মোর হৃদয় আকাশ
অমানিশা সম হোক।
আমি মনে ভাবি প্রেমের তরঙ্গে
ধোয়াব কুটীর খানি
কাটাব জীবন (শুধু) গৃহেরি সেবায়
জীবন ধরা মানি।
তুমি বল মোরে অপরের তরে
ধরিতে জীবন খানি
এই ভালবাসা দিয়া সমগ্র জগত
বাঁধিতে হৃদয়ে আনি।
আমি সুখ চাই পৃথিবী মাঝারে
আপন স্বার্থের হেতু
আমি মুক্তি চাই যেতে ভবপারে
বাঁধিয়া সুরম্য সেতু।
তুমি তো সে সব ভেঙ্গে চুরে দাও
দাও শুধু দুঃখ তরী
সংসার সাগরে বাহিতে তরঙ্গী
বাঁধনের রেখা ধরি।
যাহা আশা করি সব ঘুচে যায়
নিভে গো চাঁদিমা আলো
বিদায় লয় গো পরাণ কাঁদায়ে
যাহাদের বাসি ভালো।
কেন যে এসব দুঃখের ঘটন
ঘটে গো দিবস রাত
জীবনে আমার বুঝেছি এবার
দুঃখই আমার সাথী।
যত দিন মম কামনা বাসনা
নারি দিতে জলাঞ্জলি
সুখের লালসা ভোগের পিয়াসা
নাহি পারি দিতে বলি।
যত দিন আমি না পারি বিলাতে
ভালবাসা হাসি মুখে

তত দিন আমি এ জগত মাঝে
নারিক লভিতে সুখে ।

তাই তব ইচ্ছাধীন হতে পারি আমি
যেন প্রভু শিক্ষা পাই
তব বাণীমতে চলি এ জগতে
এই আমি ভিক্ষা চাই ॥

ইন্দুপ্রভা দেবী ।

মিঠাপুর, বাঁকিপুৰ ।

জীবে দয়া ।

“আলোচ্য সৰ্বশাস্ত্রাণি বিচার্যতঃ পুনঃ পুনঃ
পুণ্যং পরপোকারেণ, পাপক পরপীড়ণে ।”

মানবের অন্তরে দুইটা প্রকৃতি আছে ।
একটা দেব প্রকৃতি, আর একটা পশু
প্রকৃতি । দেব প্রকৃতির মধ্যে দয়া একটা
প্রধান প্রকৃতি । পরের উপকার করিবার
ইচ্ছার নাম দয়া । তরু যেমন ফুল ফল ও
ছায়া বিতরণ করে এবং তাহাকে ছেদন
করিলেও ছায়াদান করিতে কুণ্ঠিত হয় না
তদ্রূপ দয়া পরোপকার করিবার জগুই
স্বজিত । ঈশ্বর পরম করুণাময়, তিনি
মনুষ্যের অন্তরেতে দয়ারূপ দেব-বৃক্ষ রচনা
করিয়াছেন ।

দয়া ভিন্ন মানব-প্রকৃতি পশু-প্রকৃতিতে
পরিণত হয় । শরীর, মন, অর্থ এবং
বাক্যের দ্বারা মনুষ্য দয়াবৃত্তি চরিতার্থ
করিতে পারে । দয়াতে মানব-চরিত্র উন্নত
হয় । পরের দুঃখ বিপদ মোচনের জগু
সৰ্বদাই যত্নবান্ থাকি কৰ্তব্য । কেবল
মনুষ্যকেই দয়া করিতে হইবে তাহা নহে ।
পিপিলিকা হইতে সমস্ত প্রাণীকেই দয়া

করা উচিত । সৰ্বজীবে মৈত্রী, শিক্ষার
একটা প্রধান অঙ্গ । দয়ার পাত্রপাত্র ভেদ
নাই ; কোন উপকারের প্রত্যাশা না
রাখিয়া সকলকেই দয়া করা কৰ্তব্য ।
ঈশ্বরের প্রিয়কার্য সাধন করা, তাঁহার
উপাসনার একটা প্রধান অঙ্গ । যে জীব-
হিংসা করে, অথচ তাঁহার উপাসনা করে,
ঈশ্বর কখনও তাহার প্রতি সন্তুষ্ট হইতে
পারেন না ।

ফাদার দামিয়ন আজীবন কুষ্ঠরোগী-
দের সেবা করিয়াছিলেন । এইরূপ কত
মহাত্মা পরার্থে জীবন উৎসর্গ করিয়াছেন ।
ধনু তাঁহাদের জীবন যাহারা জীব-হিতের
জগু দান করেন । তাঁহারাঈ ঈশ্বরের প্রিয়-
সন্তান । ধনী দরিদ্র, উচ্চ নীচ দয়াতে
সকলেরই সমান অধিকার জীবকে দয়া
করিলে আত্মপ্রসাদরূপ ব্রহ্মরূপা হৃদয়ে
অনুভূত হয় । পরসেবায় কত আনন্দ,
যাহারা একবার সেবা করিয়াছেন ; তাহা-
রাই জানেন । তাই মহাকবি তুলসীদাস
বলিয়াছেন দয়া ধরম কি মূল, নরক কি মূল
অভিমান । তুলসী মং ছাড়িয়ে দয়া যোঃ
কর্থাগত প্রাণ ।

মূর্তিমতী দয়াস্বরূপিনী কুন্তী একচক্রা-
পুর নগরেতে পরের উপকারের জগু নিজ
পুত্রকে রাক্ষসের মুখে দিয়াছিলেন ?

দয়াময় পরমেশ্বরের অনুকরণে প্রত্যেক
মানবের সৰ্বজীবে সমান দয়া করা
কৰ্তব্য ।

শ্রীভক্তিসুখা দেবী ।

আশাকুটীর, টাঙ্গাইল ।

নারী ।

ভীষণ কঠোর অতি সংসার-শাসন ;
হেথা না থাকিলে স্নিগ্ধ রমণী-হৃদয়,
বেদনা-বাণিত যত বিধুর পরাণ,
কাহার শীতল ছায়ে লভিত আশ্রয় ?
দীনহীন নাহি যার সহায় সম্বল,
নিয়ত দহিছে প্রাণ শত যাতনায়,
কে মুছাত তার দুটা নয়নের জল,
স্নেহদানে জুড়াইত তাপিত হিয়ায় ?
রমণী জননী হ'য়ে কত বুক ধরে,
ভগিনী হইয়ে করে স্নেহ-বরষণ,
প্রণয়িনী রূপে প্রাণে অগ্নি বিতরে,
কথা হ'য়ে ফুটে কতু হাঁসায় জীবন ।
করণারূপিনী অগ্নি স্নেহময়ী নারী,
এ মরু-মাঝারে তুমি জীবনের বারি ।

মহিলা নামের যোগ্য নারী ।

১। প্রীতিপূর্ণ হইবেন ।

২। সকলকে সুখী করিতে সৰ্বদা-
যত্নশীল হইবেন ।

৩। আপনাকে লইয়া ব্যতিব্যস্ত
হইবেন না, অথবা আপনার গুণের কথা
মনে রাখিবেন না ।

৪। মন্দভাবের গল্পজবে যোগ
দিবেন না ।

৫। বয়োজ্যেষ্ঠকে মাগুদান করিতে
ভুলিবেন না ।

৬। আপনার গুণের গৌরব করিবেন
না ।

৭। আপনার সুখ সুবিধার ভাবিবার
পূর্বে অগ্নের বিষয় ভাবিবেন ।

৮। অগ্নের প্রাপ্য মাগু বা সামগ্রী
ইত্যাদি দান বিষয়ে সৰ্বদা একান্ত নিষ্ঠা-
বতী হইবেন ।

৯। লোকের ধনের তারতম্য অনু-
সারে তাঁহার ব্যবহারের তারতম্য হইবে
না ।

১০। কোন কৰ্তব্যকর্ম ভুলিবেন না,
যে কথা দেন তাহা অবশ্য পালন করিবেন ।

১১। বাক্যালাপে বিতর্ক করিবেন
না, অথবা তর্কশূক্তি দ্বারা পরাস্ত করিতে
চেষ্টা করিবেন না ।

১২। অগ্ন লোকের অত্যাগের বা
স্বভাবের কোন কথা বা কাজ লইয়া হাগু
পরিহাস করিবেন না ।

১৩। নিজের কথা লইয়া অথবা
নিজের কাজকর্মের কথা বলিয়া লোককে
বিরক্ত করিবেন না ।

১৪। যতদূর সম্ভব কোন অবস্থাতে
লোককে কষ্ট দিবেন না ।

১৫। এরূপ মনে করিবেন না যে
মনের অভিপ্রায় ভাল থাকিলে অশিষ্ট
ব্যবহার বা মন্দবাক্য প্রয়োগ করা যাইতে
পারে ।

১৬। যাহারা সমান বা উচ্চশ্রেণীর
লোক তাহাদিগের প্রতি যেমন ভদ্র ও মিষ্ট
ব্যবহার করেন । সামাজিক ভাবে যাহারা
অধ্যস্থ তাহাদিগের প্রতি ঠিক সেইরূপ মিষ্ট
ব্যবহার করিবেন ।

১৭। অগ্নের প্রতি অধিক মাগু
প্রদর্শন করা হইলে তিনি ক্ষুব্ধ বা অসহিষ্ণু
হইবেন না ।

১৮। অগ্ন দশজনের সঙ্গে ও বাড়ীর

লোকের সঙ্গে তাঁহার ব্যবহার একইরূপ হইবে ।

১৯। উচ্চঃস্বরে কথা বলিয়া, উচ্চ-হাস্য করিয়া অথবা আপনার গুণেয় কথা বলিয়া সকলের দৃষ্টি আপনার দিকে আকৃষ্ট করিতে চেষ্টা করিবেন না ।

মার্জিত চরিত্র ভদ্রমহিলার ব্যবহার কিরূপ হওয়া উচিত এ বিষয়ে একখানি ইংরাজী সাময়িক পত্রিকা হইতে উপরোক্ত কয়েকটি কথা পাঠিকাগণকে উপহার দেওয়া হইল । এখন আমাদের দেশেও মহিলাগণের সভাসমিতি অনেক হইতেছে, এসকল স্থলে আলাপ প্রসঙ্গ যথেষ্ট হইয়া থাকে কিন্তু সামাজিক নিয়ম এখনও প্রতিষ্ঠিত হয় নাই । এদেশের মহিলাসমাজ অত্র দেশের মহিলাসমাজের অনুকরণ বা নকল হইবে তাহা কেহ বলে না, কিন্তু যেরূপ চালচলন কথাবার্তা অত্র দেশে বিরক্তিজনক, অসহ, আমাদের দেশেও সেগুলি সেইরূপ হইবে সে বিষয় সন্দেহ নাই । অনেক সময়ে একটি কি দুইটি নারীর বাক্যের অত্যাচারে মহিলাগণের অনেক কষ্টে সমবেত সভা নিষ্ফল হইয়া যায় । অল্পবয়সের মহিলাগণ নিষ্প্রয়োজন কথা দ্বারা লোককে বিরক্ত করেন তাহা নয় । অধিকাংশ সময়ে প্রবীণা মহিলাগণ নানারূপ সামান্য কথা বা অত্রের সমালোচনা উপস্থিত করিয়া সভার অভিপ্রায় পণ্ড করিয়া দেন । যদি মহিলার কোন পাঠিকা এদেশের ভদ্রমহিলাদিগের সভাসমিতিতে মিলিত হইয়া আলাপপ্রসঙ্গ করিবার সাধারণ কতকগুলি নিয়ম লিখিয়া

আমাদিগের নিকট প্রেরণ করেন আমরা আদরের সহিত তাহা দশজনের অবগতির জগ্ন মহিলাতে প্রকাশ করিব । যাহারা চিরদিন পরদা দ্বারা আবৃত থাকেন তাঁহারা রেলগাড়ীতে বা অত্র কোন স্থানে বহুলোকের মধ্যে উপস্থিত হইলে যেমন অসহায় হইয়া পড়েন, যাহারা অনেক ভদ্রমহিলার সঙ্গে যোগ্য উচ্চভাবে আলাপপ্রসঙ্গ করিতে অভ্যস্ত নহেন তাঁহারাও সেইরূপ অসহায় হইয়া পড়েন । এখন এদেশেও মহিলাসমাজ গঠিত হইতেছে এবং অতি অল্পকাল মধ্যে এসমাজ বিলক্ষণ কার্যকারী ও প্রবল হইবে, এখন হইতে এই সামাজিক জীবনের মূলে বিনয়, আত্মসংযম, শ্রদ্ধা, মাগ্ন, প্রীতি, ধর্মভয়, মার্জিত রুচি প্রভৃতির স্থান হওয়া প্রয়োজন । যাহারা উচ্চ ধর্ম-জীবন লাভ করিতে ইচ্ছা করেন তাঁহাদিগের পক্ষেও এসকল সামাজিক-নীতি জীবনে পালন করা একান্ত প্রয়োজন । অন্তরে উচ্চধর্ম হইলে সকল মানুষের প্রতি যে স্বর্গীয় ব্যবহার আপনা আপনি হইবে সামাজিক নিয়মগুলি তাহারই অনুকরণ মাত্র । এজগ্ন যে নারীর জীবনে উচ্চ-ধর্ম সাধন হইয়াছে তিনি বিনাচেষ্টায় অজ্ঞাতসারে সামাজিক ব্যবহারে অতি মিষ্ট ও সর্বজনপ্রিয় হইবেন ।

দাম্পত্যধর্ম !

(প্রার্থনা ।)

হে প্রজাপতি, হে গৃহদেবতা, তুমি অপরিহার্য সংসার-ব্রত পালনের জগ্ন এই

মন্তব্য ।

দুইটি স্ত্রী ও পুরুষ আত্মাকে চিরপ্রেম-বন্ধনে বাঁধিলে, তবে আজ দাম্পত্যধর্মের প্রবেশ দ্বারে উপস্থিত হইয়া তব পাদপদ্মে শরণ লইতেছি, আশীর্বাদ ভিক্ষা করি যেন পরিবার মধ্যে তোমার আদেশ সকল পালন করিতে সক্ষম হই । সংসার সমরক্ষেত্র, এখানে প্রতি পদে বাধা বিপ্ল দেখিয়া পূর্ব-কালে সাধকগণ তপত্রার্থ নির্জন বনে চলিয়া যাইতেন । কিন্তু তুমি আমাদেরকে ব্রহ্মনিষ্ঠ গৃহস্থ করিবার জগ্ন এই সংসার পরিবার মধ্যেই তপত্রার্থ প্রেরণ করিলে ইহা যেন কখনও ভুলিয়া না যাই । সংসার-ধর্ম, দৈনিক পারিবারিক কর্তব্য মুক্তি-পথের সহায় ও উপায় মাত্র, উদ্দেশ্য নহে । সুমধুর দাম্পত্য প্রেমের মাধুর্য্যরসে হৃদয়কে কোমল ও সুমিষ্ট করিয়া দিয়া তুমি এই মহাব্রতে দীক্ষিত করিতেছ, আমাদের পরস্পরের স্নেহ প্রীতি একান্ত-তায় এখনকার যাবতীয় ক্লেশ সন্তাপ ভয় দুঃখ প্রশমিত হইবে, উভয়ে নিত্য নিত্য তোমার পদপ্রান্তে বসিয়া তব প্রদত্ত শান্তি-প্রসাদ লাভ করিয়া গুরুভার বহন করিতে পারিব, এইজগ্ন তুমি উভয়কে উভয়ের সহায় করিয়া দিলে একথা যেন সর্বদা স্মরণ রাখিতে পারি । এই সুখ দুঃখ বিমিশ্র গৃহ পরিবারে, জীবন সংগ্রামক্ষেত্রে কর্মভূমিতে স্ত্রী পুত্র পরিবারবর্গকে লইয়া মুক্তিপথে অগ্রসর হইতে হইবে, ইহা তোমারই ব্যবস্থা ; দাম্পত্য জীবন যেন দৃঢ় বিশ্বাস ও অধ্যবসায়ের সহিত পালন করিতে পারি এই আমাদের ভিক্ষা ।—

(পথের সঞ্চল) ।

সম্রাতি একখানি সাময়িক পত্রিকাতে শিশুপালন বিষয় প্রসঙ্গে নিম্নলিখিত শিক্ষা-পূর্ণ ইঙ্গিতটি পাওয়া গিয়াছে । কতকগুলি শিশু সর্দিতে যখন তখন কষ্ট পায় । সর্দি যেন তাদের লেগেই আছে । এইরূপ শিশু-গণকে পরীক্ষা করিয়া দেখিলে অনেক সময় ধরিতে পারা যায় যে অনেক শিশু মাতার অতি যত্নে ও অপর কতকগুলি মাতার অযত্নে সর্দিতে কষ্ট পায় । যে সকল মাতা শিশুকে সর্বদা গরম কাপড় পরাইয়া রাখেন, গরম জল দিয়া স্নান করান, ঠাণ্ডাতে বাহিরে যাইতে দেন না, বাহিরে খেলা করিতে দেন না । শিশুর ঠাণ্ডা লাগিবে ভয় করিয়া তাহাকে সর্বদা ঘরের ভিতরে বন্ধ করিয়া রাখেন গরম ও গুরুপাক খাদ্য-দ্রব্য সর্বদা দেন তাহারাই অনেক সময়ে সর্দিতে ভোগে । অপর কতকগুলি মাতা শিশুপালন বিষয়ে এত অসাধন যে হয়ত ঠাণ্ডার সময় গরম কাপড় পরান হয় না, পায়ের তলা ভিজিয়া থাকে তাহা দেখা হয় না । স্নানের সময়ে সাধন ভাবে স্নান করান হয় না । সর্দি হইলেও তাহা সারাইতে যত্ন করা হয় না, আহার দেওয়া বিষয়েও দৃষ্টি রাখা হয় না এরূপ শিশু দীর্ঘকাল সর্দিতে ভুগিতে ভুগিতে কেহ শিশুকালেই প্রাণ হারায়, কেহ বা যক্ষ্মা প্রভৃতি অতি ভয়ানক রোগগ্রস্ত হইয়া অধিক বয়স প্রাপ্ত না হইতেই জীবন শেষ করে ।

ভিক্টোরিয়া মহিলা বিদ্যালয়ের ১৯১০ সনের অক্টোবর মাসের সংক্ষিপ্ত আয় ব্যয়ের বিবরণ।

আয় ।

হস্তেস্থিত—	২১৪।৫
মহিলা বিভাগের দ্রব্য সেপ্টেম্বর মাসের সরকারী সাহায্য—	৭৫
শ্রী শ্রীমতী কুচবিহার মহারানীর অক্টোবর মাসের দান—	১০০
শ্রী শ্রীমতী ময়ূরভঞ্জের মহারানীর অক্টোবর মাসের দান—	৫০
মাসিক ক্ষুদ্র সাহায্য—	১৬
এককালীন দান—	১
বেতন আদায়—	১০৮
সিলাই বিভাগ ও নীতিবিদ্যালয় হইতে গাড়ীর খরচ হিসাবে প্রাপ্ত—	২৩

৫৮৭।৩

ব্যয় ।

শিক্ষয়িত্রীগণের বেতন—	২৬৬
ভৃত্যগণের বেতন—	২২।০
গাড়ীর খরচ হিসাবে—	৫০।০
ক্ষুদ্র ব্যয়—	১২।১০
বাড়ীভাড়া হিসাবে—	৮০

৪৩১।১০

হস্তেস্থিত—

১৫৫।১৫


সমষ্টি—

৫৮৭।৫

এই বিদ্যালয়ের প্রবর্তক ও অধ্যক্ষগণ নারীশিক্ষা বিষয়ে যে স্বাভাবিক ও অতি

উচ্চ আদর্শ চিরদিন পোষণ করিয়া আসিতেছেন তাহা এ পর্যন্ত উপযুক্তরূপে কার্যে পরিণত করিয়া উঠিতে পারেন নাই। বালক ও যুবকগণের জন্ম যে শিক্ষাপ্রণালী স্থিরীকৃত আছে সেই প্রণালী অনুসারেই এদেশের নারীশিক্ষাও চলিতেছে ইহার কারণ এই যে আমাদের দেশের পিতামাতাগণ এবিষয়ে আপনাদিগের কর্তব্য অবধারণ করেন নাই। নূতন শিক্ষিত সমাজে নারীর যে উচ্চস্থান এবং গুরুতর কর্তব্য আছে তাহা পূর্বে হইতে দর্শন করিয়া তাহার উপযুক্তরূপ নারীশিক্ষা প্রবর্তন করাই এই বিদ্যালয়ের উদ্দেশ্য। আমরা গুনিয়া অত্যন্ত আহলাদিত হইয়াছি যে শিক্ষা বিভাগের কর্তৃপক্ষগণ মধ্যে কেহ কেহ এই বিদ্যালয়ের উচ্চ আদর্শ দর্শন করিয়া ইহাকে উপযুক্তরূপে সাহায্য দান করিবেন একরূপ আশা দিয়াছেন। উপযুক্তরূপ সরকারী সাহায্য প্রাপ্ত হইলে এবং স্বদেশ হিতৈষী বন্ধুগণের সাহায্য প্রাপ্ত হইলে এই বিদ্যালয় অবশুই ইহার উপযোগিতা সাধারণের নিকট প্রমাণিত করিতে পারিবেন এবং তাহা হইলেই ইহার প্রচুর উন্নতি হইবে এবং এইরূপ আদর্শ লইয়া অগ্রাগ্র বিদ্যালয়ও প্রতিষ্ঠিত হইবে।

মাঘোৎসবোপলক্ষে নানাপ্রকার অস্থবিধার জন্ম পত্রিকা প্রকাশ হইতে অত্যন্ত বিলম্ব হওয়াতে আমরা বিশেষ দুঃখিত। গ্রাহক গ্রাহিকাগণ আমাদের ক্রটি মার্জনা করিবেন।



মাসিক পত্রিকা ।

“যত্র নারীশিক্ষা পূজ্যন্তে রমন্তে তত্র দেবতা: ।”

১৬শ ভাগ] অগ্রহায়ণ ১৩১৭, ডিসেম্বর, ১৯১০ । [৫ম সংখ্যা ।

প্রার্থনা ।

হে মাত জননি, তুমি কৃপা করিয়া জীবন দান করিয়াছ এবং ইহাকে রক্ষা করিতেছ। কে কতদিন এই জীবন ভোগ করিবে তাহা আমরা জানি না। আমরা কেবল এই জানি যে, নরনারীর জীবন তোমার অনন্ত করুণার দান এবং ইহার তিতরে কত মণিরত্ন লুক্কায়িত আছে তাহা এখনও কেহ নির্ণয় করিয়া উঠিতে পারে নাই। তুমি দয়াময়, দয়া করিয়া জীবন দিতেছ এবং জীবন পথেই শতসহস্র স্বর্গের আশীর্বাদ দান করিতেছ। যে দেশের তোমার যত কৃতা যত আশীর্বাদ লাভ করিতেছেন, সে সমস্তই এই জীবনের পরিমিতকালের তিতর দিয়া আসিতেছে। হে দেবতা, এ দেশের তোমার কৃতাগণ বহুবিধ কারণে দীন, হীন হইয়া পড়িয়া আছেন বলিয়া আমরা দুঃখ করি, কিন্তু এই জীবনরূপ যে মহাদান এখনও তাঁহারা সম্ভোগ করিতে-

ছেন এবং ইহার সদ্ব্যবহার করিলেই যে ক্রমে সকল সুখ শান্তি আনন্দ লাভ হইবে তাহা আমরা ভুলিয়া যাই। দেখ হে সর্বদর্শী দেবতা, আমরা আমাদের অভাব দেখিয়া দুঃখ করিতে ও হতাশ হইতে প্রস্তুত হই। তোমার দান মস্তক পাতিয়া গ্রহণ করিতে এবং তাহার সদ্ব্যবহার করিতে তত প্রস্তুত হই না। তুমি তোমার যে কৃত্যকে যে অবস্থায় রাখিয়াছ তাহার তিতরেই যে তাঁহাকে জীবন দিতেছ এবং সেই জীবনের সদ্ব্যবহার করিলেই যে তিনি সুখ-শান্তিরূপ মহাসম্পদ লাভ করিতে পারেন তাহা তুমি সকলকে বুঝিতে দেও! কৃপা করিয়া তোমার কৃতাগণকে অসুভব করিতে দেও যে তাঁহাকে তুমি জীবনদান করিতেছ, তাঁহাকেই স্বর্গের সকল সম্পদ লাভ করিবার অধিকার দিতেছ। ঈহারা জ্ঞানের অভাব, ধনের অভাব, সুযোগের অভাবে পড়িয়া আছেন বলিয়া দুঃখ করেন, তাঁহারা যে জীবনধনে ধনী এবং এই জীবনের

সদ্যবহার করিয়া তোমার আনন্দরাজ্যে যাইবার অধিকারিণী ইহা সকলকে বুঝাইয়া দেও । হে জননি, কৃপাকর যে, আমাদের দেশের নারীগণ যেন জীবনের সর্বশ্রেষ্ঠ ব্যবহার করিয়া তোমার আশীর্বাদ লাভ করেন । তোমার কৃপায় নারী জীবনের প্রতি মুহূর্তের সর্বশ্রেষ্ঠ ব্যবহার হউক এই প্রার্থনা করিয়া তব পাদপদ্মে বার বার প্রণিপাত করি ।

সময়ের সদ্যবহার ।

প্রতি একশত মানুষের মধ্যে নিরানন্দই জনই হয়ত দুঃখ করে যে সে অত্যন্ত অভাবগ্রস্ত । ধনের অভাবে কোটি কোটি মানুষ অবসন্ন শরীর ও মন লইয়া কষ্টে জীবন ধারণ করে । আপনার ধনের কথা বলিতে গেলে মানুষের মুখে অধিক কথা বাহির হয় না, কিন্তু অভাবের কথা বলিতে আরম্ভ করিলে অনেক কথা বলিতে থাকে । নারীগণ মধ্যে অনেকেই আপনাকে নিধন মনে করিয়া অত্যন্ত ক্ষুধ হইয়া দিন কাটান । অথচ জীবন-রূপ অমূল্যধনে সকলেই ধনী । জীবনের অর্থ সময় ; সময় জীবনধারণের কাল—এই সময় পৃথিবীর মধ্যে সর্বশ্রেষ্ঠ ধন, কারণ এই সময় হইতেই ধন জ্ঞান ধর্ম সুখ শান্তি প্রভৃতি সকল প্রার্থনীয় বস্তু লাভ হইয়া থাকে । যখন লোকে আপনাকে নিধন বলিয়া দুঃখ করে, তখন সে যে সময়-রূপ মহাধনে ধনী তাহা ভুলিয়া যায় । এই জন্মই সময়ের দ্বারা যে সকল ধন লাভ হইতে পারে তাহাও লাভ করিতে

পারে না । আমরা আজ সময়ের সদ্যবহারের বিষয় আলোচনা করিয়া দেখি যে এই মহামূল্য—ধন ব্যয় করিয়া কি কি লাভ করা যাইতে পারে ।

সময় যদিও অমূল্য-ধন সন্দেহ নাই, ইহার স্বভাব অতি অদ্রুত, কারণ ইহা অল্প ধনের ত্রায় সঞ্চয় করিয়া রাখিয়া ইচ্ছামত ব্যয় করা যায় না । এজন্ম পৃথিবীর হারা মুক্তার সহিত তুলনা করিলে সময়ের কোন মূল্যই নাই, কারণ ইহাকে বিনাশ হইতে রক্ষা করা যায় না । অথচ পৃথিবীতে যত ধন উপার্জন করা হইয়াছে, যত জ্ঞান ধর্ম লাভ করা হইয়াছে সকলই সময়ের বিনিময়ে লাভ হইয়াছে । যদি পৃথিবীর মহাজনেরা জ্ঞান ও ধর্মলাভের জন্ম আপনাদিগের সময় ব্যয় না করিতেন, পৃথিবীর এমন যে সঞ্চিত জ্ঞান ও ধর্ম লাভ হইয়াছে তাহা কোথা হইতে আসিত ? আমরা প্রত্যেকেই সেই মহামূল্যধন সময় পাইয়াছি, যে সময়ের দ্বারা মহাজনেরা মহা ফললাভ করিয়াছেন এবং সেইরূপে আমাদের মত ক্ষুদ্র মনুষ্যও অতি শ্রেষ্ঠ ধন লাভ করিতে পারে । এই উপস্থিত মুহূর্তই আমাদের জীবন, ইহাই আমাদের সময়, এই সময়ের সদ্যবহার করাই আমাদের সর্বোচ্চ কর্তব্য ও মহালাভের হেতু । অথচ এই সময় এত নিঃশব্দে চলিয়া যাইতেছে যে, ইহা যে এত মূল্যবান তাহা বুঝিতেই দিতেছে না । বিশেষতঃ নিদ্রা, বিশ্রাম, পান, ভোজনাদিতে অনেক সময় ব্যয় করিতেই হয় । যদি সময়কে এত মূল্যবান বলি তাহা হইলে এ সকল বিষয়ে এত অধিক সময় দেওয়া হয়

কেন । এ প্রশ্ন অনেক সময়ে উপস্থিত হয়, কিন্তু বিধাতার ব্যবস্থার উপর কাহারও হাত নাই । যাহারা এ বিষয়ে স্বভাবের বিরুদ্ধাচরণ করে তাহাদিগকে তজ্জন্ম বহুক্লেশ পাইতে হয় । আমরা যেমন শরীর রক্ষার জন্ম পান ভোজন শয়ন বিশ্রামাদি করিয়া থাকি, ঠিক সেইরূপ জীবনরক্ষার উপযোগী আহারীয়, বস্ত্র, গৃহ ইত্যাদি সংস্থান করিতে বাধ্য । যেমন দিনরাত্রির মধ্যে কয়েক-ঘণ্টা নিদ্রা যাওয়া প্রয়োজন, সেইরূপ শরীর রক্ষার প্রয়োজনীয় বস্তু সকল সংগ্রহ করিতে সময় ব্যয় করা প্রয়োজন । তাহার পরেই অত্যন্ত প্রয়োজনীয় কর্তব্য পালন করা প্রয়োজন । মাতার পক্ষে শিশুপালন এত প্রয়োজন যে জীবনধারণ করা যদি অসম্ভব হইয়া পড়ে তথাপিও জননী শিশুর জীবন-রক্ষার জন্ম ও তাহার মঙ্গল সাধনের জন্ম আপনার সময় ব্যয় করেন । এই সকল অবশ্য প্রয়োজনীয় কর্ম সমাপন করিয়া যাহা অবশিষ্ট থাকে তাহাই মানুষের জীবনের উন্নতি সাধনের মূলধন । যাহারা কেবল পান ভোজন শয়ন বিশ্রাম লইয়া, অথবা কেবল সংসারের প্রয়োজনীয় সামগ্রী সংগ্রহ ও একান্ত প্রয়োজনীয় কর্তব্য পালনেই দিব্যরাত্রির সকল সময় ব্যয় করে, তাহারা কোন মন্দকার্য্য করিল তাহা নহে কিন্তু সংসারের দ্বারা একেবারে গ্রস্ত হইয়া রহিল । তাহারা শরীরধারী জীব মাত্র হইয়া রহিল । আমাদের দেশের নারীগণ সাধারণতঃ সকলেই কার্য্যে ব্যস্ত । ধনীর ঘরে নারীগণ অবশ্য কার্য্যে ব্যস্ত থাকেন না কিন্তু তাহাদিগের আহার নিদ্রা বিশ্রাম

প্রভৃতিতে এত অধিক সময় যায় যে, দেখিলে মনে হয় তাহাদেরও যেন অবসর নাই । যতটুকু সময় অল্প কোনরূপে ব্যয় হয় না তাহা হয়ত তাহারা নিশ্চয়োজনীয় কথাতে, উপন্যাস পাঠ অথবা উদ্দেশ্যশূন্য ক্রীড়াতে ব্যয় করেন । যে রূপেই হউক আমাদের দেশের নারীগণের সময় নাই । যিনি যে অবস্থাতে জীবনযাপন করিতেছেন, তিনি আপনার সমস্ত দিন ও সমস্ত রাত্রির পূর্ণ-ব্যবহার করিতেছেন ইহাই বর্তমানের পক্ষে সত্য কথা । যাহারা জীবনকে মহামূল্য সামগ্রী বলিয়া বিশ্বাস করেন, যাহারা বিশ্বাস করেন যে এই জীবনের উন্নতি সাধন করিতে যথেষ্ট যত্নশীল হইলে ভগবানের কৃপাতে অনন্তজীবন লাভ হয়, তাহারা কি জীবনকে এইরূপেই ব্যয় করিয়া তৃপ্ত থাকিতে পারেন ? যদি কেবল শরীরের অভাব মোচন করিতেই জীবন গেল, তাহা হইলে জীবনের মূল্য শরীর অপেক্ষা অধিক একথা কে বলিবে ? পৃথিবীর বর্তমান অবস্থাতে উচ্চ সভ্যতার দেশেও অত্যন্ত অধিক সংখ্যক লোককে আপনার অন্নবস্ত্র ইত্যাদির জন্ম জীবনের সমস্ত সময় ব্যয় করিতে হয় । সত্য কথা বলিতে গেলে ইহা একরূপ অসভ্যতার অবস্থা । কারণ অসভ্য সময়ে যেমন প্রত্যেক ব্যক্তি বহু পরিশ্রম করিয়া আপনার ক্ষুধা নিবৃত্তি করিত ও শীতে বাতে কষ্টে রাত্রিযাপন করিত, এখন বন্যপশুর অপেক্ষে সেরূপ পরিশ্রম না করিলেও সেই উদরানের জন্মই সমস্ত দিন পরিশ্রম করিতে হয় । পৃথিবীর এত বয়স হইয়াও এই হীন অবস্থা রহিয়াছে

ইহা অত্যন্ত দুঃখের বিষয়। কিন্তু মানুষ কেবল উদর লইয়া ব্যস্ত নহে। মানুষের যেমন শরীর আছে, তেমনি মন আছে, এবং সর্বোপরি আত্মা আছে। মানসিক শিক্ষা ও ধর্মোন্নতি এখন সভ্যতার অঙ্গীভূত হইয়া রহিয়াছে। কোন মানুষই সম্পূর্ণরূপে অশিক্ষিত নয় এবং সকলেরই কিছু কিছু ধর্মকাৰ্য্য বা ধর্মসাধন আছে। আমরা যে উন্নতির বিষয়ে চিন্তার উদ্রেক করিতে চাই, তাহা এইরূপ হইতে পারে যে, প্রত্যেক ব্যক্তি বিশেষ পরীক্ষা করিয়া দেখিবেন যে শরীররক্ষার জন্ত কতটা সময় দেওয়া একান্ত প্রয়োজন। শরীরের জন্ত ততটা দিয়া অবশিষ্ট সময় উপস্থিত কর্তব্য পালন করিতে দিতে হইবে। শরীর কর্মক্ষম থাকিলেই জীবনের বিভিন্ন বিভাগের কর্মসকল সম্পাদন করিতে হইবে কিন্তু এ বিভাগেও উত্তমরূপে পরীক্ষা করিতে হইবে যে, যদি পাঁচ ঘণ্টা পরিশ্রম করিয়া কর্তব্য সকল করা যাইতে পারে, তাহা হইলে তাহার জন্ত ছয় ঘণ্টা দেওয়া হইবে না। ইহার পর যে সময় অবশিষ্ট থাকিবে তাহা দ্বারা মনকে উত্তর করিতে হইবে। ইহার পরে আত্মার পরিচয় লাভ ও তাহার প্রতি কর্তব্য সম্পাদন করিতে হইবে। বর্তমানে আমাদের দেশে একভাবে জ্ঞান ও ধর্মের উন্নত অবস্থা, অথচ এই অবস্থাতেও অনেক লোকের বিশেষ নারীগণের জীবন জ্ঞান ও ধর্ম পথে অগ্রসর হইতেছে না। এইরূপ দূর্বস্থার প্রধান কারণ এই যে, শারীরিক প্রয়োজনীয় কার্য্য করিতে ও কর্তব্য কর্ম সম্পাদন করিতেই তাঁহাদিগের সকল

সময় চলিয়া যায়। তাঁহারা জ্ঞান লাভের জন্ত সময় কিছুই দিতে পারেন না এবং ধর্মের জন্য অল্প যে সময় দিতে পারেন, তাহাতে কোন মন্ত্রজপ বা শারীরিকক্রিয়া প্রণামাদি পর্য্যন্ত সম্ভব। যদি এই অবস্থা সত্য হয়, তাহা হইলে বলিতে হইবে মানুষকে এই সংসারের সম্পূর্ণ অধীনতা হইতে রক্ষা করিয়া তাহার মনের ও আত্মার উন্নতি ও সদ্গতির ব্যবস্থা করিতে হইবে। প্রথমে শরীরের প্রয়োজনের বিষয় আলোচনা করিলে দেখিতে পাই যে, জীবনধারণ পক্ষে অত্যন্ত প্রয়োজনীয় নিদ্রাও নিয়মিত হইতে পারে। সকল লোকের পক্ষে সমান নিদ্রা প্রয়োজন নহে কিন্তু ৭।৮ ঘণ্টা নিদ্রা হইলেই সাধারণতঃ সকলের পক্ষে যথেষ্ট হয়। যাহারা ইহা অপেক্ষা অধিক সময় নিদ্রার জন্ত ব্যয় করেন, তাঁহারা চেষ্টা করিলে নিদ্রার সময় কমাইয়া ব্যবহারোপযোগী সময় কিছু বাড়াইতে পারেন। আহায়ে অতি অল্প সময় দিলে স্বাস্থ্যভঙ্গ হইতে পারে, এজন্ত তাহা কর্তব্য নয়, কিন্তু অনেকে আহায়ে অধিক সময় ব্যয় করেন, তাহা অবশ্য উচিত কার্য্য নয়। শরীরের অঙ্গসকল প্রয়োজনীয় কার্য্যের জন্তও অনেকের অধিক সময় ব্যয় হয়। জীবন দ্বারা কোন উচ্চ অভিপ্রায় সাধন করিতে হইলে সময় ব্যয় বিষয়ে অবশ্যই অত্যন্ত সাবধান হইতে হইবে। যে সকল কার্য্য প্রত্যেকের অবশ্য কর্তব্য তাহা করিতে যাইয়াও সময়ের বিষয়ে রূপণতা করা প্রয়োজন। রন্ধন করা, গৃহ সংস্কার করা বা রোগীর শুশ্রূষা করা অতি পবিত্র কার্য্য এবং অবশ্য কর্তব্য,

কিন্তু সময় ব্যয় বিষয়ে এ সকল শ্রেষ্ঠ কার্য্যেও মিতব্যয়িতা চলিতে পারে। এ সকল কার্য্য বিষয়ে নারীগণ যেমন সিদ্ধহস্ত, তাঁহারা সংসারকে রক্ষা করেন এই সকল কার্য্য করিয়া কিন্তু তাঁহারা অনেক সময়ে এত ব্যিয়া থাকেন যে, সমস্ত সময় সেই সকলের চিন্তায় কথায় ও কল্পনায় কাটিয়া যায়। অত্যন্ত প্রয়োজনীয় নিত্য কার্য্য করা বিষয়ে সময়ের টানাটানি করিলে সমস্ত কার্য্য অযোগ্যরূপে সম্পাদিত হইয়া অনিষ্ট ঘটবার সম্ভাবনা। তাহা কখনও উচিত নহে কিন্তু কার্য্য বিষয়ে মনকে একান্ত নিমগ্ন করিয়া অন্য সকল কর্তব্য বিস্মৃত হওয়াও অন্যায়। প্রত্যেক নারীর জীবনের অত্যন্ত অধিক সময় এইরূপ প্রয়োজনীয় কার্য্যে ব্যয়িত হইবে ইহা বিধাতার অভিপ্রায়, কিন্তু তিনি চেষ্টা করিলে সময় বাঁচাইয়া অন্য কার্য্যও করিতে পারেন। আমরা একরূপ অনেক নারীকে দেখিয়াছি ও অনেকের কথা পাঠ করিয়াছি, যাহারা আপনাদিগের সমস্ত কর্তব্য কর্ম সম্পাদন করিয়া অধিক জ্ঞান চর্চা করিয়াছেন, ধর্মসাধনে অনেক সময় দিয়াছেন এবং পর সেবাতেও অনেক সময় ব্যয় করিতে সক্ষম হইয়াছেন। তাঁহারা আত্মজীবন পরীক্ষা করিয়া প্রয়োজনীয় অগ্রান্ত কার্য্যের সময় বিচার করিয়া স্থির করিয়া তাহার পর সময় পাইয়া জ্ঞানার্জন ধর্মসাধন ও পরসেবা করিয়াছেন তাহা নহে। যখন ধর্মসাধন করিবার বা সেবা করিবার ভাব প্রবল হইল তখন স্বভাবতই অন্য সকল কর্মে সময় অল্প ব্যয় করিয়া

এই সকল উচ্চ কার্য্যে অবশিষ্ট সময় ব্যয় করিতে লাগিলেন। অধিকাংশ নারী যে সংসারের নিত্য কার্য্যেই সমস্ত সময় ব্যয় করেন এবং জিজ্ঞাসা করিলে বলিয়া থাকেন যে তাঁহাদের কিছু অবসর নাই, এরূপ অবস্থা ঘটবার প্রধান কারণ এই যে, তাঁহারা উচ্চতর কার্য্য দেখিতে পান না। জ্ঞানচর্চা ধর্মসাধন অর্থাৎ ঈশ্বরের পূজা-বন্দনা ও নিস্বার্থভাবে অন্য লোকের সেবা করা আপনার মঙ্গলের জন্য ও জগতের মঙ্গলের জন্ত কত প্রয়োজন তাহা তাঁহারা দেখিতে পান নাই। আজকাল অনেক লোক আছেন যাহারা জ্ঞানলাভ করিতেছেন এবং আরও জ্ঞানলাভ করিতে ব্যাকুল হইয়াছেন। তাঁহারা অল্প সকল বিষয়ে অবশ্য প্রয়োজনীয় কর্ম সকল সম্পাদন করিয়া জ্ঞানলাভের জন্ত অবশিষ্ট সকল সময় ব্যয় করেন। ইহাকেও এক প্রকার মোহ বলা যাইতে পারে। সংসারের নিত্যকর্ম লইয়া যেমন মোহ হয়, তেমনি জ্ঞানলাভের ক্ষেত্রেও মোহ উপস্থিত হয়, কারণ যাহা আদর্শ, যাহা সর্বোচ্চ লভনীয় বস্তু তাহা ভিন্ন যে বিষয়ে অতিরিক্ত মনোযোগ দেওয়া হয় তাহাই মোহ। আমরা সময়ের সদ্যবহার বিষয় আলোচনা করিতে প্রবৃত্ত হইয়া সর্বাপেক্ষা নিম্নস্তর হইতে আরম্ভ করিয়াছি, ইহাতে হয়ত ধর্মশীলা পাঠিকা ক্ষুব্ধ হইয়াছেন। আত্মার বিষয় সর্বশেষে আলোচনা করিব বলিয়া যে আত্মাকে শরীর ও মন হইতে নীচ মনে করিয়াছি, এ আশঙ্কা কেহ করিবেন না। অপরদিকে

আমরা শরীরধারী জীব, আমাদের মন আমাদের সর্বদা চঞ্চল করিতে থাকে, এমন অবস্থায় শরীর, শরীরধারণের সাধারণ কর্তব্য ও মনের উৎকর্ষিতির ব্যবস্থা করা অত্যন্ত প্রয়োজন। অথচ যখন আত্মা জাগ্রত হয়, যখন আত্মা ক্রীয়াশীল হয়, তখন আত্মা শরীর মন সকলের প্রভু হয় এবং আত্মাকে তপ্ত করিতে অল্প সকলকে বলিদান করা সম্ভব হয়। আত্মার প্রাধিক্ত্যের অবস্থা অত্যন্ত উচ্চ ও প্রার্থনীয়, কিন্তু তাহা মাহুষের সাধন ও ভগবানের রূপা সাপেক্ষ। প্রকৃতপক্ষে যখন নরনারীর জীবনে আধ্যাত্মিক ধর্ম প্রতিষ্ঠিত হয়, তখন তাহার সময়ের সদ্ব্যবহার আপনাআপনি হইতে থাকে, তখন সকল বিষয় চিন্তা বা বিচার করিতে হয় না। আমরা যে বিষয় লইয়া আলোচনা করিতেছি তাহা কেবল জীবন আরম্ভের অবস্থার জন্ত বলা হইতেছে। আমাদের দেশের নারীগণ শরীর ও সাংসারিক কার্য লইয়া এত বিব্রত হইয়া থাকেন যে, আত্মা নামে যে অমর বস্তু এই মরণশীল দেহে বাস করে তাহার সংবাদই যেন তাঁহাদের লাভ হয় না। পরমা আত্মা পরম মঙ্গলময়, তিনি সকলের মঙ্গল করিতেছেন এবং সকলকে স্বর্গধামের উপযোগী করিয়া লইতেছেন। যদি আমরা তাঁহার অভিপ্রায় বুঝিয়া এই জীবনকে উত্তমরূপে ব্যবহার করিতে পারি, তাহা হইলে জীবনযাত্রা নির্বাহ করিবার সঙ্গে সঙ্গে অনন্ত জীবনের পরিচয় পাইতে পারি এবং ইহার পর যে স্বর্গীয় জীবন আছে তাহার পূর্বস্বাদ এখন হইতে পাইতে

পারি। এ বিষয়ে সকলের দৃষ্টি না পড়িবার একমাত্র কারণ এই যে, আমাদের এই জীবনের কত উচ্চ অধিকার তাহা মনে থাকে না। কোন অবশ্য কর্তব্য কর্তব্যে অবহেলা করিয়া কেহ উচ্চ জীবন লাভ করিবে তাহা নহে, কিন্তু যাহার সম্মুখে উচ্চ কার্য সকল রহিয়াছে সে ব্যক্তি অবশ্যই অল্প সকল কর্তব্য কার্য সমাপন করিয়া উচ্চ কার্যের জন্ত অধিক সময় ব্যয় করিবে ইহাই অতি স্পষ্টাভিক নিয়ম। স্নানাহার করা শরীরধারণের পক্ষে অবশ্য কর্তব্য কার্য, কিন্তু যাহাদিগের জীবনের কোন উচ্চ আদর্শ নাই, তাহারা ইহাতেই অধিক সময় ব্যয় করে, কিন্তু যখন সেই সকল লোকেরই উচ্চতর কার্য সকল করিতে হয় তখন অতি অল্প সময় মধ্যে দৈনিক নিত্যকার্য শেষ করিয়া লয়। এই জন্য সময়ের সদ্ব্যবহার করিতে হইলে ঈশ্বরোপাসনা, ঈশ্বরপ্রেমের আদেশে জীবের সেবা এই সকল বিষয়ে অধিক সময় ব্যয় করিতে চেষ্টা করিতে হইবে। যে সকল নারীর মন স্বর্গরাজ্যের সৌন্দর্যে আকষ্ট হইয়াছে, যাহারা জীবনের সর্বোচ্চ অধিকারের একট আশ্বাদন পাইয়াছেন, তাঁহারা কখনও কোনও ক্ষুদ্র বা নিস্প্রয়োজন বিষয়ে সময় ব্যয় করিবেন না। জীবনের উচ্চ অধিকার লাভ করিতে গেলেই অল্প সমস্ত কর্তব্য কর্ম উপযুক্তরূপে সম্পাদন করা প্রয়োজন হইয়া উঠিবে। অর্থাৎ কোন ধর্মশীলা নারী আপনার পরিবারের অন্তর ব্যবস্থা না করিয়া ব্রহ্মোপাসনাতে নিযুক্ত হইয়া থাকিতে পারিবেন না। তাঁহাকে

সংসারের প্রয়োজনীয় কার্য সমাপন করিয়া ধর্মসাধনে প্রবৃত্ত হইতে হইবে। আমরা বিধাস করি যে, যে সকল নারী সংসারের কার্য হুচারূপে নির্বাহ করিতে সময় পান না, যাহারা সংসারের কার্য করিয়া মনের উন্নতি বা অশ্রের দুঃখ দূর করিতে কিছুই সময় পান না, তাঁহারা যদি এই সময়ের অভাবের মধ্যে ঈশ্বরের পূজা বন্দনাতে ও তাঁহার চরণে আত্মনিবেদনে ও প্রার্থনাতে কতকটা সময় দিতে আরম্ভ করেন, তাহা হইলে তাঁহাদিগের জীবনের সকল সময়ের সদ্ব্যবহার আরম্ভ হইবে এবং সকল প্রয়োজনীয় কার্য করিবার সময়ই তাঁহারা পাইতে পারিবেন। এরূপ ব্যবস্থা আপাততঃ বিপরীত মনে হইতে পারে, কারণ যে নারী বলিতেছেন যে, সমস্ত দিন রাত্রির মধ্যে জ্ঞানলাভের জন্ত অথবা কোন প্রতিবেশীর গৃহে যাইয়া কিছু সেবার কার্য করিতে দুই দণ্ড সময় পান না, তাঁহাকে যদি বলি প্রতিদিন দুই দণ্ড কাল ঈশ্বর পূজার জন্ত ব্যয় করুন, তাহা হইলে আপনার সময়ের অভাব চলিয়া যাইবে। তিনি উপহাসের কথা মনে করিতে পারেন কিন্তু সত্য কথাই এই যে, জীবনের সর্বোচ্চ লক্ষ্য ও অধিকার ভুলিয়া গিয়া সামান্য বিষয়কে শ্রেষ্ঠ বলিয়া ধরাতে সেই সকল সামান্য বিষয় তাঁহাদিগের সমস্ত সময় গ্রাস করিয়া ফেলিয়াছে। দিনের মধ্যে একবার পরমেশ্বরকে মন প্রাণ সমর্পণ করিলে সকল সময়ের সদ্ব্যবহার তিনি স্থির করিয়া দিবেন। যদি কতকটা বিষয় বুদ্ধির ভাবেও নারীগণ জীবনকে এই নিয়মে ব্যয় করিতে

আরম্ভ করেন, তাহা হইলেও সময়ের দ্বারা মহাফল লাভ হইতে থাকিবে। যদি গত জীবনের বিষয় চিন্তা করিয়া দেখা হয় যে, গত ২ বা ৪ বৎসর নূতন সত্য, নূতন জ্ঞান, নূতন ভালবাসা, সহিষ্ণুতা, কোমলতা, শান্তি, শুদ্ধতা প্রভৃতি লাভ হয় নাই, যদি দেখা যায় যে দিন দিন ঈশ্বর অধিকতর সুন্দর, মিষ্ট, প্রিয় ও আত্মীয় হইতেছেন ন, তাহা কিরূপে বলিব যে জীবনের সদ্ব্যবহার হইতেছে? সত্য লাভ কিছু করিতেই হইবে, যত দিন ব্যয় হইবে তত অমৃত লাভ হইবে, ব্রহ্মসুখ তত উজ্জ্বল হইবে, তাহা না হইলে কিছুই হইল না। নারীগণ এক একজনে আপনার সময় দিয়া এক একটা পরিবার রক্ষা করিতেছেন, কত জীবন রক্ষা করিতেছেন, আর কত যে ক্রেশ যন্ত্রণা সহ করিয়া সেবা করিতেছেন, তাঁহাদিগের জীবনের সদ্ব্যবহার হইতেছে সত্য, কিন্তু সেই সকল সদ্ব্যবহারের সঙ্গে ভগবানের পূজা বন্দনা না যুক্ত হইলে, সকল প্রেমসাধনের ভিতরে সেই অনন্ত প্রেমময়ের জয় না দেখিলে কি লাভ হইল? হয়ত আচিরে শোক দুঃখ নিরাশা অন্ধকার আসিয়া গ্রাস করিবে, মন শূন্য হইয়া যাইবে। একথা সত্য যে, সকলের সময়ই একরূপ কাজে চলিয়া যাইতেছে, কিন্তু সেই সকল কর্তব্যের সহিত ব্রহ্মপূজা, ব্রহ্মবাণী শ্রবণ, ব্রহ্মপ্রেম সাধন না হইলে জীবনের শ্রেষ্ঠ উদ্দেশ্য সাধন হইল না এবং হয়ত একদিকের কর্তব্য কর্ম করিতে যাইয়া অপর কর্তব্যের প্রতি অবহেলা হইবে। জীবন আমাদের অতি মূল্যবান ধন, ইহার সদ্ব্যবহার

করিলে পৃথিবীতে দুঃখসচ্ছন্দতা ও স্বর্গে আনন্দ লাভ হয় এবং ইহার ব্যবহার ঠিক না হইলে মহা অনিষ্ট হয়, ইহা জানিয়া প্রত্যেকে যাহাতে ইহার সর্কশ্রেষ্ঠ ব্যবহার করিতে পারেন, তাহার জগৎ জীবনের জীবন পরম দেবতার হাতে ইহাকে মধ্যে মধ্যে সমর্পণ করিতে হইবে।

দেব-প্রতিষ্ঠা ।

(ভাগলপুরে মমিলাদিগের প্রতি প্রকল্পিত শ্রীযুক্ত ব্রজগোপাল নিয়োগী মহাশয় প্রদত্ত উপদেশের সার মর্ম্ম ।)

মানুষে ও দেবতায় প্রভেদ কি ? দেবতা বলি ঠিক যে কৈলাশবাসী বোঝায় তা নয়। ঈশ্বর প্রেমে উন্নত বিপাসী সাধু সাধ্বী তাঁরাই দেবতা। এই যদি দেবতার সংজ্ঞা হয় তবে দেবতা ও মানুষে পার্থক্য কোথায় ? দেবতা ভগবানের পূজা করেন—আমরাও পূজা করি। দেবতার মানুষের সেবা করেন, আমরাও তা করি। তবে দেবতাকে চিনে নেবার বিশেষ লক্ষণ কি ? একটা জিনিষ আছে যা দিয়ে দেবতা কি মানুষ চেনা যায়।

মানুষের আছে একটা জিনিষ—তার নাম দুশ্চিন্তা, ছুরাকাজা, বাসনা, সংসার। আকাঙ্ক্ষা 'যদি পূর্ণ না হয়'—বাসনা যদি চরিতার্থ না হয়—অমনি দুর্ভাবনা এসে হৃদয় অধিকার করে বসে। সংসারে একটু এদিক ওদিক হ'লে অপার দুশ্চিন্তা এসে মনকে তোলপাড় করে তোলে। দেবত্ব

লাভ করলে মানুষের আর সব ঠিক থাকবে—কিন্তু এ জিনিষটা চ'লে যাবে। দুশ্চিন্তা, সন্দেহ, স্বার্থপরতা অহঙ্কার চিরদিনের জগৎ চ'লে যাবে। দেবত্ব লাভ হ'য়েছে কিনা তার প্রমাণ এই।

যদি মানুষের দুর্গতির অবস্থা দূর করতে হয়—তবে এই দেবত্বকে লাভ করতে হবে। দুশ্চিন্তার মূলে কি ? তার মূলে—অহঙ্কার, বাসনা। আমরা মনে মনে বাসনার আশ্রয় জেলে বলছি—আমার এমনটাই হওয়া চাই, আমার ঐ জিনিষটা লাভ করা চাই। যদি তেমনটাই না হয়, যদি সে জিনিষটা না পাই—অমনি সন্দেহের তুফান—দুশ্চিন্তার নিবিড় অন্ধকার। ভগবানের সংসার, ভগবানের সন্তান মানুষ। এ সংসারে দুঃখ আসে কেন ? দুঃখের মূলে ঐ দুশ্চিন্তা। কিন্তু এ দুশ্চিন্তা যাবে কি করে ? "দুশ্চিন্তা যাও, দুশ্চিন্তা যাও" মনে মনে এ কথা বলিলেই দুশ্চিন্তা যাবে না। কারণটিকে না সরালে কার্য্যটী যাবে কি করে ? আলোতে লাঠি রেখেছ তার ছায়া পড়বেই পড়বে। যদি লাঠি মেরে ছায়া তাড়াতে চাও ছায়া কি কিছুতে যাবে ? লাঠি সরেও ছায়াও সরে যাবে। যতদিন বাসনার আশ্রয় প্রাণের বেদীতে জ্বালিয়ে রাখবে ততদিন দুশ্চিন্তার উত্তাপ ভোগ করতেই হবে। যদি জীবনকে হুখের করতে চাও যদি প্রাণে শান্তির পবন বহাতে চাও তবে কি করতে হবে ?

তা হ'লে করতে হবে—ভক্তিসাধন। কেবল যদি প্রার্থনা করি—অহঙ্কার থাকে,

দুঃখ থাকে, তা হ'লে অহঙ্কার দুঃখ যাবে না। আলোক আশুক এক মুহূর্ত্তে অন্ধকার কোথায় মিলিয়া যাবে ; ভগবান এসে হৃদয় অধিকার করলে নিমিষের মধ্যে সকল দৈন্য ঘুচে যাবে। হৃদয়ে যখন ভগবানকে দেখতে পাওয়া হ'ল—ভগবান যখন এলেন অমনি স্বার্থপরতা চ'লে গেল। রোগ দুশ্চিন্তার ঔষধ কি ? বিক্র লোকদের সঙ্গে পরামর্গ কর, তাঁদের অভিজ্ঞতা হ'তে সাহায্য গ্রহণ কর ; কিন্তু এ রোগের প্রধান ঔষধ এই—ভগবানকে হৃদয়ে প্রতিষ্ঠিত কর। সেই দেবতা—যিনি সকলের মঙ্গলের নিদান, যিনি সকল ব্যক্তির ধ্বংস করি—সেই মঙ্গলময়কে হৃদয় সিংহাসনে স্থাপন কর।

প্রাচীন গৃহস্থদের মধ্যে একটা ব্যবস্থা দেখিতে পাওয়া যায়—তাঁদের বাড়ীর মধ্যে একটা ঘর তাঁরা ভিন্ন করে রাখেন সেই ঘরে তাঁরা ঠাকুর প্রতিষ্ঠা করেন—সেটা তাঁদের ঠাকুর-ঘর। আমাদের বাড়ী কি দেবশূন্য হ'য়ে থাকবে ? এ হ'লে কি কখনও দুঃখ দূর হবে ? দুঃখ নিবারণ না হলে কে দুঃখ দূর করবে বল ? প্রাচীন বিধির গুঢ় অর্থ কি ? গৃহস্থ দেবতার ঘরে বাস করবেন—ভক্তবিধাসী দেবশূন্য গৃহে থাকতে চান না।

এ যুগে ভগবান বলছেন—আমি হ'ট মাটির তৈরী ঠাকুর বাড়ীতে বাস করবো না, তোমাদের হৃদয়কে ঠাকুরবাড়ী করবো। কেমন করে হবে ? কেমন করে এ মাটির হৃদয় পবিত্র ঠাকুরঘরে পরিণত হবে ? এর উপায় এই—ভগবানকে পূজা করতে হবে।

ভগবান যিনি চিরমঙ্গলময়, যার স্পর্শে মাটি সোণা হয়, কঠিন কোমল হয়, নীরস সরস হয়—সেই মোহনযাকুরকে হৃদয়ে আনতে হবে। যদি বল—আমরা তো উপাসনা করি, আমি বলব ঠিক কথা বলা হ'চ্ছে না। ঠিক উপাসনা করা হয় নি—জীবন দেবতার কাছে জীবনের সব কথা সব আবরণ দূর করে নিবেদন করা হয় নি—ঐ দুশ্চিন্তার কথা তাঁকে জানান হয় নি। তাঁর সঙ্গে ভদ্রতার ব্যবহার করা হয়েছে, লৌকিকতা করা হয়েছে। সংসারের ব্যবহারে যেমন দেখা যায় যে বাড়ীতে রোগ থাকুক শোক থাকুক দুর্ভাবনা দুশ্চিন্তা থাকুক, কিন্তু কোন বাইরের লোক এলে মানুষ নিজের মুখের ওপর প্রকল্পিত আবরণ টেনে তাঁর সঙ্গে হেসে হেসে কথা কয় সৌজন্ত দেখায়, এখানেও ঠিক তেমনি করা হচ্ছে। ভগবানকে বাইরের লোক করে রাখা হয়েছে। উপাসনার সময় সঙ্গীতে বলি—'জানি তুমি মঙ্গলময়,' কিন্তু তাতে খাঁটি সত্য কথা বলা হয় নি সন্দেহকে সাজিয়ে গুছিয়ে তাঁর কাছে ভদ্রভাবে ধরা হ'য়েছে। এ কণ্ট ব্যবহারে দুঃখ যাবে না দুর্গতি দূর হবে না। প্রতিদিন প্রাতঃকালে সরল ভাবে হৃদয়কে অঞ্জলি করে দিতে হবে তাঁর চরণে হৃদয় বেদনা সব আবরণ সরিয়ে নিবেদন করতে হবে—পাপের অত্যাচার, অহঙ্কারের পীড়ন সন্দেহের নির্যাতন সব খুলে জানাতে হবে তাঁকে।

তুমি বলবে তিনি যে অপার অগম্য দেবতা—বুদ্ধিমন্দের অগোচর পরম রহস্যময় পুরুষ তিনি। এ কথা সত্য। কিন্তু এ

কথাও কি সত্য নয় যে সেই অনন্ত মহি-
মাময় পুরুষ তোমার আমার মত পাপীর
প্রাণকে স্পর্শ করেন? এ কথা অস্বীকার
ক'রতে পার? যখন দেবতা আসবেন তখন
অসাধ্য সাধন হবে—হৃদয়ের সব ছুয়োর
জানালা কেমন ক'রে এক মুহূর্তে খুলে
যাবে। “সে এলে সব বাঁধন যাবে টুটে,
তার ডাকে যে শাড়ি দিতেই হবে।” শুধু
কি দেবতা একলা আসবেন? তাঁর সঙ্গে
সব দেবদূতেরা আসবেন—সাধু ভক্তরা
আসবেন। ধর্ম দিন দিন দুর্বল হ'য়ে
পড়েছেন—ছেলে মেয়েরা ঠিক ধর্মের পথে
যাচ্ছেন না। তাই আপনাদের বলছি—
এ সঙ্কট মুহূর্তে আপনারা দেশ ও দেশ-
বাসীকে বাঁচান। নারীশক্তি না জাগলে
দেশের মঙ্গল হবে না। আপনারা স্বভাবতঃ
ভক্তিমতী—আপনারা নির্মল ভক্তি বারিতে
হৃদয় সিংহাসন ধৌত ক'রে সেখানে স্থাপন
করুন দেবতাকে; বিনয় দয়া ভক্তি অকি-
ঞ্চতা সেবা দিয়ে দেবতার পূজা আরম্ভ
করুন। উপাসনা করি বাঁধে কিছুই হবে
না—আপনারা কি সেবারত নিয়েছেন?
ভক্তি সাধন ক'রছেন? না হ'লে ও শুধু
মুখের উপাসনা ওতে দুঃখ ঘুচবে না দেশ
বাঁচবে না।

প্রাচীন সমাজে দেখা যায় পুরুষেরা
যত না করুন মেয়েরা প্রাণ দিয়ে ধর্ম
সাধন ক'রে থাকেন। তীর্থে যেখানে এক
জন পুরুষ সেখানে হাজার নারী! নারীরা
ব্রত নিয়ম সংযম উপবাস তীর্থ ক'রে ধর্ম-
ভার রক্ষা করেন। আমিও আপনাদের
বলছি আপনারা ধর্মকে রক্ষা করুন—

আপনারা রক্ষা করলে দেশে ধর্ম রক্ষিত
হবেন। আর আপনারা ভক্তি সাধন না
ক'রলে আপনারা নিজেরা মরুভূমি হবেন
ছেলেদের কাঙ্গাল ক'রে অরণ্যে ফেলে
যাবেন। ভক্তিতে স্বর্গ—সন্দেহে দুশ্চিন্তায়
নরক। আপনারা ঠিক করুন স্বর্গ নেবেন
না নরক নেবেন? মরুভূমি চান না নন্দন
কানন চান? যদি স্বর্গ চান ভগবানের
পূজা ঘরে ঘরে প্রতিষ্ঠিত করুন, প্রাণ মন
ঢেলে সকল কথা তাঁর চরণে নিবেদন
করুন। পরম সৌভাগ্য আমাদের যে
স্বর্গের দেবতা আমাদের ডাকে আসেন—
আমাদের মলিন প্রাণ স্পর্শ করেন। সে
স্পর্শ নিশ্চয় সকলেই অনুভব ক'রেছেন।
কিন্তু দেবতা যে আমাদের প্রাত এত কৃপা
করেন আমাদের কি তার জন্ত কোন দায়িত্ব
নাই? দায়িত্ব যেখানে নাই সেখানে অধি-
কার কোথায়? মহান দায়িত্ব মানবের
যদি আপনারা সে দায়িত্ব রক্ষা না করেন,
তবে মহা দুঃখে ঘোর অন্ধকারে পড়বেন
নিজেরা' আর ছেলেদের ও ভাবী বংশধর-
দের জন্ত রেখে যাবেন অপর দুর্গতির
বোঝা। এখনও সময় আছে—গৃহকে
দেবভূমিতে পরিণত করুন—অন্তর পুণ্ড্র
যজবেদীতে পরিণত হোক। কাহারও
অমুরোধে নহে কিন্তু নিজের মঙ্গলের জন্ত।
অন্তর জন্ত ভক্তিমতী হোন, তার আগে
কিন্তু নিজেরই লাভ। সমাজের লাভে
সন্তানগুলোর লাভ পরিবারের লাভ সমাজের
ও দেশের লাভ। গৃহ কেন দেবভূমি হবে
না? অন্তরায় কোথায়? হ্যাঁ, হওয়া উচিত
এ কথা বললে নিস্তার নাই—ক'রতেই

হবে না ক'রলে সর্বনাশ। আজ মনে
মনে প্রতিজ্ঞা ক'রে বলুন—আমরা দেবতার
আশীর্বাদ মাথায় ধ'রে সংসার কর'ব। আর
তা যদি না কর'তে পারেন তবে বলুন—
আমাদের উপাশ্র নেই! তরুলতার যেমন
জীবন ইতর প্রাণীর যেমন জীবন আমা-
দেরও সেই জীবন। দু দিনে মরবো—সব
ফুরিয়ে যাবে কোন দায়িত্ব নাই।

মানুষের পক্ষে এ গালাগাল, কিন্তু যেমন
ক'রে দিন যাচ্ছে তাতে কেবল মুখেই বলা
হচ্ছে—ধর্ম করি, ধর্মের চরণে আত্মসমর্পণ
করা হচ্ছে না। ঈশ্বর কেবল মত মাত্র
থেকে যাচ্ছেন। এ অতি সাংঘাতিক
কথা। আপনাদের উপর দেশের কল্যাণ
নির্ভর ক'রছে আপনারা ভগবানকে বুকে
ধরে দেশকে মঙ্গলের আদর্শে উন্নত ক'রে
তুলুন। সেই তো স্বর্গধাম। শুভদিন
এসেছে সামান্য নরনারী স্বর্গকে আলিঙ্গন
ক'রে কতার্থ হবে। যদি এ মহোচ্চ অধি-
কার না নেওয়া হয় তবে ভয়ানক দুঃখে
পড়তে হবে। প্রাচীন ধর্ম-বিধিতে বরং
ব্রত উপবাসে চলত—নবধর্ম বিধানে
দেবতা ভিন্ন গতি নাই।

বাইরের শাসন নিয়ম অতিক্রম করা
হ'য়েছে এখন ভক্তির শাসন মানতেই হবে।
এই অধীনতাতেই মুক্তি—এতেই চির
উন্নতি। গাণভরে প্রতিদিন উপাসনা—
এ ছাড়া কোন দিন যেতে দেব না—এ
প্রতিজ্ঞা কর'তেই হবে। দেবতার চরণে
প্রাণের কথা নিবেদন করব—কোন দুঃখ
কোন শোক আমাদের এ অধিকার হ'তে
বঞ্চিত কর'তে পারবে না।

ভক্তির সাধন কি কঠোর? যে করবে
না তার জন্ত কঠোর, যে করবে তার
জন্য কঠোর নয়। ভক্তাধীন ভগবান,
তিনিই এ সাধন পথে মানুষকে সাহায্য
করেন। দুঃখও আসে, কষ্টও আসে,
কিন্তু তাতে ভক্ত ব্যথিত হন না—সবই
যে সেই চির সুখদের দান! মঙ্গলময়
অমঙ্গল কর'তে পারে না? আর আমি এ
বিষয়ে বেনী কিছু বলব না আপনারা মহা
সন্ধিহলে পাড়িয়ে আছেন—এক দিকে
দুর্গতির রসাতল অল্পদিকে স্বর্গের উচ্চ
আদর্শ। দেশকে তুলতে হবে স্বর্গের দিকে
দেবতার দিকে। সে দেবভ্লাভ নির্ভর
করছে আপনাদের উপর। ভক্তির সাধনই
স্বর্গের পথ—অন্ত পথ স্বার্থপরতার পথ,
দুর্গতির পথ, নরকের পথ। এখন ভাবুন
কোন পথ ধরবেন। আজ দেবতার সম্মুখে
প্রতিজ্ঞা করুন—“আমরা আজ হ'তে
তোমার হব হে প্রভু; এ প্রতিজ্ঞা কিছু-
তেই ভঙ্গ হবে না। এ ব্রত আমাদের
জীবনের ব্রত। আমরা সকলের সঙ্গে মিলে,
হৃদয়ে তোমার প্রেমমুখ দেখে, অকিঞ্চন
হয়ে, তাই বোনদের সেবা ক'রে সার্থক
করব জীবনকে।” এই পুণ্য আদর্শের পথে
চলতে ভগবান আপনাদের বল দিন।

হ্যালিবার্টনপত্রীর জীবনের

পরীক্ষা।

(পূর্বানুবৃত্তি)

মিঃ হ্যালিবার্টন একেবারে মর্মান্বিত
হইয়া পড়িলেন। তিনি বুঝিতে পারিলেন

যে, মৃত্যু আজ্ঞা প্রচারিত হইয়াছে—
তঁাহার মনে কেমন একটা বিধাস দাঁড়াইল
যে, তিনি যতই চেষ্টা করুন না কেন—
যতই সাবধান হইয়া চলুন না কেন—এ
যাত্রা তঁাহার আর নিস্তার নাই। এ চিন্তা
তিনি কিছুতেই মন হইতে মুছিতে পারি-
লেন না—এই বিভীষিকা দুর্ভাগ প্রস্তুত-
ধণ্ডের স্থায় তঁাহার হৃদয় অধিকার করিয়া
বসিল।

তিনি বাড়ীর দিকে চলিলেন—রাস্তায়
এত দূর অশ্রুমনস্কভাবে চলিতে লাগিলেন
যে, তঁাহার কিছুই ঠিক থাকিল না।
লোকের দল আসিতেছে, যাইতেছে;
কত লোক তঁাহাকে অতিক্রম করিয়া চলিয়া
গেল—কিন্তু তিনি যেন আজ সে সকল
হইতে কোথায় কোন সূদূরে ভ্রমণ করিতে-
ছেন। এক একবার তিনি তাহাদের
দিকে সতৃষ্ণনে তাকাইয়া যেন মনে মনে
বলিতেছিলেন—“আহা! আমি যদি তোমা-
দের মত হইতে পারতুম! তোমাদের মত
কর্মে, আমোদে, আছাদে, বাক্যলাপে
প্রকুলমনে যোগ দিতে পারতুম! কিন্তু
আমি যে তোমাদের মত নই! হায়!
তোমরা আমার জগৎ কিছুই ক’রতে পার
না! তোমরা তো আমাকে সাহায্য দিতে
পারবে না—তোমরা আমাকে জীবন দিতেও
পারবে না!”

তিনি স্বপ্নে প্রবেশ করিলেন। সেখানে
তঁাহার পুত্রকথাগণ মনের আনন্দে নির্ভাব-
নায় নৃত্যগীতে হাসকৌতুকে মগ্ন ছিল।
তাহাদের মধ্যে আজ একটা বিশেষ আন-
ন্দের অভিনয় চলিতেছে—তিনি তাহা

জানিতেন। কিন্তু সে কথা এক মুহূর্ত
পূর্বে তঁাহার আঁচনী মনে ছিল না।

আজ তঁাহার ছোট মেয়ের জন্মদিন।
এই উপলক্ষে তাহার কয়েকটা বন্ধুবান্ধবকে
আমোদ আছাদ করিবার জন্ত নিমন্ত্রণ
করা হইয়াছিল। আজ জেনকে ঠিক সেই
বিবাহরাত্রে স্থায় সুন্দরী এবং অল্পবয়স্কা
দেখাইতেছিল। জেন বৃহৎ ঘরটির এক
কোণে একটা চায়ের টেবলের সম্মুখে
বসিয়া ছিল। আজ তাহার অঙ্গে উৎস-
বের উপযোগী বেশভূষা। বাসন্তী রঙের
রেশমী পোষাক, গলায় সূক্ষ্ম একগাছি
সোণার হার। বালিকারা প্রায় সকলেই
শুভ্রবাস পরিহিতা—বালকেরা আজ তাহা-
দের সর্বোৎকৃষ্ট পোষাকে সুসজ্জিত। জেন
সেই সময় চা প্রস্তুত করিয়া বালকবালিকা-
দিগকে ডাকিতেছিলেন। জেনের পরি-
চারিকায় তাহাদিগকে যথাস্থানে বসাইয়া
চা যোগাইতে সাহায্য করিতেছিল।

জেন আনন্দে স্বামীর দিকে চাহিয়া
বলিল—“এই যে তোমাদের পিতাও ঠিক
সময়ে এসে তোমাদের উৎসবে যোগ
দিলেন। এইবার বেশ সুন্দর হ’ল।”

মিঃ হ্যালিবার্টন বালকবালিকাদিগকে
সাদর সন্তান্য জ্ঞানাইলেন। তিনি কাহা-
রও মুখচুষন করিলেন, কাহারও সহিত
মিষ্ট বাক্যলাপ করিলেন। এখন তঁাহার
মুখ সম্পূর্ণ প্রসন্ন, এখন তঁাহার চিত্তে সেই
ভয়ঙ্কর চিন্তারূপী গৃধের আর কোন স্থান
নাই।

বালকবালিকারা তঁাহার মধ্যে কোন
পরিবর্তন দেখিতে পাইল না, জেনও

তঁাহার কোনরূপ বিকার লক্ষ্য করিতে
পারিল না। তিনি বসিয়া চা পান করি-
লেন, কিন্তু সব যেন যন্ত্রচালিত হইয়া।
তিনি আজ আপনাকে আপনি বলিয়া বোধ
করিতে পারিলেন না, আজ যেন তিনি
সম্পূর্ণ অজ্ঞ লোক হইয়া গেছেন।

তঁাহাকে মাখন মাখন রুটি দেওয়া
হইল, তিনি এক টুকরা লইয়া মুখে দিলেন
বাকী সমস্তই পড়িয়া রহিল। জেন
তঁাহার রেকাবে কিছু “কেক” দিল—
তাহাও আজ পড়িয়া থাকিল। আহা! তাহা
হৃদয়ে সেই দারুণ দুঃখিতার বৃশ্চিক পোষণ
করিয়া মুখে কি কোন জিনিস রোচে? না,
তঁাহার পক্ষে আজ ভোজন অসম্ভব।

তিনি বালকবালিকাগণের প্রতি এক-
বার চাহিয়া দেখিলেন। আহা! সেই সব
তঁাহারই বালকবালিকা! ধীর নম্র উই-
লিয়ম, তাহার মায়ের মত প্রশান্ত সুন্দর
মুখমণ্ডল, তাহারই স্থায় প্রসন্ন দৃষ্টি।
সুন্দরী মিষ্টসভাবা জেন—কোমল সুরোর
দেহলতা, দোলায়মান কৃদিত কেশদাম;
আজ জন্মদিনের শুভ নিম্নল বেশভূষায়
মনে মনে যেন বিশেষ একই গর্ভিতা।
সুগঠিত ফ্র্যাঙ্ক—সুনীল অঁখিগুণে যেন
দুঃখামি মাখন, সুন্দর লাবণ্যমণ্ডিত মুখ-
মণ্ডল, তাহার পিতারই অনুরূপ! মিষ্ট-
সভাব কুদ্দ গার—তাহার মস্তকের সুচিকণ
কেশশুষ্ক তাহার ভদ্রী জেনের অলক-
দামের স্থায় মনোহর। হায়! তঁাহাকে
এই সকল নয়নাভিরাম প্রাণের সুমিষ্ট
পদার্থগুলিকে চিরজন্মের মত পরিত্যাগ
করিয়া যাইতে হইবে! এই সকল নয়ন-

পুত্রলিকে নিষ্ঠুর জগতের নির্ভয় করণার
উপর নিক্ষেপ করিয়া সংসার হইতে বিদায়
গ্রহণ করিতে হইবে? সংসারে তাহাদের
জন্ত তিনি কোন স্থান, কোন অবলম্বন
রাখিয়া যাইতে পারিবেন না! হে ভগবান
হে রহস্যময় দেবতা, যদি আমাকে গ্রহণ
করাই তোমার মঙ্গল অভিপ্রায় হয়, তবে
তুমিই ইহাদের আগ্রয় হইও প্রভু।

“ই্যা গো, তুমি——”

হ্যালিবার্টন চমকিয়া উঠিলেন। শত-
মুখী চিন্তা আজ তঁাহার চিত্তকে কোথায়
বিন্যস্ত করিয়া লইয়া গিয়াছিল। তিনি
নিজের স্ত্রীর ডাকে চমকিয়া উঠিলেন।

জেন তঁাহার দিকে নত হইয়া বলিল,
—“ই্যা গো, তুমি কি আজ ডাক্তার
ক্যারিংটনের কাছে গিয়েছিলে?”

তিনি এই প্রশ্নে কিংকর্তব্যবিদূহ হইয়া
কতকগুলি অশ্লীল অসঙ্গত বাক্য অস্পষ্ট
ভাবে উচ্চারণ করিয়া গেলেন। জেন
বুঝিল তিনি সেখানে যান নাই। ঠিক
সেই সময় বালকবালিকাগণ উচ্চৈঃস্বরে
গোলমাল করিয়া উঠিল। ফ্র্যাঙ্ক ও আর
একটা বালকের মধ্যে কি এক বিষয় লইয়া
মহা তর্ক বাধিয়াছে। জেন ফ্র্যাঙ্ককে চুপ
করিতে বলিল এবং উপস্থিত তাহার
স্বামীকে আর কোন প্রশ্ন জিজ্ঞাসা করিল
না।

বালিকা জেন বলিল, চায়ের পর আমরা
সকলে মিলে নাচবো। আমি একটা নতুন
নাচ শিখেছি। সেটা বেশ সহজ, মা
বলছিলেন আমি সে নাচটা বেশ নাচতে
পারি। বালকদের মধ্যে এক জন বলিল,

আমরা নাচ টাচ চাই না। আমরা “কাণা-মাচি” খেলবো।

এ বিষয়ের মীমাংসার জন্ত তাহার জেনকে ধরিল। জেন বলিল, “আচ্ছা প্রথমে একটু নাচ হবে, তারপর কাণামাচি খেলা হবে।”

চা শেষ হইলে নাচের জায়গার জন্ত গৃহের আসবাবগুলিকে সরাইয়া ফেলা হইল। হ্যালিবার্টন দেওয়ালের উপর পীঠ স্থাপন করিয়া তাহাদের দিকে দেখিতে-ছিলেন। তাঁহাকে বাহির হইতে দেখিলে মনে হয় যেন তিনি সব দেখিতেছেন, কিন্তু বাস্তবিক তাঁহার চক্ষুদ্বয় সে সময় কিছুই দেখিতেছিল না; তাঁহার অপার চিত্তাশিরি তায় তাহারাও আজ কোন্ ক্ষুদ্র ভ্রমণ করিতেছিল।

জেন শীঘ্রই বুঝিতে পারিল যে তাহার স্বামী আজ বিশেষ অগ্রমনস্ক হইয়া আছেন। সে তাঁহার নিকট অগ্রসর হইয়া আসিল। তখন তিনি মস্তক নত করিয়া জোড়হস্তে অন্যমনস্ক ভাবে দাঁড়াইয়া ছিলেন।

জেন বলিল, “তোমার কোন অশুখ করেনি তো?” তিনি যেন একই বিশেষ চেষ্টা করিয়া বলিলেন, “অশুখ? হ্যাঁ—না, আমার কোন অশুখ হয়নি।”

“আজ রাত্রে তোমাকে আর কোথাও পড়াতে যেতে হবেনা তো?”

“ফিন্সের কাছে আমার যাবার কথা আছে। ৭টার সময় গিয়ে তাকে পড়াব কথা দিয়ে এসেছি।”

“তা হ’লে যদি তাকে পড়াওনি তবে স্মাভিল রোএ যেতে পারলে না কেন?”

প্রকৃত অবস্থা কিরূপ দাঁড়াইয়াছে তাহা স্পষ্ট করিয়া বলিবার সাহস তাঁহার কুলাইল না। তিনি প্রশ্নটিকে কোনমতে এড়াইয়া বলিলেন,—জেন, সমস্ত বিকেলটা আমি কাজে নিযুক্ত ছিলাম।

কিন্তু হ্যালিবার্টন দেখিলেন যে, সেদিন কোন ছাত্র পড়ান তাঁহার পক্ষে একেবারেই অসম্ভব। আর তাঁহার আজ মনে হইল, যদি তাঁহাকে এত শীঘ্রই চলিয়া যাইতে হয়, তবে তিনি আর কাহাকেও পড়াইতে যান বা না যান তাহাতে বিশেষ ক্ষতিবৃদ্ধি নাই। আজ তাঁহার মনের ভয়ঙ্কর নিরাশার অবস্থা। তিনি নিরাশার গভীরতম বৃপে পড়িয়া হাবুদুবু খাইতে লাগিলেন।

যখন এইরূপে নানা কথা ভাবিতে-ছিলেন, সেই সময় সহসা তাঁহার মনে একটা চিন্তা উজ্জ্বল আলোকরশ্মির ন্যায় প্রদীপ্ত হইয়া উঠিল। আলোকরশ্মির ন্যায়? না, না, সমুজ্জল আলোকরশ্মির ন্যায় উহা তাঁহার মনের নিবিড় অন্ধকারের মধ্যে দীপ্তি পাইল। ডাক্তার ক্যারিংটন যে ভুল করেন নাই, সে কথা কে বলিল? এমনও হইতে পারে যে, প্রকৃতপক্ষে তাঁহার কিছুই হয় নাই। ডাক্তারেরা—এমন কি অতি বিচক্ষণ ডাক্তারেরাও রোগ-নির্ণয় বিষয়ে অনেক সময় ভুল করিয়া থাকেন। হয়তো বা ডাক্তার ক্যারিংটনও সেইরূপ কোন ভুল করিয়া থাকিবেন।

তিনি মনে মনে বিচার করিতে লাগিলেন, ইহা কখনও সম্ভব নহে যে, তাঁহার এরূপ একটা সাংঘাতিক পীড়া হইয়াছে, আর তিনি এ বিষয়ে এ পর্যন্ত বিশেষ

কিছুই জানিতে পারেন নাই! কেন, তাঁহার নিজের মনে কখনও তো পীড়া সম্বন্ধে কোনই আশঙ্কা হয় নাই! তিনি তাঁহার শরীর এরূপ অশুস্থ বোধ করেন নাই, যাহার জন্য তাঁহাকে কোন দিন শয্যাগত থাকিতে হইয়াছে। বরং মোটের উপর সে সময় তাঁহার স্বাস্থ্যের অবস্থা বেশ ভালই ছিল। তাঁহার মনে দৃঢ় প্রতীতি জন্মিল যে, ডাক্তার ক্যারিংটন ভুল করিয়া-ছেন। তিনি হয়তো বীমা অফিসের খাতিরে অনাবশ্যক ভাবে অতিসাবধানতা প্রকাশ করিয়াছেন।

এই চিন্তায় হ্যালিবার্টনের চিত্ত অনেক পরিমাণে প্রফুল্ল হইয়া উঠিল। তিনি এখন বালকবালিকাদিগের সহিত বেশ মন খুলিয়া হাসিতে ও কথা কহিতে লাগিলেন। একটা কন্যা জিজ্ঞাসা করিল বাবা তুমি আমার সঙ্গে নাচবে? তিনি হাসিলেন, কিন্তু তাঁহার আজ মনে হইতে লাগিল যে, তিনি সেই সরল নিশ্চিত শিশুকুলের সহিত একবার নাচিয়া লন।

কিন্তু এখন কোন্টী প্রকৃত মনের অবস্থা, পূর্বকার সেই দুর্ভেদ্য চিত্তাশিরি অথবা এই প্রসন্ন প্রফুল্লত? বর্তমানের এই প্রসন্নতারভাবে কি কোনরূপ কপটতার লেশ ছিল না, তিনি কি বুঝিতে পারিতে ছিলেন না যে এই প্রফুল্লতা তাঁহার প্রকৃত মনের অবস্থার বিসর্জন, কেবল তিনি জোর করিয়া বাহিরে এই ভাব প্রকাশ করিতে-ছেন? প্রকৃত তথ্য যাহাই হউক তাঁহার এই প্রফুল্লতা অধিকক্ষণ স্থায়ী হইল না। তাঁহার ক্ষুদ্র কন্যা জ্যানির সহিত হাসির

কথা বলিতে বলিতেই তাঁহার হৃদয়ে পূর্ব-বেদনারাশি নদীপ্রোত বেরূপ তীর অতিক্রম করিয়া দুর্দমনীয় বেগে প্রবাহিত হয় সেই-রূপ অনিবার্য তীব্রতার সহিত পুনরায় দেখা দিল।

তিনি নিজের মনে বলিলেন, “আমি আর এ হুশিচিন্তার ভার বহন করিতে পারি না।” এই ভাবিয়া তিনি তৎক্ষণাৎ গৃহ হইতে বহির্গত হইয়া আপনার টুপি লইলেন। জেন সেই সময় আর একটা ঘর হইতে সেইদিকে আসিতেছিল, সে তাহার স্বামীকে সেই ঘরের দরজা খুলিতে দেখিল।

জেন বলিল, “তুমি কি ফিন্সকে পড়াতে যাচ্ছ?”

“না। আমি আজ রাত্রে তাকে পড়াব না। আমি এখনই, ফিরে আসছি, জেন।”

তিনি বরাবর তাহাদের পারিবারিক চিকিৎসক মিঃ অ্যালেনের নিকট উপস্থিত হইলেন। ডাক্তার অ্যালেন নিকটেই থাকিতেন তাহাদের উভয়ের মধ্যে খুব হৃদয়তা ছিল।

অ্যালেন বাড়ীতে আছেন কিনা চাকরকে এই প্রশ্ন জিজ্ঞাসা করিতে সে তাঁহাকে ডাক্তারের নিজের বসিবার ঘরে লইয়া যাইতে চাহিল। কিন্তু আজ তিনি সেখানে না গিয়া তাঁহার অন্ধকারয়-পরীক্ষা গৃহে প্রবেশ করিলেন। আজ ভিতরে গিয়া মেয়েদের সহিত মিলিয়া মিশিয়া হাত কৌতুক করিবার উপযোগী চিত্তের অবস্থা ছিল না। তিনি বলিলেন, “আমি এখানে

বসিতেছি। তোমার প্রভুকে বল আমি তাঁহাকে একটা কথা জিজ্ঞাসা করিতে চাই।’

চিকিৎসক শীর্ষই একটা আলোক হস্তে সেখানে আসিয়া উপস্থিত হইলেন। ডাক্তার শ্রীমতী, তাঁহার মুখমণ্ডল শীর্ণ। তিনি জিজ্ঞাসা করিলেন, আজ তুমি ভিতরে গেলে না কেন? বাড়ীতে তো আমার স্ত্রী ও মেয়েরা ছাড়া অন্য বাহিরের কোন লোক নাই। আজ তোমার কিছু হ’য়েছে না কি?

হ্যালিবার্টেন উত্তর করিলেন, হ্যাঁ অ্যালেন, বিশেষ একটু কিছু হ’য়েছে। আজ আমি একটা বন্ধু চাই। এমন একজন বন্ধু যে আমার সঙ্গে কোনরূপ কপটতা বা প্রতারণা করবে না। আমি তোমাকে সেই রকম বন্ধু মনে করে তোমার কাছে এসেছি। তুমি এইখানে বস।

তাঁহার উত্তরে বসিলেন। হ্যালিবার্টেন তাঁহার নিকট বিগত ২৪ ঘণ্টার ইতিহাস বিবৃত করিলেন। তিনি তাঁহার দুচ্ছাঁ হইতে আরম্ভ করিলেন। তৎপরে ডাক্তার ক্যারিংটনের নিকট গমন, তাঁহার সম্বন্ধে ডাক্তারের মতামত সমস্তই বলিলেন। শেষে ডাক্তার ক্যারিংটন রোগ নির্ণয় বিষয়ে কোনরূপ ভুল করিয়াছেন অথবা তাঁহার ধারণাই সম্পূর্ণ সত্য, এই বিষয়ে গভীর সন্দেহে ও উদ্বেগে তাঁহার মন যে নিতান্ত ব্যাকুল হইয়া পড়িয়াছে, সে কথাও তিনি তাঁহাকে খুলিয়া বলিলেন। সর্বশেষে তিনি বলিলেন, “অ্যালেন, তুমি একবার ভাল করে পরীক্ষা করে দেখ, আমার অবস্থার

প্রকৃত তত্ত্ব কিছু নির্ণয় করে উঠতে পার কি না। আর যেরূপ সিদ্ধান্তে তুমি উপনীত হবে সে বিষয়ে তুমি আমাকে সম্পূর্ণ অকপটভাবে সকল কথা খুলিয়া বলিবে।

তুমি মনে করিও যেন তুমি নিজের আশ্রয় নিকট প্রকৃত ঘটনা জানাইতেছ। এ বিষয়ে ছলনার কোন আশঙ্কতা নাই।

চিকিৎসকের মুখ গভীর হইল। তিনি বলিলেন, ক্যারিংটন একজন অতি নিপুণ চিকিৎসক। তিনি রোগ নির্ণয় ব্যাপারে বড় বিশেষ একটা ভুল করেন না।

‘আমি তাঁহার খ্যাতি প্রতিপত্তির কথা বিশেষ ভাবেই জানি। কিন্তু এই সকল সুনিপুণ চিকিৎসকেরাও অস্বস্তি নহেন। তাঁহার মতামত তুমি মন হইতে দূর করিয়া দাও। তুমি নিজে পরীক্ষা করিয়া দেখ আর আমাকে তোমার নিজের মতামত জানাও।’

মিঃ অ্যালেন এ বিষয়ে অগ্রসর হইলেন। তিনি প্রথমে হ্যালিবার্টেনকে তাঁহার বর্তমান স্বাস্থ্যের অবস্থা সম্বন্ধে গুটিকতক সাধারণ প্রশ্ন জিজ্ঞাসা করিয়া লইলেন।

তৎপরে তিনি বুক বাজাইয়া তাহার শব্দ পরীক্ষা করিয়া দেখিলেন।

হ্যালিবার্টেন বলিলেন, “বন্ধু, এইবার সত্য কথাটা সরলভাবে প্রকাশ ক’রে ফেল।”

(ক্রমশঃ)

শ্রীবিনয়ভূষণ সরকার।

ভগ্নী সমিতি ।

১৮ই ফেব্রুয়ারি শনিবার ভিক্টোরিয়া স্কুল গৃহে ভগ্নী সমিতির দ্বিতীয় বার্ষিক অধিবেশন হয়। প্রায় ৫০ জন মহিলা উপস্থিত ছিলেন। শ্রীমতী অবলা বসু মহাশয়া অগ্রগৃহ করিয়া সভাপতির কার্য করেন। প্রথমে একটা সঙ্গীত হয়। তৎপরে শ্রদ্ধেয়া শ্রীমতী সৌদামিনী মজুমদার মহাশয়া একটা সমরোপযোগী প্রার্থনা করিয়া সভার কার্য আরম্ভ করেন। তৎপরে সভাপতি মহাশয়ার আহ্বানে সম্পাদিকা নিম্নলিখিত কার্যবিবরণী পাঠ করেন। কার্যবিবরণী পাঠে বুদ্ধিতে পারা যায় যে, বিত্তীয় বৎসর সমিতির আয় ব্যয় ও সভাসংখ্যা অনেক বাড়িয়াছে। অনন্তর শ্রীমতী সরলা দেবী বিবরণী সমর্থন করিয়া ও সমিতির সভ্যদিগকে উৎসাহিত করিয়া নিম্নলিখিত বক্তৃতা করেন। ও “ভারত স্ত্রীমহামণ্ডলের” কার্যে সহায়তা করিবার জন্য সমিতিকে আহ্বান করেন। শ্রীমতী সরলা বালী সেন প্রস্তাব সমর্থন করিলে বিবরণী গৃহীত হয়।

তৎপরে শ্রীমতী সরলা দেবী অগ্রগৃহ-পূর্বক একটা সঙ্গীত করিলেন এবং সভাপতি মহাশয়া সমিতির উদ্দেশ্যের সাহিত সহায়ভূতি প্রকাশ করিয়া একটা বক্তৃতা করিলেন। অতঃপর সমিতির পক্ষ হইতে সভাপতি মহাশয়াকে ও নিমন্ত্রিত মহিলাদিগকে ধন্যবাদ দেওয়া হয় এবং বার্ষিক অধিবেশনের জন্য রচিত একটা সঙ্গীত

হইয়া সভা ভঙ্গ হয়। শ্রীযুক্ত বিনয় ভূষণ সরকার মহাশয় অগ্রগৃহ করিয়া সঙ্গীতটি রচনা করিয়া দিয়া আমাদিগকে পরম উপকৃত করিয়াছেন।

পরহিত ব্রতে করহে দীক্ষিত

ভূভার হরণ হরি,

সেবা গৌরবে জীবন সবার,

দাও উজ্জল করি।

তুমি যে পালক—তুমি বিশ্বস্তর,

কোল দিয়ে সবে রাখ নিরস্তর,

সঙ্গী হীনের চির সহচর—

সে কথা কে না স্মরি ?

তোমারই দাস্ত্র্য যদি হয় প্রভু,

জীবনের বরণীয়,

দীনের অশ্রু যুছাতে হবে—

তারা যে তোমার পিয়;

বিরাগ দস্ত্র অহঙ্কার ঘৃণা,

মত ক’রে দাও তাহাদের ফণা,

প্রেমের মস্ত্রে জাগারে করুণা,

দাও এ জীবন ভরি।

ভগ্নী-সমিতির দ্বিতীয় বার্ষিক কার্য-বিবরণী ।

(খ্রীঃ ১৯১১, ১৮ই ফেব্রুয়ারিতে আহত বার্ষিক সাধারণ সভায় গৃহীত)।

মঙ্গলময় পরমেশ্বরের কৃপায় এই ক্ষুদ্র সমিতির দুই বৎসর পূর্ণ হইয়াছে। ১৯০৯ সালের ১৬ই ফেব্রুয়ারি এই গৃহে ইহার প্রথম অধিবেশন হয়। সেই অধিবেশনে ইহার নাম “ভগ্নী-সমিতি” রাখা হয়। এবং ইহাও স্থিরীকৃত হয় যে—

জাতি ও চরিত্র নির্বিশেষে নারী, শিশু ও বালকবালিকাগণের যথাসম্ভব অভাব-মোচন করাই ইহার উদ্দেশ্য এবং

অন্নদান, বস্ত্রদান, বিদ্যা দান, চিকিৎসা, সেবা ও অর্থদান প্রভৃতি উপায় দ্বারা এই উদ্দেশ্য সাধিত হইবে।

সেই সভায়, সর্বসম্মতিক্রমে শ্রদ্ধেয়া শ্রীযুক্ত সৌদামিনী মজুমদার মহাশয়া সভাপতি, শ্রীমতী হেমকুমুম মল্লিক সম্পাদিকা এবং কুমারী চারুবালা নিয়োগী সহকারী সম্পাদিকা মনোনীত হন এবং নিয়মিত নিয়মাবলী গৃহীত হয়।

নিয়মাবলী ।

১ম। প্রতি মাসের প্রথম মঙ্গলবারে সমিতির অধিবেশন হইবে।

২য়। মাসিক অধিবেশনের সংবাদ সম্পাদিকা প্রত্যেক সভ্যকে সময়মত জানাইবেন।

৩য়। যদি কোন সভ্য সম্পাদিকাকে বিশেষ সভা আহ্বান করিতে অনুরোধ করেন, তাহা হইলে তাঁহাকে যত শীঘ্র সম্ভব বিশেষ সভা আহ্বান করিতে হইবে।

৪র্থ। অন্ততঃ ৫ জন সভ্য উপস্থিত না থাকিলে সভার কার্য চলিতে পারিবে না।

৫ম। কোন নূতন নিয়ম বিধিবদ্ধ কিম্বা পুস্তকনিয়ম পরিবর্তন করিতে হইলে উপস্থিত সভ্যগণের দুই তৃতীয়াংশের সম্মতি না হইলে তাহা হইতে পারিবে না।

৬ষ্ঠ। মাসিক অধিবেশনে সভার বিশেষ উদ্দেশ্য বিষয়ে প্রয়োজনমত আলো-

চনার পর, সমাজনীতি প্রভৃতি বিষয়ে, বিশেষতঃ নারীজাতির উন্নতি সম্বন্ধে প্রবন্ধ পাঠ ও আলোচনা হইতে পারিবে।

৭ম। যে কোন সভ্য ইচ্ছা করিলে সমিতির মাসিক অধিবেশনে কোন নূতন সভ্যের নাম প্রস্তাব করিতে পারিবেন এবং যদি সে প্রস্তাবে কাহারও আপত্তি না থাকে তবে সেই দিন হইতেই প্রস্তাবিত মহিলা সভ্যশ্রেণীভুক্ত হইবেন।

৮ম। প্রত্যেক সভ্যকে যথাসাধ্য মাসিক টাকা দিতে হইবে এবং এই টাকা প্রত্যেক মাসিক অধিবেশনের দিন সম্পাদিকার নিকট দিবেন কিম্বা পাঠাইয়া দিবেন।

৯ম। বিশেষ আবশ্যক হইলে সমিতির সম্মতি গ্রহণ না করিয়াও সম্পাদিকা ৫ পর্যন্ত ব্যয় করিতে পারিবেন কিন্তু পরবর্তী অধিবেশনে এ সম্বন্ধে সমিতির সম্মতি গ্রহণ করিতে হইবে।

প্রথম বার্ষিক অধিবেশন ।

১৫ই ফেব্রুয়ারি মঙ্গলবার অপরাহ্ন ৪ ঘটিকার সময় ভিক্টোরিয়া-বালিকা-বিদ্যালয়ে ভগ্নী-সমিতির প্রথম বার্ষিক অধিবেশন হয়। প্রায় পঞ্চাশজন মহিলা সে স্থানে উপস্থিত ছিলেন। ময়ূরভঞ্জের মহাশয়ী শ্রীশ্রীমতী সুচারু দেবী সভাপতির আসন গ্রহণ করেন। প্রথমে একটি সঙ্গীত হয়। তৎপরে শ্রদ্ধেয়া শ্রীযুক্ত সৌদামিনী মজুমদার মহাশয়া প্রার্থনা করিবার পর সভার কার্য আরম্ভ হয়। মাননীয় সভাপতি মহাশয়ার অনুমতি পাইয়া সম্পাদিকা

বার্ষিক বিবরণী পাঠ করিলেন; তৎপরে শ্রীমতী শকুন্তলা সেন 'বিবরণী গৃহীত হোক, এই মর্মে প্রস্তাব উত্থাপন করিলেন এবং শ্রীমতী সরলা বালা সেন সেই প্রস্তাব সমর্থন করিলেন। তৎপরে মাননীয় মহাশয়ী মহাশয়া, সমিতির উদ্দেশ্যের সহিত সহানুভূতি জানাইয়া ও সমিতির সভ্যদিগকে উৎসাহ দিয়া একটি বক্তৃতা করিলেন। অনন্তর সমিতির পক্ষ হইতে 'মাননীয় মহাশয়ীকে ধন্যবাদ দেওয়া হয় ও সমরোপযোগী একটি সঙ্গীত হয়। অবশেষে শ্রদ্ধেয়া শ্রীযুক্ত সৌদামিনী মজুমদার কর্তৃক আহত হইয়া কয়েক জন মহিলা সভ্যশ্রেণী ভুক্ত হইবার ইচ্ছা প্রকাশ করিয়া নিজ নিজ নাম স্বাক্ষর করিলে সভা ভঙ্গ হয়।

দ্বিতীয় বৎসরের কার্য ।

দ্বিতীয় বৎসরে সমিতির দশটি অধিবেশন হইয়াছে। কেবল মে ও জুন মাসে কোন অধিবেশন হয় নাই। ভিক্টোরিয়া বিদ্যালয়েই সমিতির অধিবেশন হইতেছে। বিদ্যালয়ের কর্তৃপক্ষগণ সমিতির অধিবেশনের অনুমতি দিয়া আমাদের কৃতজ্ঞতা ভাজন হইয়াছেন। কোন মুদ্রাযন্ত্রের অধ্যক্ষ মহাশয় অনুগ্রহ করিয়া এই দুই বৎসরই বিবরণী মুদ্রণের ব্যয় ভার গ্রহণ করিয়া আমাদের বড়ই উপকৃত করিয়াছেন। ইহাদিগকে আমাদের কৃতজ্ঞতা জানাই-তেছি।

প্রথম বার্ষিক অধিবেশনের সময় সমিতির সভ্য সংখ্যা ৩১ জন ছিল। এখন সভ্য সংখ্যা ৬৪ জন।

কুমারী চারুবালা নিয়োগী স্থানান্তরে যাইবার সময় সহকারী সম্পাদিকার কার্য ত্যাগ করিতে বাধ্য হন। কুমারী প্রভাত-বালা সেন তাঁহার পদে নিযুক্ত হইয়াছেন। তিনি সম্পাদিকার অনুপস্থিতিতেও বেশ দক্ষতার সহিত কার্য করিয়াছেন।

আয় ব্যয়ের বিবরণ ।

	১৯০৯—১০	১৯১০—১১
আয়	৮০৬/০	৩২১৬/০
ব্যয়	৬৮১/০	১৮৫৬/১৫
স্থিতি	১২৪/১০	১৩৬/৫
মোট স্থিতি	১৪৮৬/১০	
মাসিক আয়		মাসিক ব্যয়
প্রথম বর্ষের শেষে	১৩৬/০	১১
দ্বিতীয় বর্ষের শেষে	৩৫৬/০	২০।০

মাসিক ব্যয়ের বিশেষ বিবৃতি ।

প্রথম বর্ষের শেষে	দ্বিতীয় বর্ষের শেষে	
নৈশ বিদ্যালয়	২	২
কলেজ স্কুলের ছাত্র,	৪	৬
স্কুলের ছাত্রী	০	১
দুঃখী বিধবা ও পরিবার	১৬	৮
গাড়ী	২।০	২।০
খুচরা এককালীন দান		
ইত্যাদি	১	১
	১১	২০।০

ইহা হইতে প্রতীয়মান হইতেছে যে প্রথম বৎসর অপেক্ষা দ্বিতীয় বৎসরে সমিতির কিকিৎ উন্নতি হইয়াছে। এই উন্নতির জন্ত আমরা অনেক পরিমাণে শ্রীশ্রীমতী ময়ূরভঞ্জের মহাশয়ী নিকট ঋণী। তিনি

গত বৎসর বার্ষিক অধিবেশনে সভাপতির কার্য করিয়া ও বহুপ্রকারে সাহায্য করিয়া আমাদের চির কৃতজ্ঞতা ভাজন হইয়াছেন। আমাদের হৃদয়ের গভীর প্রার্থনা তিনি সুস্থ শরীরে স্বদেশে ফিরিয়া আসিয়া, বহুবিধ মঙ্গলকার্যে ব্রতী হউন।

আমরা জানি বাঙ্গালা দেশেই ভিন্ন ভিন্ন স্থানে অনেক মহিলা-সমিতি কার্য করিতেছে। সকলেরই প্রায় একই উদ্দেশ্য। তাহাদের সঙ্গে মিলিত হইয়া সমবেত ভাবে আমাদের উদ্দেশ্য সাধনে যত্ন করিলে অনেক কার্য হইতে পারিবে বলিয়া মনে হয়। সেই ভাবে আগামী বর্ষে যাহাতে কার্য হয়, আশা করি তাহার জন্ত সকল ভগ্নীই চেষ্টা করিবেন।

বাস্তবিক সমিতির কার্যক্ষেত্র একরূপ বিস্তৃত এবং উদ্দেশ্য একরূপ মহৎ যে ভাহাতে এই সমিতির সামগ্রিক কার্য, যৎকিঞ্চ উন্নতি ও ক্ষুদ্র অস্তিত্ব উল্লেখযোগ্য বলিয়াই মনে হয় না। তথাপি আমাদের আশা (এবং গত দুই বৎসরের অভিজ্ঞতাতে এই আশা আরও বলবতী হইয়াছে) যে ইহা মহিলাসমিতিরই সহানুভূতি ও আনুকূল্য লাভ করিবে এবং তাহা হইলেই ভবিষ্যতে ইহাদ্বারা অনেক কার্য হইতে পারিবে। এই বিশ্বাসেই আমরা আবার এই দ্বিতীয় বর্ষের শেষে সাহস করিয়া ইহাকে সাধারণের সমক্ষে উপস্থিত করিতে ও আপনাদের নিকট ইহার সামগ্রিক কার্য-বিবরণী পাঠ করিতে সাহসী হইয়াছি।

সরলা দেবীর বক্তৃতা।

ভারত স্ত্রীমহামণ্ডলের উদ্দেশ্য।

প্রসার ও সঙ্কোচ, দান ও রক্ষা এই দুই বিরোধী রত্নির অবিরাম লীলার পাত্র আমরা। কখনও তঙ্গসেতরা সঙ্কোচ আমাদের সমস্ত প্রাণীটাকে টানে, জড়তা অলস্য ও কার্পণ্যের পাথরের উপর পাথর চাপিয়া তাহাকে বন্দী করিয়া রাখে—কখনও বা সঙ্কালোকদীপ্ত প্রসার আসিয়া আমাদের মুক্ত করিয়া দেয়, আত্মকারাগার হইতে বাহিরে টানিয়া আনে, দেশের মাথা নিজেকে প্রসারিত করিয়া দেয়, আমি ছাড়া বা নিতান্ত আনার ছাড়া আর কাহারও জন্য কিছু করাইতে চায়, জগতের উপকারকল্পে শ্রমস্বীকার বা ত্যাগস্বীকার লোলুপ করিয়া তুলে। যখন নিজের মধ্যে নিজে অবন্ধ থাকিতে আর ভাল লাগে না, নিজেকে বিলাইয়া দেওয়ার কার্পণ্যই কণ্টক বোধ হয়, নিজের শক্তি সামর্থ্য অর্থ, বিভব, সময় ও শ্রম পরের জন্য ব্যয় করিলে ধন্য মনে হয়, আত্ম রক্ষায় আর সুখ পাওয়া যায় না, আত্মদানে সুখ বোধ হয়, তখনই আমরা যথার্থ আপনাকে আপনি পাই। কারণ যাহা দানের অধিকার নাই তাহাতে আর সত্ত্ব কিসের? যতদিন নিজেকে দিতে না পারি ততদিন নিজের উপর প্রভুত্ব কিসের? নিজের উপর নিজের অধিকার ভালমত ভোগ করিবার সুখচেষ্টাই আমাদের পরের দিকে টানে। সে অধিকার অব্যাহত রাখিবার জন্য তাহার অবিরত ব্যবহারের প্রয়োজন,

এবং তাহার যথাযথ ব্যবহারের জন্য ব্যবহারের পস্থা জানা আবশ্যিক।

ভগ্নী সমিতি কতিপয় বঙ্গ মহিলার আপনার উপর আপনার সত্বক্ষানের পরিচয়, আপনাকে দান করবার অধিকারের সুব্যবহার। সুতরাং সমিতিটি যত ক্ষুদ্র হউক ইহার অস্তিত্ব নগণ্য নহে। এই দুই বৎসর যতটুকু কাজ তাঁহারা করিতে পারিয়াছেন ততটুকুই মহার্ঘ্য।

সম্পাদিকা মহাশয়া তাঁহার কার্য বিবরণীর শেষভাগে বলিয়াছেন :—“আমরা জানি এই বাঙ্গালা দেশেই ভিন্ন ভিন্ন স্থানে অনেক মহিলা সমিতি কার্য করিতেছে। সকলেরই প্রায় একই উদ্দেশ্য। তাহাদের সঙ্গে মিলিত হইয়া সমবেতভাবে আমাদের উদ্দেশ্য সাধনে যত্ন করিলে অনেক কার্য হইতে পারিবে বলিয়া মনে হয়।”

এই কথাগুলি সম্পাদিকা মহাশয়ার মনের প্রসারতার বিশেষ পরিচয়। কিছুদিন হইল কলিকাতায় ভারত-স্ত্রীমহামণ্ডলের একটি অধিবেশন হইয়াছিল। সেখানে ভগ্নী সমিতির সম্পাদিকা মহাশয়া ভারত-স্ত্রী মহামণ্ডলের উদ্দেশ্যাবলী শুনিয়া তাহার সহিত একযোগে কার্য করিবার ইচ্ছা প্রকাশ করেন এবং আমাকে অহুরোধ করেন যে ভগ্নী সমিতির বার্ষিক উৎসবে যেন সেগুলি বিবৃত করি। তাঁহার অহুরোধানুসারে আমি সংক্ষেপে ভারত-স্ত্রী মহামণ্ডলের উদ্দেশ্যগুলি নিম্নে ব্যক্ত করিতেছি :—

১। ইহার প্রথম উদ্দেশ্য সমস্ত ভারত বর্ষের মেয়েদের লইয়া একটি বৃহৎ সভা-

গাঁথা, যেন একখানি বিপুল গোরেহার ভারত মাতার গলায় বেষ্টিত হইবে। সে হারে সব রকমের ফুল থাকিবে শুধু বেল-ফুল নয়,—গাঁদা চামেলী গন্ধরাজ টগর, নাগেশ্বর গোলাপ মোতিয়া মল্লিকা, শিউলি জুঁই বকুল ভায়লেট, প্যানসি দোপাটি ফবগেটমিনট—যা কিছু ভারতের বক্ষে ফোটে। বাঙ্গালী মারহাঠী গুজরাটী পাঞ্জাবী হিন্দুস্থানী, মাদ্রাজী নেপালী বর্গিজ ইহুদি ইংরেজ ফরাসী আমেরিকান—যে কোন জাতি বা যে কোন ধর্মভুক্ত কণা ভারতের কোলে বাস করেন তিনিই এই সভার অঙ্গীভূত হইবেন, সকলের মধ্যে একটি সুতার মত এই একটি ঐক্য বোধ থাকিবে যে ভারতের—তাই আমরা পরস্পরের সঙ্গে স্নেহে গ্রথিত।

২। ইহার দ্বিতীয় উদ্দেশ্য এই যে আমরা এই ঐক্যবলে ভারতের কন্যাদের উন্নতির জন্য প্রকৃত কাজ কিছু করিব। এ বৎসর যাহা যাহা ধার্য হইয়াছে তাহা পরে বিস্তারিত বর্ণণ করিব।

৩। ইহার তৃতীয় উদ্দেশ্য এই যে যতগুলি মহিলা সমিতি ভারতবর্ষের ভিন্ন ভিন্ন স্থানে বর্তমান আছে তাহাদের সকলকে একটি বিন্দুতে কেন্দ্রীভূত করা। সকলের স্বতন্ত্র অস্তিত্ব থাকুক যে যার নিজের মুখ্য উদ্দেশ্য অহুরোধী কার্য করিতে থাকুক—কিন্তু সকলের অস্তিত্বের সম্বন্ধ একস্থানে আসিয়া পৌঁছাক। আর সকলের উদ্দেশ্য প্রায় একই—অর্থাৎ ভারতীয় নারীর উন্নতিসাধন। সেইজন্য অসংখ্য স্রোতস্বতী যেমন এক মেঘনায় মিলিয়া মহাসমুদ্র গঠন

করে, তেমনি সমস্ত সমিতিগুলির গতিই কোন নির্দিষ্টপথে নিয়ন্ত্রিত হইয়া ভারতীয় স্ত্রী মহামণ্ডলে পর্যাবসিত হউক।

তৃতীয় উদ্দেশ্যটি সাধনের প্রথম সরলতম উপায় এই যে প্রত্যেক সমিতি আপনাপন নাম ধাম ও উদ্দেশ্য মহামণ্ডলের নিকট পাঠাইয়া জ্ঞাপন করুন, এবং মাসিক ত্রৈমাসিক বা বাৎসরিক কার্য্য বিবরণী পাঠাইতে থাকুন। বৎসরান্তে মহামণ্ডলের সাংসরিক অধিবেশনে এই সকল সমিতির একটি তালিকা ও সংক্ষিপ্ত বিবরণী পাঠ করা হইবে, যাহাতে সমস্ত ভারতবর্ষের সকল প্রদেশ ও জাতির মধ্যে পরস্পরের সম্বন্ধ পৌঁছায়। দ্বিতীয় উপায় এই যে মহামণ্ডল বৎসরের জন্য যে যে অভীষ্ট কার্য্যের তালিকা করিয়াছেন তাহার মধ্যে যে কয়টি গ্রহণ করা সম্ভব মনে করেন ভিন্ন ভিন্ন সমিতি তাহাদের পরিচালনার ভার লউন। মহামণ্ডল হইতে তাঁহাদের সাধনত অর্থ সাহায্য করা যাইবে। সে কাজগুলি এই :—

১। অন্তঃপুরশিক্ষা প্রচার

২। পুরনারী নিরীহ ভাণ্ডার খোলা

৩। বিভিন্ন ভারতীয় ভাষায় স্ত্রী উপযোগী পুস্তক প্রণয়ন ও মুদ্রন করা।

অন্তঃপুরে তিন প্রকারে শিক্ষা প্রচার করা যাইতে পারে। প্রথমতঃ মিসনরীদের ন্যায় গৃহে গৃহে শিক্ষয়িত্রী পাঠানর বন্দোবস্ত করিয়া এমন লক্ষ লক্ষ হিন্দু মুসলমান আছেন যাহারা কন্যাদের চিরমুখ রাখিতে প্রস্তুত কিন্তু মিসনরী মেমদের বাড়ীতে প্রবেশ করিতে দিতে একান্তই পরাজুখ।

তাঁহারা ধর্ম্মনিপ্লবের সম্ভাবনারহিত শিক্ষার বন্দোবস্ত দেখিলে আগ্রহের সহিত তাহার সমাদর করিবেন। গবর্ণমেন্টও এ বিষয়ে চেষ্টা করিতেছেন। পাড়ায় পাড়ায় অল্প বেতনে সম্ভ্রান্ত দরিদ্র বিধবাদের এই কার্য্যে নিযুক্ত করার আশা যে সুদূর পরাহত তাহা বোধ হয় না। চেষ্টা একবার করিয়া দেখার দরকার। শুধু একবার কেন? একবারে যদি কৃতকার্য্য হওয়া না যায় আবার চেষ্টা করিতে হইবে। সেবারেও না হইলে আবার করা যাইবে। বারংবার অদম্য উৎসাহে অকৃতকার্য্যতার পর অকৃতকার্য্যতা শিরোধার্য্য করিয়া কার্য্যে ব্রতী হইলে তবেই একদিন কৃতকার্য্যতা : আমাদের সম্মুখে ধরা দিবে।

বৈতনিক শিক্ষয়িত্রী ছাড়া অবৈতনিক শিক্ষয়িত্রী যোগাড়ের কল্পনা, আশা এবং চেষ্টাও রাখিতে হইবে।

দ্বিতীয়তঃ, বঙ্গদেশের কতকগুলি পুরুষ-চালিত সন্মিলনী বিশ পঁচিশ বৎসর পূর্বে বঙ্গের গ্রামে গ্রামে অন্তঃপুর শিক্ষা বিস্তারের জন্য যে বন্দোবস্ত করিয়াছিলেন এবং যাহার অধিকাংশ আজ লুপ্ত অস্তিত্ব, সেই সকল সন্মিলনীর পদাঙ্ক অহুসরণ করিয়া পুরস্কার ও রুত্তি ঘোষণা দ্বারা এবং শ্রেণী বিভাগস্বারে পাঠ্য পদ্ধতি নির্ধারণ করিয়া দেওয়াও অন্তঃপুরে স্ত্রীশিক্ষা প্রচারের অন্যতম উপায়।

তৃতীয়তঃ, মহিলাদের মধ্যে বিদ্যাদান ব্রতের দীক্ষা দিয়া। বিদ্যাদানও যে একটা পুণ্য, তাহাও যে একটা ধর্ম্মকর্ম্ম এই ভাবটা আমাদের মধ্যে সঞ্চারের আব-

শুক। দিনের মধ্যে কত সময় আমরা তাস, দশপঁচিশ খেলিয়া, গল্পগুজব করিয়া, ঘুমাইয়া বা আলস্য করিয়া কাটাই।—বেশী না হোক, অন্ততঃ সপ্তাহে একদিনও যদি একঘণ্টা করিয়া আমরা বাড়ীর বা পাড়াপড়শীর মেয়েদের একত্র করিয়া যাহার যে বিছা আছে, তাহাই দান করিবার ব্রত গ্রহণ করি, তাহা হইলে নিজেদেরও উপকার হয়, পরেরও হয়। কেহ বাঙ্গলা পড়াইতে পারেন, কেহ ইংরাজী পড়াইতে পারেন, কেহ সেলাই শিখাইতে পারেন, কেহ বড়িতোলা দেখাইতে পারেন, কেহ আমসত্ত্ব করাইতে পারেন, কেহ রান্না শিখাইতে পারেন। যাহার মধ্যে যেটুকু সাধ্য আছে তিনি ততটুকু সাধ্যমতই দান করিবেন—পুণ্যফল একই হইবে।

মহামণ্ডলের দ্বিতীয় অভিলষিত কার্য্য এই যে অন্ততঃ প্রত্যেক সহরে সহরে একটি করিয়া পুরনারীনিরীহ ভাণ্ডার খোলা হউক। আমাদের সম্ভ্রান্ত মেয়েরা বিপন্ন অবস্থাগ্রস্থ হইলেও তাঁহাদের বুক ত মুখ ফুটে না। প্রকাশ্যে তাঁরা অন্নোপার্জনের চেষ্টা করিতে নিতান্ত বিমুখ। যদি এমন একটি ভাণ্ডার খোলা যায় যেখানে তাঁহারা ইচ্ছামত স্বহস্তের প্রস্তুত সব রকম সামগ্রী আঁচার, বড়ি, পাঁপর, আমসত্ত্ব, মোজা টুপি ফুল অলমা চুমকি কাজ প্রভৃতি বিক্রয়ার্থ পাঠাইতে পারেন, অথচ ভাণ্ডারিনী ছাড়া আর কেহ জানিতে না পারেন যে কে পাঠাইয়াছেন তবে বহু সম্ভ্রান্ত অনাথার উপকার হয়। যাহারা

কিনিতে চাহেন তাঁহাদেরও বিশেষ সুবিধা হয়। স্থানে স্থানে সন্ধ্যান করিয়া ঘুরিয়া না বেড়াইয়া এক বিশেষ বিজ্ঞাপিত স্থানে তাঁহার আবশ্যকীয় বহুলিখ দ্রব্য একত্রে সংগ্রহ করিতে পারিবেন।

মহামণ্ডলের তৃতীয় অভিলষিত কার্য্য সম্বন্ধে বক্তব্য এই যে বালিকাগণের উপযোগী পুস্তকের অভাবে বালকযোগ্য পুস্তকের সাহায্যেই বালিকাদেরও মানসিক পুষ্টি সাধিত হইতেছে। তাহার কুফল অনেক স্থলে প্রতীয়মান হয়। সুতরাং স্ত্রীশিক্ষা প্রচারের সঙ্গে সঙ্গে তাঁহাদের উপযোগী সাহিত্য প্রণয়নের আবশ্যিকতা আছে। প্রতিবৎসর মহামণ্ডলের সাহিত্য কমিটি হইতে যে পুস্তকখানি বা যে পুস্তকাবলী মনোনীত হইবে তাহা একই সময়ে ভারতবর্ষের ভিন্ন ভিন্ন প্রাদেশিক ভাষায় অহুবাদিত ও মুদ্রিত হইয়া তদন্তঃপ্রদেশে স্ত্রীশিক্ষা প্রচারের অবলম্বন হইবে।

সংক্ষেপত গৃহশিক্ষয়িত্রীর বন্দোবস্ত করা, ভাণ্ডার খোলা ও পুস্তক প্রণয়ন করা এই বৎসর মহামণ্ডলের এই তিনটি অভীষ্ট কার্য্য। যে কোন সমিতি ইহার মধ্যে যে কোন কার্য্যের ভার লইতে পারেন। মহামণ্ডলের কমিটি তাঁহাদিগকে অমন ধন দিয়া সাহায্য করিবার প্রয়ত্ত্ব করিবেন।

ভগ্নী সমিতির সম্পাদিকা যে আশা প্রকাশ করিয়াছেন সেইভাবে (সকলের সহিত মিলিত হইয়া সমবেত ভাবে) যাহাতে আগামী বর্ষ কার্য্য হয় আশা

করি তাহার জন্য সকল ভগ্নীই: চেপ্টা করিবেন")—আমিও সেই আশার সহিত সম্পূর্ণ সহানুভূতি জানাইয়া এবং তাহার পুনরাবৃত্তি করিয়া তাঁহার পঠিত কার্য্য বিবরণী অনুমোদন করিতেছি ।

শ্রী:সরলা দেবী ।

ধন্যবাদ প্রদান ।

আমি ভগ্নী সমিতির হোয়ে সর্বাস্তঃ-করণে আমাদের মাননীয়া সভাপতি মহাশয়াকে ধন্যবাদ দি ! আপনারা সকলেই জানেন, ইনি আমাদের দেশের মেয়েদের উন্নতির জন্যে কত কাজ কচ্ছেন। ইনি যে এই ছোট সমিতিতে উৎসাহ দেবার জন্যে এখানে এলেন এবং সভাপতির কাজ কল্লেন, তাতে আমরা বাস্তবিকই আপনাদের গৌরবান্বিত মনে কচ্ছি ।


আর আপনারা সকলে যে এত কষ্ট করে এখানে এসে আমাদের উৎসাহিত কোরলেন তার জন্য আমরা আপনাদিগকে আন্তরিক কৃতজ্ঞতা জানাচ্ছি ।

আজকের সভায় আমাদের মাননীয়া ভগিনী সরলা দেবীর উপস্থিতি আমাদের কম সৌভাগ্যের বিষয় নয়। আমার বিশ্বাস, তাঁর সুসিষ্ট সঙ্গীত ও উত্তেজনাপূর্ণ বক্তৃতা, উপস্থিত সকল ভগ্নীর মনেই নূতন ভাব ও আশা জাগিয়ে দিয়েছে। উপস্থিত সকলের হোয়ে, আমি তাঁকে ধন্যবাদ দিচ্ছি। আমি জানি অনেক অসুবিধা সত্ত্বেও আজ তিনি এখানে উপস্থিত হোয়েছেন। তবে সমিতির

উদ্দেশ্য যেরূপ, তাতে তাঁর এবং সকল ভগ্নীরই সহায়তা পাবার আমাদের অধিকার আছে। তাই সাহস করে বলছি, আপনারা উপস্থিত থেকে আমাদের যে রকম উৎসাহিত কোরলেন, সমিতির কাজে যোগদান করে সেই উদ্দেশ্য সাধনে সাহায্য করুন ইহাই আমাদের নিবেদন ।

মূল্যপ্রাপ্তি ।

শ্রীযুক্ত নিবারণচন্দ্র মুখোপাধ্যায়,	ভাগলপুর	৪
কুমারী লীলামঞ্জরী চৌধুরী, কলিকাতা		৪
শ্রীযুক্ত সুরেশচন্দ্র বসু,	"	২
ডাক্তার অমৃতলাল সরকার	"	২
শ্রীমতী সরলাবালা দত্ত,	সিলং	১
" ভূপেশ নন্দিনী সেন, রুপ্তনগর		৩
ডাক্তার বিহারীলাল ঘোষ, শিবপুর		২
মহারাজা দিনাজপুর		২
B. C. Sen Esq., Balasore		৬
শ্রীযুক্ত জিতেন্দ্রনাথ মজুমদার,	লাহিরিয়া সরাই	৪
শ্রীমতী সরসীবালা রায়,	ভাগলপুর	১
শ্রীযুক্ত হাজারীলাল,	মতিহারী	২
" ললিতামোহন রায়, কলিকাতা		৪
" নিশ্চলকুমার সেন, বহরমপুর		৪
দাওয়ান জগন্নাথ রায়, বোদ		২
শ্রীমতী অক্ষয়কুমারী দাসগুপ্ত, ঢাকা		৪
" সতী চট্টোপাধ্যায়, ছমকা		৪
" কিরণকুমারী মিত্র, কলিকাতা		২
" কুমুমকুমারী ঘোষ	"	২
শ্রীযুক্ত পরেশনাথ চট্টোপাধ্যায়, বাঁকিপুর		৪
শ্রীমতী নূরজাহান, আকটগ্রাম		২
শ্রীযুক্ত আমানত উল্লা, বড়মরিচা		৪
শ্রীযুক্ত সরোজিনী হালদার,	গড়া	২



মাসিক পত্রিকা ।

"যত্র নার্য্যস্তু পূজ্যন্তে বসন্তে তত্র ইবতাঃ"

১৩শ ভাগ] পৌষ ১৩১৭, জানুয়ারী, ১৯১১। [৪ষ্ঠ সংখ্যা ।

প্রার্থনা ।

হে স্বর্গের দেবতা, তুমি রূপা করিয়া তোমার সাধুভক্তগণের মুখে সংবাদ দিয়াছ যে তোমার রূপায় পৃথিবী স্বর্গে পরিণত হইবে। তাহার কলিয়া গেলেন যে স্বর্গে যেমন তোমার ইচ্ছাপূর্ণ হয় এবং তোমার গৌরব গীত হয় পৃথিবীতেও সেইরূপ হইবে। তোমার রূপার শত শত পরিচর পাইয়া আমরাও পৃথিবীতে স্বর্গরাজ্য আসিবার দিন প্রতীক্ষা করিতেছি। শুনিয়াছি স্বর্গরাজ্য কোন স্থানে দেখা যায় না, কেবল মানুষের মনে বিরাজ করে, তাই তোমাকে জিজ্ঞাসা করি আমাদের এই সকল নরনারীগণের মনে কি স্বর্গের ভাব অবতীর্ণ হইয়াছে? এই সকল নরনারী কি মধ্যে মধ্যে স্বর্গের আলোকে আলোকিত হইতেছেন না? হে জগৎকারকারিণী জননী, বল, স্বর্গরাজ্যে তোমার কল্যাণ ও পুত্রগণ কি ভাবে জীবনযাপন করিয়া,

কিরূপে উপাসনা, স্তবস্তুতি করিয়া তোমাকে মহিমান্বিত করিতেছেন এবং আপনারা কৃতার্থ ও ধন্য হইতেছেন? সেই উন্নত অবস্থায় কিরূপে ইহারা আপন আপন কর্তব্য সুসম্পন্ন করিয়া জগৎকে সুখী করিবেন এবং তোমার ইচ্ছাপূর্ণ করিবেন? হে দেব, তুমি রূপা করিয়া স্বর্গের আশা দিয়াছ তাই আর এখন পৃথিবীর চাক্চিক্যময় সভ্যতার আদর্শকে নারী-জীবনের শ্রেষ্ঠ আদর্শ বলিয়া গ্রহণ করিতে পারি না। এখন নারী-জীবনের উন্নতি কোন্ বিভাগে কতদূর হওয়া উচিত, তাহা স্বর্গরাজ্যের নারীগণের দিকে চাহিয়া স্থির করিতে চাই। তোমার রাজ্যে কাহারও কোন প্রকার উন্নতির বাধা অবশ্যই নাই, অথচ সকল প্রকার উন্নতির অতি স্বাভাবিক সামঞ্জস্য আছে, আমরা আমাদের সমাজে সে সামঞ্জস্য দেখিতে পাইতেছি না এবং যে সকল জাতি জানে ও সভ্যতার উন্নত তাহারাও

নরনারীর জ্ঞানের উন্নতির সহিত শুদ্ধ শান্তি লাভ করিতে পারিতেছেন না। বর্তমান সময়ে সকল উন্নতিশীল জাতির মধ্যে মহা আন্দোলন হইতেছে, নরনারীর পরস্পরের বিভিন্নতা ও সমতা বিষয়ে নানারূপ আদর্শ আমাদের নিকট উপস্থিত হইতেছে। আমরা জানে ও উন্নতি বিষয়ে অনেক হীন অবস্থায় পড়িয়া আছি সত্য, এবং স্বর্গরাজ্য হইতে বহুদূরে আছি তাহা অত্যন্ত সত্য, কিন্তু যখন তুমি কৃপা করিয়া বলিয়াছ স্বর্গে যেমন তোমার ইচ্ছা পূর্ণ হইতেছে তেমনি পৃথিবীতেও তোমার ইচ্ছাপূর্ণ হইবে, তবে হে গুরুদেব, আমাদেরিগকে সেই উপদেশ দেও যে আমরা উন্নতি সাধন বিষয়ে স্বর্গের আদর্শ অনুসারে চলিতে পারি। তোমার সেই পবিত্র রাজ্যের দিকে তোমার কৃপায় আমরা তোমার কন্ঠাগকে লইয়া যদি এক পদও অগ্রসর হইতে পারি তাহা হইলেই জীবন সফল হইল জানিব। তোমার কৃপায় আমাদের মহিলাগণ স্বর্গের দেবীদিগের শিক্ষা, স্বভাব ও অধিকার লাভ করিয়া কৃতার্থ হইবেন আশা করিয়া বার বার ভব পাদপদ্মে প্রণিপাত করি।

সমস্ত অথচ বিশেষত্ব ।

কিছুদিন হইল এক পরিবারে অতিথি হইয়া স্থিতি করিতেছিলাম। একদিন বৈকালে কথাবার্তা কৌতুক আমোদ হইতেছিল। সে দিন মধ্যাহ্নে ভাই ও বোন নিমন্ত্রণ খাইয়াছিলেন। ভাই

বোনকে জিজ্ঞাসা করিলেন তোমরা নিমন্ত্রণে কি খাইলে? বোন বলিলেন, এক বাড়ীতে নিমন্ত্রণ খাইলাম, তোমরা যাহা খাইলে আমরাও তাহাই খাইলাম। আমরা কি মানুষ নয়? ভাই বলিলেন, সে কি কথা, তোমরা ত মানুষ নয়, তোমরা মেয়েমানুষ, তবে মেয়েমানুষ মানুষের মত একই সামগ্রী সব খাইবে কেন? মেয়েমানুষ বলিলে ঠিক মানুষ বুঝায় না, যেমন গোলাপ বলিলে যাহা বুঝায় কাঠগোলাপ বলিলে তাহা বুঝায় না? বিড়াল বলিলে এক জন্তু বুঝায় আর কাঠবিড়ালী বলিলে অণ্ড এক জন্তু বুঝায়। ভাই বোনের এই কথা কাটকাটির আমোদের অংশী হইয়া সুখী হইলাম। তারপর মনে চিন্তা হইল, মেয়ে ও পুরুষ দুজাতীয় মানুষ নয়। ইহার মধ্যে সমতা আছে, উভয় জাতির মানুষই মানুষ, অতএব মানুষের যে বিশেষ অধিকার তাহা প্রত্যেকেরই আছে। বর্তমান সময়ে সমাজের ভিন্ন ভিন্ন শ্রেণীর মানুষের মধ্যে সমান অধিকারের জন্ম মহা সংগ্রাম চলিতেছে। কোন কোন দেশে স্ত্রীজাতিও পুরুষের সমান অধিকার পাইয়াছেন, এবং অল্প কোন কোন দেশে সমান অধিকার পাইতে বন্ধক হইয়াছেন। আমাদের দেশে সে সংগ্রাম প্রবল আকারধারণ করে নাই কিন্তু ভবিষ্যতে মহা সংগ্রাম হইবে তাহা বুঝা যাইতেছে। কোন্ বিষয়ে স্ত্রীজাতির পুরুষের সহিত সমান অধিকার এবং কোন্ স্থলে পুরুষের বিশেষ কর্তৃত্ব, দায়িত্ব বা অধিকার আছে, এবং

স্ত্রীজাতির বিভিন্ন প্রকারের কর্তব্য অথবা অধিকার আছে তাহা আলোচনা করা কর্তব্য। অধিকার বা কর্তব্য স্থির করিতে হইলে আমাদের দেশের ঐতিক বর্তমান সময়ের অবস্থার পরীক্ষা করিলে বিশেষ কিছু জ্ঞানলাভ হইবে না। কারণ বর্তমান সময়ে একটা সামগ্রিক অস্থান অবস্থা প্রধান হইয়া মূল সত্যকে প্রচ্ছন্ন করিয়া ফেলিতে পারে। একজন সামান্য লোকের দর্শনের উপর নির্ভর করিলে অত্যন্ত এক দেশদর্শীর কথা সর্বত্র প্রচলিত সত্যরূপে বর্ণনা করা হইতে পারে। স্ত্রীজাতির ও পুরুষজাতির পরস্পর সমস্ত ও বিশেষত্ব বিষয়ে যদি আমরা এদেশের বা অগ্রদেশের প্রাচীনকালের বিধি নিয়মকে চিরন্তন বিধি বলিয়া গ্রহণ করি তাহা হইলে স্বীকার করিতে হয় যে পৃথিবীতে একদিন স্বর্গরাজ্য আসিয়াছিল কিন্তু বর্তমান দিন বাইতেছে পৃথিবী স্বর্গ হইতে ততই দূরে পড়িতেছে। কিন্তু একরূপ ধারণা সত্য নহে এবং ঈশ্বরের মঙ্গলস্বরূপের প্রকাশের স্তম্ভ এ দর্শনের কোন যোগ নাই। আমরা প্রাচীন নিয়মকে নাশ করি কিন্তু আমেরিকার উন্নতিশীল জাতি আপনাদিগকে ভবিষ্যতের জন্ম প্রস্তুত করিতেছেন। তাহাদেরিগের সমাজে কোন বিশেষ অধিকারের বিষয় নিকারণ করিতে হইলে তাহারা অতীত ইতিহাসের দিকে দৃষ্টিপাত করেন না, কারণ তাহাদের অতীত ইতিহাস নাই। তাহারা ভবিষ্যতের দিকে দৃষ্টি করেন। ভবিষ্যতের সমাজ, অর্থাৎ অধিকতর উন্নত সমাজ কিরূপ

অধিকার দান করিবে তাহাই তাহাদের ভাবিবার বিষয়। উপস্থিত বিষয়ের আলোচনা করিতে আমরা কতকটা আমেরিকার লোকদিগের পথ-গ্রহণ করিতে ইচ্ছা করি। আমরা যে ধর্মবিশ্বাস লাভ করিয়াছি তাহা আমাদেরিগকে বলিয়াছে যে পৃথিবীতে দিন দিন স্বর্গ অবতীর্ণ হইতেছে এবং ভবিষ্যতে আরও হইবে। আমরা বিশ্বাস করি যে পূর্ণ সময়ে স্বর্গের দেবতার ইচ্ছা পৃথিবীতেও পূর্ণ হইবে—অর্থাৎ পৃথিবী স্বর্গ হইবে। আমরা স্বর্গ হইতে বহুদূরে পড়িয়া আছি, সত্য, তথাপি স্বর্গের আদর্শ ভিন্ন অল্প আদর্শ লইতে পারি না। এজন্য বর্তমান বিষয়েও সেই আদর্শ সম্মুখে রাখিয়া আলোচনা করিতে আমরা বাধ্য।

মুছমময় পরমেশ্বর পৃথিবীকে ধনে-ধাণ্ডে সুসজ্জিত করিয়া তাহাতে মানুষকে স্থাপন করিয়াছেন তিনি তাহাকে আপনার জ্ঞান প্রেম ও পুণ্য দান করিয়া আপনার পুত্ররূপে বরণ করিতেছেন। প্রাচীন ইতিহাসের প্রাচীনতম ঘটনারও বহুসংখ্যক বৎসর পূর্ক হইতে মঙ্গলময়ের বিধানে মনুষ্যজাতি জ্ঞানে, সভ্যতাতে সুখে সম্পদে অগ্রসর হইতেছে। ইতিহাস যে অল্প চারি পাঁচ সহস্র বৎসরের ছই চারিটা ঘটনার সংবাদ বলিতে পারে তাহাতেও দেখা যায় যে দয়াময় দয়া করিয়া মনুষ্যজাতিকে কত প্রেম পুণ্য, জ্ঞানে ও বিজ্ঞানে উন্নতি দান করিয়াছেন। ইঠাৎ দেখিলে মনে হয় পৃথিবীর ভিন্ন ভিন্ন দেশে স্থান পাইয়া মানুষ ভিন্ন ভিন্ন প্রকারের

ধন সম্পদ জ্ঞান ধর্ম লাভ করিয়াছে, কিন্তু একটু পরীক্ষা করিলেই বুঝিতে পারা যায় সেই প্রাচীনকালেও কোন এক দেশে একটি বিশেষ সামগ্রী বা জ্ঞান উৎপন্ন হইলে তাহা অচিরে পৃথিবীর নানা স্থানে ব্যাপ্ত হইয়া পড়িত। রোম নগরের মহিলাগণ চীনেদেশের রেশমের বস্ত্র ব্যবহার করিতেন এবং জাপানের ধর্মপিপাসুগণ শাক্যসিংহের প্রচারিত নির্দ্বন্দ্বধর্ম লাভ করিতে পারিয়াছিলেন। বর্তমান সময়ে রেলওয়ে, টেলিগ্রাফ, জাহাজ প্রভৃতি হইয়া যেমন এক দেশের দরিদ্র লোকও অভ্যন্তর দূরদেশ সমুদ্রত প্রয়োজনীয় সামগ্রী অতি সহজে লাভ করিতেছে, সেইরূপ একদেশে একটি নূতন যন্ত্র আবিষ্কার হইলে অথবা নূতন সত্য প্রকাশ হইলে তাহা অচিরে সকল সভ্য দেশের লোকের পক্ষে সুলভ হইতেছে, অতীত কালের সহিত বর্তমানের তুলনা করিলে বলা যায় যে প্রাচীনকালের রাজরাণী যে সুখ সুরবিধা ভোগ করিতে পারিতেন না বর্তমান সময়ের ভিখারিণী তাহা ভোগ করিতেছে, অতি প্রাচীনকালের পণ্ডিতগণের জ্ঞানের সমষ্টি অপেক্ষা বর্তমানের মুখের জ্ঞানের সমষ্টি হয়ত অত্যন্ত অধিক। বিজ্ঞান যেরূপ দ্রুতবেগে অগ্রসর হইতেছে, তাহাতে বিশ্বাস করিতে হয় যে আর পঁচিশ বৎসরের মধ্যে পৃথিবী এত উন্নত হইবে যে, তখনকার লোক এখনকার লোককে অজ্ঞ রূপাপাত্র মনে করিবে। সমগ্র মনুষ্য জাতির শত অভাব ছুঃখ হীন অবস্থার কথা যতই কেন বলি।

ইহা অবশ্য স্বীকার করিতে হইবে যে মনুষ্য ঈশ্বরের প্রিয় পুত্র—তিনি তাহাকে আপনার জ্ঞান প্রেমপূর্ণ আনন্দ অধিক হইতে অধিকতর পরিমাণে দান করিতেছেন এবং চিরদিনই করিবেন। স্বর্গে সেই পূর্ণসত্য, পূর্ণজ্ঞান, পূর্ণপ্রেম, পূর্ণ আনন্দ আপনার সন্তানগণকে অবাধে সত্যজ্ঞান প্রেমপূর্ণ আনন্দ নানাভাবে নানাআকারে অজস্র দান করিতেছেন এবং দেব দেবীগণ কৃতার্থ হইয়া, পূর্ণকাম হইয়া, তাঁহার জয়গান করিতেছেন আনন্দ করিতেছেন এবং পরস্পর পরস্পরকে তাঁহার পেমের কথা বলিয়া সুখী হইতেছেন। আমরাদিগের বিশ্বাস যে সৃষ্টির ইহা অভিপ্রায় এবং বর্তমানে রোগ শোক পাপ তাপ, দুঃখ দারিদ্রের ভিতর দিয়া মঙ্গলময় ঈশ্বরের মনুষ্যকে সেই সুখ নিকেতনের দিকে লইয়া যাইতেছেন। মনুষ্য জাতি বিষয়ে বিধাতার এই অভিপ্রায় হইলে এখন আমরাদিগকে দেখিতে হইবে যে তিনি নর ও নারী উভয় জাতিকে এই অধিকার দিবেন না কেবল একজাতিকে দেবতা করিয়া অপরকে হীনাবস্থায় রাখিবেন। এরূপ অবিচার অবশ্য সম্ভব নহে, এবং কোন মনুষ্যই এ কথা বলেন না। আমরা বিশ্বাস করি সকল নরনারী ঈশ্বরের প্রিয় পুত্র কন্যা এবং স্বর্গের নিয়মে সকল পুত্র কন্যার সত্য জ্ঞান, প্রেম, পূর্ণ আনন্দ প্রভৃতি লাভ ও সন্তোষ বিষয়ে এবং পিতাকে গৌরব ও ধন্যবাদ দান করিয়া ধন্য হওয়া বিষয়ে নর ও নারীর সমান অধিকার। যদি বলা হয় যে নারী-

গণকে উচ্চ জ্ঞানের অধিকার দেওয়া হইবে না অথবা পুরুষকে প্রেমার্দ্ৰ হইয়া সেবা করিতে অধিকার দেওয়া হইবে না, তাহা হইলে বিধাতার মঙ্গল বিধানকে অগ্রাহ করা হয়। মধ্যযুগে ক্রীতদাস দ্বারা সকল পরিশ্রম বা পশুর কর্ম করা হইত; তখন যে দাসের দ্বারা যে কার্য করা প্রয়োজন তাহার সেই শক্তি রক্ষা করিয়া নিঃস্বয়োজনীয় শক্তিগুলি নষ্ট করিয়া দেওয়া হইত। যেমন বাহার দ্বারা গুপ্ত পত্র প্রেরণ করা হইত তাহার শ্রবণ শক্তির প্রয়োজন নাই বলিয়া তাহার সে শক্তি বিনাশ করা হইত। প্রয়োজন অহুসারে কাহারও বা চক্ষু নষ্ট করিয়া দেওয়া হইত। এরূপ ব্যবহারে ইহাই প্রকাশ পায় যে প্রভুর জন্য দাসের শরীর ও জীবন, তাহার নিজের কোন প্রয়োজন নাই বা সুখ সন্তোষ নাই। বর্তমান সময়ে সভ্যদেশে সেরূপ দুঃস্থ কার্য সম্ভব নহে, কিন্তু যদি ইচ্ছা করিয়া কেহ আপনার পুত্রগণের চক্ষু কর্ণ চিন্তা ও পেম শক্তিকে উন্নত করিয়া দেন এবং কন্যাগণকে সে সৌভাগ্য হইতে বঞ্চিত রাখেন তাহা হইলে তাঁহার ব্যবহার বর্তমান যুগের উপযুক্ত হয় না। ভগবান তাঁহার পুত্র ও কন্যাগণকে অনেক বিষয়ে সমান অধিকার দিয়াছেন। তাহার মধ্যে শ্রেষ্ঠধন শরীর ও মন। শরীরকে সুস্থ্য, পুষ্ট, সবল, কর্গিষ্ঠ রাখিলে যে সুখ লাভ হয় ইহাতে নরনারীর সমান অধিকার। যদি উপযুক্তরূপে আহা, বস্ত্র, বিশ্রাম, ব্যায়ামাদি দ্বারা এক জাতির শরীরকে উন্নত ও সবল করা হয় এবং

অপর জাতির উন্নতির কোন ব্যবস্থা না করা হয় তাহা হইলে গর্হিত পক্ষপাতিতা দোষ ঘটে ইহা সকলেই স্বীকার করিবেন। বর্তমান সময়ে স্ত্রীশিক্ষার প্রতি সকল শিক্ষিত লোকের দৃষ্টি পড়িয়াছে। বালিকা বিদ্যালয় এবং স্ত্রীবিদ্যালয় প্রভৃতি স্থাপিত হইতেছে, ইহা অতি উত্তম কথা এবং প্রকৃত উন্নতির ভিত্তিভূমি, কিন্তু ছুঃখের বিষয় এই যে, বাঁহারা নারীগণকে উচ্চ শিক্ষা দান করিতে বদ্ধপরিকর হইয়াছেন তাহারাও মাতৃজাতির শারীরিক উন্নতির উপযুক্ত ব্যবস্থা করিতেছেন না। শরীর ও মন উভয়কে লইয়া মানুষ, এককে উন্নত না করিয়া অপরকে উন্নত করা কখনও মঙ্গলকর হইবে না, কারণ শরীরের সহিত মনের সম্বন্ধ অতি ঘনিষ্ট, শরীরকে উন্নত না করিলে মনের উন্নতি অধিক সম্ভবপর হইবে না এবং সেরূপ উন্নতি দ্বারা উপযুক্ত ফল লাভ কখনও হইতে পারিবে না। যেমন শরীরের উন্নতি বিষয়ে তুলা অধিকার বলা হইল, তেমনিই মনের উন্নতি বিষয়েও পূর্ণ অধিকার রহিয়াছে। শরীরের দ্বারা সংসারের ভারবহন করিলে যেমন ভগবানের ইচ্ছাপূর্ণ করিয়া তাঁহাকে গৌরবান্বিত করা হয়, তেমনিই সৃষ্টির বিবিধ বিষয়ের ভিতর দিয়া তাঁহার জ্ঞান ও প্রেম প্রকাশিত হইতেছে তাহা দর্শন করিয়া সে জ্ঞান ও প্রেম জীবনে পাণ্ডিত্য করিলে তাঁহাকে গৌরবান্বিত করা হয়। নব নব জ্ঞান লাভ করিয়া পুলকিত হইয়া ধর্মবাদ দান করাই স্বর্গের পরমসুখের কার্য।

পৃথিবীতে থাকিতেও আমরা যত আকাশে বাতাসে বৃক্ষলতাতে, সমুদ্র ও পর্বতে তাঁহার জ্ঞান দর্শন করিব ততই পুলকিত হইবে এবং ততই পাণ্ডুরিয়া ধনুবাদ দিতে পারিব। যদি নারীজাতিতে এই জ্ঞানের অধিকার না দেওয়া হয় তাহা হইলে বলিতে হইবে যে সেই পরিমাণে স্বর্গেও তাহার অধিকার নাই। কিন্তু ভগবানের রাজ্যে একরূপ অপচার কখনও সম্ভবে না। যদি পৃথিবীতে ঈশ্বরের ইচ্ছা পূর্ণ করিবার চেষ্টা করা আমাদের কর্তব্য হয় তাহা হইলে ভগবান যাহাদিগের অন্তরে জ্ঞানস্পৃহা ও জ্ঞানশক্তির বীজ দিয়াছেন তাহাদিগকে যথাসম্ভব জ্ঞান লাভ করিবার অবকাশ দিতে হইবে। বাহারা আপনারা নরজাতির স্বাভাবিক অধিকার সকল লাভ করিতে ব্যস্ত, বাহারা অভিচারিত দীন, মুর্থ জাতিদিগের উন্নতির জন্ত উদ্যোগী মে সমস্ত ব্যক্তির সর্বাঙ্গে আপনাদিগের গৃহের মাতা, ভগিনী, স্ত্রী, কন্যা প্রভৃতিকে শরীর ও মনের উচ্চ অধিকার সকল দিয়া গৃহে সুবিচার ও সমতা সাধন করিতে হইবে। নরনারী উভয়ের আত্মা ভগবানকে পাইয়া মুখ, শান্তি, আনন্দে চিরদিন বর্দ্ধিত হইতে থাকিবে ইহাই যদি বিশ্বাস, আশা ও আদর্শ হয় তাহা হইলে এই সমতার ক্ষেত্রকে বিস্তৃত করাই প্রত্যেক উন্নতশীল মনুষ্যের কর্তব্য।

স্বর্গ ও মর্ত্যে ভগবানের শক্তি, জ্ঞান, প্রেম, আনন্দ, প্রভৃতি লাভ করিবার ও তাহা ব্যবহার করিয়া ভগবানকে জয়যুক্ত করিবার অধিকার সকল নরনারীর আছে,

এ বিষয়ে সমতা চিরদিন স্বীকার করিতে হইবে এবং সাধন করিতে হইবে। অপরদিকে উভয় জাতির বিশেষত্ব আছে তাহাও আলোচনা করিবার ও স্মরণ রাখিবার বিষয়। যদি কোন বিশেষ পরিবার বা কোন ক্ষুদ্র সমাজের প্রতি দৃষ্টি করা যায় তাহা হইলে দেখিতে পাওয়া যাইবে পুরুষ ও নারী মিলিত হইয়া সমাজের সর্ববিধ কার্য সম্পাদন করিতেছে, ইহার মধ্যে কতকগুলি কার্য স্বাভাবিকভাবে পুরুষের দ্বারা সম্পাদিত হয় কতকগুলি কার্য নারীর দ্বারা সম্পাদিত হয় এবং এই নিয়মের অধিক ব্যতিক্রম ঘটিলে সমাজের অনিষ্ট হয়। অবিকৃত স্বভাবের নিকট এই বিষয়ে আমরা যথেষ্ট আভাস পাইতে পারি। পক্ষীর কুলায় আমাদের অনেক শিক্ষা দেয়। কপোত ও কপোতী কিরূপে আপনাদিগের সন্তানগণকে প্রতিপালন শিক্ষা দান করে তাহা আমাদের অনেক শিক্ষা সমতা ও বিভিন্নতার দৃষ্টান্ত দেখায়। সামান্য গৃহস্থের গৃহে স্বভাবের নিয়মে, পূর্ব-পুরুষগণের অঙ্কুরণে ও বর্তমান সময়ের শিক্ষার প্রভাবে যেরূপভাবে কর্তব্য বিভাগ হয় ও শান্তি এবং সামাজিক রক্ষা হয় তাহাও বিশেষভাবে পরীক্ষা করিয়া দেখিতে হইবে। যে সকল দেশের মহিলাগণ অত্যন্ত উচ্চ শিক্ষা লাভ করিয়াছেন এবং উচ্চ অধিকার প্রাপ্ত হইয়াছেন তাহারাও আপন আপন গৃহে স্বাভাবিকভাবে কি কি বিশেষ কার্য করেন তাহাও আমাদের আলোচনা করিতে হইবে। পশুপক্ষী হইতে আরম্ভ করিয়া সত্যতম দেশের পরিবার

পর্গান্ত সকল জাতির সাধারণ অবস্থা এই দেখিতে পাওয়া যায় যে শিশুপালন, শিশু-শিক্ষা, গার্হস্থ্য জীবনের আভ্যন্তরিক কর্তব্য ভার বহন করা নারী জাতির বিশেষ কর্তব্য ও অধিকার, রোগীর শুশ্রূষা, চুঃখীর সেবা, শোকার্তের সাহায্য দান, নারী সাধারণের আভাবিক ধর্ম, বিশ্বপতির পূজা আরাধনা, স্তুতিগীতি, বিষয়ে ভক্তির পথ নারী জাতির বিশেষ পথ। নৃত্য, গীত, সেবা, বন্দনা দ্বারা দেবারাধনা করিয়া প্রাণে বিমল শান্তি লাভ করা স্বর্গের নারীগণের পরমানন্দের ব্যাপার। পৃথিবীর শিক্ষা, সাধনা, প্রস্তুতি, যদি নারীগণকে এই সকল বিষয়ে উন্নত করিয়া দেয় তাহা হইলে তাহাদিগের প্রকৃত উপকার করা হয়। শরীর মন আত্মার উন্নতি সকল নরনারীর সমান অধিকারের বিষয় কিন্তু তাহার মধ্যে জীবনের বিশেষ কর্তব্য বিষয়ে বিশেষ শিক্ষা লাভ করা প্রয়োজন। যদি শিক্ষিতা মহিলাগণ সূর্য্য ও শুক্রগ্রহের সংক্রামণ শুদ্ধ করিয়া গণনা করিতে পারেন কিন্তু রোগীর শয্যার আশ্রয় পরিবর্তিত করিতে হইলে অন্ধকার দেখেন, তাহা হইলে সকলে এক বাক্যে বলিবেন উপযুক্ত শিক্ষা হয় নাই, অপর যদি কেহ রন্ধনে শোড়ষোপচার প্রস্তুত করিতে জানেন কিন্তু দুর্ঘ্যোধন কি দোষে সবংশে নিধন হইল তাহা না জানেন, অথবা রুদ্ধ বায়ু অপেক্ষা মুক্ত বায়ু শরীরের পক্ষে উপকারী তাহা না জানেন তাহা হইলে বলিব কিছু শিক্ষা হয় নাই। কাব্য সাহিত্য ধর্মশাস্ত্র সকল সাধারণ

বিজ্ঞানালোক, স্বাস্থ্য বিজ্ঞান পড়তি বিষয়ে সকল নরনারীর সমান অধিকার। যদি কেহ দরিদ্রের গৃহে জন্ম লাভ করিয়াছে বলিয়া অথবা স্ত্রীজাতি বলিয়া এই সকল সাধারণ জ্ঞান ও শিক্ষা লাভ হইতে বঞ্চিত থাকে তাহা হইলে সে সমাজ বা দেশ দেবতার অভিশাপ প্রাপ্ত হয়। স্বর্গে সকল নরনারী আপন আপন বিশেষ কার্য দ্বারা দেবতার ইচ্ছা পূর্ণ করিতেছেন এবং সাধারণভাবে সকলে দেবতার জ্ঞান পোষ ও পুণ্যের নহিনা মহীয়ান করিতেছেন। সমাজ যদি সেই আদর্শে গঠিত ও নিয়মিত না হয়, যদি এক জাতি অপর জাতির প্রতি অবিচার করে তাহা হইলে সে দেশ বা সমাজ স্বর্গ হইতে বহুবুরে পড়িয়া থাকিবে।

ওডেসি ।

ইলিয়াড কাব্য অনেকেই পড়িয়াছেন, কিন্তু ওডেসি অল্প লোকেই পড়েন। অন্ধ-কবি হোমার ইলিয়াড ও ওডেসি উভয় কাব্যেরই জন্মদাতা। হোমার অন্ধ ছিলেন, দ্বারে দ্বারে স্বরচিত কাব্য শুনাইয়া ভিক্ষা করিতেন। সেই মহা কবির জীবদ্দশায়, কেহ তাঁহাকে আদর করে নাই, তাঁহার মূল্য বোঝে নাই। ভিক্ষা করিয়া ঈহাকে উদরারের সংস্থান করিতে হইত তাঁহার মৃত্যুর পর রোমের সপ্তগ্রাম তাঁহার মৃত দেহ লইয়া বিবাদ করিয়াছিল তখন সকলেই তাঁহাকে নিজ গ্রামের অধিবাসী বলিয়া গৌরবান্বিত হইতে চাহিয়াছিল।

রামায়ণের সঙ্গে ইলিয়াডের অনেক বিষয়ে মিল আছে, ও অনেক পার্থক্যও আছে। রামায়ণে যেমন সীতা হরণ, ও তাঁহার উদ্ধারের জন্য যোরতর সংগ্রাম ও সবংশে রাবণের বিনাশ, ইলিয়াডে তেমনি হেলেনা হরণ, তাঁহার উদ্ধারের জন্য দীর্ঘ-কালব্যাপী সংগ্রাম ও সবংশে ট্রয় রাজার বিনাশ। উভয় কাব্যেই একটী একটী নারীকে লইয়া সংগ্রাম, কিন্তু এই দুই কাব্যের দুইটী নারী চরিত্রে অনেক প্রভেদ। যাহা হউক এখানে এ বিষয়ে অধিক বলিবার স্থান নাই কিন্তু ইলিয়াড জানা থাকিলে ওডেসি বৃদ্ধির সুবিধা হয়, ইহা ব্যতীত দুইটী কাব্যের পরস্পর অনেক যোগ আছে। ট্রয় যুদ্ধে ইলিয়াডের শেষ ও ওডেসির আরম্ভ। ইলিয়াড যুদ্ধ ক্ষেত্রের কাব্য ও ওডেসি গার্হস্থ্য জীবনের কাব্য। ইলিয়াডের প্রাণ বীরত্ব ও যশ, ওডেসির আদর্শ শান্তিময় গার্হস্থ্য জীবন। এই সকল কারণে কেহ কেহ অনুমান করেন, ওডেসি বৃদ্ধ বয়সের রচনা। এক জন পণ্ডিত বলিয়াছেন, হোমার পুরুষদের জন্ত ইলিয়াড ও নারীর জন্ত ওডেসি রচনা করিয়াছেন।

পূর্বেই উক্ত হইয়াছে, ট্রয় যুদ্ধ দীর্ঘ-কালব্যাপী হইয়াছিল। নানা স্থান হইতে অনেক নরপতি উভয় পক্ষ দ্বারা আহৃত হইয়া যুদ্ধক্ষেত্রে উপস্থিত হইয়াছিলেন। যুদ্ধ অবসানে হতাবশিষ্ট রাজগণ স্ব স্ব রাজ্যে প্রত্যাবর্তন করিয়াছিলেন। কেবল ইথাকাদ্বীপ-রাজ তাঁর রাজ্যে ফিরিয়া যান নাই তাঁহার প্রজাগণ রাজার কোনও

সংবাদ পায় নাই। ট্রয়ের পতনের পর প্রায় দশবৎসর অতীত হইয়াছে, তথাপি তাঁহার পত্নী পেনেলোপ ও তাঁহার বৃদ্ধ পিতা লেআরটিস এবং তাঁহার পুত্র টেলিমেকস তাঁহার জন্ত অপেক্ষা করিয়া বসিয়া আছেন।

নিরুদ্দিষ্ট ইউলিসাসের জন্ত সেই রাজপরিবার শোকাক্ত, ইহা ভিন্ন সেই অনাথ পরিবারে আর এক বিষম অনর্থ উপস্থিত হইয়াছিল। কতকগুলি নীচাশয় ব্যক্তি, পেনেলোপের পাণিগ্রহণে ছু হইয়া রাজপ্রাসাদে সততই মহাকলরব করিতে লাগিল। পেনেলোপ স্বামীর সংবাদ না পাইয়া শোকে-মগ্ন ছিলেন, ও তৃপরি ইহাদের উৎপাতে অত্যন্ত চিন্তিত হইয়া পড়িয়াছিলেন। ইথাকা ও তাহার অধীনস্থ দ্বীপ সমূহের সম্ভ্রান্তবংশীয় পুরুষগণ, সেই নিরুদ্দিষ্ট স্বামীর পত্নীকে যাহাকে তাহার বিধবা রাণী মনে করিত, তাঁহাকে বিবাহ করিবার জন্ত রাজপ্রাসাদে সমবেত হইয়া-ছিল। পেনেলোপ দৃঢ়রূপে বিধাস করিতেন, ইউলিসাস এখনও জীবিত আছেন, কিন্তু কেহই সে কথা গ্রাহ্য করিতেন না। কিন্তু পেনেলোপ তাহার কোন প্রমাণ দেখাইতে পারিতেন না। পাণিপ্ৰার্থীগণ বলিতেন, দেশের রীতি অনুসারে তুমি আমাদের ভিতর হইতে একজনকে মনোনীত কর, যিনি সেই মৃতবীরের স্থান অধিকার করিবেন, ও রাজার সকল ক্ষমতা প্রাপ্ত হইবেন। তাঁহারা তাঁহার উচ্চপদ ও ঐশ্বর্য্য, কি তাঁহার সৌন্দর্য্য দেখিয়া আকৃষ্ট হইয়াছিলেন, তাহা নির্ণয় করা

কঠিন। ইহাই সম্ভবে যে তাঁহারা তাঁহার রূপে আকৃষ্ট হন নাই।

রাণী পেনেলোপ বিংশতিবর্ষ বয়স্ক পুত্রের জননী হুতরাং তিনি নিতান্ত অল্প-বয়স্কা নন, তাঁহার শারীরিক সৌন্দর্য্য অবশ্যই কালে হ্রাস পাইয়াছিল।

যে যাকে ভালবাসে সে তাহাকে সুন্দর দেখে, প্রেমেই সৌন্দর্য্যের জন্ম। পেনেলোপ বলিয়াছেন, ইউলিসাসের সঙ্গে সঙ্গে তাঁহার সৌন্দর্য্য চলিয়া গিয়াছে, এবং তাঁহার আবির্ভাবের সঙ্গে সঙ্গে তাহাও প্রকাশিত হইবে। তাঁহার এই শোক-বিলাপে তাঁহাকে আরও সুন্দর দেখায়।

পেনেলোপের পাণিগ্রহণেচ্ছগণ, অনুপস্থিত ইউলিসাসের প্রাসাদে ভিন্ন ভিন্ন অংশে বাস করিতেছে। পেনেলোপের পুত্র টেলিমেকস, অনভিজ্ঞ যুবক, সে, সেই প্রাসাদে আপনার প্রভুত্ব ক্ষমতা দেখাইতে পারিতেছে না। এইরূপ অবস্থা ঘটাইয়া কিছুই অসম্ভব নয়, কারণ যদিও সে সময় দেশ অনেক সভ্য হইয়াছিল, তবুও তখনও বর্ষর-অত্যাচার, অনধিকার প্রবেশ অপ্রচলিত ছিল না। যে রাজা আপন রাজ্য পদ আপনি রক্ষা করিতে না পারিতেন, তাঁহার রাজ্য সম্পদ রক্ষা হওয়া মুকঠিন হইত। ইহার আর এক কারণ এই নির্দেশ করা যাইতে পারে যে, রাজার সম্পত্তি সাধারণের অধিকার আছে ও সম্ভ্রান্তবংশীয়গণ যাহারা রাজার সহচর হইবার যোগ্য তাহাদের জন্ত রাজপ্রাসাদ মুক্ত থাকে।

টেলিমেকসই পিতার একমাত্র পুত্র,

তিনি ও তাঁহার মাতার এমন কোন আত্মীয় ছিলেন না, যিনি এই সকল অগায় অত্যাচারের প্রতিশোধ লইতে পারেন। তা ছাড়া তাঁহার চরিত্রে দুর্বলতা ও ভীতি ছিল, যাহা বীর-পিতার পুত্রের পক্ষে শোভা পায় না। তিনি গৃহে আদর যত্নে বর্দ্ধিত হইয়াছেন, তিনি কোমল-প্রকৃতি, কর্তব্যপরায়ণ পুত্র। যেরূপ অরাজকতা, অত্যাচার সেখানে ছিল, তাঁহার স্বভাব, একেবারেই তার উপযোগী ছিল না, সেই সমস্ত অত্যাচারীদেরও তাঁর স্বভাব বৃদ্ধিবার বাকী ছিল না।

ক্রমশঃ।

আফ্রিক ।

তুমি কি আফ্রিকপূজা কর না? তুমি নাকি সমস্ত দিনের মধ্যে একবারও ঈশ্বরের নাম লও না? কি আশ্চর্য্য! প্রকৃত হিন্দু যাহারা তাঁহারা দিনের মধ্যে তিন সন্ধ্যা স্তব করেন; মুসলমান ধার্মিকেরা পাঁচবার নমাজ পাঠ করেন; খৃষ্ট ভক্তেরা দুইবার ভজন করেন। কিন্তু তোমাকে একবারও তো পূজা করিতে দেখা যায় না। তুমি হয়তো এই কথা বলিবে, আমার সময় নাই, অবকাশ নাই। প্রাতঃকালে উঠিয়া স্নান আহারাাদি করিয়া তাড়াতাড়ি কার্যালয়ে আসিতে হয়, আবার সমস্ত দিন খাটিয়া যেরে ফিরিয়া আসিয়া সংসারের কর্ম্ম একটু দেখিতে হয়, অবকাশ কিছুই থাকেনা; পূজা কখন করিব? তাই এটি মিথ্যা ওজর। কেননা পূজার জন্ত তোমাকে দুই ঘণ্টা পাঁচ

ছটা দিতে বলিতেছি না। প্রত্যহ ৫মিনিট কি দিতে পার না? ভক্তির সহিত ঈশ্বরকে পাঁচ মিনিট ডাকিলে যথেষ্ট ফল হয়। তোমার এ বুদ্ধি তবে কাটিয়া গেল। তোমার অপর যুক্তিও অন্যর। তুমি বল আমার পূজা করিতে কিছুমাত্র ইচ্ছা হয় না, আবশ্যকতাও বোধ হয় না। কেহ কেহ এরূপ বলেন যে খাইবার ইচ্ছা হয় বলিয়া খাই, টাকা উপার্জনের ইচ্ছা হয় বলিয়া টাকার চেষ্টা করি; কিন্তু আত্মিক পূজার স্পৃহা হয় না, সুতরাং তাহা করি না। রোজ রোজ যে একটি নির্দিষ্ট সময়ে চুপ করিয়া বসিয়া ঈশ্বরকে ডাকিব, এরূপ তো প্রবৃত্তি হয় না, হইলে করিতাম। আচ্ছা ভাই তুমি পৃথিবীর সকল দেশীয় ভক্ত-দিগকে জিজ্ঞাসা কর তাঁহারা যেমন মুখ বোধ করেন তেমন পূজার অভাব বোধ করেন কি না। তাঁহারা নিশ্চয়ই বলিবেন যে আহারের সময় যেমন ক্ষুধার কাতর হইয়া খাইবার জন্ত দৌড়িতে হয় সেইরূপ আত্মিক পূজার সময় হইলেই মন ব্যস্ত হইয়া উঠে; আর যেমন দুই এক দিন আহার না করিলে শরীর দুর্বল ও অসুস্থ হইয়া পড়ে, পূজা বিনা আহারও অবস্থা ঠিক সেই প্রকার হয়। সাধু ভক্তেরা বাস্তবিক ঈশ্বর আরাধনার জন্ত লালায়িত হন এবং এক দিনও উহা বন্ধ করিতে পারেন না। তোমার যে সেরূপ ব্যবস্থা হয় না সে কেবল তোমার আত্মার বিকৃত ও অসুস্থ অবস্থার জন্ত। কিছু দিন না খাইলে অথবা জ্বর হইলে যেমন শরীর বিকৃত হয় এবং ক্ষুধাবোধ হয় না, আবার জ্বর ছাড়িয়া গেলে

নিয়মিত সময়ে প্রতিদিন খাইতে খাইতে যেমন ক্ষুধার উদ্বেক হয়, সেইরূপ তুমি যদি আত্মার বিকার ঘুচাও এবং কয়েক দিন নিয়ম মত আত্মিক পূজা দ্বারা আত্মাকে পুষ্ট কর অচিরে বিলক্ষণ ক্ষুধা বোধ হইবে, এবং ঐ পূজা এত আবশ্যক ও উপাদেয় মনে হইবে যে এক দিনও উহা ছাড়িতে পারিবে না। মানুষ কেবল আবশ্যক বলিয়া যে আহার করে তাহা নহে, ভাল সামগ্রী খাইলে সুখও হয়। ঈশ্বর পূজাতে সেইরূপ আনন্দ অনুভব হয়। রোজ রোজ অন্ন খাই বলিয়া কি আমাদের ভাতে অরুচি হয়? পাঁচ ব্যঞ্জন ভাত খাইলে খুব তৃপ্তি হয়। প্রতিদিন পূজা করিলে তাহার সঙ্গে এমন নূতন নূতন ভাব আইসে যে পূজা করা একটা আনন্দের ব্যাপার হইয়া উঠে এবং ক্রমে উহাতে বিলক্ষণ লোভ জন্মে। যদি এ কথার প্রমাণ চাও, ভাই তুমি নিজে কিছুদিন পূজা করিয়া দেখ। আমি নিশ্চয় বলিতেছি ভক্তির সহিত দয়াময় জগদীশ্বরকে ডাকিতে ডাকিতে তুমি শেষে মোহিত হইয়া পড়িবে, তোমার চক্ষু হইতে আনন্দ ধারা পড়িবে, এবং শরীর মন সুখ-মাগরে ডুবিবে। শেষে আত্মিক পূজা ছাড়া দূরে থাকুক, কখন পূজার সময় আসিবে, কখন পিতার কাছে বসিয়া আনন্দের সহিত ডাকিবে, তাহার প্রতিক্রিয়া থাকিবে। ঈশ্বরকে ডাকিলে তোমার চরিত্র ভাল হইবে, তোমার পাপ অকল্যাণ সব কাটিয়া যাইবে, তোমার সংসারে সুশৃঙ্খলা হইবে, লোকের প্রতি তোমার দয়া হইবে, তুমি সাধু ও সচ্চরিত্র হইয়া সপরিবারে সবাঙ্কবে

সুখে জীবন যাপন করিবে। ভাই আর বিলম্ব করিও না। আগামী কল্য হইতেই আত্মিক পূজা আরম্ভ কর। আজি ঘরে গিয়া সঙ্কল্প কর, যে যত দিন বাঁচিবে প্রতিদিন অন্ততঃ একবার ভক্তির সহিত জগদীশ্বরকে ডাকিবে। প্রথমে কেবল দুই পাঁচটি কথা বলিয়া আরম্ভ কর, যথা—“হে জগদীশ্বর আমি তোমাকে নমস্কার করি। হে পতিত পাবন তুমি আমাকে দয়া করিয়া পাপতাপ হইতে উদ্ধার কর।” প্রতিদিন নিয়মিত রূপে প্রাতঃকালে এই কয়েকটি কথা বলিয়া ঈশ্বর পূজা করিবে। পরে কি করিতে হইবে তাহা জানিতে পারিবে।

(উদ্ধৃত)

শিক্ষার আদর্শ।

শিক্ষার আদর্শ কিরূপ হওয়া উচিত তাহা লইয়া সভ্য জগতে নানা আন্দোলন চলিতেছে। শস্যের বীজ বপন করিবার একটি সুসময় আছে, সেই নির্দিষ্ট সময়ের আহুতুল্য এবং সুযোগ অবহেলা করিলে যেমন ভবিষ্যতে সুফল লাভের কোন আশা থাকে না, তেমন, যে শিক্ষা মানবের সমগ্র জীবনকে গঠন করিয়া তুলিবে সে শিক্ষার বীজ শিশুকালেই মানব মনের মধ্যে নিহিত করিয়া না দিলে কালে তাহা ফলদায়ক হয় না। সেই জন্য মনীষীগণের অনুসন্ধিৎসু চক্ষু এখন শিশু জীবনের দিকে বিশেষ ভাবে আকৃষ্ট হইয়াছে। একটি শিশুবৃক্ষকে জন্ম দান করিয়া, আমরা প্রতিদিন যদি তাহার দিকে লক্ষ্য রাখি, তবে তাহার নব নব বৃদ্ধি, বিকাশ

এবং বৈচিত্র্য দেখিয়া আমরা বিস্মিত হই, কিন্তু মানবশিশুর মন তাহা অপেক্ষা কত জটিল এবং বিচিত্রতায় পূর্ণ। তাহার প্রাণের মধ্যে যে অজস্র লীলাশ্রোত প্রবাহিত হইতেছে সাক্ষ্য গগনের বর্ণ শোভার মত তাহা বিচিত্র বটে। কিন্তু তাহার মস্ত ক্ষণিক নহে, কারণ একটি পরম চৈতন্যের সঙ্গে তাহার যোগ রহিয়াছে এবং একটি মৃত্যুহীন সার্থকতার মধ্যে তাহার পত্রি-সমাপ্তি আছে।

শিশুদের মনন শক্তি তাহাদের রুচি কর্তব্য অনুধাবন করিয়া পণ্ডিতগণ অনেক নূতন তথ্য আবিষ্কার করিতেছেন। পল কেয়ার্স (Paul Carus) এ সম্বন্ধে এক খানি পুস্তক লিখিয়াছেন। প্রথমতঃ শিক্ষা দিতে হইলে যে কোন শিক্ষাই হোক না, তাহার আদর্শ সম্বন্ধে শিক্ষকের মনে একটি সংস্কার বর্জিত ধারণা থাকা প্রয়োজন। এ সম্বন্ধে পল কেয়ার্স যাহা লিখিয়াছেন, তাহা অস্বীকারনীয় যোগ্য।

শিক্ষার আদর্শ কি তাহা সম্পূর্ণ করিয়া বলা বড় কঠিন। কোন একটি নির্দিষ্ট পদ্ধতি সকল জাতি, কাল এবং মনের পক্ষে সমান উপযোগী হইবে ইহা হইতে পারে না। আমার সভ্য জগতে, কোন শিক্ষিত ব্যক্তির অনুষ্ঠিত এমন কোন আদর্শ কল্প্য নাই যাহা দ্বারা তাহার শক্তির সম্পূর্ণতা আমরা উপলব্ধি করিতে পারি।

শিক্ষার যেমন নানা বিষয় আছে, সেই সেই বিভাগস্থ জ্ঞানীগণের তাহার আদর্শ সম্বন্ধে মতের স্বাতন্ত্র্য পরিলক্ষিত হয়।

কোন কোন আত্মবাদী সম্প্রদায়

বলিয়াছেন—জড়ের উপরে আধ্যাত্মিকের প্রভাব যত বিস্তৃত হইবে, শিক্ষার উৎকর্ষতা সেই অনুসারে বৃদ্ধিতে হইবে। এ স্থলে আধ্যাত্মিক উন্নতি বলিতে তাঁহার ধর্ম-চার্য্য প্রাতিষ্ঠিত কতকগুলি নৈতিক নিয়ম রক্ষা পালন করাকেই স্বীকার করেন।

আবার জড়বাদী পণ্ডিতগণ বলিবেন- জড়ের অভিব্যক্তি অনুসারে মানবের শিক্ষার সম্পূর্ণতা অগ্রসর হইবে। যে পরিমাণে বাহ্য প্রকৃতি স্থূল হইতে সূক্ষ্মতার দিকে যাইতেছে, সমাজ-সভ্যতা সেই উন্নতি অনুসারে গঠিত হইতেছে।

এই সকল মতের কোনটাই সম্পূর্ণ এবং অভ্রান্ত বলিয়া মানিতে পারা যায় না। বাস্তবিক পক্ষে, মানব জীবনের মধ্যে সত্য যে পরিমাণে পূর্ণতা প্রাপ্ত হয়, পূর্ণ শিক্ষা, মনের উৎকর্ষ, সেই পরিমাণে সাধিত হয়।

যদিও সত্যের মানদণ্ডে আমরা সভ্যতার আদর্শকে মাপিতেছি, কিন্তু একথাও অস্বীকার করা যাইবে না যে, দেশ, কাল এবং পাত্রভেদে এবং বিভিন্ন বিষয় সমূহের মধ্যে, একই সত্য বিচিত্র মূর্তিতে প্রকাশ পাইয়াছে। মানুষের মনের গতি যেমন নানা ধারায় প্রবাহিত কর্তৃক জগতে যেমন বিষয় বিভাগের অন্ত নাই, সত্যের আদর্শ তেমনি অশেষ এবং বিচিত্র এবং কোন একটি বিশেষ নিয়ম বা শৃঙ্খলার দ্বারা আবদ্ধ হইবার নহে। দৃষ্টান্ত স্বরূপ—সমাজ সংস্কারকগণ নারীজাতির সংরক্ষণে সমাজ মধ্যে তাহাদিগকে বঞ্চিত স্থান এবং ভাষ্য অধিকার দানে—বাণিজ্যবিদগণ

লোক সংখ্যা, রেলপথ স্থাপন এবং যন্ত্র-চালিত বানাদির বৃদ্ধিতে এবং রাজস্ব সচিবগণ রাজ্যস্থ অর্থ ভাণ্ডারের সুপরিচালন এবং সচ্ছল অবস্থাতে সভ্যতার শ্রেষ্ঠত্ব পরিমাণ করেন।

কিন্তু মানব মণ্ডলীর পদ গৌরব এবং দেশের উন্নত এবং শ্রেষ্ঠ সভ্যতা, সম্মান-গণের শৈশব শিক্ষার মধ্যেই নিহিত রহিয়াছে। এই দায়িত্ব পূর্ণ সত্যটি পিতামাতার সর্বাগ্রে স্মরণীয়।

পানী জগতের ক্রমবিকাশ তত্ত্ব আলোচনা করিলে দেখা যায় যে গঠন বস্তুর স্থূলতা অনুসারে যে প্রাণী যত নিম্ন স্তরের তাহারা ততই স্বাবলম্বন-শক্তি বিশিষ্ট হয়। মৎস্যাদি যে ডিম প্রসব করে, তাহার পর মুহূর্তে আর তাহাদের সঙ্গে কোন নির্ভর সম্বন্ধ থাকে না। কিন্তু যতই সেই স্থূলতা সূক্ষ্মতায় পরিণত হয় মনের প্রভাব ক্রমে যতই তাহার মধ্যে পরিস্ফুটতর হইয়া আসে, ততই সে জন্ম মাত্রে অসহায় এবং অবলম্বনকাতর হয়। সেই জন্ত সকল প্রাণী অপেক্ষা মানুষের সহায় এবং পরিচালক এমন একান্ত প্রয়োজনীয় হয়।

স্থূলিত চরণ অসহায় অপটু মানব-শিশুকে জননী পরম সহিষ্ণু এবং অশ্রান্ত স্নেহে দৃঢ়পদে সুপথে চালনা করিতে শিখান, যেন একটি একাগ্র প্রেম সমস্ত অন্ধ, লক্ষ্য ভ্রষ্ট মামবযাত্রীকে অভয় দান করিয়া সত্যের পথে, শক্তির পথে, স্নান-ত্বের পথে অগ্রসর করিয়া দিতেছেন।

শিক্ষার সম্পূর্ণতা কিসে হয়? প্রাপ্ত-জ্ঞানকে অতীত সম্পদের মত রক্ষা করা-

তেই জ্ঞান লাভের সম্পূর্ণতা হয় না। ক্রমাগত অগ্রসর হইয়া যাওয়া নবনব কালের নবনব শক্তি ও ভাবের মধ্যে সত্যকে নূতন করিয়া লাভ করিতে হইবে। আমাদের পিতৃ পিতামহ হইতে আমাদের সহানুগণ অগ্রবর্তী হইবে, জ্ঞানালোকে তাহাদের দৃষ্টি আরও সূদূরে প্রসারিত হইবে এবং প্রেমের মহত্ব তাহাদের কর্ম আরও গৌরবান্বিত হইয়া উঠিবে। মহাকবি গায়টে বলিয়াছেন “পিতার চেয়ে পুত্র আরও শ্রেষ্ঠ হউক।”

পিতামাতার আজীবন সাধনা সন্তানের মধ্যে সার্থক হইয়া উঠিতে দেখিলে তাঁহার নিজেও সার্থক মনে করেন। জীবনের পুরাতন দীপ যখন স্তিমিত হইয়া আসে তখন আর একটি তরুণ শিখাকে জ্বালাইবার জন্য যে শক্তি সে ঢালিয়া দিয়াছিল সেই নূতন শিখার দীপ্ত তেজের মধ্যে সে নিজেই স্বার্থকতা দেখিয়া কৃতার্থ হয়।

পল্ কেরাস শিশু জীবন সম্বন্ধে আরও কি নূতন কথা বলিয়াছেন তাহা বারান্তরে আলোচনা করিবার রহিল।—

মহিলাদিগের রচনা।

এ সংসারে মানুষ কদিনের জন্ত আসে যখন এ কথা বসে ভাবি ও এ সমস্ত কিছুই চিরদিনের নয়, এই যে আত্মীয় স্বজন, ভাই বন্ধু, ক্রৈর্ঘ্য সম্পদ আত্ম-গৌরব ধনের অহঙ্কার এক মুহূর্তের মধ্যে কোথায় চলিয়া যায় কিছুই চিরস্থায়ী নয়,

তখন আমাদের মনের অবস্থা কিরূপ হয়? তখন স্বভাবতই মনে কি হয় না যে তবে কেন আমরা অনিত্য সংসারের মায়ায় আবদ্ধ হইয়া ও অসার ভোগ সুখে রত হইয়া সেই নিত্যসত্য পরাম্পর পরব্রহ্মকে ভুলিয়া রহিয়াছি? যাহাকে পাইলে নিত্য-সুখ লাভ হয়, যাহাকে লাভ করিলে সকল দুঃখ দূরে যায়, যাহাকে লাভ করিলে তবে আর কোন ভয় থাকে না শোক তাপ বিষ পরীক্ষায় কিছু করিতে পারে না সেই সন্তাপহারী বিষবিনাশন ভগবানকে ভুলিয়া কেন রহিয়াছি। কিন্তু ভগ্নী! সে রকম মনের ভাব আমাদের কতক্ষণের জন্ত স্থায়ী হয়? তখনই কি আবার সংসারের প্রবল স্রোতে মন ভাসিয়া যায় না? তখনই কি আবার মন আমার আমার বলিয়া ছোটো না? তিনি যে প্রতিপদে প্রতিমুহূর্তে চক্ষে অঙ্গুলি দিয়া আমাদের দেখাইয়া দিতেছেন এ পৃথিবীর ধন সম্পদ কিছুই নয় সকলই মায়ায় খেলা সকলই অসার, তবু কি আমাদের এ অবোধ মন বোধে? না পাণ তেমন আকুল হইয়া তাঁহাকে অবেষণ করে? যদি যথার্থই আমাদের প্রাণ তেমন আকুল হইত তাহার জন্ত, তাহা হইলে নিশ্চয়ই তিনি আমাদের প্রাণে দেখা দিতেন, আমরা এমন করিয়া কল্পনার চক্ষে স্বর্গ রচনা করিয়া কিংবা কল্পনার চক্ষে তাঁহাকে দেখিয়া নিশ্চিত থাকিতে কখনই পারিতাম না। যথার্থ প্রাণের ভিতর তাঁহাকে উপলব্ধি করিয়া সেই সার সত্য ব্রহ্মধন আমরা জীবনে লাভ করিয়া চিরদিনের

মত শান্তিলাভ করিতে পারিতাম। তাই বলি ভগ্নী! আমরা যদি প্রতিজ্ঞে সময় থাকিতে তাঁহাকে চিনিয়া লই ও সব চেয়ে আপনার বলিয়া তাঁহাকে ভালবাসিতে শিখি তাহা হইলে আমাদের পক্ষে কত মঙ্গল হয়, আমরা এই শোক তাপ পূর্ণ পৃথিবীতে সকল সময় সেই মঙ্গলময় পিতার প্রতি দৃষ্টি রাখিয়া ও তাঁহার প্রতি একান্ত নির্ভর স্থাপন করিয়া অটল ও স্থির থাকিতে পারি। প্রিয়জনের অসহ বিচ্ছেদ স্বাতন্ত্র্য আমরা স্থির ও শান্তভাবে গ্রহণ করিতে পারি, কারণ আমরা জানি ও বিশ্বাস করি আবার আমরা হারান জিনিষ সব পাব, আবার আমরা একদিন সেখানে গিয়া সকলে মিলিত হইব। যেমন আমাদের কবি গাহিয়াছেন ;—

অনন্ত জীবন-পথে আনন্দে চলিয়া যাও
অনন্ত নামের সারি নির্ভয় অন্তরে গাও
নাহি হেথা আশ্রম বিরাম।
এজীবন পরপারে আছে অমর জীবন
যথায় বিরাজ করে অমর দেবতাগণ
মরণের পরে শান্তিধাম ॥

এক ঘণ্টা সময়ের ব্যবহার ।

বসে থেকেও এক ঘণ্টা সময় কাটান যায় কিন্তু আমাদের যিনি সৃজন কর্তা তিনি যে এক মুহূর্ত্তও বিশ্রাম করেন না এ কথা ভাবলে কোন্ লোক এক ঘণ্টা সময় স্থা কুঁড়েমি করে কাটাতে পারে? আমরা শিক্ষক ও পিতামাতার কাছে শুনেছি যে সময় নষ্ট করা পাপ, এ কথার

অর্থ কি? কেন পাপ হবে, পাপ কি? অনেকে ভাবে গেলই বা সময়, কত সময় এখনও পড়ে রয়েছে। কিন্তু সময় পড়ে থাকে না, সময় চলে যাচ্ছে। বিশ্ব জগতের দেবতা যেমন এক অনির্কর্তনীয় অচিন্তনীয় উপায়ে নির্দিষ্ট নিয়মে বিশ্বের কাজ করে যাচ্ছেন, তাঁর যেমন বিরাম নাই বিশ্রাম নাই ক্লান্তি নাই শ্রান্তি নাই, তেমনি তিনি মানুষের প্রত্যেকের জীবন দানের পরেই তার জীবনের প্রতি মুহূর্ত্তের জন্য সমস্ত কাজ নির্ধারিত করে দিয়েছেন। ভগবান কখনও কোন লোককে বসে থাকতে বলেন না। কাউকে বলেন না তোমার উদ্দেশ্য বিহীন জীবন। যে বলে আমার জীবনের উদ্দেশ্য নাই বৃথাই এ জীবন বয়ে গেল, সে মহা ভ্রান্তিতে পড়েছে, সে অবিশ্বাসের অন্ধকারে আপনাকে ডুবিয়েছে, তাই সে লোকের সামনে এ কথা বলতে পেরেছে। যে ভগবানে আত্মসমর্পণ করে দিয়েছে, যে তাঁর কাজে জীবন উৎসর্গ করে দিয়েছে, সে কখনও চিন্তাও করতে পারে না যে আমার কাজ নাই; তার কাছে ভগবান নিজে কাজ ঘটিয়ে দিচ্ছেন। মানুষ কখনও স্থির থাকতে পারে না। যদি কোন মানুষ শারীরিক কার্যে অলস হয়, তার মন কখনও ঘুময় না। মন তার সদা জাগ্রত। সর্বদাই মন ভাল কি মন্দ চিন্তাতে মগ্ন থাকে। স্কুলের পর যে এক ঘণ্টা সময় তখন আমরা ভগবানের কি কাজ করতে পারি? ভগবানের কাজ কি? পরস্পর পরস্পরের কাজ করলেই ভগবানের কাজ করা হয়।

নিজের উন্নতি সাধন করলেই ভগবানকে সন্তুষ্ট করা হয়। সারা দিনের কাজের পর মেটুকু সময় পাওয়া যায় তখনই আত্ম চিন্তা করা উচিত। পৃথিবীতে যতই জ্ঞানের আলোক বিকশিত হচ্ছে ততই যেন মানুষের মনের অপূর্ণতা বাড়ছে; মানুষ এত শিক্ষা পাচ্ছে, এত জ্ঞান পাচ্ছে, তবু যেন কি তার পাওয়া হয়নি এ রকম ভাবে সে ছুটে বেড়াচ্ছে। সেই যে না পাওয়া জিনিস সেটা কি? সে কেবল আপনাকে আপনি পাচ্ছে না কোথায় গেলে তা পাবে কেউ জানে না অথচ সে খুঁজে বেড়াচ্ছে। কোথায় গেলে পাওয়া যাবে? কোথাও যেতে হবে না কেবল যের বসে চিন্তা করলেই পাওয়া যায়। জীবন কোন্ দিকে যাচ্ছে, জীবনের এখনও কি দোষ আছে ক্রটি আছে, কোথায় গিয়ে একটু বাদ্ছে কোন্ নিভৃত স্থানে গিয়ে প্রকৃতির সঙ্গে অমিল রয়েছে, এইগুলি খুব ভাল করে চিন্তা করে জীবনকে বিশুদ্ধ পবিত্র করে প্রত্যেক কাজের পূর্বে সেই মহাকর্ষী যিনি তাঁকে সহায় করে তাঁর বল ভিক্ষা করে চলতে শিখলেই আপনাকে পাওয়া হইবে এবং আপনাকে পেলেই পরে ভগবানকে পাওয়া হবে। এই মুহূর্ত্তের একটা কাজ আমি হয়তো কুঁড়েমি করে, না করে, পরে করবার জন্য রেখে দিলাম; কিন্তু যে সময়ে আমার কাজটা করা উচিত ছিল সেই সময় তো আর ফিরে আসবে না। সে সময় যে অকূল সময় সাগরে বিলীন হয়ে গেছে। এইখানেই জীবনের এক মহা ক্রটি রয়ে গেল। এইরূপে আমাদের

অলক্ষিতে কত যে ক্রটি হচ্ছে, কত যে অত্যাচার হয়ে যাচ্ছে আমরা বুঝতে পারি না। এইজন্য দীনাঙ্কে একবার ভগবানকে বলি হে দেবতা জেনে না জেনে তোমার সম্বন্ধে তোমার সম্ভানগণের সম্বন্ধে যত পাপ করেছি ক্ষমা কর। সারাদিনের মধ্যে কখন কত সময় বৃথা নষ্ট করেছি এ কথা কেন প্রতিদিন আমাদের মনে জাগ্রিত হয়? কেন ভাবি কিছু কাজ হচ্ছে না কাজ পড়ে রয়েছে এ কথাই বা কেন প্রতিদিন মনে হয়? বাস্তবিকই আমাদের প্রতিজ্ঞের জীবনের কি এক মহা উদ্দেশ্য রেখেছেন যা আমাদের প্রতিজনকে সম্পাদন করতেই হবে। সেই উদ্দেশ্য জানবার জন্ত মন এত অস্থির হয়, ক্রমে সেইটা জানতে পারলেই সকল চিন্তা বিদূরিত হয়। আমাদের জীবনের উদ্দেশ্য আছে। চিন্তা করে আমাদের জানতে হবে যে সেটা কি, এবং প্রভুর চরণে প্রাণ সমর্পণ করে দিয়ে তাহা সম্পাদন করতে হবে। যারা প্রতি মুহূর্ত্তের সংব্যবহার করিতে জানেন এবং সংব্যবহার করেন তাঁহারা জীবনে ধন্য হইয়াছেন, তাঁহাদেরই জন্ম সার্থক। আমরাও যখন গুরুজনদের কাছে শুনিয়াছি যে সময় নষ্ট করা কর্তব্য নয় এবং বাস্তবিক বুঝিতেও পারি যে যত মহৎ লোক পৃথিবীতে সৃজিত হইয়াছেন সকলেই সময়ের সংব্যবহার করিয়াছেন তখন আমাদের কায়মনোবাক্যে এই ব্রত পালন করা কর্তব্য।

কুমারী ম—

“পথ ছেড়ে বিপথে যায় যে,
গর্তে পড়ে মরে সে।”

মধ্যাহ্নের প্রচণ্ড তপন যখন সমস্ত পৃথিবীকে তাপিত করিয়া পশ্চিমদিকে গমন করিতেছে তখন পাখিগণ গ্রীষ্মের পর নিজ নিজ আহার অব্যয়ন করিতে লাগিল। রাজপথ এতক্ষণ নীরব ছিল, সূর্য্যদেব পশ্চিম গগনে গমনের সঙ্গে সঙ্গে জনকোলাহলে পূর্ণ হইয়া উঠিল। লোক স্ব স্ব কার্য্যে ব্যস্ত হইল। এমন সময়ে একটা অল্পবয়স্ক বালক রাস্তার ধারে গর্ত খুঁড়িতেছে। সেই সময়ে রাজপথ দিয়া একটা সম্রাস্ত লোক গমন করিতেছেন। লোকটা বালককে বল্লেন, এখানে গর্ত খুঁড়ছ কেন? বালক বল্লেন কেন আমি পথে গর্ত করছি না, যে পথ ছেড়ে বিপথে যাবে সে এই গর্তে পড়বে। তদলোকটা বালকের কথায় অত্যন্ত আশ্চর্য্যাব্বিত হইলেন।

এই পথিক লোকটা এই রাজ্যের রাজমন্ত্রী। মন্ত্রী বালককে বল্লেন তোমার নাম কি? বালক বল্লেন শায়বান্। মন্ত্রী—তোমার কে আছে? শায়বান্—আমার বাপ মা কেউ নেই। মন্ত্রী—তুমি কি আমার সঙ্গে, আমার বাড়ীতে যেতে পার? শায়বান্—পারি। তবে এস বলিয়া মন্ত্রী তাকে স্বগৃহে লইয়া গেলেন। মন্ত্রী নিজ পুত্র প্রফুল্লচন্দ্র ও শায়বান্কে সমানভাবে দেখিতে লাগিলেন। এইরূপে পিতৃমাতৃহীন অনাথ শায়বান্ মন্ত্রী গৃহে প্রতিপালিত হইতে লাগিল। শায়বান্ ক্রমশঃ শিক্ষার

উন্নতি করিতে লাগিল। সে মন্ত্রী ও মন্ত্রীর পত্নীকে পিতামাতার ন্যায় সেবা শুশ্রূষা করে এবং সর্বদা তাঁহাদের বাধা ও অহুগত থাকে। এইরূপে শায়বান্ শান্ত সুশীল ও মিষ্টভাষী এবং পাড়ার সকলের প্রিয় হইয়া উঠিল। এমন কি সমুদায় দেবভাব যেন শায়বানের চরিত্রে সমাবেশ হইয়াছে।

প্রফুল্লচন্দ্র এদিকে দৃশ্চরিত্র হইয়া উঠিল। বইয়ের সঙ্গে এক প্রকার সম্বন্ধ নাই। দিবসের প্রায় সকল সময়ই জুয়ো খেলার আড্ডায় তাহাকে দেখা যায়। এইরূপে কতকদিন গত হইল।

একদিন বাদসাহ মন্ত্রীকে বল্লেন দেখ মন্ত্রী আমার চারিটা কথা মনে হচ্চে, কিছুতেই তার মীমাংসা করতে পারছিনে। তুমি যদি এই প্রশ্ন কয়টির উত্তর দিতে পার তাহলে আমি তোমাকে উপযুক্তরূপে পুরস্কার দেব। নতুবা তোমার শিরচ্ছেদ হইবে। এইজন্য তোমাকে সাতদিন সময় দিলাম।

প্রশ্ন (১ম) ঈশ্বর এখন কি করিতেছেন? (২য়) ঈশ্বরের ভাঙারে কি নাই? (৩য়) ঈশ্বর কি করেন না? (৪র্থ) আকাশ হইতে পৃথিবী কয় ডাকের পথ? মন্ত্রী বাদসাহের কথা শুনিয়া অবাক ও স্তম্ভিত হইলেন এবং চিন্তিত মনে বাড়ী প্রত্যগমন করিয়া গৃহে দ্বার বন্ধ করিয়া শয়ন করিলেন এবং ভাবিতে লাগিলেন যে, এ প্রশ্নের উত্তর আমি দিতে পারিব না, সুতরাং আমার প্রাণদণ্ড হইবে। বাড়ীর সকলে মন্ত্রীকে আহারের জন্ত অনেক

অনুরোধ করিলেন। মন্ত্রী কিছুতেই দ্বার উদ্ঘাটিত করিলেন না। অবশেষে শায়বান্ এসে তার পিতাকে বল্লেন বাবা তুমি কেন খাচ্ছ না? কেন এভাবে শুয়ে আছ তার কারণ কি আমাকে বল? মন্ত্রী বল্লেন তুমি ছেলে মানুষ তার কারণ শুনে কি কবে। কিন্তু শায়বান্ অনেক অনুনয় বিনয় করিতে মন্ত্রী সমুদায় বল্লেন। শায়বান্ বল্লেন তারজন্ত চিন্তা কর না, আমিই এই প্রশ্নের উত্তর দেব। মন্ত্রী নিশ্চিত মনে আহার করিয়া শয়ন করিলেন।

নির্দিষ্ট দিনে মন্ত্রী রাজসভায় গিয়া বাদসাহকে বল্লেন আমি এই সামান্য প্রশ্নের উত্তর কি দিব। আমার এই পুত্র আপনার প্রশ্নের উত্তর দিবে। শায়বান্ বাদসাহকে প্রশ্নের উত্তর বলিতে লাগিলেন।

(১ম) ঈশ্বর ধনীকে দরিদ্র করিতেছেন, এবং দরিদ্রকে ধনী করিতেছেন। (২য়) তাঁহার ভাঙারে অগ্রায় নাই। (৩য়) তিনি অগ্রায় করেন না। (৪র্থ) মেঘগর্জন হইলে পৃথিবী হতে এক ডাকেই শুনা যায় সুতরাং পৃথিবী হইতে আকাশ এক ডাকের পথ। বাদসাহ শায়বানের কথায় সন্তুষ্ট হইয়া তাহাকে উজিরী পদ প্রদান করিলেন। মন্ত্রী শায়বানের জন্ত প্রাণদণ্ড হইতে রক্ষা পাইলেন।

(৩) অনন্তর শায়বান্ গৃহে প্রত্যগমন করিয়া মন্ত্রীকে বল্লেন, বাবা, তুমি এখন বুড়ে হইলে তোমার আর কাজ ক'রে দরকার কি? আমিই তোমাদের ছেলে আছি, তুমি যাবুবে আমি তাই ক'ব।

মন্ত্রী কিন্তু শায়বানের কথায় সন্তুষ্ট না হইয়া বরং মনে মনে ঈর্ষাব্বিত হইলেন। ভাবিতে লাগিলেন যে প্রফুল্লচন্দ্রের চেয়ে শায়বান্ অধিক বিদ্যা বুদ্ধি ও সম্মানে ভূষিত হ'ল ইহা তাঁর অসহ হইল। মন্ত্রী গোপনে শায়বানের প্রাণ-হত্যার ষড়যন্ত্র করিতে লাগিলেন।

এই রাজ্যে দিগম্বর নামক এক ব্যক্তি আছে। হত্যাই তার ব্যবসা, অর্থের সঙ্গেই তার সম্বন্ধ। মন্ত্রী একদিন দিগম্বরকে বল্লেন—তুমি একটা ছেলেকে মা'বে, সে তোমাকে একখানা চিঠি এনে দিবে। তুমি যদি এই কাজটা করতে পার তা হলে আমি তোমাকে উপযুক্তরূপে পুরস্কৃত করব। দিগম্বর সম্মত হইলে মন্ত্রী গৃহে ফিরিয়া আসিয়া শায়বান্কে বল্লেন, বাবা শায়বান্, এই চিঠিখানা দিগম্বরকে দিয়ে এস। পত্রখানি অতি প্রয়োজনীয়, শীঘ্র-গির দিয়ে এস পথে দেবী ক'র না। সরল-হৃদয় শায়বান্ অবিলম্বে চিঠি লইয়া চলিয়া গেল। নিকটেই জুয়োখেলার আড্ডায় প্রফুল্ল ছিল। সে শায়বান্কে ডাকিয়া বলিল দাদা আমি এখানে এসে আ'বন্ধ হইয়েছি। তুমি এখানে একটু ব'স, আমিই তোমার চিঠি নিয়ে যাচ্ছি। এই বলিয়া প্রফুল্ল শায়বানের নিকট হইতে চিঠি লইয়া দিগম্বরকে দিল। দিগম্বর তৎক্ষণাৎ মন্ত্রীর কথানুসারে প্রফুল্লচন্দ্রের শিরচ্ছেদ করিল।

(৪) অনন্তর জুয়োখেলা ভঙ্গ হইলে শায়বান্ গৃহে ফিরিল। মন্ত্রী চিন্তিত মনে শায়বান্কে জিজ্ঞাসা করিলেন—চিঠি নিয়ে

(৪) অনন্তর জুয়োখেলা ভঙ্গ হইলে শায়বান্ গৃহে ফিরিল। মন্ত্রী চিন্তিত মনে শায়বান্কে জিজ্ঞাসা করিলেন—চিঠি নিয়ে

কি তাকে দিয়েছ? ন্যায়বান্—প্রকুলই তাকে চিঠি দিয়েছে। এই কথা শুনিয়া মন্ত্রী শিরে-করাঘাত পূর্বক রোদন করিতে লাগিলেন। ন্যায়বান্ বিস্মিত হইয়া বলিলে বাবা কি হয়েছে? তুমি এরূপ ভাবে কাঁদছ কেন? আমি কি তোমার কোন অন্যায় করেছি। মন্ত্রী ব্যাকুলভাবে বলিলেন— বাবা ন্যায়বান্ তুমি কোন অন্যায় কর নাই আমারই দোষে প্রকুলের মৃত্যু হয়েছে। মন্ত্রী সব কথা ন্যায়বান্কে বলিল। ন্যায়বান্ বলিলে বাবা, আমি তখনই ত বলেছিলাম যে পথ ছেড়ে বিপথে যায় যে, গর্তে পড়ে মরে সে। যাক্ তারজন্য আর শোক কর না আমিই তোমাদের ছেলে আছি। এই সব বলিয়া মন্ত্রীকে সান্ত্বনা দিতে লাগিল।

অবশেষে ন্যায়বান্ পুত্রের ন্যায় তাঁহাদের বাধা ও অনুগত থাকিয়া, মন্ত্রী ও তাঁহার স্ত্রীর সেবা শুশ্রূষা ও ভরণপোষণ করিতে লাগিল।

শ্রীমতী ভক্তিসুধা দেবী।

আশাকুটীর, টাঙ্গাইল।

বর্তমান যুগ ও এদেশীয় নারীজাতি।

বিজ্ঞান ও সাহিত্যে, ইতিবৃত্তে এবং ভূগোলবিদ্যায় যাহাতে বালিকাগণ শিক্ষা-প্রাপ্ত হয় বর্তমান যুগে ভারতবর্ষে সেইরূপ শিক্ষার প্রতি নারীহিতৈষী ব্যক্তিগণের দৃষ্টি সংখ্যার অনুপাত ধরিলে অগ্ৰাপি জ্ঞান শিক্ষা ভারতবর্ষে রমণীসমাজে কিছু-মাত্র বিস্তার হয় নাই বলিলেও অত্যুক্তি

হয় না। অত্যন্ত সংখ্যক মহিলামাত্র শিক্ষাপ্রাপ্ত। কিন্তু যাহারা শিক্ষার আদর করেন, তাঁহারাও পূর্বোল্লিখিতরূপ শিক্ষারই পক্ষপাতী। নারীর প্রতি, প্রতি পরিবারের দেহ মন ও ধর্ম রক্ষার ভার অর্পিত। স্বাস্থ্যসুখ ও শান্তিদায়িনী রমণী। সংসারের শৃঙ্খলা ও পারিপার্শ্বিক বৃদ্ধি নারীর প্রভাবেই হইয়া থাকে। কিন্তু যে কণা কালো ও যৌবনে স্বীয় স্বাস্থ্যরক্ষায় অন-ভিজ্ঞ, নিজের তৈজসপত্র গুছাইতে না জানেন, সে কি বিশ্ববিদ্যালয়ের প্রশংসাপত্র পাইয়াছে বলিয়া গৃহসামগ্রী ও গৃহাদির পরিচ্ছন্নতা রক্ষায় সমর্থ হইবে? আমরা দেখিতে পাই অধুনা অনেক অধ্যয়নরতা বয়স্ক বালিকা পাঠাভ্যাসে অবহিত, কিন্তু অধীত গ্রন্থগুলি বা স্বকীয় ব্যবহার্য বস্ত্রা-লঙ্কারাদি যথাবিধি যথাস্থানে শৃঙ্খলা সহ-কারে রক্ষা করিতে নিতান্ত অলস বা অনবধানপরায়ণ। তাহারা গৃহকার্যে রত হইতে গিয়া ও অভ্যস্ত উচ্ছ্রান্ততা বা অপটুতা প্রকাশ না করিয়া পারে না। যদি কোন গৃহকর্মে নিপুণ প্রৌঢ় মহিলা ঐ প্রকার যুবতীদিগের অপটুতা দোষ সং-শোধনের অনুরোধ করেন, তাহারা বিনম্র-ভাবে তাহা স্বীকার করিতে রাজি নহে। বরং ঐ প্রকার উচ্ছ্রান্ততাতে যে কিছু যায় আসে না, তাহাই দৃঢ়তা সহকারে প্রতিপন্ন করিতে সচেষ্ট হয়। একটু বিদ্যা থাকিলে একটু অবিদ্যা বা অহঙ্কারও তাহার সঙ্গে মিশিয়া থাকে। কাজেই অহঙ্কারের অন্ধতায় নিজের দোষকেও গুণরূপে নিজে দেখিতে বা অথকে দেখা-

হিতে সন্কোচ হয় না। কিন্তু দোষ হাজার যুক্তির অবতারণায়ও দোষই বটে; তাহা কখনই গুণ হয় না।

নারী গৃহিণী হইবে। গৃহিণী সুপত্নী ও সুজননী হইবেন। গৃহিণী গৃহবাসী সকলের শরীর মনের সুখ স্বাস্থ্য রক্ষার জন্ত নিজকে দায়ী জানিবেন। সাধারণ স্বাস্থ্যরক্ষার বিধি বিধান, রুগ্নদিগের সেবা শুশ্রূষার জ্ঞান গৃহিণীদিগের সাধারণ ভাবে জানা অত্যাবশ্যক। গৃহিণী, নিজের জন্ত না হইলেও পতি ও সন্তান সন্ততি এবং দাস দাসীগণের জন্ত স্বকীয় স্বাস্থ্যরক্ষায় উদাসীন হইবেন না। গৃহবাসী সকলে যাহাতে যথাসময়ে যথাযোগ্য আহার পানীয়, ঔষধ পথ্য, আচ্ছাদন ও শয্যা প্রাপ্ত হইয়া নিরুদ্ভিগ্ন মনে জীবনধারণ করিতে পারেন, তৎপ্রতি দৃষ্টি রাখা গৃহিণীর গুরুতর কর্তব্য। যাহারা সম্পন্ন গৃহে সুগৃহিণীর সন্তান তাহারা বাল্যকালে দেখিয়া শুনিয়া এশিক্ষা স্বতঃ লাভ করে। বর্তমান সময়ে অনেক বালিকা বোর্ডিংএ থাকিয়া বাল্য ও যৌব-নের শিক্ষাকাল কর্তন করে। তাহাদের অনেকে গৃহকর্মের প্রতি মনোযোগ দিতে শিক্ষা পায় না। বোর্ডিংএ থাকা নিবন্ধন কোন কোন বালিকাকে একটু আত্মসুখ-পরায়ণ এবং অতের সুখ দুঃখে উদাসীন হইতেও দেখা যায়।

নব যুগারম্ভে ভারতবর্ষে একটা মহা-জাতীয় জীবন গঠনের স্বত্রপাত হইতেছে। এ সময় অতি গুরুতর। শুভক্ষণ যাহারা বিশেষ যত্নের সহিত সদ্যবহার না করে, তাহাদের জীবনে শুভসাধন অসম্ভব।

ভারতীয় সভ্যতা অতি প্রাচীনতম পদার্থ। এ সভ্যতার প্রভাবে আমাদের গৃহ ও জন-পদে যাহা কল্যাণরূপে প্রতিষ্ঠিত ছিল, নারী চরিত্রে যে উদারতা, শৃঙ্খলা, পবিত্রতা, অলঙ্কাররূপে বিরাজ করিত, তাহা আমরা নবীনতর জ্ঞান সভ্যতা গ্রহণ করিবার উপলক্ষ্যে যদি উপেক্ষা করি, তবে সর্বস্বান্ত হইব। পরস্ব পাইবার জন্য নিজস্ব কে বর্জন করে? এক প্রকার জ্ঞান লাভার্থ অন্য প্রকার জ্ঞানে অনাদর করা কখন সম্ভব নহে।

ভারতবর্ষের গৃহ প্রাচ্য দেশবাসীদিগের গৃহের ন্যায় আড়ম্বর সম্বিত নহে। কিন্তু এদেশের সামান্য গৃহও শৃঙ্খলাবুদ্ধি এবং পরিষ্কার পরিচ্ছন্নতায় পূর্ণ ছিল। এত দেশীয় গৃহে শুদ্ধ দাম্পত্য প্রেম, ভ্রাতৃ-বৎসলতা অপত্যস্নেহ আতিথেয়তা অতি সুন্দররূপে প্রকাশ পাইত। আমরা পাশ্চাত্য বিজ্ঞানালোক গ্রহণপূর্বক ভূত সমূহের সারতত্ত্ব অবগত হইব, ভূত সমূহ দ্বারা আমাদের নিত্য নৈমিত্তিক প্রয়োজন সুষ্ঠুরূপে সম্পাদন করিব; সর্বপ্রকার জ্ঞানের প্রতি প্রস্তুত হইব, কিন্তু আমা-দের পূর্বপুরুষ সঞ্চিত নীতি, ধর্ম, রীতি, ব্যবহারে যাহা যুক্তি ও পুণ্য সম্ভব তাহা কোন মতে ও পরিহার করিব না। প্রতীচ্য আদৃত হইতে প্রাচ্য যেন অনাদৃত হয় না।

এদেশে পুরষেরা যখন পাশ্চাত্য আদ-রের পক্ষপাতী হইয়াছিল তখন যাহা কিছু স্বদেশীয় সমস্তের প্রতি বিতৃষ্ণা প্রকাশ করিত। নারীগণ যদি তাহা করেন তবে

বাড়ী ঘর গৃহ ধর্ম সকলই বিপর্যস্ত হইবে। পুরুষদের এখন মতি-ম দূর হইয়াছে। ভারতীয় সকলই যে ঘণ্য এমত কোন শিক্ষিত লোক স্বীকার করেন না। রমণীগণ পুরুষদিগের এই পরিবর্তন দেখিয়া শিক্ষা করুন। জ্ঞান বিজ্ঞান আদর করিয়াও পুরাতন স্বরকমার আদর করা যায়, পুরাতন স্বরকমাকে নবালোকে বিশুদ্ধতর করিয়া, সর্বপ্রকার পুরাতন দেবভাব রক্ষা করিবার জন্য মহিলাগণ কৃত সংকল্প হউন।

বর্তমান যুগ পৃথিবীর পক্ষে অসাধারণ যুগ। ধর্ম, নীতি, বিজ্ঞান এবং সভ্যতা এ যুগে অসাধারণ বেগে উন্নতি পথে অগ্রসর হইয়াছে। ভারতে রমণী সমাজের উন্নতির রুদ্ধদ্বার এ যুগে খুলিয়া গিয়াছে। সিমন্তিনীগণ বহু শতাব্দীর অধীনতা শৃঙ্খল বিমুক্ত হইয়াছেন। মুক্তভাবে তাঁহারা জ্ঞানভাণ্ডারে প্রবেশ করিয়াছেন। কালে এই ভাণ্ডারে স্বাধীনতা প্রসাদে ইঁহারা কি অকল্পিতপূর্বক মহাশক্তি প্রাপ্ত হইবেন তাহা অনুমান করা অসম্ভব। এখন যেন কোনরূপ জঞ্জাল জড়িত না হন ইহা মহিলাদিগের সম্বন্ধে একান্ত প্রার্থনীয়, ভ্রম প্রমাদ বা বিকার যেমন পুরুষ তেমন নারী সকলসকলের পক্ষেই ঘটিতে পারে। সেরূপ কোন ভ্রান্তি চক্রে পড়িয়া চিরপূজ্য ভারত-মহিলা যেন জ্ঞানমার্গ আশ্রয়পূর্বক সাধারণ ভাবে অজ্ঞানতার কূপে পতিত না হন, পৃথিবীর জ্যোতি পাইতে গিয়া দিব্য জ্যোতি না হারাণ তাঁহাদিগকে সে বিষয়ে বিশেষ সাবধান হইতে হইবে।

প্রার্থনা ।

প্রভু !

যখন হইবে হৃদয় অধীর বিষম বেদনা বাণে
শোকের প্রবাহ হৃদয়ে বহিবে,
অনুতাপানলে পরাণ দহিবে,
শান্তির জল সিকিও প্রভু মধুর দানে।
যখন হইবে হৃদয় অধীর বিষম বেদনা বাণে।

মৃত্যু যখন বিরহের ব্যথা
দিবেগো হৃদয়ে আনি,
অন্তর যবে স্বজন লাগিয়া
পরাণ আকুলি উঠিবে কাঁদিয়া,
লই যেন প্রভু মাথাটি পাতিয়া
তোমার দত্ত মানি ;

মৃত্যু যখন বিরহের ব্যথা
দিবেগো হৃদয়ে আনি।
সহিতে শিখাও সুখ দুঃখ ব্যথা
সকলিগো স্থির প্রাণে
দুঃখের আঘাতে অধীর না হই
সুখের প্রপাতে ডুবিয়া না যাই
পাই যেন সুখ তোমার কাজেতে
তোমারি মহিমা গানে

সহিতে শিখাও সুখ দুঃখ ব্যথা
সকলিগো স্থির প্রাণে।
আমারে গো প্রভু কর উদাসীন
পার্থিব ঘটনায়

সংসারে থাকি বৈরাগী সাজে
তোমার সেবায় তোমার সুকাজে
তুচ্ছ করিয়া অপমান লাজে
এজীবন কেটে যায়
আমারে গো প্রভু কর উদাসীন
পার্থিব ঘটনায়।

ক্ষুদ্র আমার জীবন তরণী
আপনি চালাও প্রভু
ঝঙ্কার তের প্রবাহে পড়িয়া
প্রতিকূল স্রোতে বক্ষঃ চালিয়া
এইটুকু শুধু মিনতি আমার
বিপথে না যায় কভু
ক্ষুদ্র আমার জীবন তরণী
আপনি চালাও প্রভু।
জাগাও আমার হৃদয় বীণার
কোমল তন্ত্রীরাজি
পুরুক বিশ্ব তব গৌরবে
ভরুক আকাশ তব সৌরভে
আমার হৃদয় নব বৈভবে
উঠুক সূতানে বাজি
জাগাও আমার হৃদয় বীণার
কোমল তন্ত্রীরাজি।

ইন্দুপ্রভা ।

ওগো প্রেমরাজ বিশ্ব-প্রেমের
প্রেমিক করগো মোরে।

কেহ এ জগতে নাইক যাহার
স্পৃশ্য যে জাতি নহে গো কাহার
কুডায়ে আনিবে হৃদয় তাহার
বাঁধিব প্রেমের ডোরে

ওগো প্রেমরাজ বিশ্ব-প্রেমের
প্রেমিক করগো মোরে।
সকলের নীচে বাদের আসন
অপমান শেল মাথার ভূষণ
তোমার সভায় আনিয়া তাদের
করিব আসন দান

কোমল শ্রীকর কমল পরশে
জুড়াবে তাপিত প্রাণ।

ভিক্ষার তরে যারা দ্বারে দ্বারে
ভাসে আঁখিজলে পেয়ে অনাদরে
তোমার মন্দিরে আনি সে সবারে
মুছাব নয়ন-ধারা
ঘূচাব বেদনা অনাদর ব্যথা
সকলি ভুলিবে তারা।
অকালে হারিয়ে জননীর মেহ
সুখময় ক্রোড় মধুময় গেহ
ভাসিয়া বেড়ায় অকুল পাথারে
সংসার স্রোতে পড়ি
শুষ্ক বদনে শিশু নয়নে
ভগ্ন-হৃদয় ধরি।

তুলিয়া লইয়া আপন কোলেতে
মুছাব নয়ন মধুর বোলেতে
শুষ্ক বদনে মেহ-মাথা হাত
বুলাইয়া দিব সুখে
মাতার অভাব ঘূচাব তাদের
ভুলাব সকল দুখে।

নিরদয় বিধি নিশ্চয় করে
প্রবেশি দুঃখিনী বিধবার ঘরে
হরিয়া লয়েছে হৃদয়-রতন
স্নেহের পুতলি তার
উখলি উঠেছে দুঃখের উর্ষি
মুছাবে কে আছে আর !

আনিয়া তোমার চরণের তলে
দেখাব তাহারে তোমারই কোলে
রয়েছে মোদের পরাণ পুতলি
সবার হারান ধন।
মুছাবে অশ্রু তোমার মাঝারে
হেরিয়া আপন জন ॥
ইন্দুপ্রভা।

কতকগুলি ধর্মোপদেশ ।

(আচার্য্য কেশবচন্দ্র)

সকলের প্রতি সমান ব্যবহার করিবে না। ধার্মিককে শ্রদ্ধা করিবে, অধা-
র্মিককে শাসন করিবে।

যত ক্ষণ না কথা শুনিতে পাও তত
ক্ষণ পিতাকে ডাকিবে।

হৃদয়ের ভিতর এমন একটা বাগান
প্রস্তুত করিয়া রাখিবে যে, প্রয়োজন হই-
লেই তথায় গিয়া শীতল হইতে পার।

অন্যে তোমাকে আপনার বলিলে
তুমি তাহাকে আপনার বলিবে একরূপ
মনে করিও না। অপর কেহ তোমাকে
পর বলে বলুক, তুমি তথাপি সকলকে
আপনার বলিবে।

সুখের ঘর অন্তরে, দূরে সুখ অন্বেষণ
করিতে যাইও না।

সাবধান, যেন ঈশ্বরের দর্শন পাই নাই
বলিয়া পৌত্তলিকদিগের নিকট পরাস্ত
হইও না।

মৃত্যুর পর তুমি পরলোকে যাইবে
এমত মনে করিও না। ইহজীবনেই পর-
লোকে তোমার কাছে আনিয়া উপস্থিত
কর।

সময়ে সময়ে পুষ্প স্পর্শ করিয়া পবিত্র
হইবে ; তৃণ স্পর্শ করিয়া বিনয়ী হইবে।

বাহিরে চিরদিন অগ্নি জ্বলিবে, ভিতরে
শান্তির উৎস খুলিয়া রাখিবে।

বন্ধু লাভ করা তোমার হস্তে নহে,
ঈশ্বররূপাসাপেক্ষ। বন্ধুতা তাঁহার বিশেষ
দান।

উপাসনার সময় দেখিও যেন কল্পনা-
পূজা না হয়।

যদি তোমাকে কেহ জিজ্ঞাসা করে
ভাল বাসিব কিরূপে? তুমি তাহাকে
জিজ্ঞাসা করিও, নিখাস ফেল কিরূপে?

যে রাগ করিয়া পরে ক্ষমা করে সে
নিকৃষ্ট ধর্ম্মে ধার্মিক। যিনি সর্বদা শত্রুকে
ভাল বাসেন তিনিই শ্রেষ্ঠ।

আপনা হইতে অপরকে অধিক ভাল
বাসিবে। আত্মবৎ ভালবাসা নিকৃষ্ট ধর্ম্ম।

আপনাকে সুখ সম্পদ হইতে বঞ্চিত
করিয়া জগৎকে সুখী করিবে।

উপাসনার সময় যদি মনকে স্থির
রাখিতে চাও তাহা হইলে অন্য সময়ে
নির্জনে চিন্তা দ্বারা মনকে স্থির করিতে
শিখিবে।

তুমি বৈরাগী ও সর্পত্যাগী হইবে,
কিন্তু অন্যের সুখ ঈর্ষ্যা দেখিয়া ঘৃণা
করিবে না।

শত্রু মিত্র সকলের দ্বারা যদি তোমার
ইষ্ট সাধন করিয়া লইতে পার তাহা হইলে
তোমার শত্রু নাই।

শত্রু বাহিরে নাই। সকল শত্রু
অন্তরে। আপনিই আপনার শত্রু,
আপনিই আপনার মিত্র।

যত দিন নিম্ন শ্রেণীতে থাকিবে উচ্চ
শ্রেণীতে গিয়া অনধিকারচর্চা করিবে না।

যেমন অত্রাত্র ভাষা শিখিতেছ সেইরূপ
যত্নের সহিত চন্দ্র সূর্য্য, পশু পক্ষী, বৃক্ষ
লতা, নদী পর্ব্বতের ভাষা শিক্ষা করিবে।

এ ভাষা না জানিলে প্রকৃত গ্রন্থের
মধ্যে ঈশ্বর-কথা বুঝিতে পারিবে না।

সংস্কৃত ভাষায়ও ঈশ্বর কথা কহেন
না, ইংরাজীতেও তিনি কথা কহেন না।

তাঁহার সমুদয় কথা হৃদয়ের প্রাচীন স্বজা
তীয় ভাষায় ব্যক্ত হয়। তুমি প্রেমিক
হইয়া সে ভাষা শিক্ষা কর।

যদি রিপু দমন করিতে না পার, ঋষি
হইলেও যোগ ভঙ্গের সম্ভাবনা থাকিবে।
অতএব সর্ব প্রযত্নে জিতেন্দ্রিয় হও।

অনেকে মনে করেন নিজে সম্ভরণ
করিতেছি, কিন্তু হয়তো কোন বন্ধুর হস্ত
তাঁহাদের বক্ষের নীচে অলক্ষিত ভাবে
রহিয়াছে। অশিক্ষিত অবস্থায় সে হস্ত
পরিত্যাগ করিও না, ডুবিবে।

ঈশ্বর কেন তোমাকে এখানে পাঠা-
ইয়াছেন তাহা যদি না জান তবে এত দিন
কি করিতেছ? কোথায় যাইতে হইবে,
না জানিয়া দৌড়িও না।

একবার প্রেম দিয়া আর ফিরাইয়া
লইও না। দত্ত ধনে তোমার অধিকার
নাই।

ঈশ্বরের দর্শন পাইয়াও অনেকে
পলায়ন করে। যে দর্শনে মন প্রাণ মুগ্ধ
হয় তাহার জন্য চেষ্টা কর। এমন ভাবে
তাঁহাকে দেখিবে যে, নয়ন যেন আর অন্য
দিকে না ফিরিতে পারে।

মনের ভিতরে আদর্শ ঈশ্বর-কন্যাকে
শ্রদ্ধা ও প্রীতি করিতে শিখিবে, তাহা
হইলে সকল নারীকে পবিত্র চক্ষে দেখিতে
পারিবে।

কাম রিপু অনেক লোক ও অনেক
ধর্ম্মসমাজকে উৎসন্ন করিয়াছে। অতএব
ইহাকে শারীরিক মানসিক ও সামাজিক
সকল প্রকার সাধন দ্বারা শীঘ্র সংযত
করিবে।

প্রতিজ্ঞা সিংহের ন্যায়। “আমি
করিব” এই অগ্নিময় কথা যদি ঈশ্বর-বলে
উচ্চারণ করিতে পার, ঐ ছন্ধারে সকল
শত্রু পলায়ন করিবে। করিব বলিলে
কি না হয়?

বাহিরে উৎপীড়ন সহ্য করিতে না
পারিলে তৎক্ষণাৎ চক্ষু মুদ্রিত করিবে।
আর বাহিরের কিছু দেখিতে পাইবে না,
শুনিতে পাইবে না। প্রাণদুর্গে বসিয়া
নিরাপদ হইবে।

তোমাকে কেহ ভাল বাসা না দিলে
বা অপমান করিলে তুমি ক্রন্দন কর এবং
দুঃখে অবসন্ন হও। মনে ভাবিয়া দেখ
দেখি, ঈশ্বর যিনি, তিনি সকলের জন্ত
কত করিতেছেন, কিন্তু তাঁহার কত অপ-
মান সহিতে হয়।

যত দিন না প্রেমের অনুকূল স্রোতে
পড়িতে পার তত দিন সংসারের প্রতিকূল
স্রোতের বিরুদ্ধে বহু আয়াস ও কষ্টে
নৌকা চালাইতেই হইবে।

ধর্ম্মসমাজে সর্বদা লোক আসিতেছে
ও যাইতেছে, কেন না ঈশ্বর ক্রমাগত
চাউল ঝাড়িয়া তুষ বাহির করিয়া ফেলিতে-
ছেন। তুমি যদি প্রকৃত বিশ্বাসী হও পরি-
ত্যক্ত হইবার ভয় নাই। (ক্রমশঃ)

ভিক্টোরিয়ার মহিলা বিদ্যা-
লয়ের ১৯১০ সনের নভেম্বর
এবং ডিসেম্বর মাসের সংক্ষিপ্ত
আয় ব্যয়ের বিবরণ।

নভেম্বর মাসের আয়
হস্তে স্থিত ১৫৫৬/১৫
মহিলা বিভাগের দক্ষ অক্টোবর মাসের

সরকারী সাহায্য—	৭৫	শ্রীশ্রীমতী ময়ূরভঞ্জ মহারাণীর ডিসেম্বর	
প্রাইমারী স্কুলের দুই মাসের শিক্ষয়িত্রী-		মাসের দান—	৫০
গণের বেতন দরুণ সরকারী সাহায্য—	৬৬	মাসিক ক্ষুদ্র সাহায্য—	২০
প্রাইমারী স্কুলের প্রয়োজনীয় ব্যয়ের দরুণ		বেতন আদায়—	১২৫
সরকারী সাহায্য—	২৪	নীতিবিদ্যালয় হইতে গাড়ীর খরচ হিসাবে	—১৬
শ্রীশ্রীমতী কুচবিহার মহারাণীর নভেম্বর		বিবিধ—	২
মাসের দান—	১০০		৫৯৩
শ্রীশ্রীমতীর ময়ূরভঞ্জ মহারাণীর নভেম্বর			
মাসের দান—	৫০	বায়	
মাসিক ক্ষুদ্র সাহায্য—	৫২	শিক্ষয়িত্রীগণের বেতন—	২১
বেতন আদায়—	১১৩	ভূতাগণের বেতন—	২৪৬/১০
সিলাই বিভাগ ও নীতিবিদ্যালয় হইতে		গাড়ীর খরচ হিসাবে—	১৭৮৫
গাড়ীর খরচ হিসাবে প্রাপ্ত—	১১	ক্ষুদ্র ব্যয়—	১৫৬/১০
		বাড়ী ভাড়া হিসাবে—	১০
সমষ্টি	৬২৬৬/১৫		

বায় ।—

শিক্ষয়িত্রীগণের বেতন—	২৩১	হস্তে স্থিত—	৭৩/১৫
ভূতাগণের বেতন—	৪৭৮	সমষ্টি—	৫৯৩
গাড়ীর খরচ হিসাবে—	১০৬৫		
ক্ষুদ্র ব্যয়—	১৬৩/১০		
বাড়ী ভাড়া হিসাবে—	১১০		
ঋণ শোধে—	৫০		

৬২০৬/১৫

হস্তে স্থিত— ৬

সমষ্টি— ৬২৬৬/১৫

ডিসেম্বর মাসের আয়

হস্তে স্থিত— ৬

উচ্চশিক্ষা বিভাগের দরুণ ৩০শে নভেম্বর পর্যন্ত তিন মাসের সরকারী সাহায্য—

১৬৬

প্রাইমারী স্কুলের এক মাসের শিক্ষয়িত্রী-

গণের বেতন দরুণ সরকারী সাহায্য ৩৩

মহিলা বিভাগের দরুণ নভেম্বর মাসের সরকারী সাহায্য—

৭৫

শ্রীশ্রীমতীর কুচবিহার মহারাণীর ডিসেম্বর

মাসের দান— ১০০

শ্রীশ্রীমতী ময়ূরভঞ্জ মহারাণীর ডিসেম্বর

মাসের দান— ৫০

মাসিক ক্ষুদ্র সাহায্য— ২০

বেতন আদায়— ১২৫

নীতিবিদ্যালয় হইতে গাড়ীর খরচ হিসাবে

—১৬

বিবিধ— ২

৫৯৩

বায়

শিক্ষয়িত্রীগণের বেতন— ২১

ভূতাগণের বেতন— ২৪৬/১০

গাড়ীর খরচ হিসাবে— ১৭৮৫


ক্ষুদ্র ব্যয়— ১৫৬/১০

বাড়ী ভাড়া হিসাবে— ১০

৫৯৩

নিবেদন ।

আমরা বিনীতভাবে আমাদের মহিলার গ্রাহক ও গ্রাহিকা মহোদয় মহোদয়ার নিকট উপস্থিত হইতেছি । ১৬শ বৎসরের পত্রিকা ছয় মাসের এই সংখ্যায় প্রকাশিত হইল । এখন তাঁহাদের নিকট বর্তমান বৎসরের অগ্রিম মূল্য ২২ দুই টাকা ভিক্ষা করিলে তাঁহারা কি আমাদের প্রার্থনায় কর্ণপাত করিবেন না ? দুঃখের কথা আরও না বলিয়া থাকিতে পারিতেছি না । অনেকের নিকট দুই তিন বৎসরের মূল্য অদ্যাপি পাওনা রহিয়াছে । আমরা তাঁহাদের কৃপার উপরই নির্ভর করিয়া রহিয়াছি । দয়াময় ঈশ্বর সকলের অন্তরে দয়ার সঞ্চার করুন ।



মাসিক পত্রিকা ।

"অন্ন নাথ্যস্তু দুজ্যন্তে রমন্তে তন্ন দিবতাঃ ।"

১৬শ ভাগ] বৈশাখ ১৩১২, মে, ১৯১১ । [৭ম সংখ্যা ।

প্রার্থনা ।

হে বিগ্ননিয়ন্তা শ্রুত, হে মঙ্গলময় জননি, আমরা তোমার নিকট নারীজাতির প্রচুত মঙ্গল ভিক্ষা করি । তোমার নিকট হইতে ধন জ্ঞান সুখ সম্পদ পাইতেছি । তুমি শত সহস্র প্রকারে আমাদের মঙ্গল করিতেছ, ক্ষুদ্র ও বৃহৎ দান, ক্ষণকালের জন্য প্রয়োজনীয় বা দীর্ঘকালের জন্য প্রয়োজনীয় সকল দানই তোমার নিকট হইতে আসিতেছে । আমরা অত্যন্ত পূর্ণ হইল দেখিয়া সন্তুষ্ট হই, এবং তুমি আমাদের ইচ্ছা অনুযায়ী দান না করিলেই অবসন্ন হই, ও তোমার মঙ্গল স্বরূপে সন্দেহ করি । দেখ, দেবতা, তুমি যে সকল অবস্থাতেই আমাদের মঙ্গল করিতেছ ইহাতে স্থির বিশ্বাস না হইলে আমাদের অবস্থা অতি সঙ্কটাপন্ন থাকে, কারণ আমরা তোমার কার্যকে আমাদের ক্ষুদ্র বুদ্ধি দ্বারা বিচার করিয়া মঙ্গল লীলাকেও অম-

ঙ্গল কার্য বলিয়া স্থির করি । মনে মনে বলি যে তুমি অমঙ্গল করিলে । এইজন্য এখন তোমার নিকট ভিক্ষা করি যে সর্ব প্রথমে তুমি আমাদেরকে এই আশীর্বাদ কর যে তোমার মঙ্গল-স্বরূপে আমাদের জীব বিশ্বাস হয় । তোমার কৃপাতে তোমার মঙ্গল-স্বরূপে সহজ বিশ্বাস হইলেই আমরা সরলভাবে মঙ্গলের পথ ধরিতে পারিব । আমরা তোমার দান, ধন জন মান জ্ঞান ইত্যাদি লাভ করিয়া কেবল অধিকতর মোহেই পতিত হই এবং আমাদের মোহ-মুগ্ধ মনের ইচ্ছা পূর্ণ করিতে তোমার চরণে প্রার্থনা করি । তুমি কৃপা করিয়া দেখাইয়া দিতেছ যে, সংসারের চকল সুখ দুঃখ মিলন বিচ্ছেদ ইত্যাদি লইয়া ব্যস্ত থাকিলে তুমি যে উচ্চ অবস্থার দিকে লইয়া যাইতে চাহিতেছ আমরা সেই উচ্চদিকে যাইতে পারিব না । এজন্য এই বিনীত প্রার্থনা করি তোমার নির্দিকার প্রেমে দৃঢ় বিশ্বাস করিয়া যেন আমরা তোমার ইচ্ছিতে আমা-

দিগের জন্য নির্দিষ্ট তোমার মনোনীত স্বর্গরাজ্যেরদিকে আমরা যেন অগ্রসর হইতে পারি। তোমার কন্যাগণকে এই বিশ্বাসে দৃঢ় করিয়া দেও, যে তুমি মঙ্গলময়, তুমি যাহা কর তাহাতেই মঙ্গল। তব পাদপদ্মে এই প্রার্থনা করিয়া বার বার প্রণিপাত করি।

উদ্দেশ্যসিদ্ধি ।

সংসারে সকলেই আপনা আপন লইয়া ব্যস্ত। শরীর পরিশ্রম করিয়া কার্য করে, তাহা আমরা দেখিতে পাই, কিন্তু শরীর সর্করণ কার্য করিতে পারেনা, তাহার বিশ্রামের প্রয়োজন হয়, মনের বিশ্রাম নাই, মন যতক্ষণ জাগিয়া থাকে ততক্ষণ ক্রমাগত উদ্দেশ্য সিদ্ধির জন্য পরিশ্রম করিতেছে। এই ভয়ঙ্কর ব্যস্ততা এই ব্যাকুল আগ্রহ, অনিদ্রাকারী দুশ্চিন্তা কিসের জন্য তাহা কি পরিষ্কার করিয়া বলা যায়। এই মুহূর্তে এই নগরে যে ব্যক্তি যে জন্য ব্যস্ত হইয়া রহিয়াছে যদি তাহার সংখ্যা করা যায় দেখা যাইবে ধন, মান, পুত্র, কন্যা, স্ত্রী, স্বামী, বন্ধু, অন্ন, জল, আরাম, স্বাস্থ্য প্রভৃতির শত প্রকার অবস্থার জন্য মানুষের মন ব্যস্ত রহিয়াছে। মানুষ এই মুহূর্তে কোন বিশেষ বস্তুর জন্য অত্যন্ত ব্যস্ত, পর মুহূর্তে সে তাবনা চলিয়া গিয়াছে অন্য বিষয় লইয়া তাহার মন ব্যস্ত হইয়া রহিয়াছে। বাল্যকাল, যৌবন প্রৌঢ়াবস্থা, এই ব্যস্ততাতে ব্যয় হইয়া যায়, বার্কিক্যও প্রায় ইহার হস্ত হইতে নিকৃতি পায় না।

এই যে ব্যস্ততার স্রোত সকল পুরুষ নারীকে ভাসাইয়া লইয়া যাইতেছে ইহার উদ্দেশ্য কি? এক কথায় উত্তর দিতে হইলে বলিতে হয় যে মানুষ উদ্দেশ্যসিদ্ধির জন্য ব্যস্ত হইয়া জীবন যাপন করিতেছে। প্রত্যেক মানুষের সম্মুখে একটি বা অধিক উদ্দেশ্য আছে তাহাই তাহাকে শাসন করিতেছে। শরীর সম্বন্ধে শত অভাব আছে, মনের সম্পর্কে সহস্র অভাব আছে, আত্মা সম্পূর্ণ অজ্ঞাত রাজ্য হইতে আপনার নিত্য জীবনের সকল উপজীব্য লাভ করিতে চায় এই সকলের এক কি অধিক বিষয় মানুষের সম্মুখে উপস্থিত হইয়া তাহাকে ব্যস্ত করে। আমরা কত নরনারীকে দেখিতে পাই যাহারা উদরানের জন্য এত ব্যস্ত থাকিতে বাধ্য হয় অথবা ইচ্ছা করিয়া ব্যস্ত থাকে যে, তাহারা মনের উন্নতির ও উচ্চতর সুখ শান্তির বিষয় সম্পূর্ণরূপে ভুলিয়া থাকে। ইহারা সর্বদাই উদ্দেশ্যসিদ্ধির জন্য ব্যস্ত কিন্তু সে উদ্দেশ্য কেবল শরীর লইয়া অর্থাৎ পান ভোজন শয়ন বিশ্রাম এই সকলই তাহাদিগের জীবনের উদ্দেশ্য এবং যাহাতে সেই সকল ব্যাপার উত্তমরূপে সাধন হয় তাহাই তাহাদিগের স্বার্থসিদ্ধির বিষয়। ফলে সম্মুখে একটা উদ্দেশ্য দেখিয়া বা স্থির করিয়া তাহা সাধন করিতে ক্রমাগত যত্ন করা মানুষের স্বভাব। যেমন প্রস্তুত প্রভৃতি ভারসামগ্রী নীচের দিকে যায়, যেমন বায়ু বা বাষ্প উপরে যায় তেমনই মানুষ আপনার স্বার্থের দিকে যায়। এ বিষয়ে যে জ্ঞানের ব্যবহার অধিক থাকে তাহাও নহে, বাহিরের শাসনের কোন প্রয়োজন হয় না,

প্রত্যেকেই আপন আপন উদ্দেশ্য সিদ্ধির চেষ্টায় ব্যস্ত রহিয়াছে। যাহাদিগের দৃষ্টি সূক্ষ্ম তাহারা দেখিতে পান যে যদিও স্বার্থসিদ্ধির জন্য সকলে ব্যস্ত আছে সত্য, কিন্তু ইহার মধ্যে স্বার্থ পরিবর্তিত হইতেছে, অর্থাৎ আজ এক উদ্দেশ্যে যে ব্যক্তি পরিশ্রম করিতেছে, কল্যাণ হইতে সে বিষয় ত্যাগ করিয়া অন্য বিষয়কে স্বার্থ করিয়া তাহার জন্য ব্যস্ত হইতেছে। এজন্য জনহিতৈষী ব্যক্তিগণ, লোক শিক্ষকগণ, সাধারণের স্বার্থকে উন্নত ও বিস্তৃত করিতে চেষ্টা করেন। সমাজের অভ্যন্তরে অধিকাংশ লোক আপনাকে লইয়া ব্যস্ত তাহার মধ্যেও অধিকাংশ লোক কেবল আপনার অন্ন বস্ত্র ভোগ বিলাসের ব্যস্ত লইয়া ব্যস্ত এরূপ অবস্থা অত্যন্ত শোচনীয়। যাহাদিগের মন কেবল নিজের শরীরের ক্ষুদ্র ক্ষুদ্র ইচ্ছা চরিতার্থ করিতেই জীবন ব্যয় করিল তাহারা যেন গভীর অন্ধকার কূপের মধ্যেই রহিয়া গেল—যেন উচ্চ-আকাশ মুক্ত-বাতাস প্রোতপিনী-নদী, উন্নত-পর্বত, বিশাল-সমুদ্র অসংখ্য নরনারীপূর্ণ-পৃথিবী ইহা তাহারা দেখিতেই পাইল না, কেবল আপনার উদ্দেশ্যের ও ক্ষুদ্র ক্ষুদ্র প্রার্থনার বিষয়ই দেখিল। এরূপ অবস্থা যে কেবল অত্যন্ত অসভ্য, বা দরিদ্র, মূর্খ নীচ লোকের মধ্যে আছে তাহা নয়; যাহারা সমাজে ভাল অবস্থার লোক বলিয়া পরিগণিত তাহাদিগের মধ্যেও এরূপ কুপাপাত্র লোকের সংখ্যা অল্প নয়। যাহারা অশিক্ষিত দরিদ্র কৃষিজীবী বা শ্রম-জীবী তাহারা ক্ষুদ্র ক্ষুদ্র উদ্দেশ্য সাধনে ব্যস্ত হইয়া জীবনকে ব্যয় করিতেছে ইহাও

দুঃখের বিষয় কিন্তু অনেক সময়ে দেখা যায় যে কতকগুলি জ্ঞান লাভ করিয়া বা কার্যকারী শক্তি লাভ করিয়া যাহারা সংসারে উচ্চ স্থান পাইয়াছে তাহাদের মনেও উচ্চ আদর্শের স্থান হয় নাই, তাহারাও সংসারে আপনাদিগের ক্ষুদ্র স্বার্থ লইয়া দীন দশায় জীবন যাপন করিতেছে। কাহারও হয়ত মনে হইতে পারে যে প্রত্যেক মানুষ যদি আপনার ও আপনার পরিবারের ভাবনা ভাবিল ও তাহাদের মঙ্গল সাধনে জীবন ব্যয় করিল তাহা হইলেই তো জীবনের শ্রেষ্ঠ ব্যবহার হইল, কারণ মানুষের আর কি দরকার? সকলেই কি সাধু মহাজন হইবে? এ প্রশ্ন অনেকের মনে আসিতে পারে মনে করিয়া এ বিষয়ে একটু বিস্তৃত আলোচনা করা যাইতেছে। যখন আমরা দেখিতে পাই যে আমাদিগের স্রষ্টা পরমেশ্বরের প্রেম ও জ্ঞান অনন্ত, তিনি আমাদিগকে অল্প অল্প প্রেম ও জ্ঞান দান করিয়াছেন এবং এই প্রেম ও জ্ঞানকে ক্রমে ক্রমে বর্দ্ধিত করিতেছেন এবং আমাদের প্রেম ও জ্ঞান যত বৃদ্ধি পায় ততই আমরা সুখী হই ও তাহার প্রেম ও জ্ঞানের সহিত ঘনিষ্ঠতা লাভ করিয়া তাহার সহিত মিলিত হইতে অবসর পাই। যদি আমাদিগের অন্তরের প্রেম ও জ্ঞান এবং বাহিরে তাহাদিগের বিষয় অর্থাৎ প্রেমের ব্যক্তি ও জ্ঞানের বিষয় বর্দ্ধিত ও উন্নত না হয় তাহা হইলে আমাদিগের প্রেম ও জ্ঞান একরূপ জড় হইয়া প্রাপ্ত হয়! অর্থাৎ সংসারে যে সকল অভিপ্রায় সাধনের জগু আমরা ব্যস্ত রহিয়াছি তাহাতে যে প্রেম ও জ্ঞান আছে এবং

তাহা যে স্বর্গের ঈশ্বরের দান তাহা লইয়া যে অনন্ত প্রেম ও জ্ঞান সাগরে ডুবিতে হইবে তাহা ভুলিয়া যাই। ইতর জীবগণ যেমন সংসারের বশে উদর পূর্ণ করে ও সন্তান প্রতিপালন করে মানুষের অবস্থাও সেইরূপ হইয়া দাঁড়ায়। যদি কোন মানুষকে এই নিয়মে আবদ্ধ করিয়া দেওয়া হয় যে তুমি প্রতিদিন পরিশ্রম করিয়া দশ ক্রোশ করিয়া দক্ষিণাভিমুখে গমন করিলে দশ দিনের পর একটি মহাসমুদ্র পাইবে, তাহাতে তুমি সকল ধন ও সকল সুখ লাভ করিবে। সে ব্যক্তি যদি আপনার গৃহের ক্ষুদ্র স্থানে হস্ত দ্বারা ভূমি মাপিয়া প্রতিদিন ঐ স্থানে এত বার পদচালনা করে যে তাহা যোগ করিলে দশ ক্রোশ হয় এবং এইরূপ করিয়া দশ দিবস পরিশ্রম করিয়া সে মনে করিতে পারে যে তাহার অভিপ্রায় সিদ্ধি হইবে কিন্তু প্রকৃত পক্ষে সে আপনার গৃহের ভিতরেই রহিয়া গিয়াছে, গম্য স্থানের দিকে এক পদও অগ্রসর হয় নাই ও তাহার মহাসমুদ্র লাভ হইবে না। যাহারা সংসারে কেবল আপনাকে লইয়া ব্যস্ত রহিয়াছে, আপনার বাহিরে যায় নাই তাহাদিগের অবস্থা সেইরূপ। নরনারী যে অল্প জ্ঞান ও প্রেম প্রাপ্ত হইয়াছেন তাহা লইয়া তাঁহাদিগকে ক্রমাগত অগ্রসর হইতে হইবে। এই অগ্রসর হইবার পথ আমাদের জন্ম নির্দিষ্ট হইয়া রহিয়াছে। সাধারণতঃ কতকদূর অজ্ঞাতসারে অগ্রসর হইতেই হয়। কিন্তু মানুষ স্বভাবের নিয়ম হইতে ইচ্ছিত লইয়া ও অন্তরের প্রসারনের হস্তিয়ার বশবর্তী হইয়া যদি অধিক হইতে অধিকতর

রূপে অগ্রসর না হয় তাহা হইলে সে অতি কৃপাপাত্র হয় এবং শেষে মহা দুঃখে পতিত হয়। সদ্য-জাত শিশু কাহাকেও জানে না, কেবল আপনার ক্ষুধার জ্বালা ও শীত গ্রীষ্মের জ্বালা বুকিতে পারে। ক্রমে একটু বড় হইলেই মাতা ভ্রাতা ভগিনী প্রভৃতিকে জানে ও ভাল বাসে। তাহার পর বয়স হইলে সখা সাথী প্রভৃতিকে নিকট বলিয়া জানে ও ভাল বাসে, তাহার পর আপনার সন্তানগণকে ভাল বাসে ও নিকটস্থ আত্ম জনের প্রতি সহানুভূতি অনুভব করে এইরূপে অজ্ঞাতসারে তাহার জ্ঞান ও প্রেম বর্দ্ধিত হয় এবং জ্ঞান ও প্রেমের ভূমি তাহার উদ্দেশ্যের বিষয় হইয়া পড়ে। যখন কোন ব্যক্তির পাঁচটি সন্তান হইয়াছে দশ জনের সহিত পরিচয় হইয়া ভাল বাসার সম্বন্ধ হইয়াছে, তখন কি আর সে কেবল নিজের উদরানের জন্য ব্যস্ত থাকিয়া অথ সকলের বিষয় নিশ্চিত থাকিতে পারে? তাহা সম্ভব নয়। যদি কাহারও এরূপ অবস্থা হয় তাহা হইলে জনমগুলী বলিবে এ ব্যক্তির মন প্রকৃতিস্থ নাই, আমাদের দেশের সমাজের বর্তমানে যে অবস্থা তাহাতে প্রত্যেক নরনারীর জ্ঞান ও প্রেম এতদূর বিস্তৃত হইয়া পড়িয়াছে যে, এখন ক্ষুদ্র উদ্দেশ্য জন্ত ব্যস্ত থাকা একপ্রকার অসম্ভব। এখনও যদি কেহ আপনার শরীর বা আপনার পরিবার মাত্র লইয়া মনকে ক্ষুদ্র করিয়া রাখেন তাহা হইলে বলিতে হইবে তিনি এ মনুষ্যজীবনের উদ্দেশ্যই বুকিতে পারেন নাই। যদি প্রত্যেকে এক বার চিন্তা করিয়া দেখেন যে আজ আমি

কি চাই? অমনি মনে কতকগুলি অভাবের কথা উপস্থিত হইবে। তখনই দেখিতে হইবে যে এই সকল অভাব কি কেবল আপনাকে লইয়া, না, আপনার বাহিরে কিছু আছে? দ্বিতীয় প্রশ্ন মনে এইরূপ হওয়া উচিত যে, আজ সমাজ বা প্রতিবেশী আমার নিকট কি চায়। তাহা দ্বারা কতব্য উদ্দেশ্য স্থির হইবে। তাহার পর দেখিতে হইবে যে আমার যিনি সৃষ্টিকর্তা ও প্রভু, তিনি আমার বিষয় কি উদ্দেশ্য আজ রাখিয়াছেন। এরূপ কথা তাঁহাকে জিজ্ঞাসা করা কাহারও পক্ষে কঠিন নয়, কারণ তিনি সর্বদা অন্তরে উপস্থিত আছেন, আমরা জিজ্ঞাসা করিলেই তিনি স্বাভাবিক ভাবে আমাদের অন্তরে তাঁহার ইচ্ছা প্রকাশ করেন। তিনি কিনা কেবল একজনকে লইয়া ব্যস্ত নন, সমস্ত বিশ্ব সংসারে সকল অভাব দেখিতেছেন ও তাহা দূর করিতেছেন—তাঁহার দিকে চাহিয়া যদি আমার বিষয় তাঁহার অভিপ্রায় জানিতে পারি তাহা হইলেই আমার ক্ষুদ্র অভাববোধ বা উদ্দেশ্যও তাঁহার পূর্ণ দৃষ্টিতে আমার বিষয় বিশেষ অভিপ্রায় জানিয়া তাঁহার অভিপ্রায়কে আমার উদ্দেশ্য করিয়া লইতে পারি। যদি মহিলার পাঠিকাগণ এই ভাবে আপনাপন উদ্দেশ্য স্থির করিয়া লইতে পারেন তাহা হইলে ক্রমে ক্রমে জীবনের প্রকৃত উদ্দেশ্য সাধনের দিকে অগ্রসর হইবেন। কেহ কেহ মনে করিতে পারেন যে বিশ্বরাজের অভিপ্রায়কে উদ্দেশ্য করিয়া তাঁহার উদ্দেশ্য সিদ্ধির জন্য ব্যস্ত হইলে সংসারে কার্যের অব্যবস্থা হইবে। কিন্তু

তাহা হইবার কোন কারণ নাই, কারণ প্রত্যেকের সংসার বিশ্বেশ্বরের সংসার, প্রত্যেকের ক্ষুদ্র ক্ষুদ্র অভাব তাঁহার ইচ্ছা অনুসারে উপস্থিত হইয়াছে; সামান্য ব্যক্তির সংসারের ক্ষুদ্র অভাবের সহিত বিশ্বসংসারের মহা মহা কার্যের কোন বিরোধ নাই। আর একটি কথা স্মরণ রাখিতে হইবে যে, যে ব্যক্তি উদ্দেশ্য সাধনের জন্ত আজ ব্যস্ত রহিয়াছেন তাঁহারই আর এক মহা উদ্দেশ্য আছে, অর্থাৎ দুঃখ, বিপদ ও মৃত্যু হইতে উদ্ধার হইয়া ভগবানকে পাইবার প্রয়োজন আছে। যতই কেন ক্ষুদ্র ক্ষুদ্র উদ্দেশ্য উপস্থিত হউক না পরমেশ্বরের লাভ করা ও তাঁহাতে আনন্দ শান্তি লাভ করা যে মহা উদ্দেশ্য তাহা ভুলিয়া যাওয়া অত্যন্ত অনিষ্টের কারণ হইবে। যিনি যে অবস্থায় আছেন তিনিই অবশ্য কতকগুলি উদ্দেশ্য সাধনের চেষ্টায় আছেন এবং সম্ভবতঃ একটা বিষয়কে উপস্থিত সময়ের জন্য বিশেষ উদ্দেশ্য করিয়া লইয়াছেন ইহা সংসারের সাধারণ নিয়মে হইতেছে, ইহার সঙ্গে উচ্চ জ্ঞানের ও ধর্মের আলোক অনুসারে চলিতে অভ্যাস করিলে জীবন ক্রমে উচ্চতর অবস্থার দিকে চলিতে থাকিবে। সকল নরনারীই আপন আপন উদ্দেশ্য সাধন করিতে ব্যস্ত রহিয়াছেন এবং চিরদিনই উদ্দেশ্য সাধন করিতে ব্যস্ত থাকিবেন ইহা স্বাভাবিক কিন্তু এই উদ্দেশ্যকে নিয়মিত, মার্জিত ও সংস্কৃত করিতে হইবে। একটি নারীর জীবনের মূল উদ্দেশ্য কি? কোন বিষয়ে কতদূর

উন্নত হওয়া নারীজীবনের উচ্চ আদর্শ এই বিষয় যাহার যত্নকে উচ্চ ধারণা হইয়াছে, তাহা সম্মুখে উপস্থিত রাখিয়া সম্মুখে উপস্থিত উদ্দেশ্য সাধনের চেষ্টা করিতে হইবে। যদি জীবনের উচ্চ আদর্শকে উদ্দেশ্য করিয়া বর্তমানের কার্য সকল করা হয়, তাহা হইলে একদিকে বর্তমানের কার্য যথা সম্ভব নির্বাহ হইবে, অথচ অধিকতর প্রয়োজনীয় উচ্চ কার্য জীবনের উদ্দেশ্য রহিয়াছে এই জ্ঞান থাকতে আলস্য বা জড়তা আসিয়া মনকে বর্তমানের ক্ষুদ্র উদ্দেশ্য সাধনেই আবদ্ধ করিয়া রাখিবে না। বর্তমান সময়ে সকলেই প্রায় একই কার্য একই ভাবে করিতেছে সত্য, কিন্তু ইহার মধ্যে যাহার উদ্দেশ্য যত উচ্চ সে তত উচ্চ জীবন যাপন করিতেছে বলিতে হইবে।

মেয়ের হাট ।

২য় ।

(পূর্বপ্রকাশিতের পর)

সুশীলা বাড়রী দময়ন্তীকে শিলাই শিখাইবার জন্ত মিত্রদের বাড়ীতে প্রায়ই আসিতেন। সেদিন ব্রাহ্মসমাজের কথা শুনিয়া তাঁহার ব্রাহ্মসমাজ দেখিবার বাসনা হয়। তিনি দময়ন্তীকে এক দিন বলিলেন, আমার সহিত তোমার মায়ের পরিচয় করাইয়া দাও। দময়ন্তী এ প্রস্তাবে খুব খুসী হইল। দময়ন্তীর পিত্রালয় অধিক দূরে ছিল না। দময়ন্তী বলিল, ইতিমধ্যে আমি পিত্রালয়ে যাইব, তখন আপনি যদি সেখানে আমাকে শিখাইবার উপলক্ষে যান, তবেই আপনার আশা পূর্ণ হইবে।

দময়ন্তী তাহার পতির নিকট পিত্রালয়ে যাওয়ার প্রস্তাব করিলেন। রামজীবন বলিলেন, মাকে একথা বলিও, মা অনুমতি দিলে আমার কোন আপত্তি নাই। তবে দেখো যেন একমাসের বেশী সময় সেখানে থেকে না।

দময়ন্তী—না, তাও কি হয়? এক মাসই বাড়ী ছেড়ে থাকতে পারবো কি না সন্দেহ। শিক্ষয়িত্রী আমার মার সঙ্গে জানাশুনা হতে চান; তিনি আমাদের বাড়ীর ব্রাহ্মসমাজটাও দেখিতে ইচ্ছুক।

রামজীবন—আচ্ছা সে ভাল কথা। তাঁর বাসনা পূর্ণ করে এসো। সুশীলা বাড়রী খ্রীষ্টধর্মটা বড় ভালবাসেন না, তাঁর মন ইহাতে বসে নাই। যদি ব্রাহ্মসমাজে গিয়া তাঁর মনে ব্রাহ্মধর্ম ভাল লাগে, তবে তিনি খ্রীষ্টধর্ম ছেড়েও দিতে পারেন। মেয়েটির একটু স্বাধীন ভাব আছে।

দময়ন্তী—সে সব ফলাফল আমি ভাবি না, যা হবার তাই হবে। মা যদি অনুমতি দেন, তবে কালই আমি চলে যাব।

রামজীবন—তা যেও।

পরদিন প্রাতে বউ গিন্নীকে বলিলেন, মা, আমি আজ রাজঘাটে যাইতে চাই। (রাজঘাট গ্রাম দময়ন্তীর জন্মস্থান) আমার মাকে দেখিতে বড়ই মন ব্যাকুল হয়েছে।

রামজীবনের মা বউকে খুবই ভালবাসেন। বউর বুদ্ধি বিবেচনার উপরেও তাঁর বেশ আস্থা আছে। কাজেই বউ প্রস্তাব করা মাত্র হাসিয়া বলিলেন, কেন মা, কাল রাত্রে কি কিছু স্বপ্নে দেখেছ? তা বেশতো বাপের বাড়ী যাবে, ভালইতো।

তবে রাম বাড়ীতে আছে, কাজেই বেশী দেবী করে না। তুমি বিবেচনা করে যত শীগগির হয়, এখানে বলে পাঠাইও; আমি তোমাকে তখনই আনাইব।

বউ মুখচেপে একটু হাসিয়া শান্তীকে বলিলেন, তবে বাবাকে বলে আমার যাওয়ার যোগাড় করে দিন।

শান্তী—আচ্ছা, তা দিচ্ছি। এবেলা নয়, খাওয়ার পরে বিকাল বেলায় যেও।

বিকাল বেলায় বউমা পিত্রালয়ে পৌঁছাছিলেন। পরদিনই সুশীলা দময়ন্তীর পিত্রালয়ে গেলেন। সেখানে দময়ন্তীর মা ভগিনী প্রভৃতি সকলের সঙ্গে তিনি পরিচিত হইলেন। তৎপরদিনই ব্রাহ্মসমাজের সভার দিন। সুতরাং পরদিন সায়কালে সুশীলা ব্রাহ্মসমাজ দেখিতে আসিলেন। সেদিন গোপালহরি গুপ্ত নামে এক জন ব্রাহ্মধর্ম প্রচারক সেখানে উপস্থিত ছিলেন, ইনি বেশ ভক্তিতাপন্ন। সেদিন ব্রহ্মোপাসনার দিন। যথাকালে সভ্যগণ উপস্থিত হইলে, গুপ্তমহাশয় উপাসনা ও সংগীত করিলেন। ইনি সংগীত বিদ্যাতেও পটু। সুশীলা বাড়রী নিবিষ্টমনে নিম্নলিখনয়নে ব্রহ্মোপাসনায় যোগ দিয়া বড়ই তৃপ্তিলাভ করিলেন। খ্রীষ্টানসমাজের গান ও প্রার্থনা কখন তাঁহাকে এরূপ তৃপ্তি দেয় নাই।

উপাসনার পরে তিনি দময়ন্তীকে বলিলেন যে, যিনি উপাসনা ও গান করিলেন, তাঁহার সঙ্গে আলাপ করা যায় কি না? দময়ন্তী তাঁহার পিতাকে ডাকাইয়া আনিলেন, সুশীলার সহিত তাঁহার পরিচয়

করাইয়া পিতাকে সুশীলার অভিপ্রায় জানাইলেন।

দময়ন্তীর পিতা আনন্দিত হইয়া প্রচারক মহাশয়কে সমস্ত কথা বলিলেন।

একজন জনানামিশনের মেয়েপ্রচারক ব্রহ্মোপাসনায় আসিয়াছেন, তিনি ব্রাহ্মধর্ম প্রচারকের সঙ্গে আলাপ করিতে ইচ্ছুক, ইহা শুনিয়া প্রচারকমহাশয় পরম পুলকিত হইলেন। তিনি বলিলেন, আচ্ছা, যদি সুশীলা বাড়রী ইচ্ছা করেন, আগামী কল্য তাঁহার বাড়ীতে গিয়াও আমি আলাপ করিতে পারি। তাহাই ঠিক হইল। পর দিন অপরাহ্ন পাঁচটায় গোপালবাবু সুশীলা বাড়রী গৃহে গেলেন। সেখানে চন্দ্রমুখীও আছেন।

সুশীলা গোপালবাবুকে বিনীত ভাবে নমস্কারপূর্বক সম্মুখে বসিয়া ব্রাহ্মধর্ম বিষয়ে অনেক তত্ত্ব জিজ্ঞাসা করিলেন। উপাসনা ও প্রার্থনাপ্রণালী শুনিলেন। কথা বলিতে বলিতে সন্ধ্যা হইল। তখন সুশীলা গোপালবাবুর নিকট উপাসনার প্রস্তাব করিলেন। গোপালবাবু যথেষ্ট উৎসাহ সহকারে তাহাতে সায় দিলেন।

সন্ধ্যার পর সুশীলার গৃহে ব্রহ্মোপাসনা হইল। চন্দ্রমুখীও এসময়ে উপাসনায় যোগদান করিলেন, উপাসনার পরে সুশীলা ও চন্দ্রমুখী কৃতজ্ঞতার সহিত নমস্কারপূর্বক তাঁহার এখানে থাকা হইলে আর একদিন দেখা দেওয়ার অনুরোধ করিলেন। ব্রাহ্মধর্ম সম্বন্ধে কোন বই থাকিলে তাহা পাওয়া যায় কিনা জিজ্ঞাসা করিলেন। গোপালবাবুর সঙ্গেও বিক্র-

য়েয় জন্য অনেক বই ছিল। তিনি দুইদিন পরে আসিয়া তাহা দিবেন অঙ্গীকার করিলেন। ইহার পর গোপাল বাবু চলিয়া গেলেন।

সুশীলা ও চন্দ্রমুখী আহালাদি করিয়া শয়ন করিলেন। সুশীলা চন্দ্রমুখীকে জিজ্ঞাসা করিলেন, গোপাল বাবুর উপাসনা কেমন লাগিল ?

চন্দ্রমুখী—অতি সুন্দর। আহা! কি গানগুলি! হৃদয়ের তারে তারে বাজিয়া উঠে আমাদের গিননির গানগুলি অনেক সময়ে ভাল লাগে না। প্রার্থনাও প্রায় মনের সঙ্গে ঐক্য হয় না। ব্রাহ্মসমাজের উপাসনাটি বড় সুন্দর।

সুশীলা—ভাই, দময়ন্তীর বাপের বাড়ীতে ব্রাহ্মসমাজের উপাসনায় যোগ দিয়া আমার যেন হৃদয়ের একটা দিক খুলিয়া গেল। আমার ইচ্ছা হয় এই প্রণালীতে উপাসনা ও প্রার্থনা করি, এবং ঐরূপ গান করি।

চন্দ্রমুখী—সাহেব যদি জানিতে পারে তবে কিন্তু একটা কুরক্ষেত্র যুদ্ধ উপস্থিত হবে।

সুশীলা—কেন? আমরা যেমন মানা পাই তেমন কাজ করিব। খ্রীষ্টান সমাজ কিছু ছাড়িব না। তবে যেক্ষেপে আমাদের চিত্তের তৃপ্তি হয়, সেরূপ প্রার্থনা করবো, তাতে সাহেবের ক্ষতি কি?

চন্দ্রমুখী—দিদি তুমি জাননা, তুমি বড় সোজা মানুষ। খ্রীষ্টান সাহেবেরা অন্য ধর্মের বড়ই বিরোধী এরা বড়ই হিংসুক। একটু যদি টের পায় যে তুমি ব্রাহ্মসমাজে

যাও, তবে বোধ হয় আমাদের মাইনা বন্ধ করে দেবে। আমাদের ঘরে ব্রাহ্মসমাজের প্রচারক উপাসনা প্রার্থনা করেছে, এ জানলে একটা হলফুল ঘটাবে।

সুশীলা—বটে; এত ত আমি মনেই করিতে পারি না। তোমার জন্যই ভাবনা। আমি তৈয়ার আছি। না হয় সাহেব আগায় তাড়াইয়া দিবে, টাকা দিবে না। কোন মতে শিলাই করিয়া খাইব। আমার মনে হয় সাহেবকে তবে জানান ভাল।

চন্দ্রমুখী—কখনও নয়। সাহেবকে কিছু বলবার দরকার নাই। সাহেবের আমাদের উপরে বিশ্বাস আছে। তার বাড়ী ও অনেক দূরে। আমরা কাজ করিয়া রিপোর্ট দস্তুর মত দিব, উপাসনা প্রার্থনার কথা তাকে জানাবার দরকার কি?

সুশীলা—সাহেব ইহার বিরোধী এ কথা মনে রাখলে সদাকাল একটা ভয় মনে থাকবে। তার চেয়ে সাহেব কি বলে খোলাসা হওয়া ভাল।

সাহেবের ঘর দূরে থাকিলেও সর্বদা সব বিষয়ে সাহেব সুশীলাদের তত্ত্ব নিত। গোপাল বাবু আর একদিন আসিলেই সাহেব সব জানিয়া ফেলিল।

সুশীলার নিকট ব্রাহ্মসমাজের প্রচারককে কেন তাহার ঘরে গান ও প্রার্থনা করিতে সাহেবের অনুমতি ভিন্ন অধিকার দেওয়া হইল এজন্য লিখিত কৈফিয়ত তলব করা হইল।

সাহেবের পত্র পাইয়া সুশীলা চন্দ্রমুখীকে সে পত্র দেখাইলেন। চন্দ্রমুখী

পত্র দেখিয়া বলিল দেখ, আমি ত পূর্বেই বলিয়াছি যে সাহেব জানিলে তেলে বেগুনে জ্বলে উঠবে।

সুশীলা—তুমি কি করে জানলে?
চন্দ্রমুখী—ইনি ত ব্রাহ্মপ্রচারক; আমি পূর্বে যে জানা মিশনের দলে ছিলাম, সে দলে কোন সময়ে একজন রোমান কাথলিক পাদরী ঘটনাক্রমে এসে দুইদিন প্রার্থনা ও কথাবার্তা করিয়াছিলেন তাই জেনে সেখানকার বড় পাদরী সাহেব বিষম তর্জন গর্জন এবং আমাদের কয়েকজনের জরিমানাও করিয়াছিলেন। তাতেই জানিয়াছি এরা অত্যন্ত আত্মপক্ষপাতী, অপরপক্ষ বিরোধী।

সুশীলা—তুমি কি ইহাতে ধর্মই দেখ, না অধর্ম টের পাও?

চন্দ্রমুখী—ধর্মধর্মের আর বিচার নাই। ভগবান পাকে চক্রে এদের মধ্যে ফেলেছেন, এদের মন যোগাইয়া চলিতে হবে।

সুশীলা—আমি কিন্তু ভাই সেটি পারব না। ইহারা যাহাকে শ্রদ্ধা বলেন, তিনি লোকের মন যোগাইতে পারিলেন না বলিয়াই একরকম ধার্মিক লোকের বিচারেই ক্রোশে মরিলেন। আমিও কারু মন যোগাইতে পারিব না। হিংসুক দলকেও ধার্মিক দল ভাবিতে পারিব না। না হয় ইহারা অপমান করিয়া দূর করিয়া দিবে। না হয় দেশের রাজার সঙ্গে মিলিয়া আমাকে জেলে দিবে। কিন্তু আমি যা প্রকৃত ধর্ম বুঝি, ভাল বুঝি, তা করিবই করিব। পাদরী সাহেব বলিয়া ভয় করিব না।

চন্দ্রমুখী—কি জানি ভাই, আমার বড়

ভয় হচ্ছে। তোমার কপালে বড় কষ্ট ভোগ দেখতে পাচ্ছি।

সুশীলা—তোমার কষ্ট না হলেই বাচি। ঈশ্বর আছেন, সত্যও এক বই দুই নহে। কষ্ট দুঃখ শৈশবাবধি কতই পেয়েছি, না হয় আরও পাব। সাহেবকে যা ঠিক কথা তাই লিখব। দেখা যাক কি হয়।

ভারতীয় নারীজাতি এবং জন্মান্তরবাদ রহস্য

(পূর্বানুবৃত্তি)

অনন্ত সত্যজ্ঞানময় ঈশ্বরের সঙ্গে যোগই যদি মানবের নিয়তি, ইহাই যদি সত্য হয়, তবে কোন মানবাত্মা সেইরূপ যোগলাভে জীবমুক্ত হইবে, কোন কোন মনুষ্য নব নব দেহধারণপূর্বক পৃথিবী-রূপ ঘনিগাছে অনন্তকাল ঘুরিতে থাকিবে ইহাও কি সত্য? ভগবান পক্ষপাতপূর্বক কোন মানব তনয়কে বলিলেনঃ—

সর্বধর্ম্মান্ পরিত্যজ্য মামেকং শরণং ব্রজ অহং ত্বাং সর্বপাপেভ্যো মোচয়িষ্যামি মা শুচ ॥

আবার কাহাকে বুঝি বলিলেনঃ—
“তুমি জন্মজন্মান্তর কল্মফল ভোগ কর, নব নব দেহবস্ত্র পরিয়া ভবঘোরে ঘোর।”

এরূপ করনা অল্পবুদ্ধি অবিখ্যাতী লোকের পক্ষে সম্ভব। অমুক পড়া বাড়ীতে দশটা ভূত আছে; অমুক অখথ গাছে শত হস্ত দীর্ঘ পিঙ্গাচের বাগ; ইত্যাদি অতুত তত্ত্বে যে সকল রমণী বা পুরুষের

আস্থা জন্মে, জন্মান্তরবাদের ভ্রান্তমতের প্রতি তাহাদেরই আস্থা জন্মিতে পারে।

প্রেমময় ও ইচ্ছাময় পুরুষ পরমেশ্বর বিশেষ উদ্দেশ্যে মনুষ্যকে মাতৃগর্ভে সঞ্চার ও ভূমিষ্ঠ করেন। যে পরিমাণ কাল যে অবস্থায় তিনি মনুষ্যকে রাখেন, তাহাতে ঈশ্বরেরই উদ্দেশ্য সফল হইয়া থাকে। ঈশ্বরের অপরিমিত শক্তিতে লোকলোকান্তরে মানবাত্মাকে তাহারই আশ্রয়ে তিনি রক্ষা এবং জ্ঞান প্রেম পুণ্যে ক্রমাগত পরিবর্দ্ধিত করিতেছেন। উত্তীর্ণতা বা বর্জনশীলতা মানবাত্মার পক্ষে ঈশ্বরদত্ত স্বভাব। সুতরাং ঈশ্বরেতে বিলয়প্রাপ্তি যেমন মানবাত্মার স্বভাববিরুদ্ধ, তেমন নিষ্ক্রিয় অবস্থাতে স্থানুবৎ থাকিও তাহার স্বভাববিরুদ্ধ। মনুষ্যের জ্ঞান প্রেম ইচ্ছা-শক্তিবিশিষ্ট ব্যক্তিত্ব নিত্যই ঈশ্বরের জ্ঞান প্রেম এবং পুণ্য ইচ্ছার সহিত মিলিত হইতে থাকিবে, ইহা মনুষ্যের নিয়তি। এ নিয়তির কখন শেষ হইবে না।

মনুষ্য স্বকৃত পাপের দণ্ডভোগার্থ পশু-জন্ম, পক্ষীজন্ম এবং কীটজন্ম লাভ করে, এপ্রকার উক্তি হিন্দুশাস্ত্রে এবং পুরাণে বারংবার উল্লিখিত দেখা যায়। পূর্বজন্মে যে ব্যক্তি রাজা ছিল, কৰ্মফলে পরজন্মে সে অতি ঘৃণ্যজাতিতে জন্মগ্রহণ করিল। জ্ঞানহীন, চিন্তাহীন অজ্ঞব্যক্তির পক্ষে ঐ প্রকার উক্তি শোভা পায়। কিন্তু ভাবিতে দুঃখ হয় যে, দেশের কুসংস্কারের প্রবল প্রভাবে অনেক শিক্ষিত লোকও ঐসকল মতে সহানুভূতি করেন।

আর্যবংশজ বলিয়া এদেশীয় অনেক

লোক অভিমানপরায়ণ। পৃথিবীতে ভার-তীয় আৰ্যজাতি ধর্মাভিমানের অসামান্য। ব্রাহ্মণের পদরজ ব্রাহ্মণের জাতির পক্ষে সর্বপাপময়; ইহাতেও আৰ্যমাত্রেয় আস্থা থাকা প্রয়োজন! শাস্ত্রের নামে যতপ্রকার বাতুলোক্তি আছে, তাহাতে প্রত্যয় স্থাপন না করিলে আৰ্যের রক্ষা করা যায় না। কল্পিত নরক ভোগ, কল্পিত স্বর্গ ভোগ, সহস্র জন্ম, বিবিধ যোনি ভ্রমণ বিষয়ে নিঃসংশয়চিত্ততাও আৰ্যের লক্ষণ! ভারতবর্ষে আৰ্যবংশধরদের অধোগতির ঐ সকল কি সমূহ কারণ নহে? ঐ সকল কুসংস্কারের “যেন তেন প্রকারেণ” একটা বৈজ্ঞানিক ব্যাখ্যা আবিষ্কার করা বর্তমান আৰ্য অধ্যাপকগণের ধর্মরক্ষার উপায় বলিয়া সিদ্ধান্ত হইয়াছে। পৃথিবীর অগ্রাগ্র দেশে বিজ্ঞান জ্যোতিবিস্তারপূর্বক অজ্ঞানতার অন্ধকার দূর করিতেছে, ভারতে বিজ্ঞান আদিয়া কুসংস্কার ও অজ্ঞানতার অন্ধকারকে ঘনতর করিতেছে! বিধাতা কি এজন্ত পতিত ভারতে বিজ্ঞানের জ্যোতি প্রকাশ করিলেন? না, কখন না! বিজ্ঞানের আলোক পাইয়া সত্যামতের প্রকৃত তত্ত্ব বুঝা যাইবে। কোন বিষয়ে গৌড়ামি বা সাম্প্রদায়িক অভিমান থাকিবে না, বিজ্ঞান-বিস্তারে ইহাই লাভ। ভারতবর্ষের পক্ষে কি সেপ্রকার লাভ হইতেছে না? অবশ্য হইতেছে। তথাকথিত হিন্দুধর্মের কুসংস্কার সংরক্ষণে সচেষ্ঠ ব্যক্তিদিগের শত চেষ্ঠায়ও অদ্যতের জয় আর হইবে না। “সত্যমেব জয়তে নানৃতম্।”

জন্মান্তরবাদসম্বন্ধীয় মতের মধ্যে প্রচ-

লিত কুসংস্কার ষথাসাধ্যরূপে উল্লিখিত হই-
য়াছে। কিন্তু এ মতের অভ্যন্তরে যে
একটি ধর্ম সত্য নিহিত আছে, তাহারও
উল্লেখ আবশ্যিক। মনুষ্যের কি বাস্তবিক
জন্মান্তর নাই? তাহা নহে। নিশ্চয়ই
মনুষ্যের জন্মান্তর আছে। প্রাচীন আৰ্য
ঋষি, শ্রীকৃষ্ণ, শ্রীবুদ্ধ, শ্রীঈশা, শ্রীচৈতন্য,
শ্রীনানক সেই জন্মান্তর লাভ করিয়া-
ছিলেন। নারদঋষি পূর্বজন্মে দাসীপুত্র
ছিলেন। জন্মান্তরে তিনি দেবর্ষি হইয়া-
ছিলেন; রাজা শুক্লোদন-তনয়-সিদ্ধার্থ
জন্মান্তরে বুদ্ধদেব হইয়াছিলেন। তিনি
বুদ্ধদেবরূপে কপিলাবস্ত নগরে তিক্ষাকার্যে
রত হইলে রাজা শুক্লোদন তাহাকে বলি-
লেন, রাজতনয় হইয়া তুমি তিক্ষা কর
কেন? তিনি বলিলেন, “আমি পূর্বতন
বুদ্ধদিগের বংশধর। আমরা বংশানুক্রমে
তিক্ষক।” এ সকল কল্পিত কথা নহে।
বাস্তব সত্য। জন্মান্তর লাভ ভিন্ন মনুষ্য-
জন্ম সফল হয় না! নরোত্তমগণ যেমন
জন্মান্তরে অধিকারী, নরাধমেরাও তেমনি
জন্মান্তরে অধিকারী। পতি মানবতনয়ের
পক্ষে জন্মান্তর অবশ্যস্বামী। সুতরাং
জন্মান্তরবাদ মনুষ্যমাত্রেয়ই মনে জাগ্রত
আছে। এসম্বন্ধে ভ্রান্তমত বিদূরিত হউক
এবং খাটি সত্য সকলে সন্ধান করুন।
জন্মান্তর বিষয়ে খাটি সত্য যেন প্রত্যেক
মনুষ্য প্রত্যক্ষ করিতে সক্ষম হইয়েন ইহাই
বাঞ্ছনীয়।

শিক্ষিত সম্প্রদায় মধ্যেও অনেকে
জন্মান্তরবাদ সম্বন্ধে প্রকৃত সত্য অবেষণ
করেন না। প্রচলিত মত যাহা তাহাই

সত্য স্বীকারপূর্বক অনেক লোক তাহার
অনুকূলে যুক্তি যোজনা করেন। তাহাদের
এক যুক্তি এই—একজন ধার্মিক লোকের
পাঁচটি সন্তান। তাহাদের একটি সুবোধ,
ধর্মভীত; সুকর্মে নিরত। একটি দুষ্-
বুদ্ধি, স্বার্থপর ও হিংসুক। অপরটি
নির্দোষ, বোকা, হিতাহিত জ্ঞানশূন্য।
অথ কোনটি বা বিকলাঙ্গ ইত্যাদি।
পূর্বজন্মের কৰ্মফলের ভিন্নতা জগৎই একই
পিতামাতার পুত্রগণ এরূপ অতুত বিভিন্নতা
প্রাপ্ত হয়। গর্ত্ত্বাবাস ত্যাগ করিয়া কেবল
কৰ্মফলের ভারতম্য জগৎ পরস্পর
বিপরীতাবস্থাপন্ন হইয়া থাকে। এ সকল
ব্যাপারে হয় বিধাতা পক্ষপাতী, নয় মনুষ্য
পূর্বজন্মার্জিত কৰ্মফল ভোগে নিরত।

মানব জীবনের গতি বিধি ও কার্য
বিষয়ে পরম পুরুষ ঈশ্বরের কর্তৃত্ব সত্যতঃ
মান্য করিলে পূর্বোক্তিখিত বিচিত্রতা
সম্বন্ধীয় প্রাহেলিকাভেদ অসাধ্য ব্যাপার
নহে। কিন্তু ভারতবর্ষীয় লোকের ঈশ্বর
বিশ্বাস এবং ধর্মবিশ্বাস নানারূপ জটিল-
তার জড়িত। এখানে মনুষ্যের ধর্ম-
সাধনের সহিত ঈশ্বরের উদ্দেশ্য সাধনের
সামঞ্জস্য নাই। এখানে অধিকাংশ লোকের
ধারণা, ধর্মের উদ্দেশ্য দুঃখ দূর করা।
ভারতবর্ষের ন্যায়শাস্ত্রও দুঃখ নিবৃত্তির
উপায় বিচারে নিরুক্ত। গৌতম সিদ্ধার্থও
দুঃখও দুঃখের মূল বিনাশার্থেই দুঃখের
তপস্চরণই না করিয়াছেন!! ভারতবর্ষের
ধর্মপ্রবর্তক যোগ ভক্তি জ্ঞান এবং কৰ্ম
দ্বারা পরমানন্দ লাভ এবং সুখ দুঃখের
দ্বন্দ্ব রাহিত্য করিয়াছেন। অতএব এ

সকল ব্যাপার দ্বারা প্রমাণিত হইতেছে যে ভারতবর্ষে পরমেশ্বরের পরম পুরুষকার যথার্থরূপে স্বীকৃত হয় নাই। ঐ কারণে অতি উন্নতমনা ধার্মিকগণও ঈশ্বরের উদ্দেশ্য সাধন যে স্ব স্ব জীবনের পরম লক্ষ্য তাহা স্বীকার করেন নাই। মহামনা ব্যক্তিগণের প্রত্যেকে স্বয়ং কোন লক্ষ্য স্থিরপূর্বক তৎসাধনে জীবনের সমস্ত শক্তি প্রয়োগ করিয়াছেন। কোন মহাপুরুষ যোগ, কেহ বা জ্ঞান, কেহ বা ভক্তি প্রেম-সাধনে জীবন ক্ষয় করিয়া গিয়াছেন।

আমিরা ভূখণ্ডের প্রতীচ্য দেশীয় ধর্ম-প্রবর্তক মহাজনগণের জীবনে ঈশ্বর পরম ব্যক্তিরূপে প্রকাশ পাইয়াছেন। এরাহেম মুসা, ঈশা, মহম্মদ প্রভৃতি মহিমান্বিত ধর্ম-প্রবর্তকগণ প্রত্যেকে ঈশ্বরকে অভিপ্রায়পূর্ণ এক ব্যক্তিরূপে দর্শন করিয়াছেন। সুতরাং তাঁহারা ঈশ্বরের পরিচয় লাভানন্তর, স্ব স্ব ইচ্ছা সেই ইচ্ছাময় ঈশ্বরের ইচ্ছাতে সম-র্পণ করিতে বাধ্য হইয়াছেন। ঈশ্বর তাঁহা-দিগের প্রত্যেককে যে আদেশ করিয়াছেন, তাঁহারা স্ব স্ব সুখ দুঃখ, মান অপমান, জীবন মৃত্যু নিরপেক্ষ হইয়া সেই আদেশ পালন করিয়াছেন। উপর্যুক্ত কোন মহাত্মা যোগ ভক্তি জ্ঞান কর্ম সাধন বা ইন্দ্রিয় দমনপূর্বক স্বীয় মুক্তিতা লক্ষ্য করেন নাই।

এরাহেম ঈশ্বর বিপাসী ও পরম ভক্ত ছিলেন। অথচ তাঁহার দুই স্ত্রী ও দুই পুত্র ছিল। তিনি প্রথম পুত্রের প্রতি অত্যন্ত অনুরক্ত ছিলেন। ঈশ্বরের আদেশে স্বীয় ধর্মসাধন জ্ঞানে জলাঞ্জলি দিয়া এরাহেম

সেহা পদ পুত্রকে বলি দিতে উদ্যত হইয়া-ছিলেন। কিন্তু ঈশ্বরের আদেশেই তাহা হইতে তিনি নিরুক্ত হন।

ঈশ্বরের আদেশ পালনই মহাপুরুষ মুসার জীবনের একমাত্র ব্রত হইয়াছিল। তাঁহার প্রচারিত দীতি ও ধর্ম ঈশ্বরের আদেশ প্রকাশ মাত্র।

যীশুখ্রীষ্ট ঈশ্বরকে পিতা সম্বোধন করি-তেন। পিতৃভক্তিরূপ দেব-দুল্লভ-সুধা ঈশা আজীবন পান করিয়াছেন সত্য, কিন্তু ইহলোক পরলোক বা জন্মান্তর সম্বন্ধীয় কোন কল্পনা তরঙ্গে তিনি মূহুর্তের জন্য ভাসিতে পারেন নাই। পিতৃ ইচ্ছা পালনই ধর্ম; পিতৃ ইচ্ছা পালনই জীবন; পিতৃ ইচ্ছা পালনই স্বর্গ; ইহাই যীশুখ্রীষ্টের জীবন এবং মত। দুঃখ, ক্লেশ, নিন্দা, গ্লানি, অপমান এবং মৃত্যু, পিতার ইচ্ছা পালনার্থ সকলই অমৃত। মানাপমানে জীবনমৃত্যুতে বা সুখ দুঃখে কাজে অকাজে কোন পার্থক্য রহিল না। যীশুখ্রীষ্ট প্রথম জন্মে সূত্রধর তনয়। জন্মান্তরে দেবতনয় হইলেন। তিনি জন্মান্তর প্রাপ্ত হইয়া মনুষ্যজাতিকে বলিলেন, মনুষ্যগণ পুনরায় জন্মগ্রহণ না করিলে স্বর্গরাজ্য দর্শনক্ষম হইবে না।

ব্যক্তি ঈশ্বর বাহাদের নিকট প্রকা-শিত না হইয়াছেন তাঁহারা ধর্ম, স্বর্গ, ইহলোক, পরলোক সম্বন্ধে নবনব কল্পনা তরঙ্গে নিজেরা ভাসিয়াছেন, অন্য সকল লোককেও ভাসাইয়া গিয়াছেন। গতানু-গতিকগণ অগ্রাবধি সেই স্রোতে ভাসিয়া যাইতেছে।

এরাহেমাদির শিক্ষা একপ্রকার, দৃষ্টান্ত একপ্রকার, বামদেব জনকাদি ঋষি ও মনু প্রভৃতি শাস্ত্রকারগণের শিক্ষা ও দৃষ্টান্ত অন্যপ্রকার। মানবীয় বুদ্ধি যে রাজ্যে প্রবেশ করিতে সম্পূর্ণ অক্ষম, সেখানে বুদ্ধি খাটাইতে গেলে যে দশা অবশ্যস্তাবী, তাহাই ঘটিয়াছে। আমরা অত্যাশ্চর্য্য কপোল-কল্পনার প্রমাণ স্বরূপ উপনিষদের কতিপয় শ্লোক নিম্নে উদ্ধৃত করিতেছি।

“হস্ত ত ইদম্ প্রবক্ষ্যামি

গুহম্ ব্রহ্ম সনাতনম্।

যথাচ মরণং প্রাপ্য

আত্মা ভবতি গোতম। ৬

যোনি মধ্যে প্রপদ্যন্তে

শরীরত্বায় দেহিনঃ।

স্বাগুন্যেহনুসংযন্তি

যথাকর্ম যথাক্রমতম্ ॥ ৭”

কঠ, ৫ম বঙ্গী।

অর্থঃ—

হে গোতম, এখন তোমাকে এই গুহ সনাতন ব্রহ্মের বিষয় এবং মৃত্যুর পর আত্মা কিরূপ হয় তাহা বলিব।

কর্ম ও বিজ্ঞানানুসারে কোন কোন আত্মা শরীর গ্রহণার্থ যোনি প্রাপ্ত হয়। অন্য কেহ কেহ স্বাবরত্ব প্রাপ্ত হয়।

“ইহ চেদশকদ্ বোদ্ধুং

প্রাক্শরীরস্য বিদ্রসঃ।

ততঃ স্বর্গেষু লোকেষু

শরীরত্বায় কল্পতে ॥ ৪”

কঠ, ৬ষ্ঠ বঙ্গী।

যদি এখানে শরীর পতনের পূর্বে

(ব্রহ্মকে) জানিতে না পারে, তবে সৃষ্ট জীবের আবাস ভূমিরূপ লোক সমূহে সে পুনরায় শরীর ধারণ করে।

যদা সর্কে প্রমুচ্যন্তে

কামা যেহস্য হৃদিপ্রিতাঃ।

অথ মর্ত্যোহমৃতো ভব-

ত্যত্র ব্রহ্ম সমশ্রুতে ॥ ১৪

কঠ, ৬ষ্ঠ বঙ্গী।

যদা সর্কে প্রতিদ্যন্তে

হৃদয়স্যেহ গ্রহয়ঃ।

অথ মর্ত্যোহমৃতো ভব-

তে তাবদনুশাসনম্ ॥ ১৫

অর্থ।

যখন ইহলোকে হৃদয়ের গ্রন্থিসমূহ ছিন্ন হয়, তখন মর্ত অমর হয় এইমাত্র উপদেশ (শাস্ত্রের)।

ঋষিগণ স্ব স্ব চিত্তে প্রকাশিত ব্রহ্ম সম্বন্ধীয় দিব্যালোক অনুসারে, অন্য লোক-দিগকে ব্রহ্মসম্বন্ধে জ্ঞান দেওয়ার সঙ্গে সঙ্গে জন্মান্তর ও অমৃত লোক সম্বন্ধে আপনাআপন ধর্মবুদ্ধি ও অনুমান জনিত সিদ্ধান্ত প্রকাশ করিয়াছেন, এবং তাহাই অন্যকে উপদেশ দিয়াছেন। ইহা কি উজ্জ্বল আলোকের পশ্চাৎবর্তী অন্ধকার নহে।

মনুষ্যদিগের ইহকালের পরবর্তী অবস্থা কোন মনুষ্য অন্যের নিকট ঠিকরূপে প্রকাশ করিতে পারে? ঈশ্বরই সর্কজ্ঞ। ঈশ্বরের নিকট মনুষ্যের যেমন ইহলোক তেমন পরলোকের সকল তত্ত্বই বিদিত। ঐহারা ঈশ্বরের নিকট নিশ্চিতরূপে পর-লোকতত্ত্ব জানিতে পারেন, তাঁহারা তাহা প্রকাশও করিতে সক্ষম। তদ্বিন্ন কল্পনা

বিস্তার ভিন্ন মনুষ্য আর কি করিবে ? যোগ-বল, জ্ঞানবল বা কৰ্মবল সহায়ে মনুষ্যদিগের অনন্ত জীবনের রহস্যোদ্বেদ কোন ব্যক্তি করিতে পারেন নাই । বরং কেহ কেহ ঈশ্বর এবং মনুষ্যের ব্যক্তিগত সাক্ষাৎ সম্বন্ধ বিষয়ে অদ্বিত অনভিজ্ঞতা প্রকাশ করিয়াছেন । ঈশ্বর যাঁহাদের নিকট বাসায় পরম পুরুষরূপে আত্ম পরিচয় প্রদান করিয়াছেন, তাঁহারা ইহা পূর্ণা, সুখ দুঃখ, ইহজীবন ও পরজীবন বিষয়ে প্রকৃত তত্ত্ব হইয়াছেন । যাঁহারা আপনাদের লক্ষ্যজ্ঞান সাহায্যে মানব জীবনের পরবর্তী অবস্থার তত্ত্বনির্দেশনে সচেষ্ট হইয়াছেন, তাঁহাদের উক্তি নিতান্ত প্রশ্না পোক্তিক সদৃশ । কাজেই উহার অনেক কথাতে সত্যের লেশ মাত্র নাই বলিলেই হয় ।

ক্রমশঃ

আমাদের অদূর ভবিষ্যৎ ।

কোনও একটী ইংরাজী পত্রিকায় জগৎ-বিখ্যাত বৈজ্ঞানিক আবিষ্কারক এডিসন, অদূর ভবিষ্যতে বৈজ্ঞানিক আবিষ্কারে কি কি পরিবর্তন সমুপস্থিত হইবে, তিনি তাঁহার জ্ঞানচক্ষু দ্বারা যাহা নিরীক্ষণ করিতেছেন, তাহাই প্রকাশিত হইয়াছে ।

স্বর্ণ ।

এডিসন বিশ্বাস করেন যে, আর অধিক দিন স্বর্ণের আদর থাকিবে না । লৌহের স্থায় স্বর্ণও রাত্রিকালে বাহিরে পড়িয়া থাকিবে, কেহ তাহা অপহরণ করিবে না । কোন ব্যক্তিই স্বর্ণমুদ্রা বেতনস্বরূপ গ্রহণ

করিবে না । তখন কোন জাতিই স্বর্ণমুদ্রা নিবারণ করিবে না । কারণ তিনি মনে করেন, শীঘ্রই হটুক বা বিনস্বেই হটুক কিন্তু নিশ্চয় এমন দিন আসিবে, যখন স্বর্ণপ্রস্তুত করিবার উপায় উদ্ভাবিত হইবে । স্বর্ণপ্রস্তুত করিবার উপায় নিশ্চয়ই আবিষ্কৃত হইবে, কারণ যথার্থ পরিমাণে ও রূপে পদার্থের সংমিশ্রণই স্বর্ণ ও এতদ্যতিরেকে ইহার আর কিছু বিশেষত্ব নাই । এতদ্বারা ইহাই সপ্রমাণ করিতে চাই যে, সকল পদার্থই সমান । স্বর্ণ ও রৌপ্যের প্রভেদ এই যে, পদার্থের পরিমাণের বিভিন্নতা ও বিভিন্ন অবস্থার ভিতর দিয়া গঠিত । কে বলিতে পারে, নবাবিকৃত রেডিয়ম ধাতুর অল্পমূল্য ধাতুকে বহুমূল্য ধাতুতে পরিণত করিবার ক্ষমতা নাই ? যদি রেডিয়মের সে গুণ না থাকে, তবে নিশ্চয়ই অত্র কোন পদার্থের সে গুণ আছে ।

যান ।

এদিকে আবার স্থলপথে যাতায়াতের বিষয়ে যুগান্তর উপস্থিত হইবে । বাষ্পীয় যান তার চরম সীমায় উপস্থিত হইয়াছে । আমাদের ভবিষ্যৎ-শীঘ্রগণ, যাহারা নগরে বর্ধিত হইবে, তাহারা বিত্ৰালয়ে গিয়া প্রথম বাষ্পীয় যানের কথা শ্রবণ করিবে । নগর হইতে দূরে, যেখানে দ্রুতগামিনী প্রভাস্ত্রী নাই ও লোকসংখ্যাও অধিক নয় এরূপ কোনও স্থানে না গেলে বাষ্পীয় যান দেখিতে পাইবে না । যে সকল প্রদেশে খরপ্রোতা নদী থাকিবে, সে সকল স্থানে জলপ্রোতচালিত চক্র দ্বারা উৎপন্ন তাড়িত দ্বারা রেলগাড়ী যাতায়াত করিবে । নগর

সমূহে বাষ্পের পরিবর্তে তাড়িত দ্বারা এঞ্জিন সকল চালিত হইবে ।

নবাবিকৃত বায়ুযান বা এয়েররেনের বিষয়েও তিনি এইরূপ বলেন । এ বিষয়ে বলিতে আরম্ভ করিবার পূর্বে তিনি একটি ঘটনার উল্লেখ করেন । দশ বৎসর পূর্বে একদা তিনি তাঁহার ফ্লোরিডা প্রদেশের শীতকালীন রাসায়নিক পরীক্ষাগারের সম্মুখে বসিয়াছিলেন । তখন আকাশ অত্যন্ত পরিষ্কার ছিল । রৌদ্র উঠিয়াছিল, ও আকাশ নিস্তরু ছিল । নিকটবর্তী কোন একটী কারখানার ধূম নির্গমনের পথ (chimney) হইতে সহস্র ফিট উর্দ্ধ পর্যন্ত ধূম উখিত হইতেছিল । একটী বাজপক্ষীও সেই উর্দ্ধ স্থানে ভ্রমণ করিতেছিল । এডিসন দেখিতেছিলেন, পক্ষীটা বৃত্তাকারে ঘুরিতেছিল । মধ্যে মধ্যে একবার শত ফিট নীচে নামিয়া আসিতেছিল ও পুনরায় উর্দ্ধে উঠিতেছিল । কিন্তু তিনি ইহাই লক্ষ্য করিতেছিলেন যে পক্ষীটা উর্দ্ধেই উঠুক বা নিম্নদিকেই আসুক, ইহা মোটেই পক্ষ সঞ্চালন করিতেছিল না । কিন্তু সকল সময় ইহার পক্ষদ্বয় পৌনে তিন ষটিকার সময় ষড়ির হস্তদ্বয়ের ন্যায় সরলভাবে ছিল । এডিসন দেখিয়া আশ্চর্য-বিত হইলেন যে বায়ু প্রবাহিত হইতেছে না, পক্ষও সঞ্চালন করিতেছে না, তথাপি কিরূপে পক্ষীটা উর্দ্ধে অবস্থিত করিতেছে । কিরূপেই বা পক্ষ সঞ্চালন ব্যতিরেকে নিম্ন হইতে উর্দ্ধে উঠিতেছে । কিন্তু সে সময়ে বহু চিন্তা করিয়াও ইহার মীমাংসা করিতে পারিলেন না । নয় বৎসর পরে ইহার কারণ বুঝিতে পারিলেন ।

তিনি বলেন আমি এখন ইহার কারণ বাহির করিয়াছি । ইহা শব্দ তরঙ্গের উপর ভাসিতেছিল যে তরঙ্গ তাহার পক্ষদ্বয়ের অভ্যন্তরস্থ ক্ষুদ্র ক্ষুদ্র পালক দ্বারা উৎপন্ন হইতেছিল ।

তাঁহার এই ঘটনা বলিবার উদ্দেশ্য এই যে বাতাসে কোনরূপ আঘাত করিলেই তরঙ্গ উপস্থিত হয় । বাতাসে গুরুতর আঘাত করিলে যে তরঙ্গ উৎপন্ন হয় সেই তরঙ্গ আমাদের কর্ণে শব্দরূপে প্রতিভাত হয় । সেই প্রকার তরঙ্গকে শব্দ তরঙ্গ বলা হয় । এডিসন বিশ্বাস করেন যে সেই সকল ক্ষুদ্র ক্ষুদ্র পালক দ্বারা বাতাসকে দ্রুত সঞ্চালন করিয়া পক্ষীটা উর্দ্ধে উঠিতেছিল । ঠিক এই কৌশলদ্বারা একজাতীয় বৃহৎ গুন্‌গুন্‌কারী মধুমক্ষিকা উড়িয়া বেড়ায় ।

এই গুন্‌গুন্‌কারী মধুমক্ষিকা এডিসনের অত্যন্ত প্রিয় । তিনি বলেন এয়েররেনের উন্নতি করিতে হইলে আমাদের ইহার নিকট হইতে অনেক শিক্ষা করিতে হইবে । এডিসন বিশ্বাস করেন বর্তমানে যে প্রকার এয়েররেন আদৃত হইতেছে শীঘ্রই তাহা অপ্রচলিত হইয়া যাবে । মধুমক্ষিকার কৌশল অবলম্বনে নিশ্চিত নববায়ুযান আরোহীদিগকে লইয়া ষটায় শতাধিক মাইল যাইবে ।

লৌহ ও ইস্পাত ব্যবহার বিষয়ে ইহা অপেক্ষা আশ্চর্য্য পরিবর্তন সকল সমুপস্থিত হইবে । ইস্পাত দ্বারা পুস্তকের আচ্ছাদন প্রস্তুত হইবে । এমন কি পুস্তকের পৃষ্ঠা রূপে ইস্পাতের পাত ব্যবহৃত হইবে ।

যদিও এডিসন নিকেলের পৃষ্ঠা অধিকতর সুবিধাজনক বিবেচনা করেন।

নিকেলনির্মিত পৃষ্ঠা সহজেই কালী শোষণ করে। একখণ্ড কাগজ অপেক্ষা, এক ইঞ্চির বিংশতিসহস্র ভাগের এক ভাগ পুরু নিকেলের পৃষ্ঠা, অনেক অল্প মূল্যে পাওয়া যাইবে, সমধিক দৃঢ় হইবে ও সহজে নত হইবে। দুই ইঞ্চি পুরু পুস্তকে চল্লিশ সহস্র পৃষ্ঠা থাকিবে। ওজন অর্ধসেরের অধিক হইবে না। অর্ধসের নিকেলপৃষ্ঠা প্রস্তুত করিতে পঞ্চাশ মাত্র ব্যয় হইবে। সত্যাবের নিয়মে অনতিবিলম্বেই গৃহের আসবাব নির্মাণ করিতে, কাঠের পরিবর্তে ইস্পাত ব্যবহৃত হইবে। কাঠের মূল্য বৃদ্ধি হওয়া তাহার একটা প্রধান কারণ। এডিসন বলেন ইতিপূর্বেই একটা কারখানাতে আফিসের ব্যবহৃত দ্রব্যাদি ইস্পাতে প্রস্তুত হইতেছে। চেয়ার টেবিল ডেব্ল ইত্যাদি প্রস্তুত করিবার জন্ত ইস্পাতের পাত হইতে তাহাদের বিভিন্ন অংশ গুলি বাহির করিয়া লওয়া হয়।

কাঠ দ্বারা একটা দ্রব্য প্রস্তুত করিতে যত ব্যয় হইবে, ইস্পাত দ্বারা প্রস্তুত করিতে তাহার একপঞ্চমাংশ লাগিবে। ইস্পাত নির্মিত দ্রব্য হালকা হইবে, কারণ কোন দ্রব্য নির্মাণ করিতে অল্প পরিমাণ ইস্পাতের প্রয়োজন হইবে। পালিস করা ইস্পাতের দ্রব্য অতিশয় সুন্দর দেখাইবে। মেগনি, ওক প্রভৃতি যে কোন প্রকার কাঠের বর্ণের অনুরূপ তাহাদের বর্ণ করিয়া দেওয়া হইবে।

আমরা “ইস্পাতের যুগ” আসিতেছে

বলিয়া বড়ই আশ্চর্য করিতেছি, বাস্তবিক তাহাতে কিছু অহঙ্কার করিবার নাই। ইস্পাতাপেক্ষা উন্নততর আর কোন পদার্থ আমরা জানি না সে জন্যই ইস্পাতের এত প্রাধান্য। ইস্পাতের প্রচলন একটা মহা-ভ্রান্তি, কারণ ইস্পাত অতি মহার্ঘ।

প্রাচীন মিশর বাসীগণ রৌদ্র-শুক ইষ্টক দ্বারা গৃহ নির্মাণ করিত। রৌদ্র-শুক হইতে অনেক বিলম্ব হয় সে জন্য আমরা এখন অগ্নি দ্বারা অতি অল্প সময়েই তাহা সম্পন্ন করি। কিন্তু আমাদের আর অধিক উন্নতি হয় নাই এখনও ইষ্টক ও ইস্পাত দ্বারাই আমাদের গৃহ নির্মিত হয়। এই বিংশ শতাব্দীতেও ইষ্টক ও ইস্পাতব্যবহার করা পাগলামি বলিয়া বোধ হয়। চূণ, বালুকা ও প্রস্তরখণ্ড মিশ্রিত করিয়া তাহাতে কঠিন চাপ দিয়া যে একপ্রকার দ্রব্য প্রস্তুত হয় (Reinforced concrete) তাহা দ্বারা গৃহ নির্মাণ করিলে ইষ্টক ও ইস্পাত নির্মিত গৃহ অপেক্ষা উৎকৃষ্ট হইবে ও অল্পব্যয়ে হইবে। যাহারা এখনও ইষ্টক ও ইস্পাত দ্বারা গৃহনির্মাণ করে, তাহারা অনেক পশ্চাতে পড়িয়া রহিয়াছে। যাহারা কাঠদ্রব্য ব্যবহার করে, তাহারা নিতান্ত নিরোধ রহিয়াছে। কারণ, কেবল এক আমেরিকা মহাদেশেই প্রতিবৎসর কাঠদ্রব্য দ্রুত হইয়া প্রায় দশ কোটি পাউণ্ড ক্ষতি হয়। ভাবিয়া দেখুন, ইহাতে কত পরিশ্রম ও পদার্থের ক্ষয় হইতেছে। এ প্রকার অপব্যয় করিবার কি আবশ্যক? প্রথমতঃ উপরি উক্ত চূণ বালুকা প্রস্তর মিশ্রণের মূল্য অনেক কম, দ্বিতীয়তঃ ইহা

অগ্নিতে দগ্ন হয় না। এই উপাদানে নির্মিত গৃহকে চিরস্থায়ী বলা যায়। ত্রিশ বৎসরের মধ্যে সুরম্য হ্রাস ও বৃহৎ বৃহৎ কার্যালয় এই উপাদানে নির্মিত হইবে।

এডিসন বলেন, ব্রুকলিন ও সিনসিনেটী নগরে এই নব আবিষ্কৃত উপাদান-নির্মিত চতুর্দশতলবিশিষ্ট দুইটা উচ্চ উচ্চ অটালিকা আছে। ভূমিকম্পে ইহা ভাঙা হয় না।

এডিসন বলেন, টেলিফোন অপেক্ষা উৎকৃষ্টতর কোনও উপায় আবিষ্কৃত হইবে। তাহা তাড়িতবাহী, ভারবিহীন তাড়িতবাহী এসকল অপেক্ষা অধিক সুবিধাজনক হইবে।

কৃষিকার্যের যুগান্তর অবশ্যস্বাবী। কৃষকসমাজকে আন্দোলিত করা প্রয়োজন, তাহাদের মস্তিষ্কের চালনা আবশ্যিক। বুদ্ধিমান কৃষক সম্ভারগণ অর্গেপার্জেনের জন্য নগরে গমন করিতেছে, কিন্তু ইহা তাহাদের জানা আবশ্যিক যে, কৃষি বিদ্যায় সেরূপ মস্তিষ্কের চালনা প্রয়োজন, অন্য কোন বিষয়েই সেরূপ নয়। এডিসন বিশ্বাস করেন বর্তমানের কৃষকশ্রেণী ও বর্তমানের কৃষিপ্রণালী শীঘ্রই আর দেখা যাইবে না। বর্তমানের এই কৃষক শ্রেণীর স্থান অধিকার্যেই প্রথর-দৃষ্টি-সম্পন্ন কার্য-কুশল, মুং-রসায়নবিদ, উদ্ভিদতত্ত্ব-বিদ, ও অর্থনীতিবিদ এক সম্প্রদায় অধিকার করিবে। তখন অভিনব কৃষিযন্ত্র সকল আবিষ্কৃত হইবে, যাহাদের তুলনায় আজ কালকার যন্ত্র সকল অত্যন্ত আদিম অবস্থার মনে হইবে। তাড়িত-চালিত লাঙ্গল

একেবারে দ্বাদশটা খাত খনন করিবে, ও যন্ত্র দ্বারা বীজ বপন করা হইবে।

বিংশতি বৎসর পূর্বে বিজ্ঞান সম্মত কৃষি কার্যের বিষয়ে লোকে কিছুই অবগত ছিল না। কৃষি ক্ষেত্রের অহুর্দারতার কারণ কিছু কিছু জানা যাইতেছে। মৃত্তিকাকে উর্বরতা দান করিবার উপায়ও আবিষ্কৃত হইতেছে। সেই সঙ্গে সঙ্গে অভিনব কৃষিযন্ত্র সকল আবিষ্কৃত হইতেছে।

ভবিষ্যতে যুদ্ধবিগ্রহের কিরূপ উন্নতি হইবে তাহা বিবৃত করিয়া এডিসন তাহার ভবিষ্যদ্বাণীর উপসংহার করিয়াছেন। মানব হত্যার অভিনব যন্ত্র ও উপায় সকল প্রাদুর্ভূত হইবে। রণতরী সকল অসংখ্য কামান দ্বারা সজ্জিত হইবে, যাহার ফলে হয় বিধ্বাস্ত্রী বিপ্লব, কিম্বা বিশ্বজনীন শান্তি সংস্থাপিত হইবে।

অবিসংখ্যই মানাবিধ দ্রব্য-প্রস্তুতকারী কলের উন্নতি হইবে। যে সকল অসুবিধা ও অসুখ আছে তাহা দূরীভূত হইবে। কলের এক প্রান্তে বস্ত্র, বোতাম, সূতা ইত্যাদি পোষাকের সকল উপকরণ প্রস্তুত হইবে, অপর প্রান্ত হইতে পোষাক প্রস্তুত হইয়া, ও সেইসঙ্গে বাস্তব মধ্যে প্যাক হইয়া বাহির হইবে। ছাপাখানা হইতে বাধান বই সকল একেবারে বাহির হইবে। অর্থাৎ এখন কলে কোনও দ্রব্যের বিভিন্ন অংশ প্রস্তুত হইয়া বাহির হইতেছে, মনুষ্য হস্ত দ্বারা অংশগুলি সংযোজিত হইতেছে, কিন্তু তখন ভিন্ন ভিন্ন অংশ সকল প্রস্তুত হইয়া পরস্পর সংযোজিত হইয়া বাহির হইবে।

হ্যালিবার্টন পত্নীর জীবনের পরীক্ষা।

(পূর্বানুবৃত্তি)

মিঃ অ্যালেন বলিলেন—“আমি যতদূর বুঝতে পারলাম তাতে সত্যি কথা হচ্ছে এই যে তোমার আসন্ন কোন বিপৎপাতের সম্ভাবনা নেই।”

হ্যালিবার্টন কতকটা রুক্ষ ভাবে উত্তর করিলেন—“ডাঃ ক্যারিংটনও তো বলেন নি যে আমার আসন্ন বিপৎপাতের সম্ভাবনা আছে। আমার বুক ও ফুসফুস সম্পূর্ণ সুস্থ দেখলে কি?”

“না, সুস্থ নহে। কিন্তু তাই বলে আমি এমনও বলতে পারি না যে তারা অতি মাত্রায় রোগগ্রস্ত। সাবধান হ’য়ে চললে তুমি এখনও অনেকদিন বাঁচতে পার।”

“কোন জীবন-বীমা আফিস কি আমার জীবনকে গ্রাহ্য করবে?”

“না, আমার মনে হয় না যে তারা তোমার জীবন গ্রাহ্য করবে।”

অ্যালেন—“ইহা ঠিক আমার আসন্ন মৃত্যুসংবাদে হাঙ্গামা কঠোর।”

ডিকিংসক বলিলেন—“যদি তুমি আমার কথা কে ঐ ভাবে গ্রহণ কর তা হ’লে বস্ত্রিকই তোমাকে আমার মত সরলভাবে জানিয়েছি ব’লে আমি অত্যন্ত দুঃখিত হব। আমি পুনর্বার বলছি—সাবধান হয়ে চললে তুমি বহুদিন ধরে ব্যাধির উপর জয়লাভ করতে পারবে—অনেক দিন বাঁচতে পারবে। যদি এ আমার

দৃঢ় বিশ্বাস না হ’ত তা হ’লে আমি তোমাকে এমন কথা কখনই বলিতাম না।”

“আচ্ছা, ক্যারিংটনের সঙ্গে তুমি কি এ বিষয়ে একমত যে আমার শীঘ্রই লণ্ডন ত্যাগ করা উচিত?”

“হ্যাঁ। আগার মনে হয় কোন পল্লী-গ্রামে গিয়ে বাস করতে পারলে তোমার ব্যায়াম শীঘ্র সেরে যেতে পারে। আর তুমি তো এর আগে অনেকবার আমাকে ব’লেছ যে লণ্ডনের জল হাওয়া তোমার কিছুতেই সহ্য হয় না।”

হ্যাঁ সে কথা আমি বলেছি বটে। এখানে আমার শরীর কখনও ভাল থাকে না—এটা সত্য কথা। আচ্ছা এ বিষয়ে কি করা যেতে পারে আমি বিবেচনা ক’রে দেখি। এখন বিদায় হই।”

যদিও অ্যালেনের রায় ডাক্তার ক্যারিংটনের ন্যায় একেবারে নিরাশার ঘন তমসচ্ছন্ন বলিয়া বোধ হইল না, তথাপি ইহাতেও তিনি উজ্জ্বল আলোকের কোন আভাস পাইলেন না। তখন হ্যালিবার্টন সাহস করিয়া বিপদের সম্মুখীন হইতে চেষ্টা করিলেন। তাহার প্রকৃতিই এইরূপ ছিল যে তিনি বিপদে একেবারে ভাঙ্গিয়া পড়িতেন না। কিন্তু ইতঃপূর্বে এরূপ ভয়ঙ্কর বিপদের সম্মুখে তিনি কখনও পতিত হন নাই। যাহাই হউক তিনি ভাবিতে লাগিলেন এক্ষণে কর্তব্য কি? তাহার স্ত্রীর নিকট হইতে এ কথা গোপন রাখিবার কোন সম্ভাবনা নাই। যদি সত্যি তাহাদের বাসভূমি পরিত্যাগ করিয়া কোন পল্লীগ্রামে যাইতে হয় তবে সে বিষয়ে

তাহার স্ত্রীর সহিত পরামর্শ অনিবার্য। সুতরাং যত শীঘ্র জেনকে এ বিষয় জ্ঞাত করা যায় ততই ভাল। তিনি বাড়ীর দিকে চলিলেন এবং সে দিন, নিদ্রা যাইবার পূর্বে প্রিয়তমা পত্নীকে সকল কথা খুলিয়া বলিতে মনস্থ করিলেন।

বাড়ীর সেই ক্ষুদ্র উৎসব দল ভাঙ্গিয়া গেল। আহুত বন্ধুবর্গ স্ব স্ব গৃহে প্রস্থান করিল। ছেলেরা আপন আপন শয্যা গুইয়া পড়িল। তখন মিঃ হ্যালিবার্টন ও জেন অগ্নির নিকটে উপবেশন করিলেন। সে সময়ে শীতের তেমন প্রাবল্য ছিল না বটে, তথাপি সন্ধ্যাকালে গৃহে একটু আশুণ বেষ প্রীতিপদ বোধ হইতেছিল। মিঃ হ্যালিবার্টন অন্যমনস্ক ও বিমর্ষভাবে বসিয়া-ছিলেন। এইবার যখন স্ত্রীকে সকল কথা বলিবার উপযুক্ত অবসর উপস্থিত হইল তখন তিনি সাহস করিয়া সে কথা প্রকাশ করিতে পারিলেন না।

জেন বলিল—“আজ তোমার শরীরটা খুব খারাপ, না? আমি সন্ধ্যা হতে বরাবর লক্ষ্য করে আসছি আজ কেমন তুমি বিমর্ষ হ’য়ে আছ।

“না জেন, আমি ভালই আছি; কৈ তেমন বেশী কিছু খারাপ তো মনে হচ্ছে না। তবে প্রিয়তমে সত্য কথা বলতে কি, আজ তোমাকে একটা অশুভ সংবাদ জানাবার আছে। আমার ইচ্ছে হচ্ছে না যে তোমাকে সে সংবাদটা জানাই।”

জেন দেখিল তাহার আপন পারিবারের সকলেই সুস্থ ও নিরাপদ আছে। তখন তাহার ভয় একবার ফ্যানসিস একবার

মার্গারেট একবার রবার্টের দিকে প্রধাবিত হইল। মিঃ হ্যালিবার্টন তখন বলিলেন—“না জেন, তাদের সম্বন্ধে কোনই অশুভ সংবাদ নেই—এ অশুভ সংবাদ আমার নিজের সম্বন্ধেই।”

“তোমার নিজের সম্বন্ধে? তোমার নিজের সম্বন্ধে অশুভ সংবাদ কি হ’তে পারে?”

“তারা আমার জীবন—সহসা তিনি থামিলেন এবং সেই সময়ের জন্য প্রশান্ত আনন্দময় মূর্তি পরিগ্রহ করিয়া সহাস্যমুখে বলিলেন—“কিন্তু এ সংবাদ তুমি বেশ অবিচলিত চিত্তে শুনতে পারবে তো?”

জেনও হাসিয়া বলিল—“নিশ্চয়ই তা পারব।” জেন ভাবিল এ এমন একটা কি দুঃসংবাদ হ’তে পারে?

“জেন তারা আমার জীবন বীমা করতে রাজি হ’ল না।”

জেনের হৃদয়ের রক্ত চলাচল যেন সহসা থামিয়া আসিল। সে জিজ্ঞাসা করিল—“কেন তারা অস্বীকার করলে?”

“তারা মনে করলে, আমার জীবন বীমা করা সমূহ বিপজ্জনক। তারা মনে করে আমি তেমন সুস্থ ও সবল নই।”

সহসা জেনের মুখমণ্ডল পাংশুবর্ণ ধারণ করিল—ক্ষণকালের জন্য তাহার বাক্য স্তব্ধ হইল না। তাহার পরে সে অল্পটু নিরশার ধ্বনি উচ্চারণ করিয়া তাহার দুইটা কর মর্দন করিতে লাগিল। সে স্পষ্টই বুঝিতে পারিল তাহার স্বামীর এই সংক্ষিপ্ত সংবাদের অন্তরালে আরো অনেক কষ্টের কথা প্রচ্ছন্ন আছে।

৮ম পরিচ্ছেদ ।

জেন চেয়ারে বসিয়া রহিল—সেই বিষাদমুখক অশ্রুট ধরিলি ব্যতীত তাহার মুখে অন্য কোন অস্থিরতার লক্ষণ দেখা গেল না। মিঃ হ্যালিবার্টন সেই মুহূর্তে তাহার দিকে তাকাইতে পারিলেন না। তিনি এক হস্তে গণ্ডাস্তল রাখিয়া গৃহরক্ষিত অগ্নির দিকে তাকাইয়া রহিলেন। জেন বিষাদমুখক ধরিলে তিনি তাহার অপর হস্তখানি ধীরে ধীরে জেনের স্ক্রোকো-পরি স্থাপন করিলেন।

“জেন, যদি আমি আগে বুঝিতে পারিতাম যে তুমি এ বিষয়ে অন্ধকারের দিকটাই দেখিবে তাহা হইলে আমি তোমার কাছে সকল কথা প্রকাশ করিতাম না। তোমার এ কথা ভাবিয়া দেখা উচিত যে আমি যে তোমাকে সকল কথা অকপট চিত্তে খুলিয়া বলিয়াছি ইহাতেই বুঝা যাইতেছে যে আমার তেমন গুরুতর কিছুই ঘটে নাই।” হ্যালিবার্টন প্রকৃতমুখে এই কথাগুলি উচ্চারণ করিলেন। তিনি দেখিলেন যে যখন অশ্রুত সংবাদ একবার প্রকাশ করাই হইয়াছে তখন যাহাতে উহা হইতেও জেনের মনে সা না আসে সেই-রূপই করা উচিত।

“তুমি বন্ধে যে তারা তোমার জীবন বীমা করিতে স্বীকৃত হয় নাই।”

“দেখ জেন, ও কথাটা বলা আমার ঠিক হয় নাই, কারণ তারা এখনও অস্বীকার করে নাই। তবে ডাক্তার ক্যারিংটন বলেন যে, তিনি আমার সম্পূর্ণ সুস্থতা

সহস্কে অবগু সার্টিফিকেট দিতে পারবেন না।”

“তা হলে দেখছি তুমি ডাক্তার ক্যারিংটনের কাছে গিয়েছিলে?”

“হ্যাঁ জেন, গিয়েছিলেম। জেন, তোমার কাছে সত্য গোপন করেছি বলে তুমি মনে কিছু করে না। আমি সব ছেলেপুলেদের সামনে এ কথা স্পষ্ট করে তোমাকে বলতে পারিনি।”

জেনের মস্তক মিঃ হ্যালিবার্টনের স্ক্রোকো-পরি পড়িল। সে তখন ধীরে ধীরে বলিল—“তুমি এ সহস্কে সমস্ত কথা আমার খুলে বল।”

“জেন, আমি প্রায় সবই তোমাকে বলেছি। আমি ডাঃ ক্যারিংটনের সঙ্গে দেখা করলাম, তিনি আমাকে নানারূপ প্রশ্ন জিজ্ঞাসা করলেন। তার পর তিনি আমার বুক পরীক্ষা করে দেখলেন। তিনি মনে করেন যে আমার ফুসফুস সম্পূর্ণ সুস্থ নয়, সেই জন্ত তিনি সার্টিফিকেট দিতে অস্বীকার করলেন।”

“তিনি মনে করেন তোমার বুক ভাল নয়?”

“তিনি বলেন ফুসফুস ভাল নয়।”

“উঃ—তিনি আর কি বলেন?”

মিঃ হ্যালিবার্টন যথাসম্ভব প্রকৃতভাবে উত্তর করিলেন—“তিনি হৃদয় যন্ত্র কিংবা অল্প কোন অত্যাগতক যন্ত্রের কথা বলেন না, তা হতে আমার মনে হয় যে সে সব সম্পূর্ণ সুস্থই আছে—সুতরাং তাদের সহস্কে কিছু বলবার নাই। জেন, তোমার কাছে এ কথা বলবার আমার কোনই প্রয়োজন

ছিল না, তবে কিন! ডাক্তার আমাকে এক সমাজজনক উপদেশ দিয়েছেন, সেই জন্ত তোমাকে সব খুলে বলতে হ'ল।”

জেন তাহার চেয়ারে হতাশভাবে বসিয়া সামীর দিকে তাকাইয়া রহিল। আবার তাহার মুখখানি পাংশবর্ণ হইবার উপক্রম হইল। মিঃ হ্যালিবার্টন বলিলেন—

“ডাক্তার ক্যারিংটন আমাকে বিশেষ করে অনুরোধ করলেন, আমি যেন শীঘ্র লগুন ছেড়ে চলে যাই। যদি ভাল হতে হয়, তবে আমার এরূপ করা একান্ত কর্তব্য—এই তাঁর মত। এই উপদেশ শুনে অবধি আমি যে কি করব কিছুই ভেবে উঠতে পারছি না—মন বড় চঞ্চল হয়েছে। সুতরাং তুমি যে আজ আমাকে বিগর্ষ দেখবে সে কিছু আশ্চর্য নয়।”

জেন জিজ্ঞাসা করিল—“তিনি কি তোমার ব্যারারাম খুব শক্ত মনে করেন?”

“জেন, তিনি এ কথা বলেননি যে, আমার ব্যারারাম খুব শক্ত। তুমি নিজেই তো দেখতে পাচ্ছ যে আমার এমন কিছু গুরুতর ব্যাধি উপস্থিত হয়নি। তিনি শুধু বলেন যে, আমার ফুসফুস তেমন—”

জেন বলিল—“তেমন ভাল নয়?”

“হ্যাঁ, তাই বটে—ভাল নয়—সুস্থ নয়—হ্যাঁ, তাই। ডাক্তাররা সামান্য একটু খুঁৎ পেলেই গুরুতর বলে থাকে। ডাঃ ক্যারিংটন আমাকে বিশেষ করে অনুরোধ করলেন, আমি যেন শীঘ্রই লগুন ছেড়ে অগ্রত্ৰ যাই।”

“কত দিনের জন্ত তিনি বলেন?”

“তিনি বলেন—চিরদিনের জন্ত।”

জেন চমকিয়া উঠিল। “তা কেমন করে হ'তে পারে?”

“তাইতো আমিও ভেবে ঠিক করতে পারছি না। লগুন ছেড়ে যাওয়ার অর্থ—আমার জীবিকার উপায় ছেড়ে যাওয়া। এখন তুমি বুঝতে পারছ, চ'এর সময় কেন আমি তেমন অশ্রমণক হ'য়েছিলাম। যখন তুমি আমাকে বাইরে যেতে দেখলে, তখন আমি অ্যালেনের কাছে যাচ্ছিলাম।

জেন ব্যগ্রভাবে জিজ্ঞাসা করিল—“তিনি কি বলেন?”

“ডাক্তার ক্যারিংটনের সঙ্গে তুলনা করে দেখলে, তিনি যা বলেন সে তেমন কিছুই নয় বলেই হয়। তবে এক বিষয়ে তিনি ক্যারিংটনের সঙ্গে একমত তিনিও বলেন—আমার লগুন ছেড়ে অগ্রত্ৰ বাস করা উচিত।”

জেন ক্ষণকাল নীরব থাকিয়া বলিল—“আমার এ বিষয়ে যা কর্তব্য বলে মনে হয়, তা তোমাকে বলছি। আমি এসমস্কে বেশী ভেবে দেখবার সময় পাইনি, কিন্তু আমার মনে হয় যে, তোমার আর একজন ডাক্তারকে দেখান উচিত।—তিনি কি বলেন তাঁর পরামর্শ নেওয়া উচিত। যে ডাক্তার ফুসফুসের রোগসমস্কে বিশেষ পারদর্শী তাঁকেই দেখান কর্তব্য। আর দেরি না করে কালই তুমি সেইরকম একজন ডাক্তারের কাছে যাও। তিনিও যদি বলেন যে তোমার লগুন ত্যাগ করা উচিত, তা হলে আমাদের যতই ব্যয় আর অসুবিধা হোক না কেন আমাদের অবশ্যই এ স্থান ত্যাগ করতে হবে।”

এই পরামর্শটী হ্যালিবার্টনের মনে লাগিল—তিনি এই উপদেশ অনুসারেই কার্য্য করিতে মনস্থ করিলেন। কিন্তু তাঁহার মনে কেমন একটা দৃঢ় ধারণা জন্মিয়াছিল যে, তিনি যে ডাক্তারের কাছেই যান না কেন, সকলেরই মত ডাঃ কেরিংটনের অনুরূপ হইবে। অবশ্য জেনকে তিনি এ কথা বলিলেন না—বরং জেনকে তিনি বলিলেন যে, এই সকল জীবনবীমা অফিসের ডাক্তারেরা নিজেদের অফিসের খাতিরে অনেক সময় অথবা মাত্রায় সাবধান হইয়া থাকে। এইরূপ স্তোভবাক্যে তিনি নিজের হৃদয়কেও কতকটা বুঝাইয়া রাখিতে লাগিলেন।

জেন জিজ্ঞাসা করিল—“তুমি তোমার জীবন বীমার জগ্গ অগ্গ কোন অফিসে দরখাস্ত করিবে কি?”

“অগ্গত দরখাস্ত করা বৃথা মনে না করিলে অবশ্য আমি অগ্গত দরখাস্ত করিতাম।”

“তুমি কি মনে কর সেটাও নিরর্থক হবে?”

“সকল অফিসই আপন আপন মনোমত ডাক্তার নিযুক্ত করে রাখে। আর আমার বিধাস ঐসব ডাক্তারেরা অনাবশ্যকরূপে অতি-সাবধান হয়। জেন, তারা লোকের স্বাস্থ্য সম্বন্ধে কিছুতেই সন্তুষ্ট হয় না।”

জেন বলিল—“যদি তোমার বাস্তবিক কোন গুরুতর পীড়া হ'য়ে থাকে, তা হ'লে অবশ্য কোন অফিসই তোমার জীবন বীমা করতে রাজি হবেন। কিন্তু প্রকৃতপক্ষে যদি তোমার তেমন কিছুই গুরুতর না হয়ে থাকে, যদি এটা কেবল একটা সাময়িক অসুস্থতা মাত্র হয়, তবে তারা সম্মত হবেন কেন?”

হ্যালিবার্টন বিষন্নভাবে উত্তর করিলেন, “হাঁ, সে কথা সত্য বটে। হায়! জেন, আমার এমন ব্যাধি হবার পূর্বে যদি আমি জীবন বীমা করে রাখতাম, তা হ'লে আজ

আমার মনে কত শান্তি হ'ত। গতজীবনের এতটা সময় আমি বৃথা ক্ষয় ক'রেছি! সন্তান ও পরিবারবর্গের ভবিষ্যৎ ভরণ-পোষণের জগ্গ আমি যে কিছুই সক্ষম ক'রে রাখতে পারিনি!”

হায়! মানুষের মধ্যে কয়জন এমন সৌভাগ্যবান আছেন, যাহারা গতজীবনের কথা স্মরণ ও আলোচনা করিয়া অকপট-চিত্তে বলিতে পারেন যে, তাঁহাদের পূর্ব-জীবন কোন না কোন প্রকারে বৃথা ব্যয়িত হয় নাই?

(ক্রমশঃ)

শ্রী বিনয়ভূষণ সরকার।

মহিলাদিগের রচনা।

নারীর কর্তব্য।

আজ কাল আমাদের দেশের শিক্ষিত সম্প্রদায় সকলেই একবাক্যে বলিতেছেন যে স্ত্রীলোকদিগের উন্নতি বাতীত দেশের প্রকৃত মঙ্গল নাই। কারণ দেশের যাহারা ভাবী আশাস্তল তাঁহারা সেই সন্তানদিগের জননী। মা ভাল না হইলে ভাল সন্তান হয় না ইহা পণ্ডিতগণের চিরদিনের মত। এবং ইহার প্রমাণ স্বরূপ দেখাও যায় যে যত সাধু মহাত্মা পৃথিবীতে এ পর্য্যন্ত জন্ম গ্রহণ করিয়াছেন, সকলেই সংস্কার জননীর দ্বারা প্রতিপালিত হইয়াছিলেন। সেইজন্য আমাদের দেশের গুণাকাজক্ষী মহোদয়গণ স্ত্রীদিগের উন্নতির জন্য প্রাণ-প্রাণ চেষ্টি করিতেছেন। তাঁহারা বুঝিয়াছেন যে শিক্ষা বাতীত নারীগণ যথার্থ উন্নত হইতে পারিবেন না। শিক্ষাগীন জীবন পশুর জীবন। কিন্তু শিক্ষা আবার প্রকৃত শিক্ষা হওয়া চাই—যে নিজের মঙ্গল নিজে জানে না, সে অপরকে মঙ্গল দিবে কি করিয়া? না যদি সত্যবাদিনী না হন তা হলে তিনি সন্তানকে কিরূপে সত্য শিক্ষা দিবেন? মায়ের হৃদয়ে যদি অকপট ঈশ্বর

বিশ্বাস না থাকে তা হলে সন্তান কিরূপে বিশ্বাসী হইবে? বিধাতার নিয়মে সন্তান হইলেই জননীগণ তাহাকে পালন করিতে বাধ্য। মাতৃহৃদয় স্বভাবতঃই মেহশীলা কিন্তু অন্ধ মেহে সফল ফলিবার বেশী সম্ভাবনা নাই। সন্তানগণকে শুধু খাওয়াইয়া পরাইয়া তাহাদের শরীরের উন্নতি করিলেই যথেষ্ট হইবে না; শিশুকাল হইতে তাহাদের মনের উন্নতির জন্যও সচেষ্টি থাকিতে হইবে। যে পরিবারে পিতামাতা সন্তান-গণের সহিত প্রাণ খুলিয়া মেশেন, সে পরিবারের সন্তানদিগকে প্রায়ই মন্দ হইতে দেখা যায় না কারণ তাহারা পিতামাতার সম্মুখে নির্ভয়ে তাহাদের সরল মনের কথা গুলি ব্যক্ত করিবার সুযোগ পায়। আর যদি পিতামাতা তাহাদের নিকট বিজ্ঞের ন্যায় গভীর হইয়া থাকেন তাহাৎ তাহাৎ সর্বদা শাসনের উপর রাখিতে চান, সন্তানেরাও পিতামাতার কাছে ভাল মানুষ-টার মত গভীর হইয়া থাকে, কিন্তু তাঁহাদের সম্মুখ ছাড়া হইলেই ছুট্টমীতে পরিপক হইয়া উঠে। জননীর দায়িত্ব যে কত গুরুতর তাহা আমরা এখনও ভাল বুঝিতে পারি নাই। যদিও আজকাল সহরে অনেক মহিলা সুশিক্ষিত হইয়াছেন কিন্তু পল্লীগামে আমাদের মধ্যে অশিক্ষিতা মহিলারই সংখ্যা অধিক। তাঁহাদের জীবন যে কর্তব্যহীন অসার তাহা নহে। তাঁহারাও গৃহস্থলীর কর্ম্ম, অতিথিসেবা সন্তানপালন প্রভৃতি গৃহস্থের নিয়মিত কর্তব্য সকল করিয়া থাকেন। কিন্তু তাহা হইলেও আজকাল আমাদের দেশের স্ত্রী সমাজে যে একটা নূতন উন্নতির হাওয়া আসিয়াছে তাঁহারা এখনও তাহার আভাস পান নেন; কিন্তু বিধাতা যখন আমাদের উপর মুখ তুলিয়া চাহিয়াছেন, তখন তিনি এ কল্যাণ হইতে তাহাৎ তাহাৎ বাদ দিবেন না। এ ভার তাঁহারই হস্তে। তবে আমরা যাহাতে ধর্ম্মে, সত্যে, শিক্ষায়, জ্ঞানে

উন্নত হইতে পারি তাহার জন্য আমাদের দিগকে চেষ্টি করিতে হইবে। আমাদের ক্ষমতা যদিও সামান্য কিন্তু আমরা সরল-ভাবে চেষ্টি করিলেই তিনি আমাদের সহায় হইবেন। স্ত্রীলোক যদি তাঁহাদের জীবনের কর্তব্য প্রকৃতরূপে সম্পন্ন করিতে চান তা হইলে তাঁহাদের দায়িত্ব পুরুষ-দের অপেক্ষা কম নহে। ভগবান পুরুষ জাতিকে বেশী ক্ষমতা দিয়াছেন সত্য কিন্তু স্ত্রীদিগের সাহায্য না পাইলে তাঁহাদের মহৎ উদ্দেশ্যও বিফল হইয়া যায়। তাঁহাদের কার্য্যের সহিত নারীগণের যোগ না থাকতে আমাদের সমাজ একরূপ বলহীন। তাঁহারা বাহির হইতে কার্য্য করিবেন আমরা গৃহ হইতে তাঁহাৎ তাহাৎ সাহায্য করিব, উৎসাহিত করিব এবং তাঁহাদের কল্যাণ সাধন করিব। এই অন্তরের আকাজক্ষা যেন আমরা কার্য্যে পরিণত করিতে পারি। আমরা যেন স্বামী যথার্থ সহধর্ম্মিণী, ভ্রাতার উপযুক্ত ভগিনী ও সন্তানগণের স্নাতা হইতে পারি। দয়াময়ের চরণে সর্বান্তঃকরণে ইহাই আমাদের একমাত্র প্রার্থনা।

বারাস্তরে আমরা মাতৃজাতির দায়িত্ব সম্বন্ধে কিছু আলোচনা করিব।

শ্রীমতী বীণাপাণি সরকার।

বিশ্বাসের জয়।


(বাস্যাবোধিনী হইতে উদ্ধৃত।)

বাপ মা নাই, কুলের মতন
তুটী মাত্র ভাই বোন;
কুলের মত নরম পতাব,
কুলের মতন মন।
বোনটী সবে দশ বছরের,
ভাইটী বছর সাত,
একটী চাঁল ঘরে নাই,
শূন্য তাদের হাত।

এখন তারা হেসে খেলে
সময় কাটাবে,
কি বুঝে তারা, কি বা করিয়ে
সংসার চালাবে ?
একদিন কুশায় অধীর হ'য়ে
ভাইটী বলিল “দিদি !
আজকে কুশায় মারা যাই,
খেতে না দিস যদি ।”
“যবে নাই এক গোটা ধান
কি হবে ভাই ! বন’
ভাই বোনের চোখ দিয়ে
পড়ে অক্ষয়ল ।
হঠাৎ বোনটী বলিল “ভাই !
মনে পড়েছে রে,
একটি কথা মা আমাদের
বলে গেছেন রে ।
“যতই দুঃখ, যতই ক্লেশ,
পাওনা কেন তুমি,
সকলি ঘূচাতে পারেন
জগতের স্রামী ।
“জা’নালে তাঁহারে সব
ব্যথা দূরে যায়,
তাইতো ভক্তেরা সব
বলেন তাঁর পায় ।
“আজ আমাদের দুঃখের কথা
বলিগে তাঁর কাছে,
নিশ্চয়ই তাঁর দেখা পাব
করুণাময়-সাজে ।”
এই না বলে বোনটী লেখে
চিঠি একখানি,
“না খেতে পেয়ে মরে যাই,
জগতের স্রামী !
“মা বলেছেন তোমার কাছে
বলে দুঃখ ঘূচে,
তাই এসেছি তু’ ভাই বোন
দাও দুঃখ মুছে ।”
চিঠি লিখে শিরোণামা তার
ভাবিছে কি দিবে,

ভাইটী বলে “শুধু ‘ঈশ্বর’
লিখিলেই হবে ।
“ঈশ্বর’ শিরোণামা লিখে
তু’ ভাই বোন ছুটে,
ডাকঘরে পাল্লে দিতে
সকল দুঃখ টটে ।
হেনকালে সদাশয়
ভদ্র এক জন,
দেখেন গলাগলি ধরা
তুইটী ভাই বোন ।
বোনের হাতে বাঁকা লেখা
লিপি একখান.
“ঈশ্বর’ তার শিরোণামা
একি সরল পুং ।
বলেন তিনি “একটি বোঁটায়
তুইটী কমল কুল
কারে যাচ্ছ দিতে চিঠি
কি করছ ভুল ?”
তারা বলে “মা বলেছেন
দুঃখ কষ্ট পেলে,
বেলে! সব তাঁহারই
চরণের তলে ।
তাই মোরা চিঠি লিখেছি ।”
বাবু বলে “খুকি !
বেশ তোমাদের মনের ভাব,
হবে তোমরা সুখী ।
ভাবিয়াছি ঈশ্বরের কাছে
আমি আজকেই যাব,
দাও আমাকে চিঠিখানা
তাঁহাকেই দিব ।”
সদাই বাবু অন্তরালে
তাদের খবর নিতেন,
যখন যা’ অভাব দেখতেন
অগ্নি পুরিয়ে দিতেন ।
কুলের মতন ভাই বোন তুটী,
সদাই হাসিমুখ,
ঈশ্বর সব অভাব ঘূচান
কেমন সরল বুক ।

শ্রীযুক্তা সুরুচিবালা সেন ।



মাসিক পত্রিকা ।

“যত্র নার্যস্ত পূজ্যন্তে বমনী তত্র ঈবতাঃ ।”

১৬শ ভাগ] জ্যৈষ্ঠ ১৩১১ । জুন, ১৯১১ । [৮ম সংখ্যা ।

প্রার্থনা ।

হে নিতা, নিরঞ্জন, মঙ্গলময় দেবতা,
তুমি চিরদিন পূর্ণ ও নিরীকার, কিন্তু তুমি
তোমার সৃষ্ট নরনারীকে প্রতিনিয়ত পরি-
বর্তনের মধ্যে রাখিয়াছ। জ্ঞাতদ্বারে বা
অজ্ঞাতদ্বারে নরনারীর শরীর মন ক্রমাগত
নূতন নূতন অবস্থাতে উপনীত হইতেছে।
ইহা যে তোমার মঙ্গল বিধান সে বিষয়ে
কোন সন্দেহ নাই, তুমি পূর্ণ মঙ্গলময়—
মহুষণকে সৃষ্টি করিয়া তুমি তাহাদিগকে
নিত্য নূতন মঙ্গল দান করিবে বলিয়া
তাহাদিগকে এই পরিবর্তনশীল স্বভাব দান
করিয়াছ, কিন্তু আমরা এতই হর্ষল,
নির্দোষ ও অসাবধান যে, আপনাদিগের
প্রকৃত উন্নতি ও মঙ্গলের কথা ভুলিয়া
যাই এবং যখন তখন উচ্চ অবস্থা হইতে
নীচ অবস্থাতে ইচ্ছা করিয়া পতিত হই,—
সুধাত্রমে বিষপান করি। হে দেব,
তোমার পুত্রকথাগণ প্রতি মুহূর্তে মহা

সন্ধিস্থলে স্থিতি করিতেছে, প্রতিবিষয়ে
একরূপ অবস্থা উপস্থিত হইতেছে যে, জাগ্রত
ভাবে তোমার শরণাপন্ন হইয়া চলিলে
উচ্চ দিকে অর্থাৎ দেবত্বের দিকে অগ্রসর
হইবে, আর অসংযত ও অবিপ্লবী হইয়া
চলিলে, পাপে দুঃখে পতিত হইবে। এজ্ঞ
হে দেব, তোমার মঙ্গল চরণে এই প্রার্থনা
করি যে, ভারতমহিলাগণ বর্তমান সময়ে
যে মহা পরিবর্তনের আবের্ভে পতিত হইয়া-
ছেন, তাঁহারা যেন তোমার রূপায় নিত্য
নিত্য তোমার মঙ্গল পথে প্রকৃত উন্নতির
দিকে অগ্রসর হইতে পারেন। হে সর্দ-
নঙ্গী দেবতা, তুমি দেখিতেছ তোমার
কথাগণ এই বিশেষ পরিবর্তনের সময়ে
কত বিষয়ে পুরাতন অভ্যাস, কুচি, শিক্ষা
প্রভৃতি পরিত্যাগ করিয়া নূতন শিক্ষা ও
দীক্ষা গ্রহণ করিতে বাধ্য হইতেছেন,
তুমি দেখিতেছ, বাহা বাহা নূতন, তাহাই
যে মঙ্গলকর তাহা নয়—অনেক স্থলে
অতি উত্তম অভ্যাস, শিক্ষা প্রভৃতি ত্যাগ

করিয়া নারীগণ নূতনতাপ্রিয়া হইয়া আপনাদিগের অনিষ্ট করিতেছেন। হে কৃপাময়, তুমি কৃপা করিয়া তোমার কঠোর গণের অন্তরে শুভবুদ্ধি দান কর, তাঁহারা যেন সকল প্রয়োজনীয় পরিবর্তনের মধ্যে শ্রী, ক্ষুদ্র ও তাজ্য বিষয় সকল ত্যাগ করিয়া দিন দিন শ্রেষ্ঠ, উদার ও উন্নতির পথে অগ্রসর হইতে পারেন। তুমি আশীর্ব্বাদ কর, আমাদের প্রত্যেক পরিবর্তন যেন উন্নতির দিকে লইয়া যায়। তোমার কৃপায় নরনারী এইরূপে নিত্য উন্নতির পথে অগ্রসর হইবে আশা করিয়া ধীরে ধীরে তব পাদপদ্মে প্রণাম করি।

বঙ্গীয় নারীসমাজের উন্নতি ।

আমরা সকলেই জানি যে, নব্যভারতের পিতা মহাত্মা রাজা রামমোহন রায়। পাশ্চাত্য সভ্যতা, জ্ঞানবিজ্ঞানাদির প্রভাব ভারতবাসীগণের অন্তরে পতিত হইয়া যে নূতন চিন্তা ও নূতন ভাবসকল জন্মগ্রহণ করে তাহা সর্বপ্রথমে তাঁহার ভিতরে প্রকাশিত দেখা যায়। ভারতবর্ষের অন্যান্য প্রদেশ এ বিষয় বত স্বীকার করুন না, তাহা করুন, বঙ্গদেশ একথা কখনও অস্বীকার করিতে পারিবে না। ধর্ম-বিষয়কে জ্ঞানালোক দ্বারা পরীক্ষা করা ও দৈনিক জীবনকে জ্ঞানবিজ্ঞানের নিয়মামুসারে ব্যবস্থিত করা এই সময় হইতে ভারতে আরম্ভ হইয়াছে। আজ ৮০ বৎসর হইল এই নূতন স্রোত প্রবাহিত হইতেছে। এই দীর্ঘকাল মধ্যে ক্রমে

ক্রমে সমাজমাধ্য অনেক নূতন ভাব প্রবেশ করিয়াছে। বিশেষ ভাবে বঙ্গদেশের শিক্ষিত সমাজেরই এই বিশেষ পরিবর্তন ঘটিয়াছে এবং দিন দিন ঘটিতেছে। এই ৮০ বৎসরের মধ্যে প্রথম চল্লিশ বৎসর যে সকল পরিবর্তন ঘটিয়াছে, তাহা বিশেষভাবে শিক্ষিত পুরুষদিগের মধ্যে দেখা যায়। মহিলাদিগের সমাজে বিশেষ পরিবর্তন তখনও আরম্ভ হয় নাই। নূতন জ্ঞান বিজ্ঞানের আলোক অথবা পাশ্চাত্য সভ্যতার প্রভাব সদর হইতে অন্তরে যাইতে, অর্থাৎ শিক্ষিত পুরুষসমাজ হইতে ভদ্রমহিলাসমাজে বিস্তৃত হইতে আরম্ভ হইতে চল্লিশ বৎসর লাগিয়াছে। সাধারণ ভাবে দেখা যাইতেছে যে আজ চল্লিশ বৎসর আমাদের মহিলাসমাজে নবভাবের স্ফুর্তি হইতেছে। বর্তমান সময়ের পরিণত বয়স্ক সকল লোকই স্বীয় অভিজ্ঞতার ভূমিতে প্রাচীন ও নবীন নারীসমাজের চিত্র দেখিতে পাইতেছেন। এখন একরূপ কতকগুলি পরিবার বা ক্ষুদ্র একটা সমাজ দেখা যায়, যাহাতে বঙ্গনারীর দৈনিক জীবনে কেবল পাশ্চাত্য শিক্ষা ও সভ্যতার প্রভাব পড়িয়াছে তাহা নয় কিন্তু তাঁহাদিগের পক্ষে সামাজিক জীবনের এক বিপ্লব ঘটিয়াছে। এক দিকে পল্লীগ্রামের প্রাচীন ভাবাপন্ন পরিবারের মহিলাগণের দৈনিক জীবন, তাঁহাদিগের নিত্য করণীয় কার্য, বস্ত্রালঙ্কার, আলাপ প্রসঙ্গ, সাধারণ চালচলন,—অপর দিকে কলিকাতা নগরের ধনী গৃহে বিলাত প্রত্যগতা উচ্চ শিক্ষিতা মহিলাগণের দৈনিক

জীবনের কাজকর্ম, আলাপ প্রসঙ্গ, বেশ-ভূষা, চালচলন এইরূপ দুইটী নারীসমাজের চিত্র পরস্পরের সম্মুখে উপস্থিত করিলে যে পার্থক্য স্পষ্ট প্রতীয়মান হইবে তাহাতে উভয় সম্প্রদায়কে একদেশের হয়তো পরস্পর ঘনিষ্ঠ সম্পর্কিত বলিয়া বিশ্বাস করা কঠিন হইবে। এই দুই শ্রেণীর মহিলাগণকে যেন এক সময়ের লোক বলিয়াই মনে হয় না। কিন্তু অনুসন্ধান করিলে অতি সহজেই জানা যাইবে যে, আজ যিনি ঠিক যেন পাশ্চাত্য নারীর স্তায় হইয়াছেন, তিনিই হয়তো দশবৎসর পূর্বে পল্লীগ্রামের প্রাচীন ভাবাপন্ন নারী ছিলেন। হয়তো তাঁহার সহোদরা ভগ্নী ও সমবয়স্ক নারীগণ এখনও সেই ভাবে আছেন। এইরূপ পরিবর্তন দেখিয়া এক শ্রেণীর লোক মনে করিতেছেন দেশ দিন দিন উন্নতি লাভ করিতেছে, স্বাধীনতা স্পীক্ষা পাশ্চাত্য শিক্ষা, উচ্চ সামাজিক রীতিনীতি আমাদের দেশে আসিতেছে এই ব্যাপারে আমাদের অর্ধ সভ্য দেশ স্তম্ভ হইয়া আসিতেছে। তাঁহারা আশা করিতেছেন, ইহাতেই দেশের সকল দুঃখ ও হীনতা চলিয়া যাইবে এবং উচ্চ সভ্যতার উচ্চ সুখ ও অধিকার লাভ হইবে। কিন্তু অপর এক শ্রেণীর লোক আছেন, যাহারা মনে করিতেছেন যে, যত দিন পাশ্চাত্য ভাব সদরে ছিল অর্থাৎ শিক্ষিত পুরুষগণের মধ্যে ছিল, তত দিন উহা কতকগুলি মতে আবদ্ধ ছিল, তখন বিশেষ অনিষ্ট হয় নাই। এখন জাতীয় মহিলাসমাজে বিদেশীয় ভাব প্রবেশ করিয়া আর্ঘ্যজাতির

চিরদিনের গৌরবের সামগ্রী নারীচরিত্রের অলঙ্কারস্বরূপ বিনয়, লজ্জাশীলতা, সরলতা, সেবাপরায়ণতা, নীরবে আপনার সুখ বিসর্জন, ধর্মশীলতা, গুরুজনের প্রতি যত্ন ইত্যাদি আর্ঘ্য গুণ সকল মহিলাসমাজ হইতে চিরবিদায় লইতে চলিয়াছে। এদেশে মহা বিপ্লব উপস্থিত হইয়াছে, এই রোগে দেশের সর্বনাশ হইবে। ঘোর কলির লক্ষণ সকল এখনই দেখা যাইতেছে। এইরূপে প্রাচীন ভাবাপন্ন দেশ-হিতৈষীগণ মহিলাসমাজের পরিবর্তিত অবস্থার বিষয় চিন্তা করিয়া দেশের মহা দুর্গতির আশঙ্কা করিতেছেন। যিনি যে ভাবে দর্শন করুন না কেন, গত চল্লিশ বৎসর হইতে যে আমাদের মহিলাসমাজে বিদেশীয় ভাব প্রবেশ করিয়া কতকগুলি বিশেষ পরিবর্তন আনয়ন করিতেছে এবং পরিবর্তন যে দিন দিন বৃদ্ধি পাইতেছে সে বিষয়ে কোন সন্দেহ নাই।

আমরা সকলেই জানি যে কোন মানুষ যেমন এক অবস্থায় থাকে না, কোন সময় যেমন বসিয়া থাকে না, তেমনই কোন সমাজের অবস্থা একরূপ থাকে না। মানুষের উন্নতির ইচ্ছা এবং চেষ্টা একান্ত স্বাভাবিক, অথচ উন্নত অবস্থার অর্থই পরিণতিত অবস্থা। এই চল্লিশ বা আশী বৎসর পূর্বে যে আমাদের সমাজে উন্নতির ইচ্ছা ও চেষ্টা ছিল না তাহা নহে। প্রভেদ এই যে তখন ভারতবর্ষের ভিন্ন প্রদেশের লোকের মধ্যেও তেমন দেখা গুনা হইত না এবং বিদেশীয় সমাজের অবস্থার বিষয়ে কোন জ্ঞানই ছিল না। এজন্ত তখন

পিতা পিতামহের দৃষ্টান্ত গ্রহণ করা হইত, শাস্ত্র পুরাণ হইতে বিশেষভাবে রামায়ণ ও মহাভারত হইতে সামাজিক জীবনের আদর্শ গ্রহণ করা হইত এবং অবস্থাঘটিত ভারতবর্ষের বা নিকটস্থ দেশসকলের যে উন্নতির বা রীতিনীতির সংবাদ পাওয়া যাইত, তাহা অল্পাধিক গ্রহণ করা হইত। সাধারণ ভাবে সামাজিক অবস্থা বিশেষ পরিবর্তিত হইত না। লোকে মনে করিত মনুর সময় হইতে একট নিয়মে সমাজ চলিতেছে। এজ্ঞ মহিলাসমাজেও কোন রীতিনীতির বিশেষ পরিবর্তন হওয়া অত্যন্ত দুর্লভ ব্যাপার হইত। তখন জাতীয় আদর্শ অনুসারে সদৃশ সকল যত্নে রক্ষিত হইত এবং সামাজিক শাসন অত্যন্ত প্রবল ছিল বলিয়া বিদেশীয় চালচলন গ্রহণযোগ্য বিশ্বাস করিলেও তাহার অনুকরণ করিতে কেহ সাহস করিত না। বিগত চত্বিশ বৎসর মধ্যে দেশবিদেশে গমনাগমন অত্যন্ত অধিক পরিমাণে বাড়িয়া গিয়াছে। রেল, স্টীমার, জাহাজ প্রভৃতি যান দিন দিন অধিক হইতে অধিকতর রূপে প্রচলিত হওয়াতে ভারতবর্ষের ভিন্ন ভিন্ন প্রদেশের সমাজের বিবিধ প্রকারের উচ্চ রীতিনীতি সদৃশ উচ্চ আদর্শ পভতি অতি স্বাভাবিক ভাবে মহিলাগণের নিকট উপস্থিত হইতেছে। তাহাদিগের প্রাচীনকালের সঙ্গীর্ণ আদর্শ আর তাহাদিগকে আবদ্ধ করিয়া রাখিতে পারিতেছে না। প্রাচীন সমাজের অনেক রীতিনীতি আছে যাহা সহজজ্ঞান-বিরুদ্ধ, যাহা মান্য করিতে গেলে ঠিক সেই প্রাচীন কালেই বসিয়া থাকিতে হয়, নানা

স্থানে ভ্রমণ ও নানা জাতীয় লোকের সহিত আলাপ পরিচয় বদ্ধতা করা অসম্ভব। এখন সে সকল বিষয়ে প্রাচীনভাব ত্যাগ করা বিনাযত্নেই হইয়া থাকে। আমরা ৪০ বৎসর পূর্বের নারীসমাজের সহিত বর্তমান সময়ের নারীসমাজের তুলনা করিলে দেখিতে পাই যে, এই সময় মধ্যে উচ্চ শ্রেণীর পরিবার সকলে শিক্ষার আলোক প্রবেশ করিয়াছে। অবশ্য অতি অল্পসংখ্যক মহিলা উচ্চ শিক্ষা লাভ করিয়াছেন, কিন্তু সাধারণ ভাবে প্রয়োজনীয় বিদ্যালয় অনেক ভদ্র মহিলার পক্ষে সম্ভব হইয়াছে। তাহারা আপনাদিগের জীবনের কর্তব্য, দায়িত্ব ও অধিকার কতক পরিমাণে বুঝিতে পারিয়াছেন, এজ্ঞ স্বাধীন চিন্তা আর এখন শিক্ষিত পুরুষদিগের মধ্যে আবদ্ধ নয় মহিলাগণও স্বাধীন চিন্তা করিতে শিক্ষা করিতেছেন। এদেশের সাধারণ সমস্ত লোক পাশ্চাত্য সভ্যতাকে বেরূপ অসীম মান্য দিতেছেন এবং পাশ্চাত্য রীতিনীতি বেশভূষাকে বেরূপ সম্মানের চক্ষে দর্শন করেন, বিশেষত দেশের অধিকাংশ গণ্যমান্য ব্যক্তিগণ বেরূপ পাশ্চাত্য আচার ব্যবহারের অনুকরণ করিতেছেন, তাহাতে মহিলাগণের পক্ষেও পাশ্চাত্য মহিলাগণের বেশভূষা আচার ব্যবহারের অনুকরণ করা অত্যন্ত স্বাভাবিক। সর্বোপরি পাশ্চাত্য ধর্মের প্রভাব এদেশীয় ধর্মভাবের সহিত মিলিত হইয়া যে একটি নূতন ধর্মালোক প্রকাশ করিয়াছে তাহা নরনারী সকলকে যে এক স্বর্গীয় অধিকার দান করিয়াছে তাহাতে

আর কোন নারী এখন আপনার সর্বোপরি উন্নতি সাধনে নিশ্চেষ্ট থাকিতে পারেন না। এখন সকল শিক্ষিত নারীই বুঝিতে পারিয়াছেন যে, অবশুস্তম্ভবী হইয়া নিশ্চেষ্ট নীরব ও গুচপানিত ইতরপানীর জায় পরাধীন জীবন বাসন করা কোন রূপেই প্রশংসনীয় হইতে পারে না। এখন নারীজীবন বিষয়ে উচ্চ আদর্শ সকল শিক্ষিতা নারীর অন্তরেই বর্তমান রহিয়াছে। প্রত্যেক স্ত্রী কার্যের বিষয়েও বিচার করা এখন অনিবার্য হইয়া পড়িয়াছে। এজন্যই এখন নানারূপ পরিবর্তন পরিলক্ষিত হইতেছে এবং দিন দিন আরও অধিক পরিবর্তন হইবে তাহাতে সন্দেহ নাই। বাহারা পঞ্চাশ বৎসর পূর্বের নারীসমাজের নিয়মানুসারে বর্তমান সময়ের নারীসমাজকে শাসিত করিতে চাহিবেন তাহারা অবশুই আপনাদিগের সকল প্রযত্ন বিফল দেখিয়া হতাশ হইবেন এবং নারীসমাজের ঘোর বিপ্লবে দেশের মহা অমঙ্গল উপস্থিত হইয়াছে স্থির করিবেন। পঞ্চাশের বাহারা সামাজিক উন্নতির ইতিহাসের আলোচনা করিয়াছেন তাহারা পরিষ্কার দেখিতে পাইবেন যে, সমাজ অত্যন্ত পরিবর্তনশীল—অলক্ষিত ভাবে নানা প্রকারের প্রভাব আসিয়া সমাজে ক্ষুদ্র ক্ষুদ্র বিষয়ে পরিবর্তন ঘটাইতেছে এবং বিশেষ বিশেষ সময়ে বিশেষ কারণ উপস্থিত হইয়া মহা পরিবর্তন আনয়ন করে। যেমন গ্রীষ্মপ্রধান দেশের লোক কোন কারণে শীতপ্রধান দেশে বাস করিলে তাহাদিগের বেশভূষা প্রভৃতির কতকগুলি

পরিবর্তন অবশুই ঘটে। যে দেশে দ্রুতগামী কোন যান ছিল না, সে দেশে রেলের পথ হইলে লোকের কাজকর্মের ভূমি ও দূরদেশের বিষয় জ্ঞান ও তাহার সহিত সম্বন্ধ অনেক পরিবর্তিত হয়। যখন কোন স্বাধীন দেশ পরাধীন হইয়া পড়ে, বিদেশীয় শত্রুর দাস হয়, তখন তাহাদিগের অবস্থাতে এক মহাপরিবর্তন যেমন উপস্থিত হয় অথবা যখন নূতন ও উন্নত ধর্মভাব আসিয়া কুসংস্কার ও নিকৃষ্ট ধর্মভাবকে দূর করে, তখনও যেমন সামাজিক জীবনে মহাপরিবর্তন উপস্থিত হয়, বর্তমান সময়ে উন্নতিশীল ইউরোপীয় সভ্যতার সংঘর্ষে এবং ভারতের নানা প্রদেশের প্রাচীন সভ্যতার মিশ্রণে যে পরিবর্তন নারীসমাজে উপস্থিত হইয়াছে, ইহা উন্নতির সাধারণ নিয়মানুসারেই ঘটিতেছে। এজন্য কাহারও ভীত হইবার কারণ নাই, ইহা ঘোর কলির চংখের দিনের পূর্বাভাস নয়।

উন্নতিই সত্য—মহাশয় সত্য উচ্চ হইতে উচ্চতর স্থানে ঘাইতে চিরদিন ব্যাকুল। কিন্তু উন্নতির কতকগুলি দোষও ঘটে। অনেক সময়ে যাহা কিছু নূতন বা চাকচিক্যযুক্ত, তাহার জন্য মানুষ ব্যাকুল হয়। মনে করে যে, যাহা কিছু প্রাচীন তাহাই তাজ্য এবং যাহা নূতন তাহাই গ্রহণীয়। এই নূতনতাপ্রিয় হৃদয় কোন কোন অবস্থায় সাংঘাতিক রোগ হইয়া উঠে। যখন কোন সমাজ বহুকাল হইতে বিভিন্ন প্রকার অবস্থার ভিতর দিয়া চলিয়া আসিয়া এবং কতকগুলি নিয়মকে মান্য ও

পালন করিয়া আসিয়াছে, সে নিয়মগুলি নির্দোষ না হইতে পারে, সে সকলের সংস্কার অত্যন্ত প্রয়োজন হইতে পারে, কিন্তু তাহাদিগকে হঠাৎ ত্যাগ করা যাইতে পারে না। আমাদের দেশের নারীগণের পক্ষে অবরোধ প্রথা, শিক্ষার অভাব, বদ্ধ-মূল কুসংস্কার প্রভৃতির অবস্থা স্মৃদূত শৃঙ্খল হইয়া রহিয়াছে। যেরূপ ভাবে মিলামিশা হইলে একটা সমাজ গঠিত হইতে পারে, তাহা নাই বলিলেই হয়। এজন্য এদেশে কোটি কোটি নারী থাকিলেও এত দিন নারীসমাজ বলিয়া একটা সমাজ ছিল না। এখন নূতন শিক্ষা, নূতন ধর্ম, নূতন জীবনের আদর্শ, বিবিধ প্রকারের দৃষ্টান্ত, যুগ-পৎ মহিলাগণের নিকট উপস্থিত হইয়া গার্হস্থ্য ও সামাজিক জীবনে অনেক পরি-বর্তন আসিয়া পড়িতেছে। এসকলকে মহিলাগণ অবশ্য আদর করিয়া গ্রহণ করিবেন। কিন্তু এই সকল সংস্কার ও উন্নতির আকারে কোনরূপ অনিষ্টকর রীতিনীতি আসিতেছে কি না তাহা সকলকে সাব-ধানতার সহিত দেখিতে হইবে। আমরা মহিলাগণের সর্বাঙ্গীণ উন্নতি ইচ্ছা করি এবং বিশ্বাস করি যে, তাহাদিগের দৈনিক জীবন ও জীবনের আদর্শ যত জ্ঞান প্রেম ও শুদ্ধতাপূর্ণ হয় ততই দেশের মঙ্গল। এ বিষয়ে তাঁহারা যেন কোন সীমাদ্বারা আপনাদিগের উন্নতির পথরোধ না করেন, কিন্তু আমরা জানি, প্রাচীন প্রথা ত্যাগ করিয়া নূতন ভাবে জীবনকে চালাইতে যাইয়া কেহ কেহ অত্যন্ত বিপথে গিয়া পড়িয়াছেন এবং ভবিষ্যতে শত সহস্র

নারীর তাহাতে অনিষ্ট হইবার আশঙ্কা আছে। যদি পুরাতন ত্যাগ ও নূতন গ্রহণ বিষয়ে কোন নিয়ম স্থাপন করিতে হয়, তাহা হইলে মহিলাগণ আপনার জীবন গঠন সম্পর্কে এই নিয়ম করিতে পারেন যে, পুরাতনের মধ্যে যাহা দোষের বিষয় সত্য সত্যই ত্যাজ্য, কেবল তাহাই ত্যাগ করা হইবে এবং নূতনের মধ্যে যাহা সত্য সত্যই প্রয়োজনীয় অর্থাৎ হিতকর কেবল তাহাই গ্রহণ করা হইবে। শুধু নূতন কিছু করিতে হইবে, অতএব পুরা-তন ত্যাগ করা হইবে ইহা কখনও স্মৃ-দ্ধির কার্য নয়। এই নিয়মে চলিয়া কেবল উন্নতির উদ্দেশ্যে আপনার রীতিনীতি বৈশ-ভূষা ইত্যাদি পরিবর্তন করিলে কখনও অনিষ্ট হইবে না। এই নিয়মে উন্নতির দিকে অগ্রসর হইতে কখন কখনও এরূপ প্রশ্ন সকল উপস্থিত হইবে, যাহা দশ জনে আলোচনা করিয়া মীমাংসা করিতে হইবে। এরূপ বিষয়ে সমভাবাপন্ন নারী-গণের সহিত একমত হইয়া সামাজিক জীবনের নিয়ম সকল সংশোধন করিলে দিন দিন সমাজের মঙ্গল অবশ্যই হইবে। কতকগুলি এরূপ প্রশ্নও উপস্থিত হইবে যাহা হয়তো সকল চিন্তাশীল মঙ্গল-কাজ্জী নরনারীগণ মিলিত হইয়া আলো-চনা করিয়াও স্থির করিতে পারিবেন না। তখন সাধু মহাজনগণের দৃষ্টান্ত এবং ভগবানের আলোক দ্বারা হিতকর নিয়ম সকল স্থাপন করিতে হইবে। আমাদের বলিবার বিশেষ কথা এই যে, নারীসমাজে নূতন নূতন শিক্ষা,

আদর্শ ও রীতিনীতি আসিতেছে এবং অবশ্য আসিবে। এখন সকলকে দেখিতে হইবে যে, অনিষ্টকর কোন ভাব প্রবেশ না করে; উন্নতির নামে দুর্গতি না হয়।

যে সকল প্রাচীন ভাবাপন্ন লোক দুঃখ করিতেছেন যে, এদেশের মহিলা-গণের দৈনিক জীবন পাশ্চাত্য মহিলা-গণের আদর্শে গঠিত হইতেছে, এজন্য এদেশের নারীগণের যে সকল আঁত উচ্চ ভাব ছিল তাহা আর থাকিবে না, তাঁহা-দিগের সে দুঃখ করিতে হইবে না। কারণ উন্নতিকে সাবধানতার সহিত গ্রহণ করিলে আর্থানারীর মহৎ গুণ সকল অবশ্য নারী-জীবনে ও নারীসমাজে চিরপ্রতিষ্ঠিত থাকিবে।

ওডেসি ।

ইউলিসাসের কি হইয়াছে, তিনি জীবিত কি মৃত, জীবিত থাকিলেই বা কোথায় কি ভাবে আছেন, তাহা তাঁহার স্ত্রী পুত্র কিছুই জানিতে পারেন নাই। তিনি কোথায় বন্দী হইয়া রহিয়াছেন, তাহা কেবল দেবতার জানিতেন, পেনে-লোপের না জানা ভালই হইয়াছে। তিনি জলদেবতার কোপ দৃষ্টিতে পতিত হইয়া-ছেন, এখনও তিনি গৃহে ফিরিতে পারেন নাই। কালিপোসর ওজিয়া নামক মায়া-পুরীতে সাত বৎসর যাবৎ বন্দী হইয়া রহিয়াছেন।

ঐয় যুদ্ধক্ষেত্রে যে দেবীর (জ্ঞানের

অধিষ্ঠাত্রী দেবী মিনার্ভা) রূপায় শ্রবল পরাক্রান্ত প্রতিযোগিগণ অপেক্ষা অধিকতর গৌরব লাভ করিতে সমর্থ হইয়াছিলেন, এখনও সেই দেবী তাঁহার প্রিয়পাত্রের কথা বিস্মৃত হন নাই। ওডেসির প্রারম্ভে আছে, অলিম্পস পর্বতে (অলিম্পস দেবতাগণের বাসভূমি) দেবতাগণ মন্ত্রণা করিতেছেন। সৌভাগ্যক্রমে সে সভাতে জলদেবতা নেপচুন, অনুপস্থিত ছিলেন।

মিনার্ভা সূযোগ বুঝিয়া দেবরাজকে, ইউলিসাসের ছুরবস্থার কথা স্মরণ করাইয়া দিতেছেন, ও বলিতেছেন, যে বীরের নিকটে, মনুষ্য ও দেবতা উভয়েই ঋণী, তাহাকে এরূপ নিগ্রহ করা হইতেছে কেন? তখন ইহা স্থির হইল যে দেবদূত মর-কারীকে তাঁহার মুক্তির দিন নিকটস্থ হই-তেছে তাহা জ্ঞাত করিবার জন্য সেই দ্বীপে প্রেরণ করা হইবে যেখানে কালি-পোসো ইউলিসাসকে দাসত্ব শৃঙ্খলে বদ্ধ করিয়া রাখিয়াছে। ইথাকা দ্বীপে যাইয়া ইউলিসাসের পুত্র টেলিমেকাসের অন্তরে বল, সাহস, উদ্দীপন করিবার ভার, যাহাতে তিনি তাঁহার গৃহকে এই সকল ঘৃণিত মদ্যপায়ীদের হস্ত হইতে রক্ষা করিতে পারেন ও পিতার অবেষণার্থে বহির্গত হইতে পারেন, মিনার্ভা স্বয়ং লইলেন।

তাঁহার পিতা অপ্রত্যাশিতরূপে কোনও দিন হঠাৎ গৃহে প্রত্যাগত হইতে পারেন কিনা ও প্রত্যাগত হইয়া এই পরস্বাপ-হারিদিগকে সমুচিত প্রতিফল দিতে পারেন কিনা, কিনা সে সকল আশা করা বুধা, তাঁহার ফিরিয়া আসার আর কোনও সম্ভা-

বন! নাই, যদি তাহাই সত্য হয় তবে কি রূপেই বা তিনি ইহাদিগকে দমন করিবেন এতদিন পর্য্যন্ত যাহাদের বিদ্বে কিছুই করিতে পারেন নাই, গভীরভাবে এই সকল চিন্তায় মগ্ন ছিলেন তখন হঠাৎ চক্ষু খলিয়া দ্বারদেশে একজন অপরিচিত আগন্তুককে দেখিতে পাইলেন। তিনি অতি ব্যস্ত হইয়া তাঁহার নিকটে গমন করিয়া সাদর অভ্যর্থনা জানাইলেন ও ভদ্রবংশোদ্ভূত অভিবাদন করিলেন। বাইবেলে উল্লিখিত প্রাচীন ধর্ম্মাধ্যক্ষগণ যেরূপ ভাবে অভিবাদন করিতেন, পূর্ন দেশীয়গণ এখনও যেরূপভাবে পরস্পরকে অভিবাদন করিয়া থাকেন, যে অভিবাদন প্রথার ক্ষুদ্র ক্ষুদ্র কণাসকল পশ্চিমদেশস্থ জুসভা জাতির মধ্যে এখনও বর্তমান রহিয়াছে। কেন তাঁহার এত আদর যত্ন, তিনি অতিথি বলিয়া আর কোনই হেতু নাই এবং যে পর্য্যন্ত না অতিথিসংস্কার হইতেছে ততক্ষণ তাঁহার কোন কথা শুনা হইবে না। দাসদাসী সকলে অতিথির সেবার নিযুক্ত হইল রৌপ্য পাত্রে জল আনয়ন করিল।

আহারান্তে যখন ঐ ছুর্ত্তগণ রাজভাটের গান শুনিতে গেল, তখন টেলিমেকস অন্তরালে যাইয়া আগন্তুকের সহিত আলাপ করিতে প্রবৃত্ত হইলেন। টেলিমেকস তাঁহাকে জিজ্ঞাসা করিলেন, “আপনি কোথা হইতে আসিতেছেন? আপনি কি আমার পিতার বন্ধু? শুনিয়াছি, পিতার উপস্থিতিকালে অনেকানেক অতিথি আসিয়াছেন, তাঁহাদের সকলকেই তিনি আদর যত্ন করিয়াছেন, কাহাকেও ফিরাইয়া দেন নাই। সে

যাহাই হউক, আপনি কি পিতার কোনও সংবাদ জানেন?” ছুর্ত্তবেশী অতিথি আশ্চর্যগোপন করিয়া মিথ্যা পরিচয় দিলেন। বলিলেন, “ইউলিসাস এখন কোথায় কেমন আছেন তাহা আমি কিছুই জানি না, কিন্তু আমার বিশ্বাস যে, কোন স্থানে তাঁহার অনিচ্ছাতে তাঁহাকে বন্দী করিয়া রাখা হইয়াছে এবং লৌহশৃঙ্খলাবদ্ধ হইলেও আমি নিশ্চয় বলিতেছি, তিনি মুক্ত হইবেন ও গৃহে প্রত্যাগমন করিবেন। সে যাহা হউক, আমি তোমার পিতার বন্ধু, সেই জন্ত তোমাকে বলিতেছি, ভয় পাইও না, বীরের স্থায় আচরণ কর। এই সকল অত্যাচারিদিগকে অবিলম্বে এই স্থান পরিত্যাগ করিতে বল, ধনক্ষয় নিবারণ কর। যদি তোমার মাতা বিবাহ করিতে ইচ্ছা করেন, তবে তাঁহাকে তাঁহার পিতৃগৃহে গমন করিতে বল, তিনি সেখানে যাইয়া যাহাকে ইচ্ছা বরণ করুন ও তাঁহাদের বিবাহোৎসব সম্পন্ন করুন। সর্বশেষে তোমার প্রতি এই আজ্ঞা যে, তুমি অবিলম্বে সমুদ্রযাত্রা কর, গ্রীসের উপকূল সমূহে যাইয়া তোমার পিতার সংবাদ লও। পাইলস দেশের নেশটর ও স্পার্টার মেনেলাস, ট্রয় যুদ্ধ-প্রত্যাগত সেনাপতিগণের সর্বশেষ, তাঁহারা সন্তুপ্রত্যাগত হইয়াছেন, তাঁহাদের নিকট হইতে তোমার পিতার কোনও সংবাদ পাইতে পার। যদি তুমি নিঃসংশয় রূপে জানিতে পার যে তিনি এখনও জীবিত আছেন, তাহা হইলে তুমি, ধৈর্যের সহিত তাঁহার প্রত্যাগমনের আশায় সকল কষ্ট বহন করিতে পারিবে। যদি নিশ্চিতরূপে

জানিতে পার তিনি জীবিত নাই, তাহা হইলে তাঁহার শক্রগণকে ইহার যথোচিত প্রতিশোধ দেওয়া তোমার অবশ্যকর্তব্য কর্ম্ম।” সেই ছুর্ত্তবেশী দেবদূত, টেলিমেকসের এরূপ নিশ্চেষ্ট ভাবে বসিয়া থাকা অন্যায়, ইঙ্গিতে তাহাও বলিলেন। তিনি বলিলেন “তুমি কি অবেষ্টসের কথা শোন নাই সে কিরূপে তাহার পিতৃহত্যাতে বধ করিয়া যশস্বী হইয়াছিল। হে যুবক তুমিও দেখিতে বলিষ্ঠ ও সুপুরুষ, তুমি আপনার মনুষ্যত্ব দেখাও যাহাতে লোকে তোমার যশস্বীকর্তন করিতে পারে।

রাজকুমার তাঁহার পিতার বন্ধুর পরামর্গ অবনত মস্তকে গ্রহণ করিলেন, ও তাঁহাকে আরও কিছুক্ষণ থাকিতে অহরোধ করিলেন। মিনার্ভা দেবী তাঁহার কার্য সম্পন্ন হইয়াছে দেখিয়া, আপনার রূপ-পরিবর্তন করিলেন, ও পক্ষ বিস্তার করিয়া তৎক্ষণাৎ অদৃশ্য হইয়া গেলেন। তখন টেলিমেকস মিনার্ভাকে চিনিতে পারিলেন ও নবজীবন ও নবীন উদ্দ্যম লাভ করিলেন।

এখানে রূপকে বলা হইয়াছে, মিনার্ভা দেবী আসিয়া চৈতন্য উদয় করিয়া দিলেন কিন্তু একথা সকলেই বুঝিতে পারেন যে এতদিন পর্য্যন্ত যে যুবক আপনার কর্তব্য ও দায়িত্ব অনুভব করিতে পারে নাই, জ্ঞান ও বিবেচনা আজ তাহাকে সচেতন করিয়া তুলিয়াছে।

তাহারা যেখানে আমোদ করিতেছিল টেলিমেকস সেখানে আসিয়া বসিলেন। গৃহ হইতে বাহির হইবার সময় যে টেলি-

মেকস ছিল এখন আর সে টেলিমেকস নাই সম্পূর্ণ নূতন মানুষ। তখনও ভাট গাইতেছিল। ট্রয়যুদ্ধ হইতে গৃহাভিযুক্তী গ্রীসদেশীয় সেনাপতিগণ কোন পথে ফিরিলেন ও সমুদ্রপথে দেবতাদের কোপ-দৃষ্টিতে পতিত হইয়া কত কষ্ট ভোগ করিলেন, তিনি তাহাই গাহিতেছিলেন। পেনেলোপ অস্তঃপুরের নিভৃত প্রকোষ্ঠে তাঁহার সখীগণের সহিত বসিয়াছিলেন, সঙ্গীত ধ্বনি সেখানেও পৌঁছিয়াছিল। সঙ্গীতদ্বারা আকৃষ্ট হইয়া ভোজনাগারের দ্বারদেশে আসিয়া উপস্থিত হইলেন। বিষয়টী অত্যন্ত করণরসায়ক। তিনি ভাটকে ডাকিয়া কাতরভাবে বলিলেন বিষয়টী তাঁহার পক্ষে অতীব কর্তব্যক, অথ কোনও বিষয় গ্রহণ করা হউক! নবজীবন প্রাপ্ত টেলিমেকস এরূপভাবে মাতার প্রস্তাবের প্রতিবাদ করিলেন যে তাহা আমাদের নিকট অত্যন্ত রূঢ় ও অভদ্র মনে হইতে পারে। কিন্তু তিনি এখন নবীন মস্ত্রে দীক্ষিত হইয়া ভাবের আবেগে যাহা বলিয়া ফেলিয়াছেন তাহা আমাদের ক্ষমা করা উচিত। টেলিমেকস মাতাকে বলিতেছেন “ভাট ভাবে অনুপ্রাণিত হইয়া আপনাপনি যাহা গাহিতেছেন তাহাতে তুমি বাধা দিও না। স্ত্রীলোকেরা তাঁত ও সূতার গুলি লইয়া থাকিবে এ সকল বিষয়ে মতামত প্রকাশ করিবার তাহাদের কোনও অধিকার নাই। পিতৃগৃহের আমি সকলকে শাসন করিব।” সে সময় নারীর কর্তব্য বিষয়ে সাধারণের যেরূপ ধারণা ছিল, তাহা পাঠ করিলে টেলিমেকসের তিরস্কার তেমন ভীত বা

তাচ্ছল্যসূচক বোধ হয় না। ইলিয়াডে আছে যে, প্রবাস যাত্রার সময় হেক্টর তাঁহার পত্নীকে বিদায়কালীন উপদেশে এইরূপ ভাবেই দিন কাটাইতে বলিতেছেন।

নবভাবে অনুপ্রাণিত যুবরাজের কর্ণে এখনও মিনার্ভার উপদেশ বাজিতেছে। যে সঙ্গীতে তাহার পিতার অনুপস্থিতি ও কষ্টভোগের বর্ণনা আছে; তাহা অত্যন্ত প্রিয় বোধ হইতেছে। টেলিমেকস ভাবিতেছেন তাঁহার মনে সর্বদা এই বিষয়টী জাগরুক রাখা একান্ত আবশ্যিক। অত্যাচারীগণ বুঝিতেছেন, রাজ্যের ভার একটী নারীর দুর্বল হস্তে রহিয়াছে। অসুখ সেরূপ হইতে তিনি দিবেন না। তিনি তাঁহার পিতার স্থান অধিকার করিবেন।

মাতা বিস্ময়ের সহিত পুত্রের চরিত্রের পরিবর্তন লক্ষ্য করিতেছেন। আমরা বেশ বুঝিতে পারিতেছি পুত্রের তেজস্বিতা দেখিয়া মাতার আনন্দ হইতেছে; কিন্তু সেই সঙ্গে দুঃখও মিশ্রিত ছিল। অনভিজ্ঞ বালক হঠাৎ বয়ঃপ্রাপ্ত হইয়া উঠিয়াছে। পূর্বে কখনও কেহ তাঁহার মুখে এরূপ কথা শ্রবণ করে নাই। আজ তাঁহার স্বাধিকারে সজ্ঞান বাক্য শ্রবণ করিয়া তাঁহার মাতা আশ্চর্য্যান্বিত হইলেন এবং নিভৃত প্রকোষ্ঠে যাইয়া ক্রন্দন করিয়া আপনার ভারাক্রান্ত হৃদয়কে লবু করিলেন। টেলিমেকস উপস্থিত অগ্ৰাণ্ড সকলকে সম্বোধন করিয়া এরূপ সতেজে বলিতে লাগিলেন যে তাহাদের নিকটে তাঁহার কথাগুলি নূতন বোধ হইল। তিনি সগর্বে বলিলেন অদ্য তোমাদের ইচ্ছামত

পানভোজন কর, জানিও ইহাই তোমাদের শেষ দিন। কল্য দেশের প্রধান প্রধান ব্যক্তিগণকে আহ্বান করিয়া ইহার বিচার করিব। সর্বসমক্ষে তোমাদিগকে আমার পিতৃগৃহ ত্যাগ করতে বলিব। তোমাদের যদি নিমন্ত্রণ উৎসবে উত্তম উত্তম খাদ্য আশ্বাদনের অভিলাষ থাকে, তবে তোমরা পরস্পরের বাটতে ভোজের আয়োজন করিয়া তাহা চরিতার্থ করিও। যদি তোমরা ইহাতে অসম্মত হও, একজন প্রবাসীর ধন লুণ্ঠন কর আর মনুষ্য যদি এ অগ্নায়ের প্রতিবিধান করিতে না পারে, তবে তোমাদিগকে সমুচিত প্রতিফল দিবার জন্য দেবগণকে আহ্বান করিব। পেনেলোপের ন্যায় তাহারাও যুবকের চরিত্রের পরিবর্তন দেখিয়া, কিয়ৎকাল মৌনাবলম্বন করিয়া রহিল। পাণিগ্রহণে ছুগণের প্রধান নেতা আনটিনোস সর্বপ্রথমে মুখ খুলিলেন। সে অসমসাহসী উদ্ধত প্রকৃতির লোক ছিল, কিন্তু আমোদপ্রিয়তা ও রসিকতাও তাহাতে যথেষ্ট ছিল। এতব্যতীত সে আর একটী গুণের দৃষ্টান্তস্বরূপ ছিল, তাহার নাম অকৃতজ্ঞতা। সে ইউলিসাস পরিবারের নিকট অনেক ঋণে পীড়িত, পূর্বে এক সময়ে তাহার পিতা বিপদে পড়িয়া এখানে আসিয়া আশ্রয় ভিক্ষা করিয়াছিলেন ও সাদরে গৃহীত হইয়াছিলেন, এবং জীবনের অবশিষ্ট ভাগ এখানেই অতিবাহিত করিয়াছিলেন। তাঁহারই অকৃতজ্ঞ পুত্র আনটিনোস টেলিমেকসকে বলিয়াছিল, উত্তরাধিকারী সূত্রে পিতৃরাজ্যে তোমার অধিকারে আছে বটে কিন্তু ইথাকা দ্বীপ যেন কখনও তোমার

ন্যায় স্বেচ্ছাচারী রাজার হাতে না আসে। টেলিমেকস তৎক্ষণে বলিলেন তিনি তাঁহার পিতৃরাজ্য নিশ্চয়ই শাসন করিবেন। ইউরিনিয়া নামে সেই দলের অন্যতম প্রধান ব্যক্তি তখন উঠিয়া দাঁড়াইলেন। এ ব্যক্তির অন্তরে যাহাই থাকুক না কেন, বাহিরে বেশ ভদ্র ও প্রিয়বাদী; সে রাগান্বিত যুবরাজকে তাহার পিতৃরাজ্যে তাহার পূর্ণ অধিকার আছে ইত্যাদি আপাত রমণীয় মিষ্ট বাক্যে সন্তুষ্ট করিল। তাহার যুবরাজকে প্রশংসা করিবার একটী উদ্দেশ্য ছিল যে, সে নবদ্বার ব্যক্তির পরিচয় জানিতে চায়। এ বিষয়ে তাহার মনে আশঙ্কা হইয়াছিল। সে জিজ্ঞাসা করিল সমুদ্রপার হইতে আগত এই পর্যটনকারী কে? সে কি ইউলিসাসের কোনও সংবাদ দিয়াছে? কিন্তু টেলিমেকস এখন সরল মতি বালক নহেন, তিনি মিনার্ভার উপদেশের সঙ্গে সঙ্গে চাতুরীও শিক্ষা করিয়াছিলেন। সে তাঁহাকে পিতার বন্ধু বলিয়া পরিচয় দিল।

ভবিষ্যৎকথাগণ ও রাজের সাধারণ লোক সকলেই একবাক্যে বলিতেছিলেন ইউলিসাসের ফিরিয়া আসার কোন সম্ভাবনা নাই। দুপ্রহর রাত্রি পর্যন্ত তাহাদের আমোদ প্রমোদ চলিল। তৎপরে যখন মন্ত্রপারীগণ রাজপ্রাসাদের নিকটবর্তী স্থান আলয়ে চলিয়া গেল তখন টেলিমেকসও আপন শয়ন কক্ষে প্রবেশ করিলেন। তাঁহার স্নেহময়ী বৃদ্ধা ধাত্রী ইউরিনিয়া টেলিমেকস যেন এখনও শিশু এইরূপ ভাবে তাঁহার শয়ন করিবার সকল আয়োজন করিয়া দিল। পরদিন রাজ্যের সমস্ত ব্যক্তি-

গণ মিলিত হইয়া একটী সভা করিলেন। ইউলিসাসের ট্রয়যাত্রার পর এরূপ সভা হয় নাই। টেলিমেকস যখন সভা মধ্যে প্রবেশ করিলেন, সকলেই তাঁর আকৃতিতে অভিনব মহত্ব ও প্রতাপ দেখিতে পাইল। মিনার্ভার বরে তাঁর এরূপ দিব্যকান্তি হইয়াছিল, যে যখন তিনি সতেজে পিতার আসন অভিমুখে অগ্রসর হইতে লাগিলেন তখন সকলে বিস্ময়াবিষ্ট হইয়া রহিল। পুরুষের ব্যক্তিগণও সম্মানে তাঁহাকে পথ ছাড়িয়া দিল।

তখন টেলিমেকস উত্তেজিতভাবে বলিলেন আপনাদের নিকট ইহাদের বিরুদ্ধে অভিযোগ করিতেছি যে ইহারা আমার অত্যন্ত অর্থ ব্যয় করিতেছেন, ইহা এখন অসহ্য হইয়া উঠিয়াছে। আশ্চর্যের বিষয় এই যে আপনারাও সকলে ইহার প্রতিকার সম্বন্ধে আলস্য করিতেছেন। অতএব সকলের নিকট এই বিনীত অনুরোধ যে, ইহাদিগের এ স্থান ত্যাগ করা সম্বন্ধে আপনারা সকলে আমার সাহায্য করুন। আনটিনোস ব্যঙ্গ করিয়া বলিলেন, “যুবকের তেজস্বিনী বক্তৃতাটী অতি সুন্দর হইয়াছে। কিন্তু সকলে আমার কথা মন দিয়া শ্রবণ করুন। পাণিগ্রহণে ছুগণ অপেক্ষা রাণীই এজন্য অধিক দোষী। তিনি ইহাদিগের সহিত প্রবন্ধনা করিতেছেন, মিথ্যা আশ্বাস দিয়া তিনি ইহাদিগকে ভুলাইয়া রাখিয়াছেন। যদিও তাঁহার উদ্দেশ্যটা সৎ, কিন্তু তিনি সেই উদ্দেশ্যসাধনের জগু ইহাদিগকে প্রতারিত করিতেছেন। তিনি এইরূপ বলিয়াছেন

যে, তাঁর শশুর বৃদ্ধ লেআরটিদের মুহূর্ত দিনের জন্য অতি ক্ষুধা বুনটের একটা শবাচ্ছাদন বয়ন করিতেছেন। বৃহদাকার একটা তাঁত স্থাপন করিয়াছেন। তাহা সম্পন্ন করিবার জন্য তাঁহাকে সর্বদা ব্যস্ত থাকিতে হয়। তিনি তাহাদের নিকট মিনতি করিয়া বলিয়াছেন যে পর্যন্ত না এই শোকের দিনের কার্যসম্পন্ন হইতেছে, ততদিন পর্যন্ত যেন কেহ তাঁহাকে নূতন স্বামী মনোনয়ন করিতে না বলেন। সকলেই তাঁহার প্রসঙ্গাবে সম্মত হইয়াছিল। সকলেই সহিষ্ণুতার সহিত অপেক্ষা করিতে লাগিল। কিন্তু কি আশ্চর্য্য সম্প্রতি সকলে জানিতে পারিয়াছে যে তিনি দিবাভাগে যতটা বয়ন করেন, রাত্রিকালে অতি সাবধানে তাহা খুলিয়া ফেলেন। সুতরাং তাঁহার অঙ্গীকৃত কার্যসম্পন্ন অকুরন্ত, কখনই শেষ হইবে না।

ভারতীয় নারীজাতি এবং

জন্মান্তরবাদরহস্য।

(পূর্বাভূতি।)

ঈশ্বর পরম পুরুষ। মনুষ্যের পুরুষকার বা ব্যক্তিত্ব পরম পুরুষ ঈশ্বর কর্তৃক নিয়ন্ত্রিত। অতএব মনুষ্যের ঐহিক বা পারত্রিক জীবনে ঈশ্বরের কর্তৃত্ব ধারাবাহিকরূপে বর্তমান। বাহিরে বাহ্য জগৎ, অন্তরে অধ্যাত্ম লোক। উভয়েরই ঈশ্বর কর্তা ও বিধাতা। শারীরিক পাপের জন্য মনুষ্যকে শারীরিকভাবে ঈশ্বর দণ্ড বিধান করেন; আত্মাও হৃদয়ের পাপের

জন্য আত্মাই দণ্ডিত হইয়া থাকে। দেহ-ত্যাগান্তে মানবাত্মা অধ্যাত্ম লোকে ঈশ্বরের রাজ্যে তাঁহারই দণ্ড পুরস্কারের অধীনে জীবন ধারণ করে। দণ্ডগ্রহণ জন্য দেহত্যাগান্তে পুনরপি দেহ গ্রহণ ভিন্ন উপায়ান্তর নাই, একপ সিদ্ধান্ত ঈশ্বরও তাঁহার রাজ্যের প্রতি নিতান্ত অবিধাসী বা ক্লীণবিধাসী লোকের অপসিদ্ধান্ত মাত্র। প্রকৃতবিধাসিগণের বিধাস এই যে অধ্যাত্ম লোকেও দণ্ড পুরস্কার লাভ দ্বারা অধ্যাত্ম লোকে এবং পরলোকে মানবাত্মা পরিবর্তন প্রাপ্ত হইয়া থাকে। অতএব দৈহিক জীবনের কর্মফল ভোগার্থ পুনরায় নবীন দেহধারণের প্রয়োজন দেখা যায় না। কোন ব্যক্তিরও পূর্জন্ম সম্পর্কীয় কোনরূপ স্মৃতির বিচলিততা দেখা যায় না। যদিও ভারতবর্ষে কোন কোন জাতিস্মরণ (যাহাদের পূর্জন্মের স্মৃতি থাকে) লোকের গল্প শুনা যায়। নিতান্ত সত্যহীন গল্প ভিন্ন ও সকল কথা অন্য কিছুই নহে। মনুষ্যদিগকে বিভিন্ন অবস্থাতে ব্যবস্থান দ্বারা ঈশ্বরেরই বিশেষ বিশেষ উদ্দেশ্য এবং মহীয়সী ইচ্ছাশক্তি, যাহারা স্বীকার করিতে না পারে, তাহারই প্রশ্ন করে যে, একই ব্যক্তির পাঁচটি সন্তান কেন ভিন্ন ভিন্ন অবস্থা প্রাপ্ত হয়! তাহারাই একথা বলে যে, ইহা ঐ সকল লোকের পূর্জন্মার্জিত কর্মফলের প্রকাশ ভিন্ন অন্য কিছু নহে!! প্রতি ব্যাপারে যাহারা ঈশ্বরের পরিপূর্ণ ব্যক্তিত্ব ও পূর্ণ ইচ্ছাশক্তি মানেন, "তাঁহারা বলেনঃ—

"হে মানব, তুমি কে, যে তুমি ঈশ্বরের

প্রতিবাদ কর? যিনি বস্ত গঠন করিয়াছেন, তাঁহাকে সেই গঠিত বস্তু কি বলিতে পারে, তুমি আমার কেন এতপ গঠন করিলে? কৃষ্ণকারের কি কদম্বের উপর এরূপ অধিকার নাই যে, একই মৃত্তিকার তাল হইতে কোন একটা পাত্রকে গৌরবার্থ কোন একটিকে অগৌরবার্থ নিষ্কাশন করে?

বাইবেল, Rom X. 15.

ঈশ্বর মূর্তিদার এবং চিত্রদার মাত্রের অদ্বিতীয় কর্তা। প্রত্যেক পদার্থ তাঁহার উদ্দেশ্যসাধনার্থ সৃষ্ট হইয়াছে। বিকলাঙ্গ কি পূর্ণাঙ্গ, বুদ্ধিমান কি নিরক্ষর প্রত্যেকের দ্বারা ঈশ্বর তাঁহারই বিভিন্ন উদ্দেশ্য সম্পাদন করিতেছেন। তবে ফলের বিভিন্নতা বা ভোগের বিভিন্নতা দেখিয়া তাহা পূর্জন্মার্জিত কর্মফল কেন বলিব? ওরূপ অপসিদ্ধান্ত দ্বারা মনুষ্য জীবনকে সত্য হইতে বহুদূরে স্থাপন করিতে হয়। বিকলাঙ্গ হওয়া পাপের ফল নহে। পূর্ণাঙ্গ হওয়াতে পুণ্যের ফলও নহে, উভয়ই ঈশ্বরের ইচ্ছার ফল। উভয়েতেই তাঁহার মহিমা ও শক্তির প্রকাশ। কৃষ্ণকার একই মৃত্তিকা হইতে মলনিষ্কাশের পাত্র এবং পানীয় জলরক্ষণের কলসী উভয়ই নির্মাণ করিতেছে। মনুষ্য জীবনের বিচিত্রতাও ঠিক সেইরূপ। মনুষ্য জীবনে দুঃসহ দুঃখের সমাবেশ দর্শনে যাহারা তাহা পূর্জন্মার্জিত কর্মফল সিদ্ধান্ত করেন, তাঁহারা ঈশ্বর বিধাসী ভক্তিমান লোকদিগের উক্তি শ্রবণ করিলে বিস্মিত হইবেন। পরন্তু তাহারা ইহাও জানে না যে দুঃখ মনুষ্যের পক্ষে বাস্তব ক্ষতি-

জনক নহে। দুঃখ হইতে মনুষ্য লাভবান হইয়া থাকে। এজন্য প্রকৃত ঈশ্বর বিধাসী বলেনঃ—

"দুঃখ হইতে সহিষ্ণুতা, সচ্চিহ্নতা হইতে বহুদর্শীতা এবং বহুদর্শীতা হইতে আশা উৎপন্ন হয় জানিয়া আমরা দুঃখেতেও গৌরব করি।

বাইবেল Rom V. 3. 4.

ঈশ্বর মনুষ্য জীবনের উদ্দেশ্যসিদ্ধির জন্য গর্ভাবাস এবং শারীর জীবন, মুহূর্ত এবং পরলোকের ব্যবস্থা করিয়াছেন। মনুষ্য গর্ভাবাসে কদাপি দ্বিতীয়বার প্রবিষ্ট হয় না। বাল্য ও যৌবন কাল এক একবার করিয়াই উপস্থিত হইয়া থাকে। যাহার বাল্যকাল গত হইয়াছে সে পুনরায় কোনপ্রকারেও বাল্যকাল প্রাপ্ত হয় না। একবার মনুষ্য ইহলোক ত্যাগ করিলে আবার পাপের বা পুণ্যের ফল ভোগার্থ কখন মাতগর্ভে প্রবেশপূর্বক প্রাকৃত জন্ম প্রাপ্ত হয় না। কেহ বাল্যকাল কিম্বা যৌবনকাল অথবা ব্যবহারপূর্বক তৎসংশোধনার্থ কি পুনরপি বাল্য বা যৌবনাবস্থা পাইয়া থাকে? বাল্য যৌবন বার্ক্যাদি যেমন একবার মাত্র ঘটে মুহূর্তও একবারই ঘটিতেছে। যোগী বা নিরক্ষর প্রাপ্ত ব্যক্তি যেমন পুনরপি এ পৃথিবীতে জন্মধারণ করেন না, সংসারাসক্ত অপকর্মানুরক্ত ব্যক্তিগণও তেমন এ পৃথিবীতে আবার জন্মধারণ করে না।

বহুদেশবাসী অনেকে অবগত আছেন, পণ্ডিতবর শ্রদ্ধাস্পদ শ্রীযুক্ত অধিকাচরণ সেন বৌদ্ধধর্ম এবং বুদ্ধচরিত গভীর ভাবে

বহুদিনব্যাপিয়া অধ্যয়ন ও আলোচনা করিয়াছেন। পুনর্জন্ম এবং পূর্বজন্ম সম্বন্ধে বুদ্ধদেবের অভিমত কি তাহা জানিবার জন্য উক্ত সেন মহাশয়কে জিজ্ঞাসা করিয়াছিলাম। সকলের অবগতির নিমিত্ত তিনি এ বিষয়ে যে উত্তর প্রদান করিয়াছেন তাহা নিয়ে প্রকাশ করা যাইতেছে।

প্রিয় ধর্মবন্ধু,

নববর্ষে নতন সত্য আসিবে, পুরাতন অনেক অসত্য দূর হইবে। এ উৎসাহ ও আশার কথা। নতন সত্য আসিতে বিদ্যা বুদ্ধি তত চাই না। যত চাহি সরলতা ও বিশ্বাস! ব্রাহ্মসমাজের ভিতরেও অনেক ভুল আছে, যাহা দূর না হইলে অগ্রান্য বিধানেরও যাহা হইয়াছে, ইহারও সেই দশা হইবে।

পুনর্জন্ম সম্বন্ধে বুদ্ধদেবের নিজের কি বিশ্বাস ছিল আমি ১৯০১ খৃঃাব্দের মে মাসের "East" (ইষ্ট) পত্রিকাতে সে বিষয়ে কিছু লিখি। ঐ পত্র তাঁহার জন্ম মৃত্যু নির্ধারণের উৎসব দিনে লেখা হয়। তিনি (বুদ্ধ) জন্মান্তরবাদ প্রচার বা বিনাশ করিতে আসেন নাই। শুদ্ধ তাঁহার মধ্যে যেইক সত্য তাহা প্রদর্শন করিতে আসিয়াছেন। তাহা এই—মানুষ ছুক্ষু করিলে শাস্তি পায়, স্মৃতি দ্বারা স্বর্গ লাভ করে। এটি Law of কর্ম। এটি Law of gravitation এর ন্যায় অকট্য। আমাদের এই Law ভাল করিয়া বোঝা দরকার। কারণ আমরা যখন পাপ করি, তখন মনে করি এতে কিছু হবে না।

দ্বিতীয়তঃ মানুষ ক্রমাগত উঠে পড়ে।

এই হইল পুনঃ পুনঃ জন্ম মৃত্যু। নির্ধারণ পরম জন্ম and the death of the old man for ever, তাই সারনাথের মন্দিরের উপদেশে তিনি (বুদ্ধ) বলিলেন "তোমাদের বন্ধু গোঁতম মরিয়াছেন। তোমাদের সম্মুখে যিনি তিনি বুদ্ধ, তথাগত, আচার্য্য।"

তৃতীয়তঃ এই দুই (বিষয়) বুঝাইতে তিনি (বুদ্ধ) পুনর্জন্মের ভাষা অনেক ব্যবহার করিয়াছেন।

৫৭ ল্যান্ডডাউন রোড কলিকাতা

২১শে মার্চ, ১৯০৯ ইং।

আপনার স্নেহের

অম্বিকাচরণ সেন।

১৯০১ খৃঃাব্দের মে মাসীয় ইষ্ট পত্রিকাতে নির্ধারণতত্ত্ব উপলক্ষে প্রক্টর শ্রীযুক্ত অম্বিকাচরণ সেন মহাশয় কর্তৃক সংকলিত ও প্রেরিত যে কয়টি প্রবন্ধ মুদ্রিত হইয়াছে তাহার মর্ম্ম যথাক্রমে নিয়ে প্রকাশিত হইল।

প্রথম প্রবন্ধ।

কোন সময়ে কোন ব্যক্তি কর্তৃক মনুষ্যের শরীরের অতীত আত্মা আছে কি না এ বিষয়ে বুদ্ধদেব জিজ্ঞাসিত হইয়াছিলেন।

কোন প্রশ্ন উপস্থিত হইলে সে প্রশ্নের যথাযথ সরল উত্তর দেওয়া বুদ্ধদেবের শিক্ষাপ্রণালী ছিল না।

প্রশ্নকারীর মনকে জিজ্ঞাসিত বিষয়ে চিন্তায় নিযুক্ত করা, তাঁহারই মন হইতে সেই প্রশ্নসম্বন্ধে সত্যতত্ত্ব বা উত্তর উদ্ধারার্থ তাহাকে সাহায্য করা বুদ্ধদেবের প্রবর্তিত

শিক্ষাপ্রণালী বা উত্তরপ্রদান প্রণালী ছিল।

সুতরাং শরীরের অতীত আত্মা (মনুষ্যের) আছে, ইহাও সেই প্রশ্নকারীকে বলা হইল না। শরীরের অতীত আত্মা নাই একথাও বলা হয় নাই।

ইন্দ্রিয়গ্রাহ্য বিষয়ে তৎপরতাই যে মানবের একমাত্র অবস্থা নহে, বুদ্ধদেব প্রশ্নের উত্তরে এই মাত্র বলিয়াছিলেন। কিন্তু একথাও ভাবায়ক কথা নহে। মানবজীবন কি যে নহে, ইহা দ্বারা তাহা মাত্র বলা হইল। মানবজীবন যে কি তাহা অন্তর্ভুক্ত রহিল।

বুদ্ধদেবের অতি প্রিয় শিষ্য আনন্দ নামক এক ব্যক্তি বুদ্ধদেবের দেহত্যাগের অল্পকাল পূর্বে তাঁহাকে ঈশ্বর এবং আত্মার অস্তিত্ব বিষয়ে প্রশ্ন করিয়াছিলেন। বুদ্ধ আনন্দকে সেই প্রশ্নের উত্তরে বলিয়াছিলেন :—

আনন্দ, আমি কি কখন তোমাকে বলিয়াছি যে মনুষ্যের আত্মা আছে ?

আনন্দ একথা শুনিয়া বুদ্ধদেবকে বলিলেন, "তবে কি মনুষ্যের আত্মা নাই ?

বুদ্ধ পুনরায় বলিলেন, আমি কি কখন তোমাকে বলিয়াছি যে, মনুষ্যের আত্মা নাই ?

ঈশ্বরের অস্তিত্ব বিষয়ক প্রশ্নেরও উল্লিখিত ভাবেই বুদ্ধদেব উত্তর প্রদান করিয়াছিলেন। আনন্দ এরূপ উত্তর শ্রবণে হতবুদ্ধি (puzzled) হইলেন।

আনন্দের মানসিক অবস্থা বুঝিয়া বুদ্ধদেব আনন্দকে শালবৃক্ষের কয়েকটি পাতা

আনয়নার্থ অনুমতি করিলেন। তৎক্ষণাৎ আনন্দকর্তৃক শালপত্র আনীত হইল। আনন্দকে বুদ্ধ জিজ্ঞাসা করিলেন, শালবৃক্ষের অবশিষ্ট পাতা কোথায় ? আনন্দ বলিলেন তাহা বৃক্ষেই রহিয়াছে।

বুদ্ধ একথা শুনিয়া আনন্দকে বলিলেন, আনন্দ, ঠিক সেইরূপ তোমাকে আমি যাহা শিখাই নাই তাহার তুলনায়, যাহা শিখাইয়াছি তাহা যৎসামান্য মাত্র। বহু তত্ত্ব শিক্ষণীয় আছে। আমার নিকট প্রশ্ন করিও না। নিজে চিন্তা কর। তোমার আপনার মনেই তাহা উদ্ভাসিত হইবে।

দ্বিতীয় প্রবন্ধ।

পুনর্জন্ম অথবা কর্ম্ম হইতে নির্ধারণ বিষয়ে।

সেন মহাশয় বলেন, ঋগ্বেদ গ্রন্থে নির্ধারণ বিষয়ে কোন কথার উল্লেখ দেখা যায় না। ঋগ্বেদের ঋষিগণ পৃথিবীতে আনন্দে জীবন যাপন করিতেন। সুতরাং পরবর্তী জীবনে সমধিক আনন্দই তাঁহাদের প্রত্যাশার বিষয় ছিল। কর্ম্মসম্বন্ধীয় মতের সমাগমে ঋগ্বেদের ঋষিগণের পরবর্তী পুরুষের জীবনে নিরাশার উদয় হইয়াছিল। কোন কোন পাশ্চাত্য পণ্ডিতের মতে কর্ম্মসম্বন্ধীয় মতের সারতত্ত্ব ভারতবর্ষের বহির্ভাগে জন্মিয়াছিল। কিন্তু উক্ত সেন মহাশয়ের মতানুসারে উহার উৎপত্তি ভারতবর্ষেই বটে।

অথর্ববেদ, ব্রাহ্মণসমূহ, আরণ্যক ও উপনিষদনিচয় এবং পৌরাণিক কাল, দর্শন ও বুদ্ধযুগ ব্যাপিয়া ভারতবর্ষে জন্মান্তরবাদ মতের ক্রমবিকাশ ঘটিয়াছে।

বুদ্ধ এ মতে বিশ্বাস করিতেন কি না,

এই সম্বন্ধে বহুলোকে অসঙ্গত বিবেচনা করেন। কেন না জাতক নামক বৌদ্ধ গ্রন্থে বুদ্ধদেব পূর্বপূর্ব জন্মে যাহা করিয়াছেন, তাহার বিস্তৃত বিবরণ লিপিবদ্ধ রাখিয়াছে। অধিকন্তু ঋষিপত্নীনে বুদ্ধ একরূপ উপদেশ দিয়াছেন যে, পূর্বপূর্ব জন্মার্জিত কর্মজ ক্রেশের অবসান কেবল নির্বাণ দ্বারাই ঘটয়া থাকে। এব প্রকার উক্তি সমূহ দ্বারা সাধারণের ধারণা যে, বুদ্ধদেবও সাধারণ লোকের তায় জন্মান্তরবাদে আস্থাবান ছিলেন। পূর্বজন্মবিষয়ক উক্তি থাকা বুদ্ধদেব সম্বন্ধে অস্বীকার করা যায় না। কিন্তু তিনি যে সাধারণ ভাবে পূর্বজন্ম বিধা করিতেন, ইহাতে আস্থা স্থাপন করা যায় না। সাধারণ লোকের তায় বুদ্ধদেব পূর্বজন্ম মানিতেন না। বুদ্ধদেবের সমসাময়িক লোকগণ পূর্বজন্মের মতে আস্থাবান ছিল। এই মতের স্ত্র ধরিয়া বুদ্ধদেব তাঁহার নবতত্ত্ব প্রচার করিয়াছিলেন মাত্র। ফলতঃ তিনি স্কুলভাবে এ মতে আস্থায়ুক্ত ছিলেন না।

প্রথমতঃ—কর্মসূত্রের অভ্যন্তরে অত্যাবশ্যক সত্য নিহিত আছে।

দ্বিতীয়তঃ—পুনর্জন্মবিষয়ক মত অবলম্বনে মনুষ্যের আধ্যাত্মিক জীবনের বাস্তবিকতাবিষয়ে বর্ণনা বিশদরূপে প্রকাশ করা যায়।

উপর উক্ত দুইটি কারণে প্রশংসারী প্রতিপক্ষের স্বীকৃত ভূমিকে বুদ্ধদেবও স্বীকার করিয়া লইতেন। যুক্তির সহায়তায় প্রশংসারী ব্যক্তিকে ক্রমে নির্বাণের ভূমিতে আনয়ন করাই বুদ্ধদেবের প্রচারপ্রণালী

ছিল। এনিমিত্ত বুদ্ধদেব স্বয়ং বাস্তবিক ভাবে কি মানিতেন অথবা কি মানিতেন না তাহা পরিগ্রহ করা কঠিন সমস্যা ছিল।

তৃতীয় প্রবন্ধ।

পণ্ডিতবর সেন মহাশয় এ প্রবন্ধে বুদ্ধদেবের চরিতাধ্যয়নে এবং গবেষণায় যে ফল লাভ করিয়াছেন, তাহাই প্রকাশিত হইয়াছে, সংক্ষেপে নিয়ে তাহা প্রকাশ করা যাইতেছে।

স্বাধীন মনুষ্য স্বকীয় জীবনরূপ ক্ষেত্রে যে প্রকার বীজ বপন করে, সে প্রকার শস্য সংগ্রহ সমর্থ হয়। এই বীজেরই নাম কর্ম; এবং ইহা হইতে উৎপন্ন শস্যের নাম ফল! মনুষ্য জীবন-ক্ষেত্রে বীজ বপন পূর্বক আকাশ পাতাল বা সাগরতল কুত্রাপি যাইয়া স্বীয় কর্মফল ভোগ বারণে সক্ষম হয় না। এ পৃথিবীতে কোন মনুষ্যেরও অকারণে শুভ দশা কিংবা দুর্দশা ঘটে না। প্রত্যেকে সকল অবস্থাতে স্ব স্ব কর্মানুযায়ী সুখ দুঃখ অবশ্যই প্রাপ্ত হইয়া থাকে। এ জন্যই কথিত হইয়াছে যে, মনুষ্য আপনি আপনার বন্ধু, এবং আপনি আপনার শত্রু। কোনরূপ খেরালে মনুষ্যের ভাগ্যচক্র নিয়মিত হয় না। এই বিধি বিস্তীর্ণ ভূমণ্ডলস্থ সমস্ত পদার্থ নিহিত প্রকৃতি। ইহারই নাম ধর্ম। এই ধর্মের অধীনতাই জীবন। ইহার প্রতিকূলতা চরণ এবং দ্বিধার শাণিত খড়্গের উপর পতন, উভয়ই সমান। বিধি বাহিরে নহে। বিধি আমাদের স্বাধীনতাঘাতীও নহে। ধর্মই আমাদের সত্য প্রকৃতি। ধর্মের আহুগত্যও যাহা প্রকৃত স্বাধীনতাও তাহা।

উক্ত বিধির ভয় এবং অধীনতা দ্বারা মনুষ্যের জীবনে ধর্মের আরম্ভ। যাহারা মুখে বলে যে ঈশ্বরকে বিধাস করি, অথচ অপকর্ম করে তাহারা স্পষ্ট মিথ্যাবাদী।

বুদ্ধ মানবসমাজের ঐ প্রকার অবস্থা দেখিয়া ধর্মের অষ্টপথ প্রচার করেন। এজন্য তিনি পুনর্জন্ম বিষয়ক মত বিবিধ উদাহরণসহ পুনঃ পুনঃ বর্ণন করিয়াছেন।

বুদ্ধদেবের উদ্ভাবিত ধর্মের অষ্টমার্গ এইঃ—

১। সদৃষ্টি। ২। সং সঙ্কল্প। ৩। সদাক্য। ৪। সন্যবহার। ৫। সহপায়ে জীবিকা আহরণ। ৬। সন্ন্যায়াম অর্থাৎ ধ্যান। ৭। সংস্মৃতি। ৮। সম্যকসমাধি।

এ পত্রের শেষাংশে নির্বাণ যে পুরাতন মনুষ্যের মৃত্যু এবং যে শিশু ঈশ্বরকে দর্শন করে তাহার জন্ম, এ বিষয়ে বর্ণনা আছে। বুদ্ধদেব, গৌতম সিদ্ধার্থের মৃত্যু হইয়াছে বলিয়া, শিষ্যমণ্ডলীর নিকট ঘোষণা করিয়াছেন।

অনেকে বুদ্ধদেবকে “নাস্তিক” আখ্যা প্রদান করিয়াছেন। কিন্তু সেন মহাশয় বলেন, বুদ্ধদেবের পক্ষে নাস্তিক হওয়া অসম্ভব।

ঈশ্বরতন্ত্র যিশু বলিয়াছেন, ধন্য পবিত্র হৃদয় বিশিষ্ট ব্যক্তিগণ, কারণ তাহারা ঈশ্বরের দর্শন লাভ করিবে।

বুদ্ধদেব নিঃস্বলচিত্ত হইয়াছিলেন; স্ত্র-রাং যিশুখ্রীষ্টের সিদ্ধান্তানুসারে তিনি ঈশ্বর দর্শনকারীও বটেন। এ অবস্থায় বুদ্ধদেবের

প্রতি নাস্তিকতার অপবাদ দেওয়া নিতান্তই নির্বুদ্ধিতা মাত্র।

শ্রদ্ধাস্পদ শ্রীযুক্ত অম্বিকাচরণ সেন বুদ্ধদেব এবং বৌদ্ধধর্ম সম্বন্ধে আপন অধ্যয়ন এবং গবেষণার যে ফল “ইষ্ট” পত্রিকাতে প্রকাশ করিয়াছেন তাহা দেখা গেল।

ভারতবর্ষে অনেক লোকেরই প্রতীতি যে বুদ্ধদেব জন্মান্তরবাদ সম্বন্ধীয় ভ্রান্তমতের প্রতিষ্ঠাতা। সে প্রতীতি ঠিক নহে। মনুষ্যের আত্মা কর্মফল ভোগার্থ বারংবার নূতন শরীর প্রাপ্ত হয়, ইহাও মিথ্যা সিদ্ধান্ত। মনুষ্য স্ব স্ব পাপ ও পুণ্য কর্মের ফল ভোগকারী, পাপের ফল ক্লেশ ও যন্ত্রণা; পুণ্যের ফল, পুণ্য ও শান্তি।

ঈশ্বরের পুণ্যরাজ্যে মনুষ্যকে সজ্ঞানে এক জন্ম লাভ করিতে হয়। পুণ্যরাজ্যে সে জন্ম লাভ হইলে মনুষ্যকে কদাপি পাপ পথে পাদচারণা করিতে হয় না। সেই আত্মা অনন্ত পুণ্যলোকে নিত্যগতি প্রাপ্ত হয়। অস্বদেশীয় অনেক ঋষি, ঈশা, চৈতন্য ও বুদ্ধাদি মহাজনগণ পূর্বোক্তিত জন্মান্তর প্রাপ্ত হইয়াছেন। তোমার আমার মত ক্ষুদ্র ক্ষুদ্র নরনারীও সেইরূপ জন্মান্তরলাভের অধিকার আছে। ইহাই আমাদের পক্ষে আশা এবং আনন্দের সমাচার। জন্মান্তরবাদ বিষয়ক প্রাপ্ত সংস্কার ভারতবর্ষ হইতে চিরদিনের জন্য অপনীত হউক। অপিচ নবীনতর উন্নত লোকে যে আমাদের মনুষ্য মাত্রেরই জন্ম লাভে অধিকার আছে, এ তত্ত্বে সকলেই খাটি বিধাস লাভ করুন এবং সজ্ঞানে সে জন্ম-

লাভার্থ সর্কান্তঃকরণে সকলে যত্নযুক্ত হউন। ইহাই প্রার্থনীয়। জন্মান্তরবাদ সম্বন্ধীয় কুসংস্কার সমস্ত ভারতবর্ষবাসিনী যোষিতগণ মধ্যে সঞ্চারিত আছে। বৈজ্ঞানিক ভাবে ঈশ্বর এবং ধর্মতত্ত্ব আলোচনা মহিলা সমাজে প্রবর্তিত না হইলে ঐ কুসংস্কার দূর হইবে না। ঈশ্বরের আয়ুজ্যোতি বর্তমান বিধানে সে সকল মহিলাও পুরুষের অন্তরে প্রকাশ পায়, সে সকল অন্তরে ঐ পুরাতন কুসংস্কার অচিরে দূর হইয়া যায়। অতএব বৈজ্ঞানিক জ্ঞান এবং ঈশ্বর কৃপা ভিন্ন ঐ কুসংস্কার-রাফসের আধিপত্য হইতে নিস্তারের অন্য উপায় দেখা যায় না। আশা করি সমস্ত ভারতে ঐ দুই উপায় বিস্তারপূর্বক ঈশ্বর, ভারতললনা এবং ভারতের জনসমাজকে উদ্ধার করিবেন। বঙ্গবাসীগণ এ ক্ষুদ্র প্রবন্ধ পাঠ করিতে করিতে স্বাধীনভাবে চিন্তা ও গবেষণা দ্বারা প্রকৃত সত্য জানিতে ও তত্ত্ব নির্ণয় করিতে সচেষ্ট হইবেন, ইহাও আমাদের ভরসা। ঈশ্বরের ইচ্ছা পূর্ণ হউক।

স্তুতি ও প্রার্থনা ।

(বালিকাগণের জগ)

জয় দেবি, কৃপাময়ি, জগতজননি ।
অন্নদে বরদে মাতঃ জ্ঞানবিকাশিনি ॥
আমি গে! অবলা, বালা জননি তোমার ।
সরল অন্তরে পদে করি নমস্কার ॥
কত ভালবাস তুমি কত তব দান ।
কেহ আর নাই মাগো তোমার সমান ॥

পিতামাতা ভাই বোন আত্মীয় স্বজন ।
টাকা কড়ী ঘরবাড়ী দেহ প্রাণ মন ॥
তোমার স্নেহের দান জননি এ সব ।
বলিতে তোমার দয়া পাই পরাভব ॥
জননীজঠরে তুমি করিলে পোষণ ।
শৈশবে মায়ের স্তনে সুধাবরিষণ,
স্নেহরসে আর্দ্র করি জননীর মন,
ধরাতলে আনি তুমি করিলে পালন ॥
অন্ন জল ফল মূলে বাড়ালে এ দেহ ।
তব সম হিতকারী নাহি আর কেহ ॥
আমি যে সরলা মাগো কুমারী তোমার ।
করষোড়ে প্রণিপাত করি বার বার ॥
চরণ কমল হৃদে যতনেতে ধরি ।
তব পাঠশালে যেন নীতি শিক্ষা করি ॥
সরলতা কোমলতা, মধুরতা আর,
জীবনে সতেজ যেন থাকে গো আমার ॥
স্নেহ প্রীতি দিয়ে তুমি ছোট ভাই বোনে ।
ভক্তিয়োগে গুরুজনে সেবিব যতনে ॥
প্রতিবেশিগণে সদা করিব আদর ।
মনে যেন সাধুভাব রাখি নিরন্তর ॥
যদি কারো দোষ ত্রুটি করি দরশন ।
অপরের কাছে তাহা করিব গোপন ॥
বলিতে হইলে বলি দোষটী যাহার ।
শুদ্ধমনে যেন করি সত্য ব্যবহার ॥
নিজের যতেক দোষ থাকে যেন মনে ।
যদি কেহ বলে তাহা শুনিব যতনে ॥
আপনার দোষ যেন না ঢাকি কখন ।
তব দয়া মাগি তাহা করি সংশোধন ॥
তোমার আশিষ শিরে করিয়া ধারণ ।
পরসেবা লাগি যেন ধরি এ জীবন ॥

রমণী আচার্য্য ।

সুপ্রতি সুইজার্ল্যান্ড দেশে রমণীদিগকে আচার্য্যের কার্য্য সম্পন্ন করিবার অধিকার প্রদানার্থ গবর্নমেন্টের সম্মুখে আবেদন করা হইয়াছে। সম্ভবতঃ এই আবেদন শীঘ্রই গ্রাহ্য করা হইবে এবং খ্রীষ্টীয় আচার্য্যগণের ত্রায় রমণীরাও ভজনালয়ে বেদীতে বসিয়া উপাসনা ও উপদেশ প্রদান করিতে অধিকার লাভ করিবেন। সুইজার্ল্যান্ড সকলেই জানেন, অতি পূর্বতময় স্বাধীন দেশ। ইউরোপ কেন সমগ্র পৃথিবী মধ্যে এমন পূর্বতময় পরিশোধিত সুদৃশ্যসম্পন্ন দেশ অতি অল্পই আছে। সুইস জাতি চিরদিন স্বাধীন প্রকৃতির লোক ও অতিশয় পরিশ্রমী। দেশের রাজকার্য্য জনসাধারণের সভা দ্বারাই সম্পন্ন হইয়া থাকে। শিল্প, বাণিজ্য ও কৃষিকর্মে লোকদিগের বিলক্ষণ অনুরাগ আছে। আচার্য্যের বিষয় এই যে, এমন দেশে এ পর্য্যন্ত শিক্ষিতা ও ধর্মশীলা মহিলাদের আচার্য্য হইয়া কার্য্য করিবার অধিকার চাওয়া হয় নাই এবং প্রদান করাও হয় নাই। যাহা হউক এক্ষণে যে অধিকার চাওয়া হইয়াছে উহা অতি শুভসংবাদ বটে। অস্বদেশীয় কোনও সুপণ্ডিত ও চিন্তাশীল ব্যক্তি বলিয়াছেন যে, নারী পূর্ণ-মানুষের কোমলাংশ অর্থাৎ হৃদয়। নারী যদি ধর্ম্মাচার্য্য হইয়া জনসমাজে সাধারণভাবে এবং প্রত্যেক পরিবার মধ্যে বিশেষভাবে ধর্ম্মশিক্ষা প্রদান করেন তাহা হইলে ঠিক হয়। পুরুষগণ

যে এ কার্য্যে ব্রতী হইয়া কার্য্য করেন তাহা অনেক সময় অনধিকার চর্চা হইয়া উঠে। কেননা আমরা ধর্ম্ম জগতের ইতিহাস পাঠে অবগত হই যে প্রায় সমুদায় ধর্ম্মাচার্য্যই হৃদয় প্রধান অর্থাৎ নারী প্রকৃতি বিশিষ্ট। খ্রীষ্টা, খ্রীষ্টোরাঙ্গ, খ্রীষ্টবুদ্ধ প্রভৃতি এমনি নারী ভাবাপন্ন অর্থাৎ প্রেমভক্তিতে ভাবাক্রান্ত হইয়া এমনি কোমলতা লাভ করিয়াছিলেন যে নারী প্রকৃতি তাঁহাদের ভিতরে অতি বিলক্ষণরূপে বিকাশ প্রাপ্ত হইয়াছিল। ফলতঃ হৃদয়-প্রধান লোকই ধর্ম্মাচার্য্যের কার্য্যে অধিকাংশ সময় ব্রতী হইতে থাকেন এবং তাঁহারা ই কৃতকার্য্যতা সহকারে সেই কার্য্য সম্পন্ন করিয়া থাকেন। সুতরাং নারীগণ আচার্য্য হইয়া ধর্ম্মশিক্ষা দিলে উহা তাঁহাদের স্বভাবোচিত কার্য্যই হইবে এবং তদ্বারা মানবসমাজের মহৎ কল্যাণ সাধিত হইবে সন্দেহ নাই। এদেশেও নারীগণের আচার্য্য হইয়া ধর্ম্মশিক্ষা দিবার পক্ষে কোন বিশেষ বাধা নাই। তবে এদেশের জল বায়ুও সামাজিক অবস্থা এবিষয়ে প্রতিফল যে নারীগণ সভা সমিতিতে উপস্থিত ভাস্কর পশুর প্রভৃতি গুরুজনের সমক্ষে অবগুপ্তন উন্মোচন করিয়া ধর্ম্মোপদেশ দেওয়া লোকের মনে কেমন কেমন একটা বোধ হইলেও, তাঁহাদের পরিবার মধ্যে প্রবেশ করিয়া মহিলাগণ ও বালক বালিকাদিগের মনে ঈশ্বর বিশ্বাস ও প্রেমভক্তির বীজ বপন করিয়া দিতে কোন বাধা নাই। বৈষ্ণবোচার্য্যগণের দৃষ্টান্ত এ সম্বন্ধে আমাদের মানস পথে

সম্পৃষ্টিত হইতেছে। আমরা জানি অনেক সময় গোস্বামী-পত্নীগণ শিষ্য গৃহে গমন করিয়া ধর্ম্য দীক্ষা ও শিক্ষা প্রদান করিয়া থাকেন। ব্রাহ্মসমাজেও যদি মহিলাগণ বক্তৃতা করিয়া সুনাম উপার্জন করিবেন এবং লোকের মুখে প্রশংসা পানি ও সংবাদপত্রে গুণকাহিনী শুনিবেন, এতাবৎ কার্য্য না করিয়া, শুধু দেশের ও সমাজের প্রকৃত কল্যাণার্থিনী হইয়া ঘরে ঘরে পরিবারে পরিবারে উপাসনা উপদেশ ও সঙ্গীতাদি কার্য্য করিতে যত্নবতী হন তাহা হইলে অল্প সময়েই মণ্ডলীর প্রকৃত কল্যাণের পথ পরিষ্কৃত হইতে পারে। ব্রাহ্ম ও শিক্ষিত হিন্দুসমাজে যুবক ও যুবতীগণ এবং বালকবালিকাগণ ধর্ম্ম সম্বন্ধে দেবার্জনা উপাসনা প্রার্থনাদি সম্বন্ধে দিন দিন উদাসীন হইয়া পড়িতেছেন, এ অভিযোগ প্রায় অনেকের মুখেই শুনা যায়। এবং এজন্য অনেকে উপদেষ্টাগণের উপর দোষারোপ করিতেও ক্রটি করেন না। তাঁহাদের এ বিষয়ে কোনও দোষ ক্রটি নাই তাহা আমরা বলি না। তবে নারীগণের কার্য্য নারীগণ না করিলে, পিতামাতার গুরুতর দায়িত্ব বলিয়া পিতামাতাগণ পরিবার মধ্যে ধর্ম্মানুরাগ প্রতিষ্ঠা করিতে যত্ন না করিলে, শুধু উপদেষ্টার উপদেশ প্রার্থনা ও সঙ্গীত, কে কতদিন গ্রাহ্য করিবে? যাহা হউক ব্রাহ্মসমাজে মহিলাগণ উচ্চশিক্ষা লাভ করিয়া সাহিত্যানুরাগিণী হইতেছেন এবং কেহ কেহ ডাক্তার ও অনেকে শিক্ষয়িত্রী হইয়াছেন। ইহা যে যথার্থই দেশের কল্যাণকর

তাহাতে সন্দেহ নাই। তবে নারীজাতির শিক্ষার জন্য যতদিন স্বতন্ত্র পাঠ্য পুস্তক নির্দিষ্ট না হইতেছে এবং শিক্ষার্থিনীদের পত্রীকার স্বতন্ত্র প্রণালী প্রবর্তিত না হইতেছে, ততদিন নারীজাতির উচ্চ শিক্ষার প্রকৃত অন্তরায় দূর হইতেছে না। এবং বর্তমান সময়ে নারীজাতির মধ্যে উচ্চ শিক্ষার দ্বারা যে দোষ প্রবিষ্ট হইতেছে তাহাও অপনীত হইতেছে না। লোকে বলে চক্চকে হইলেই সোণা হয় না। তদ্রূপ উচ্চ শিক্ষা বলিলেই উচ্চ শিক্ষা হয় না। বিএ বা এম্‌এ, উপাধিধারী হইলেও কিছু আসে না; না হইলেও কিছু যায় আসে না। মন উন্নত না হইলে, হৃদয় প্রশস্ত না হইলে নারীজাতির উপযোগী কার্য্যে অনুরাগ না হইলে প্রকৃত উচ্চশিক্ষা হইল কিরূপে বলা যাইতে পারে। শিশুশিক্ষা ও পরিবার মধ্যে ধর্ম্মপ্রচার এই দুইটি ভার যদি শিক্ষিতা রমণীগণ গ্রহণ করেন তাহা হইলে সত্য সত্যই এদেশের প্রকৃত কল্যাণ সাধিত হইতে পারে। আর মানবসমাজের প্রকৃত অলঙ্কার স্বরূপা নারীজাতি যদি শিক্ষার সঙ্গে সঙ্গে কঠোর প্রকৃতি, মুখর স্বভাব, ভোগবিলাস পরায়ণা, আত্মমুখরতা এবং মানিনী, অভিমানিনী, প্রভূত-পরায়ণা হইয়া উঠেন তাহা হইলে এই পতিত দেশের প্রকৃত উন্নতির সম্ভাবনা আশা কোথায়? আমরা সরল অন্তরে আশা করি, এদেশে শীঘ্র শীঘ্রই একদল নারী ঈশ্বর রূপায় এমনভাবে দণ্ডায়মান হইবেন যাহাদের ধর্ম্মানুরাগে, ঈশ্বরনিষ্ঠায় এবং প্রেম ভক্তির প্রভাবে দেশের দুর্ব্বস্থা অচিরে দূর

হইবে। সুইজলণ্ডে এমন একদল নারী কার্য্যক্ষেত্রে উপনীত হইয়াছেন, যাহারা আচার্য্য হইবার যোগ্য। এদেশেও যদি সেরূপভাবে নারীগণ প্রস্তুত হন তাহা হইলে সমাজ তাঁহাদিগকে নিশ্চয়ই কার্য্য করিতে দিতে বাধ্য হইবে। এবং দেশের দুর্ব্বস্থাও দূর হইবে। নারীজাতি বিশ্বজননীর প্রেম ও মাতৃশক্তির অবতার। নারীর নিকট পৃথিবী চিরদিন অবনত মস্তক রহিয়াছে ও থাকিবে। শিক্ষিতা নারীগণ ইহা চরিত্র ও জীবনে প্রদর্শন করিয়া এদেশকে ধন্য করুন।

পরিচ্ছদ ও বিলাস।

পৃথিবীর মানচিত্র সম্মুখে লইয়া মানব জাতির ইতিহাস ও উন্নতির বিষয় আলোচনা করিলে চক্ষু স্বভাবতঃ বর্তমান ইউরোপ ও আমেরিকার প্রতি প্রধাবিত হয়। মনে হয় কৈ, এমন সভ্যতা এ প্রকার উন্নতি পৃথিবীর কোনও দেশে এবং কোনও জাতির মধ্যে ত দেখা যায় না? বিজ্ঞান, দর্শন, সাহিত্য, শিল্প, শারীর বিদ্যা, প্রাণি বিদ্যা, স্বাস্থ্যবিজ্ঞান রাসায়নিক বিদ্যা, ভূ-বিদ্যা, উদ্ভিদ বিদ্যা, পুরাতত্ত্ব, জ্যোতির্বিদ্যা, তড়িৎ শক্তি, প্রভৃতি মানব জাতির উন্নতির যাবতীয় বিষয়ে বর্তমান হুসভ্য ইউরোপ ও আমেরিকা যে প্রকার যত্ন চেষ্টার ও তাহার সফলতার পরাকাষ্ঠা প্রদর্শন করিতেছেন এরূপ দৃষ্টান্ত ত অগ্ৰত অতি বিরল। বস্তুতঃ ক্ষণকাল এইরূপ ভাবে চিন্তা করিলে অনু-

ভূত হয় যে যেমন রজনীর অবসানে তদ্রূপ অরুণ পূর্বাকাশে উদিত হইলে নভোমণ্ডলস্থ তারকাবলী একে একে অদৃশ্য হইতে থাকে, তদ্রূপ বর্তমান সময়ে ইউরোপ ও আমেরিকার সভ্যতারূপ-মার্গেণ্ডের মন্থমালা এমনি উজ্জ্বলভাবে পৃথিবীময় বিকীর্ণ হইয়া পড়িতেছে যে পৃথিবীর প্রাচীন সভ্যতম জাতিগণের সভ্যতা তাহার আলোকে ক্রমে অদৃশ্য হইয়া পড়িতেছে। বলিতে কি প্রাচীন মিসর, ভারতবর্ষ, বেবিলন, এসিরিয়া, গ্রীস, রোম প্রভৃতি দেশের উন্নতি, এই বর্তমান পাশ্চাত্য উন্নতির কারণ হইলেও উহা এক্ষণে অতি যৎসামান্য প্রতীয়মান হয়। যাহারা মানব জাতির ও মানব আত্মার ক্রমোন্নতি বিধাস করেন তাঁহারা অবশ্যই স্বীকার করিবেন যে একটী অহরিত বীজ, সুন্দর ফুল ফলে পরিশোভিত বিশাল বৃক্ষের তুলনায় অতি ক্ষুদ্রই পরিদৃশ্যমান হইয়া থাকে। সুতরাং মানব জাতির যে সভ্যতা স্বর্ঘ্য স্বপ্তের জন্মের হাজার হাজার বৎসর পূর্বে পূর্বে দিকে আর্গাজাতির মধ্যে সমুদিত হইয়াছিল, স্বপ্তের জন্মের কিকিৎ পূর্ক হইতে গ্রীক ও রোমক জাতির উন্নতির সঙ্গে সঙ্গে ইউরোপে এবং স্বপ্তধর্ম্ম বিস্তারের সঙ্গে সঙ্গে সমগ্র ইউরোপে ও আমেরিকাতে, সেই স্বর্ঘ্যের কীরণ জাল বিকীর্ণ হওয়াতে ঐ সকল দেশ এক্ষণে মাধ্যাহ্নিক দিবালোকে সুশোভিত ও সমুজ্জ্বলিতের স্থায় পরিলক্ষিত হইতেছে। আমরা পাশ্চাত্য সভ্যতার যে প্রশংসা ও গুণকীর্তন করিতেছি তাহা যে অতুল্য নয় এ কথা বোধ

হয় কেহ অঙ্গীকার করিবেন না। তবে কি তাহাতে কোনও দোষ নাই? অবশ্যই আছে। তাহা কি, তাহারই একটা দোষের বিষয় অদ্য আমরা আলোচনা করিব। গুণে মনুষ্য স্তম্ভাব মুগ্ধ এবং গুণ গ্রহণেই তাহার স্পৃহা। সুতরাং আমরা পাশ্চাত্য সভ্যতার আলোকে অন্ধ হইয়া মরণোন্মুখ শলভের (পতঙ্গের) স্তায় তাহাতে আত্ম-ছতি প্রদান না করি, তাহাই আমাদের আলোচনা ও বিবেচনার বিষয়। বাঙ্গালীর মন (নরনারী নির্বিশেষে) অতি সঙ্কীর্ণ। বাঙ্গালীর চিন্তাশীলতা অল্প। বাঙ্গালীর শরীর যেমন দুর্বল মন তদপেক্ষা আরও হালকা। সুতরাং বাঙ্গালী খাদ্যের ভাল মন্দ বিবেচনা না করিয়া যাহা রুচিকর ও আশু সুখপ্রদ তাহাই আহাৰ করে। নিয়ত বিবেচনা করিয়া পুষ্টিকর দ্রব্য গ্রহণ করিতে অক্ষম বিধায় বাঙ্গালীর শরীর ও মন দুই অতি দুর্বল। বিদেশীয় চরিত্রের কোন কোন গুণ গ্রহণ করিয়া কোন কোন দোষ ও দুর্বলতার প্রতি উপেক্ষা করিতে হইবে বাঙ্গালী তাহা ভাল করিয়া চিন্তা করিবার অবকাশ ও পায় না। বর্তমান সময়ে বাঙ্গালী যান ও বাঙ্গালী পোতের সহায়তায় বাঙ্গালী সুদূর ইউরোপে, আমেরিকা ও জাপান আফ্রিকা, অষ্ট্রেলিয়া প্রভৃতি দেশে অন্যায়সে গমনাগমন করিয়া বিভিন্ন জাতীয় লোকের সঙ্গে মিলিত হইতেছে। ভারত-বর্ষেও নানাদেশীয় স্ত্রীলোক ও পুরুষদিগের সমাগমে আমাদের দেশে এক অভিনব অবস্থা সমুপস্থিত হইয়াছে।

ইহার সঙ্গে সঙ্গে পশ্চিম দেশীয় সভ্যতা-সূর্য ধীরে ধীরে আসিয়া ভারত আকাশে সমুদিত হইয়াছে। বিজ্ঞান দর্শনাদির আলোচনা এক্ষণে পূর্বাপেক্ষা বাহুল্যরূপেই হইতেছে। পুরুষদিগের সঙ্গে নারীদিগের জীবনেও নূতন নতন অবস্থা সমুৎপন্ন হইতেছে। নারীদিগের শিক্ষার উন্নতির জন্য প্রবেশিকা বিদ্যালয় এবং কলেজ পর্যন্ত সংস্থাপিত হইয়াছে। পাশ্চাত্য শিক্ষা এক্ষণে বিশেষরূপে প্রচলিত হইতেছে ও আরও হইবার আশা করা যাইতেছে। সুতরাং এই শিক্ষার সঙ্গে সঙ্গে তুলন্য স্ত্রী অবলম্বন করিয়া যে সকল দুর্নীতি ও দোষ নারী সমাজে প্রবিষ্ট হইতেছে বা হইবার উপক্রম করিতেছে তৎপ্রতি, নারীজাতির এবং বিশেষতঃ এ দেশের প্রকৃত কল্যাণাকাঙ্ক্ষী ব্যক্তি মাত্রেরই উদাসীন ভাবে নির্মূলিত নয়ন থাকা উচিত নহে। আমরা বর্তমান সভ্যতাকে মধ্যাহ্নিক সূর্যের সহিত তুলনা করিয়াছি। তুলনা করিয়া ভুল করি নাই। আমাদের ভগিনীগণ মধ্যে অনেকেই হয়ত জানেন, যে সূর্যদেবের পত্নীর নাম ছায়া। অর্থাৎ ছায়া সূর্যের সঙ্গে অবস্থিতি করে। “আলোকের পাছে আঁধার” এ কথা এ দেশের পক্ষে নূতন নহে। অতএব বর্তমান পাশ্চাত্য সভ্যতার আলোকের উজ্জ্বল ছটায় এদেশের নারীগণেরও যে দৃষ্টি ঝলসিয়া গিয়া তাঁহাদিগকে গভীর অন্ধকারে নিক্ষেপ করিবে ইহা ত বিচিত্র নহে। এজন্য উল্লিখিত ভূমিকা সহকারে আমাদের

অভীপ্সিত আলোচ্য বিষয়ের অবতারণা করা যাইতেছে।

কিছুদিন হইল ইউরোপ হইতে সমাগত কোন সংবাদ পত্র স্ত্রে দৃষ্ট হইল যে কোনও সম্ভ্রান্ত ভদ্রলোক (আমরা নাম করিব না) পবিত্র বিবাহবন্ধন ছিন্ন না করিয়া শুধু স্তম্ভ ভাবে স্থিতি করিবার জন্য স্বীয় ধর্মপত্নীর বিরুদ্ধে আদালতে অভিযোগ উপস্থিত করিয়াছেন। অভিযোগের হেতু আমাদের ভাষায় এইরূপ লিপিবদ্ধ হইতে পারেঃ—তাঁহার নিজের আয় বার্ষিক ২৫,০০০ হাজার পাউণ্ড অর্থাৎ ৫, ৭৫০০০ টাকা। কিন্তু তদীয় পত্নী এক বৎসরে যত পরিচ্ছদ ক্রয় করিয়াছেন তাহাতে তাঁহার ৪০,০০০ পাউণ্ড ব্যয় হইয়াছে। সুতরাং তাঁহার আয় অপেক্ষা এক পরিচ্ছদেই যেরূপ ব্যয় বৃদ্ধি হইয়াছে তাহাতে তাঁহাদের দম্পতীরূপে গার্হস্থ্য ধর্ম প্রতিপালন ও গার্হস্থ্য সুখ সম্ভোগে সুখী হওয়া অসম্ভব। অতএব আইন আদালত তাঁহাদিগকে স্তম্ভভাবে অবস্থিতি করিতে অনুমতি করেন ইহাই প্রার্থনা। আমাদের পাঠিকাদিগকে অধিক বলা বাহুল্য। তাঁহারা এই একটা দৃষ্টান্ত হইতেই পশ্চিম দেশীয় সম্ভ্রান্ত সমাজের অবস্থা একটু বুঝিতে সক্ষমা হইবেন। এক একটা বিষয়ে এক একটা দৃষ্টান্তই যে সেই সম্বন্ধে সহস্র সহস্র বিষয় পরিগ্রহের উপায় তাহা আর্থ্য ঋষিগণও বলিয়াছেন এবং এদেশে নারীগণও প্রতিদিনই প্রত্যক্ষ করিয়া থাকেন। যেহেতুক অন্ন পানের সময় একটা তণ্ডুলের

পরীক্ষা দ্বারাই ঠাঁড়ীস্থিত সমগ্র তণ্ডুল সুস্বাদু হইয়াছে কিনা তাহা জানা যায়। সুতরাং আমরা পরিচ্ছদের বিলাস ও ব্যয় সম্বন্ধে যে একটা দৃষ্টান্ত প্রদর্শন করিলাম তাহা হইতেই সভ্য ইউরোপ ও আমেরিকার অবস্থা কথঞ্চিৎ অনুভূত হইবে। আমরা ভূমিকাতে যে সকল প্রাচীন সভ্য দেশের নাম করিয়াছি, তাহার কোনও দেশে এরূপ পরিচ্ছদের ব্যয় ছিল ইতিহাসে তাহার প্রমাণ নাই। তবে আমাদের যদি ভ্রম না হয়, প্রাচীন মিসর ও রোম প্রভৃতি দেশেও পরিচ্ছদের বিলাসিতা বিলক্ষণ ছিল। প্রাচীন আর্যগণ যে পরিচ্ছদ বিষয়ে অত্যন্ত সাদাসিধে ছিলেন তাহা বলা বাহুল্য। ব্রাহ্মণগণ চিরদিনই সামান্য পরিচ্ছদে পরিতুষ্ট থাকিয়া বিশুদ্ধ ধর্ম জীবন যাপন করিতেন। আর্থ্য-নারীগণের ও পরিচ্ছদের প্রতি বিশেষ দৃষ্টি ছিল তাহার প্রমাণ নাই। তবে রাজন্যবর্গ, রাজমহিষীগণ, রাজসভাসদ ও রাজসমীপে যাহারা যাতায়াত করিতেন তাঁহাদের যে সুরূচিসম্পন্ন ও অবস্থানুযায়ী মূল্যবান পরিচ্ছদ পরিধানের ব্যবস্থা ছিল তাহাতে বিন্দুমাত্রও সন্দেহ নাই। ভারত উচ্চপ্রধান দেশ। পুরুষদিগের জন্য ধৃতি জামা যে এ দেশের পক্ষে যথেষ্ট তাহা বলা নিঃপ্রয়োজন। নারীদিগের পোষাক এ দেশে খুব সাদাসিধে। অবশ্য শুধু একখানা সাড়ী যাহা পূর্বে প্রচলিত ছিল, তাহা কোন মতেই ভাল বলা যায় না। তবে এই প্রয়োজনীয় পরিবর্তিত ও উন্নততর পরিচ্ছদ গ্রহণ করিতে

যাচিয়া যদি নারীগণ বিলাস প্রিয় হইয়া উঠেন তাহা জীব পরিভ্রমের বিষয় হইবে। পরিভ্রমের বিলাস বিভীষিকা ক্রমশঃ এ দেশে আশ্রয় আশ্রয় শিক্ষিত নারীদিগের মধ্যে উপস্থিত হইয়া অল্প আয়বিশিষ্ট ভদ্রলোকদিগকে দিন দিন আতঙ্কিত করিতেছে। সেই জন্যই আমরা উল্লিখিত সাহেব মেমের বিষয় উল্লেখ করিয়া এই বিভীষিকার কোনও কারণ আছে কি না পাঠিকাদিগের মনে সেই প্রশ্নই অদ্য মুদ্রিত করিয়া দিলাম। আশা করি তাঁহারা নিরুজ্জনে এ বিষয় চিন্তা করিবেন এবং অভিভাবকদিগের সঙ্গেও এ বিষয় লইয়া আলোচনা করিবেন।

সংবাদ ।

আর এক মাসের মহিলা বাহির হইলেই বর্তমান ১৬শ ভাগ শেষ হইবে। অতএব এই বৎসরের মূল্য ১১০ টাকার সঙ্গে সাবেক বাকি যাহার নিকট যত পাওনা আছে কৃপা করিয়া এই মাসের মধ্যে আমাদের নিকট প্রেরণ করিতে আঞ্জা হইবেক।


ভিক্টোরিয়া মহিলা বিদ্যালয়ের উন্নতির জন্য গবর্নমেন্টের নিকট যে মাসিক ৪২৫ টাকা সাহায্য প্রার্থনা করা হইয়াছিল আমরা আঙ্লাদের সহিত সকলকে অবগত করিতেছি যে, গবর্নমেন্টের শিক্ষাবিভাগের কর্তৃপক্ষ ঐ সাহায্য দিবেন বলিয়া সম্পাদককে পত্র লিখিয়াছেন। তাঁহাদের এই দয়ার জন্য আমরা সর্বাঙ্গ-করণে কর্তৃপক্ষকে ধন্যবাদ দিতেছি। দয়াময় শ্রীহরি বিদ্যালয়ের শিক্ষক এবং

অধ্যক্ষগণকে আশীর্বাদ করুন। সকলে নিজ নিজ কর্তব্য কার্য সম্পাদন করিয়া বিদ্যালয়ের উন্নতি সাধন করুন।

আমরা স্থানাভাবপ্রাপ্ত বালিকা-দিগের নীতিবিদ্যালয়ের বাৎসরিক বিবরণ প্রকাশ করিতে পারিলাম না, আষাঢ় মাসের পত্রিকায় উহা প্রকাশ করিবার চেষ্টা করিব।

২২এ জুন সম্রাট পঞ্চম জর্জের রাজ্যাভিষেক লণ্ডন নগরে সমারোহের সহিত সম্পন্ন হইবে, ঐ দিন সম্রাট ও সাম্রাজ্যের কল্যাণার্থ ভগবানের নিকট প্রার্থনা করিতে মহিলার পাঠক পাঠিকাদিগকে অনুরোধ করিতেছি। দয়াময় শ্রীহরি তাঁহার মনোনীত রাজা ও রাণীর সর্বাঙ্গীন মঙ্গল বিধান করুন।

পৃথিবীর ভিন্ন ভিন্ন মহাদেশস্থ ব্রিটিশ সাম্রাজ্যভুক্ত রাজ্যে মেরী নামী যত মহিলা আছেন, তাঁহারা মহারাজ পঞ্চম জর্জের রাজ্যাভিষেক উপলক্ষে এক অতি অভিনব আকারের উপঢৌকন প্রেরণ করিয়াছেন। বলা বাহুল্য যে, মহামহিম সাম্রাজ্য মেরীর নামের গৌরব প্রবন্ধনার্থ এবং তাঁহার সহিত মেরীনামী মহিলাগণের বিশেষ সম্বন্ধ ও ভালবাসা জ্ঞাপনার্থ এই উপঢৌকনের সূত্রপাত হইয়াছে। উপহার—গাটার ইনসিগনিয়াতে রাজা পঞ্চম জর্জের ও যুব-রাজের হীরকখচিত প্রতিমূর্তি সহ ১৩৭০০ পাউণ্ডের (২,০৫৫০০ টাকা) একখান চেক সহ রাজ্য মেরীর হস্তে প্রেরিত হইয়াছে। এই টাকা রাজ্য কোনও বিশেষ জনহিতকর কার্যে অর্পণ করিবেন। রাণী দাত্রীগণের এই বিশেষ দান আদরের সহিত চিরকাল স্মরণে রাখিবেন বলিয়া-ছেন এবং তাঁহাদিগকে বিশেষ ধন্যবাদ প্রদান করিয়াছেন।



মাসিক পত্রিকা ।

“যত্র নার্যস্তু পূজ্যন্তে রমন্তে তত্র দেবতাঃ ।”

১৬শ ভাগ] আষাঢ়, ১৩১১ । জুলাই, ১৯১১ । [২ম সংখ্যা ।

প্রার্থনা ।

হে শান্ত-শিব-সুন্দর পরমেশ্বর, নরনারী তোমারই সৃষ্ট জীব, তোমারই আত্মজাত সন্তান। আমরা যত অশান্ত, অপৈনিক ও কুৎসিত হই না কেন, শান্ত, শিব ও সুন্দর হইবার জন্ত আমরা তোমার আন্তরিক আকাজক্ষা চিরদিনই রহিয়াছে। ইহা তোমারই কৌশল যে, মনুষ্যসন্তান তোমার বিরুদ্ধ আচরণ করিয়া কখনও শান্ত, প্রশান্ত ও সুখী হইতে পারিবে না। যতই আমরা তোমার বিরোধী হই, ততই অশান্তচিত্ত হই; লোকের প্রতি বিদ্বেষ পোষণ করিয়া কষ্টে দিনযাপন করি এবং সৌন্দর্য্য দর্শন হইতে বঞ্চিত হইয়া আপনার বিরুদ্ধ জীবনের ভারে আপনারা ক্লিষ্ট হই। তুমি মঙ্গল-ময় দেবতা, তুমি আমাদের জন্ত কত-রূপ মঙ্গল চিন্তা ও মঙ্গল কার্য করিতেছ তাহা আমরা জানি না। আমরা এই দৃষ্টমান জগতে সুখভোগ করিয়া তৃপ্ত

হইতে চাই। কিন্তু তুমি আমাদের এই পৃথিবীর অভাব পূর্ণ করিয়াই ক্ষান্ত হও না, তুমি ইচ্ছা করিতেছ যে, ইহার সঙ্গে সঙ্গে আমরা তোমার শান্তি, প্রেম ও পুণ্যরাজ্যে স্থান প্রাপ্ত হই। এ বিষয়ে আমাদের দৃষ্টি পরিষ্কার হয় নাই, বিশ্বাস উজ্জল হয় নাই, এই জন্ত আমাদের জীবনের প্রকৃত কর্তব্যও স্থির হয় নাই। হে দেব, যদি কৃপা করিয়া দেখাইয়া দিতেছ যে তোমার পুত্রকথাগণ পৃথিবীতে আপনাদিগের বিবিধ প্রকারের অভাব মোচন করিতে যেমন যত্নশীল হইবে, তেমনই তাহাদিগকে তোমার শান্ত শিব সুন্দর স্বরূপে প্রতিষ্ঠিত হইতে হইবে; তাই প্রভু, আশীর্বাদ কর যেন আমরা যেমন শারীরিক কষ্ট অসুবিধা প্রভৃতি দূর করিতে দিন রাত্রি পরিশ্রম করি, তেমনই যেন তোমার প্রেম পুণ্য তায় ও শান্তির রাজ্য অন্তরে ও বাহিরে স্থাপন করিতে চিরদিন যত্নশীল থাকি। আমরা যেমন

অলস হইয়া ক্ষুধা পিপাসার ক্লেশ সহ করাকে ভয়ানক অগ্রায় মনে করি, তেমনই যেন নিশ্চিন্ত হইয়া অশান্ত জীবন, অপ্ৰেমিক জীবন ও কুৎসিত জীবন যাপন করা মহা ক্লেশকর মনে করি। এই প্রার্থনা করিয়া বার বার তব পাদপদ্মে প্রণাম করি।

সহিষ্ণুতা।

“মহিলা” পাঠিকাগণের নিকট সহিষ্ণুতার বিষয় বলা কামারবাড়ী সূচবিক্রয় করায় গ্রায় মনে হইবে। এদেশের নারীগণের যত সহিষ্ণুতা, এত সহিষ্ণুতা আর কোথায় দেখা যায়? আমাদের মহিলাগণ নীরবে কত কষ্টই না সহ করেন? কত ক্ষুধা পিপাসা সহ করিয়া ব্রতপালন করেন, কত কঠিন সংযম করিয়া নারীজীবনের উচ্চ আদর্শ পালন করেন। ইহারা আত্মীয় বন্ধুবান্ধবের কত কঠোর ব্যবহার ও কত ঔদাসিন্য সহ করেন। সামাজিক নিয়মের অনুরোধে কত কষ্ট সহ করেন, এমনকি গৃহের ভৃত্যগণের নিকটও সময় সময় কত ভ্রূব্যবহার প্রাপ্ত হন ও নীরবে সহ করেন। আমরা মধ্যে মধ্যে যে অসহিষ্ণু নারীর কথা শুনিতে পাই না এমন নহে, কিন্তু সে কথা উল্লেখযোগ্য নয়, কেন না ভারতের নারীদিগকে সাধারণ ভাবে সহিষ্ণুতার অবতার বলিলেও অত্যুক্তি হয় না। ভারতমহিলাগণের সহিষ্ণুতার এত কথা বলিয়াও আমরা দিগকে বলিতে হইতেছে যে, প্রকৃত সহিষ্ণুতা কি ইহা এদেশের

নারীগণের নিত্য আলোচনার বিষয় হওয়া উচিত। ধৈর্য, সহিষ্ণুতা প্রভৃতি গুণ প্রচুর পরিমাণে না থাকিলে গার্হস্থ্য ও সামাজিক জীবনে সুখশান্তি হয় এ কথা সত্য, কিন্তু এই সকল সদগুণের অপব্যবহারে ব্যক্তিগত মনুষ্যত্বের হানি হয় এবং সামাজিক উন্নতির পথ অবরুদ্ধ হয়। যদি কোন নারী আপনার স্বামী পুত্রের ও অগ্রাণ্ড আত্মীয়বর্গের সকল অত্যাচার ভ্রূব্যবহার বিমো প্রতিবাদে সহ করেন, তাহা হইলে তাহার আপনার অসুখ অসুবিধার শেষ থাকে না এবং তাহার সেই সকল আত্মীয়গণও চিন্তাহীন অসার লোক হইয়া পড়েন। এক জনের অতিরিক্ত সহিষ্ণুতাতে অগ্র সকলের অপকারই হয়। এজন্ত প্রত্যেক নরনারীকে সহিষ্ণুতার উপযুক্ত ব্যবহার শিক্ষা করা উচিত। স্বভাবত কোন লোক অধিক সহিষ্ণু, কোন লোক অসহিষ্ণু, তাহার মধ্যে আবার শরীর মন সুস্থ থাকিলে অনেক সময় সহ করার শক্তি অধিক থাকে এবং শরীর মন ক্লান্ত বা ক্লিষ্ট থাকিলে অল্পেই মানুষ অসহিষ্ণু হইয়া পড়ে। কিন্তু সহিষ্ণুতাবিষয়ে আদর্শ স্থির করিয়া ও ভিন্ন ভিন্ন অবস্থাতে কর্তব্য স্থির করিয়া কার্য্য করিতে সর্বক্ষণ যত্ন করা প্রত্যেক উন্নতিশীল নরনারীর কর্তব্য। কোনরূপ কষ্ট অনুভব হইলে তাহা দূর করিতে চেষ্টা করা স্বাভাবিক কার্য্য। যখন মানুষের জ্ঞান বা শক্তি অত্যন্ত অল্প হইয়া যায়, এমন কি আসন্ন মৃত্যুর সময়ও কষ্টের অনুভূতি ও তাহা দূর করিতে চেষ্টা দেখা যায়। অগ্র

সকল অবস্থাতেই কোনরূপ ক্লেশ অনুভূতির সঙ্গে সঙ্গেই তাহা দূর করিতে চেষ্টা হয়। কিন্তু আমাদের দেশের অবস্থা নানা কারণে এত বিকৃত হইয়া পড়িয়াছে যে এই স্বাভাবিক বৃত্তিটি অধিকাংশ স্থলে মৃতপ্রায় হইয়া রহিয়াছে। বৌদ্ধধর্ম এদেশে জন্মলাভ করিয়াছে ও বহুদিন এদেশের নরনারীর অন্তরে রাজত্ব করিয়াছে, তাহার পর দৃশ্যত বৌদ্ধধর্ম দেশ হইতে নিষ্কাশিত হইয়াছে, কিন্তু প্রকৃতপক্ষে বৌদ্ধধর্মের বিশেষ বিশেষ ভাব এখনও এদেশের নরনারীর অন্তরে আধিপত্য করিতেছে। আমরা দিগের দেশে কোন কোন বিষয়ে এখনও যে অস্বাভাবিক সহিষ্ণুতা দেখা যায়, ইহা হয়তো সেই বৌদ্ধধর্মের প্রভাবের একটি ফল।

স্বর্গের শান্তি লাভের জন্ত ব্যাকুল ব্যক্তিগণ অবশ্যই পৃথিবীর ক্ষণিক কষ্ট দুঃখ গ্রাহ্য করেন না—শারীরিক অভাব দূর করিতে ব্যস্ত থাকিলে আধ্যাত্মিক সাধন হয় না, এজন্ত এদেশের ধার্মিকগণ ধর্মসাধনে সহিষ্ণুতাকেই একমাত্র পথ বলিয়া ধারণ করিয়াছিলেন। তাহাদিগের দৃষ্টান্ত অনুসরণ করিয়া হয়তো অগ্র সকল লোকও সহিষ্ণুতাকে ধর্মের সহায় মনে করিয়াছিলেন। কিন্তু আমরা দিগের দৈনিক জীবনে দেখা যায় যে, জগৎকে যতই কেন মিথ্যা বলি না, ইহা মিথ্যা নয়—ক্ষুধা পিপাসাকে যতই কেন সাগাণ্ড মনে করি না, ইহাদিগকেও মাগ্র করিতে হয়। অপর দিকে দর্শনশাস্ত্র, ধর্মশাস্ত্র, সাধুসঙ্গনের উপদেশ স্বর্গরাজ্যকে অত্যন্ত নিকট

বলিলেও আমরা দেখিতে পাই যে, এই ধূলির পৃথিবী এই ক্ষণিক দেহকে অস্বীকার ও অগ্রাহ্য করিয়া এবং ইহা হইতে পলায়ন করিয়া কেহই স্বর্গরাজ্যে যাইতে পারে না। বর্তমান সময়ে সকল উচ্চ সাধকই বলিতেছেন যে, এই শরীর মনকে শুদ্ধ ও উন্নত করিতে হইবে এবং এই পৃথিবীর বস্তু ও ব্যক্তিগণকে লইয়া স্বর্গরাজ্যের দিকে অগ্রসর হইতে হইবে। এই সত্য স্বীকার করিলে আমরা সহিষ্ণুতার প্রকৃত তত্ত্ব বুঝিতে পারি। আমরা দিগের অন্তরের ও বাহিরের সকল অবস্থাই যখন সত্য অর্থাৎ আমরা দিগের মনের কল্পনা বা ভ্রান্তি নয়, তখন ইহারা যে দুঃখ ক্লেশ প্রদান করিবে তাহাও সত্যই সহ করিতে হয়, কিন্তু জীবন্ত জাগ্রত শক্তিমান ব্যক্তি কখনও নিশ্চেষ্ট হইয়া কষ্ট সহ করিতে পারে না, অবশ্যই দুঃখ দূর করিতে যত্নবান হয়। এই স্বাভাবিক নিয়মানুসারে সমস্ত মানব-মণ্ডলী চলিতেছে এবং আমাদের দেশের মহিলাগণও এই অবস্থা অনতিবিলম্বে লাভ করিবেন ইহা আমরা দিগের আশা। অলস হইয়া বা কোন সংস্কারের বশবর্ত্তী হইয়া কষ্ট সহ করা তাহারও পক্ষে সঙ্গত নয়, অথচ চেষ্টা যত্ন করিয়া যে কষ্ট দূর করা যায় না তাহার বিষয়ে অসহিষ্ণু হওয়া অত্যন্ত নির্ভুক্তিতার কার্য্য। পূর্বেই বলা হইয়াছে যে, আমরা দিগের দেশের নারীগণের সহিষ্ণুতা অত্যন্ত অধিক, এমন কি ইহা এক প্রকারের রোগবিশেষ। এই অথবা সহিষ্ণুতাকে দূর করিয়া ত্রাণা ভাবে সহিষ্ণু হওয়া ইহাই প্রয়োজন। সংসারে

বাস করিতে হইলে ধনী দরিদ্র, রাজা প্রজা সকলকেই অনেক সহ্য করিতে হয়। সহ্য করিতে হয় না এমন কেহ পৃথিবীতে নাই। যদি কেহ মনে করেন যে তাঁহার কোন কষ্ট ছুঃখ সহ্য করিতে হয় না, তাহা হইলে বলিতে হইবে যে, তাঁহার মন জড়ত্ব প্রাপ্ত হইয়াছে, কষ্ট অনুভূতির শক্তিই নাই। কারণ শীত গ্রীষ্ম, ক্ষুধা পিপাসা প্রভৃতি যখন তখনই মানুষকে কষ্ট দেয়, তাহা ব্যতীত মনের শত অভাব আছে, তাহা পূরণ না হইলে কষ্ট উপস্থিত হয়। শরীর ও মন যত সুস্থ ও জাগ্রত হয় ততই নানারূপ অভাব অনুভব হয়। এই সকল অভাব দূর করিতে যত চেষ্টা উপস্থিত হয় তাহাতেই জীবনের ও জ্ঞানের প্রকাশ হয় এবং যত নিশ্চেষ্ট অবস্থায় সহ্য করা হয় ততই প্রাণহীনতা ও জ্ঞানহীনতা প্রকাশ করে। কোন বিশেষ ব্যক্তির সারবত্তার কথা নির্ধারণ করিতে হইলে প্রথমত দেখা কর্তব্য যে তিনি কত দূর অভাব অনুভব করেন এবং তাহার পরের কথা এই যে, সেই অভাব দূর করিতে তিনি কত উদ্যমশীল। প্রকৃতপক্ষে এস্থলে সহিষ্ণুতার বিশেষ স্থান নাই, কারণ ক্ষমতাশালী মানুষ যথাসাধ্য কষ্ট দূর করিতে চেষ্টা করিবে এবং যে সকল কষ্ট দূর করিতে অক্ষম হইবে তাহা সে অবশ্যই সহ্য করিবে। যে ব্যক্তি ছুঃখ দূর করিতে সম্পূর্ণ চেষ্টা না করিয়া তাহা সহ্য করে, তাহার সহিষ্ণুতার অর্থ নাই। যে ব্যক্তি বিবিধ বিষয়ে প্রকৃত অভাব অনুভব করিয়া তাহা দূর করিতে একান্ত যত্নবান

হয়, অর্থাৎ অসহিষ্ণু হয়, সে তত উন্নতিশীল, প্রশংসায়োগ্য। ইহাই পৃথিবীর শ্রেষ্ঠ নিয়ম, স্বর্গরাজ্যের অনুরোধে পৃথিবীর অভাব বিষয়ে সহিষ্ণু হওয়া ভিন্ন কথা।

সুশিক্ষিতা ও সুসংযতমনা নারী কোন কুসংস্কারের বশবর্তী হইয়া অথবা আলস্য বশত কোন কষ্টই সহ্য করিবেন না কিন্তু যে কষ্ট স্বভাবের নিয়মে উপস্থিত হয়, যাহা নিবারণ করিবার উপায় নাই তাহা দৃঢ়তার সহিত সহ্য করিবেন। পুত্রের কঠিন পীড়া হইল আপনি সকল প্রকার কষ্ট স্বীকার করিয়া তাহার সেবা গুণগ্রহণ করিলেন যদি তাহাকে রক্ষা করিতে অক্ষম হন তখন অসহিষ্ণু ও অধীর হইয়া আপনার জীবন নাশ করিতে চেষ্টা অথচ অতিরিক্ত শোক করিয়া রোগগ্রস্ত হইবেন না সহিষ্ণু হইবেন। আমরাদিগের বিশ্বাস যে এদেশের নারীগণের দৈনিক জীবনে অত্যন্ত অসহিষ্ণু হওয়া প্রয়োজন। আমরাদিগের মহিলা গণ অসহিষ্ণু না হইলে দেশের পারিবারিক জীবনের উন্নতি হইবে না। একরূপ কথা বলিবার অভিপ্রায় ইহা নয় যে আমরা মহিলাগণকে অসহিষ্ণু হইয়া কলহ করিতে ও গৃহে অশান্তি আনয়ন করিতে বলিতেছি। আমরাদিগের অভিপ্রায় এই যে সংসারে সকলকেই কোন না কোন বিষয়ে কষ্ট সহ্য করিতে হয়, জীবন হইতে কষ্টকে একবারে দূর করা যায় না একথা সত্য, কিন্তু যে কষ্ট দূর করা সাধ্যাত্ত তাহা ভোগ করা কখনও আমরাদিগের মঙ্গলময় সৃষ্টি কর্তার অভিপ্রায় নয়। যদি কেহ শত

মুদ্রা উপার্জন ও বায় করিয়া আপনার কষ্ট দূর করিতে সমর্থ হইয়াও আলস্য বশতঃ অল্প দশ মুদ্রা উপার্জন করিয়া কষ্টভোগ করেন তাহা হইলে সেই কষ্টভোগ করাকে সহিষ্ণুতা বলা হইতে পারে না, উহা দুষণীয় জড়তা। যদি কেহ সাধ্য সম্বন্ধে উপযুক্ত জ্ঞান ও অর্থসঞ্চয় না করেন এবং প্রয়োজন উপস্থিত হইলে জ্ঞান বা অর্থের অভাবে নীরবে অত্যন্ত ক্লেশ সহ্য করেন তাহা হইলে তিনি দৃশ্যত সহিষ্ণু বলিয়া পরিচিত হইতে পারেন কিন্তু মূলত তিনি উদ্যম হীনতা ও নিরুদ্বিগ্নতার ছুঃখ ভোগ করেন। একরূপ সহিষ্ণুতা প্রশংসনীয় নহে। এ দেশের মহিলাগণের জীবনে যত সহিষ্ণুতা দেখা যায় তাহার অধিকাংশই উদ্যম হীনতা ও জ্ঞান হীনতার ফল।

বর্তমান সময়ের বা প্রাচীনকালের, এদেশের বা অন্যদেশের যখন যে নারী বা পুরুষ জ্ঞানে, সাংসারিক অবস্থাতে, সংকার্যে বা ধর্ম সাধনে উন্নত জীবন লাভ করিয়াছেন তাঁহাদিগের জীবন চরিত্র আলোচনা করিলে দেখা যায় যে তাঁহারা আপনার জীবনের বিশেষ উদ্দেশ্য বিষয়ে কোন হীনতা সহ্য করেন নাই, একান্ত অসহিষ্ণু হইয়া উন্নতি সাধন করিয়াছেন। কিন্তু ইতর বিষয়ে, হয়ত আপনার প্রয়োজনীয় আহার নিদ্রা বিষয়েই মহা ক্লেশ সহ্য করিয়াছেন। অহল্যা বাই আপনার নগরের, জাতির ও দেশের কত মঙ্গল করিলেন, কত কত তীর্থ স্থানের কত উন্নতি করিলেন কিন্তু আপনি কি কঠোর

বৈরাগ্য সাধন করিয়া, কষ্ট সহিষ্ণুতার পরাকাষ্ঠা দেখাইলেন। এ দেশের রাণী শরৎসুন্দরী ও আপনি অত্যন্ত কষ্ট সহিষ্ণু হইয়া সাধারণের কত মঙ্গল সাধন করিয়া গেলেন। যাহার জীবনের কোন উচ্চ গন্ডা আছে তাঁহাকে সহিষ্ণু হইতেই হইবে। এই সহিষ্ণুতার অর্থ অপবদিকে অসহিষ্ণুতা অর্থাৎ হীন অবস্থাতে অসহিষ্ণু হইয়া উন্নতি লাভের জন্য মহা উদ্যম প্রকাশ করা। যে সকল মহিলা উন্নতি লাভ করিতে ইচ্ছা করেন তাঁহাদিগকে সর্বপ্রথমে বর্তমান অবস্থার হীনতা দর্শন করিয়া অসহিষ্ণু হইতে হইবে, এই বিশেষ বিষয়ে অসহিষ্ণু হইয়া অভ্যাস দূর করিতে অথবা উন্নতি সাধন করিতে প্রবৃত্ত হইলে অন্য সকল বিষয়ে অত্যন্ত সহিষ্ণু হইতে হইবে ইহাই প্রার্থনীয় অবস্থা।

ভারতমহিলা ও ধর্ম।

সুদূর অতীত কালেও ভারতবর্ষে মহিলাগণকে ধর্ম এবং নীতিতে পুরুষের সাহায্য করিতে দেখা গিয়াছে। যখন বেদ বিহিত যজ্ঞানুষ্ঠান হইত তখনও পুরমহিলা তাহার সহায় হইতেন। যখন ঋগ্বেদের সূক্ত প্রকাশিত হইয়াছিল, অনেক পূজনীয় স্বাধীন চেতা আৰ্য্য মহিলার অন্তরেও তখন অনেক গুরুতর সূক্ত প্রকাশিত হইয়াছিল। সেই সময় তাঁহারা কেবল ঋষিকণ্ঠা বা ঋষিপত্নী ছিলেন এমন নহে; তাঁহারা স্বয়ং ঋষিত্বলাভ করিয়াছিলেন। রাজসিংহাসনে উপবেশন পূর্বক হিন্দুরাজ মহিষীগণ রাজকার্যেও

সহায়তা করিয়াছেন। মৃগয়াকালে রমণীগণ হিংস্রজন্তু পরিপূর্ণ ঘোরতর বনভাগে গমন করিয়া নির্ভীকতা ও সাহস প্রদর্শন করিয়াছেন।

বিদ্যানুশীলনে ও রমণীকুল এদেশে যথেষ্ট অনুরাগ এবং বিশেষ বিশেষ ক্ষমতা প্রদর্শন করিয়াছেন।

ভারত গগন যখন আবার নানারূপ উপধর্ম কুসংস্কার এবং পৌত্তলিকতায় আচ্ছন্ন হইতে ছিল, সেই সকল উপধর্ম কুসংস্কার এবং পৌত্তলিকতাকেও শ্রদ্ধা ভক্তি শৃঙ্খলে বন্ধন পূর্বক রক্ষা করিবার হেতু নারীরাই হইয়াছেন।

বর্তমান সময়ে ভারতের বিভিন্ন প্রদেশে জ্ঞান বিজ্ঞানের আলোক প্রবেশ করিয়াছে সত্য, কিন্তু ভারতবর্ষের হিন্দু তীর্থস্থান সকল পর্যটন করিলে কি এক-বিন্দু কুসংস্কার উপধর্ম বা পৌত্তলিকতার প্রতাপ হ্রাস হইয়াছে এরূপ মনে হয়! ইহার কারণ কি? অগণ্য ভারত ললনা বন্ধের রক্ত দিয়া ঐসকল অদ্যাপি পোষণ করিতেছেন ইহাই দেখা যায়। তাই কবি গাহিয়াছেন “না জাগিলে সব ভারত-ললনা, এ ভারত আর জাগে না জাগে না”!

বর্তমান সময়ে যে সকল মহিলা ব্রাহ্মসমাজের অন্তর্ভুক্ত, তাঁহারা ত সাক্ষাৎ ভাবেই ব্রাহ্মধর্মের প্রভাব প্রাপ্ত হইতেছেন। যাহারা ব্রাহ্মসমাজের অন্তর্ভুক্ত নহেন, অথচ নব্যশিক্ষার আলোকে আলোকিত তাঁহাদের ও ধর্ম এবং নীতি বিষয়িনী স্বাধীন চিন্তাশক্তি জন্মিয়াছে।

বর্তমান সময়ে পৃথিবীতে যত প্রকার ধর্ম ও ধর্মসম্প্রদায় আছে, তাহার উদ্দেশ্য উপায় এবং সাধন প্রণালী সকলের নিকটেই সুস্পষ্ট প্রকাশ পাইতেছে। অধুনা কোন ধর্মসম্প্রদায়ের ধর্মের গুণ-তত্ত্ব অতি অল্পই আছে। সুতরাং শিক্ষা প্রাপ্ত ভারত নারী প্রচলিত বিবিধ ধর্মের বিচার করিবার সুযোগও প্রাপ্ত হইয়াছেন। অসম্প্রদায় শাক্ত বৈষ্ণববাদি সম্প্রদায় মধ্যে ধর্মের নামে কত যে অধর্ম ও অনীতি অদ্যাবধি সমাজ দেহের রক্ত শোষণ করিতেছে তাহা কি শিক্ষিতা মহিলাগণ পরিগ্রহ করিতে অক্ষম? প্রস্তর মূর্তিকা, তরুলতা এবং সর্পাদি জন্তু এবং মনুষ্য এখনও অসংখ্য লোক কর্তৃক স্বর্গলাভের উপায়রূপে আরাধিত ও পূজিত হইতেছে। খ্রীষ্টান এবং বৌদ্ধ ধর্ম যত কেন প্রতাপান্বিত ধর্ম বলিয়া ধরাতলে খ্যাতি লাভ না করুক, ঐ সকল ধর্ম যে খ্রীষ্ট বা বুদ্ধকে সাক্ষাৎরূপে অর্চনা করিয়া নর পূজারই মহিমা ঘোষণা করিতেছে তাহা কি বর্তমান বিজ্ঞানালোকে শিক্ষিতা মহিলাগণের নিকট প্রকাশিত হইতেছে না?

পৃথিবীতে অধুনাতনকালে খ্রীষ্ট ধর্মই অধিকাংশ সত্য জাতির ধর্ম। যিশুখ্রীষ্ট পৃথিবীতে অবতরণ পূর্বক প্রায় দুই সহস্র বৎসর পূর্বের স্বর্গস্থ পিতার প্রতি ভক্তি এবং স্বর্গস্থ পিতার ইচ্ছা পালনই মানব-জীবনের অবশ্য প্রতিপাল্য ধর্ম বলিয়া প্রচার করেন। সরল ও শুদ্ধ চরিত্র যিশু সেই পিতৃভক্তি এবং পিতার ইচ্ছা পাল-

নার্থ শত্রুগণ কর্তৃক ভয়ানকরূপে অপমানিত ও ক্রুশ দণ্ডে নিহত হইয়াছিলেন। কিন্তু খ্রীষ্ট সম্প্রদায়ের ধর্ম ও যিশুখ্রীষ্টের ধর্ম এক নহে। যিশুখ্রীষ্টের প্রতি বিধাস ও ভক্তিই বর্তমান খ্রীষ্ট ধর্মের প্রাণ। যিশুখ্রীষ্টের মধ্য দিয়া যাহা কর্তব্য বোধ হয় তাহা প্রতিপালন করাই খ্রীষ্টানগণের জীবন। যাহা হউক খ্রীষ্টান প্রচারকগণ ভারতের অনেক কল্যাণ সাধন করিয়াছেন। তাঁহাদের কৃত উপকারের জন্য শিক্ষিত ভারতবাসিদিগের চিরকাল কৃতজ্ঞতায় খ্রীষ্টানদিগের নিকট অবনত থাকিতে হইবে। আমাদের শাসনভার এখন খ্রীষ্টান গবর্নমেন্টের হস্তে নাস্ত। তাঁহারা এদেশে স্বাধীনভাবে ধর্ম ও জ্ঞান-লোচনার অধিকার দিয়াছেন। তাহারই ফলে জগতের সার্বভৌমিক ধর্ম ব্রাহ্মধর্ম এদেশে প্রকাশিত এবং প্রতিষ্ঠিত হইয়াছে। ভারতে নারীজাতি অতি শোচনীয় অজ্ঞানতা এবং পরাধীনতা শৃঙ্খলে আবদ্ধ হইয়াছিল। ইংরেজদিগের অনুগ্রহে এবং প্রতিষ্ঠিত শিক্ষানীতি প্রভাবে ভারতের অবলা ললনা কুল সেই অজ্ঞানতার অন্ধকার ও পরাধীনতার শৃঙ্খল বিমুক্ত হইতেছেন। মহিলাকুলের ইহাও স্মরণ করা অতি আবশ্যিক। স্বাধীনভাবে ধর্ম চিন্তা ও জ্ঞান শিক্ষার অধিকার লাভ ভারতের পক্ষে অসাধারণ লাভ। ধর্মের জন্য ভারত জগতের নমস্যা ছিল। বর্তমান কালেও ব্রাহ্মধর্ম সর্বত্র গ্রহণ জন্য পতিত ভারত জগতের নমস্যা রূপেই পরিগণিত থাকিবে। মহিলা বর্গের চিন্তে এ

চিন্তা জাগ্রত থাকিলে সকলেরই বিশেষ কল্যাণ হইতে পারে।

ব্রাহ্মধর্ম কেহ জন্ম দ্বারা লাভ করিবে না। ব্রাহ্মের পুত্র বা কন্যা হইলেই তাঁহারা ব্রাহ্ম হইবেন এরূপ প্রত্যাশা করা যায় না। প্রত্যেক পুরুষ এবং নারীকে স্বাধীনভাবে অদ্বিতীয় মঙ্গলময় ঈশ্বরকে বিশ্বাস করিয়া ব্রাহ্মধর্ম গ্রহণ করিতে হইবে। এজন্য আমরা শিক্ষিত মহিলাদিগের নিকট বর্তমান প্রবন্ধ উপস্থিত করিতেছি যে, তাঁহারা যে সমাজে যে অবস্থাতে থাকুন, স্বাধীনভাবে যেন ধর্ম বিষয়ে চিন্তা করেন।

ভারতে সমুদায় বিষয়েই যুগান্তর উপস্থিত। বিশেষভাবে ধর্ম বিধানে মহা-যুগান্তর ক্রমে প্রকাশ পাইবে। পদ্মা নদীর স্রোত যেমন তীরবর্তী গ্রাম সকলের অভ্যন্তরে প্রবেশ পূর্বক গ্রামগুলিকে শূন্য-গর্ত করিয়া ফেলে; লোকে একদিন হঠাৎ দেখে যে ঘর বাড়ী তরুলতা শস্য ক্ষেত্রাদি সহ হয়ত চারি পাঁচখানি গ্রাম একেবারে অতল জলের গভীরতলে কোথায় অদৃশ্য হইয়া গেল। অসম্প্রদেয়ে নবযুগের প্রবল স্রোত তেমনি পুরাতন সমাজগুলির ধর্ম নীতিনীতি গুলি শূন্য গর্ত করিয়া ফেলিতেছে। আশা করি নারীগণ স্বকীয় এবং পার্শ্ববর্তিনী রমণীদিগের জীবন দেখিয়া আমাদের বাক্যের সত্যতা পরীক্ষা করিবেন।

যাহারা সুবুদ্ধি সুশিক্ষিত, তাঁহাদের পক্ষে সামাজিক অবস্থা ধর্মতাবাদি পরি-বর্তন বিষয়ে পর্যালোচনা ও এ অবস্থার

ইতিকর্তব্য চিন্তা করা স্বাভাবিক। নারীগণ জনমণ্ডলীর জননী। নারীগণ জনসমাজে লক্ষ্মী স্বরূপিণী। নারীগণ জনসমাজে ধর্ম ও পুণ্যরক্ষাকারিণী। নারী অবলা হইলেও মেহ প্রেমের অবতাররূপে মহাশক্তি-শালিনী। জগজ্জননীর সহিত নারীশক্তি সংযুক্ত হইয়া জনসমাজের সংরক্ষণ ও পরিপালনে নিযুক্ত। বর্তমান সময়ে শিক্ষিতা ভারতমহিলা কি উক্ত গুরুতর বিষয়ে চৈতন্য লাভ করিবেন না?

কুসংস্কার পূর্ণ ধর্মরক্ষায় ভারতবর্ষে নারীগণ যেমন অসাধারণ শক্তি প্রদর্শন করিতেছেন, তেমন সন্ধর্ম ও সন্নীতি এবং সুসংস্কার রক্ষার্থে শিক্ষা ও নবালোক প্রাপ্ত রমণীগণ নিশ্চয়ই মহাশক্তি প্রদর্শন করিবেন ইহা আমরা নিঃসংশয়রূপে প্রত্যাশা করি। এই দৃঢ় বিশ্বাসেই আমরা “মহিলার” স্বল্প সংখ্যক পাঠিকাকেও দেশের অবস্থা এবং তাঁহাদিগের কর্তব্য বিষয়ে চিন্তা করিবার জন্য অহুরোধ করি। ইংরাজী বা বাঙ্গালা ভাষায় লিখিত নাটক উপন্যাস পড়াই যাহারা জীবনের কার্য বলিয়া মনে করেন, তাঁহাদিগের সম্বন্ধে আর কি বলিব? ঈশ্বর তাঁহাদের ভ্রান্তি দূর করুন এই প্রার্থনা করি। কিন্তু আমাদের বিশ্বাস এই যে শিক্ষিতা মহিলাদিগের সকলের এ ভ্রান্তি নাই। বর্তমান ভারতীয় জনসমাজে অনেক অতি গুরুতর কর্তব্যভারও মস্তকে গ্রহণ করিয়াছেন; অনেক ললনা ভারতীয় জনসমাজের ও ধর্মভাবের পরিবর্তন বিষয়ে কখন কখন চিন্তাও করেন। তাঁহাদের প্রতি শ্রদ্ধাযুক্ত

ভাবেই আমরা ধর্ম, নীতিতে এবং ভারতীয় সমাজের শুভকর পরিবর্তন সাধন ব্যাপারে, কার্যে ও চিন্তাতে তাঁহাদের সাহায্য চাই। মহিলার সাহায্য ভিন্ন গৃহ তিষ্ঠিতে পারে না, পারিবারিক উন্নতি অসম্ভব হইয়া উঠে। মহিলার সাহায্য ভিন্ন সন্ধর্ম সন্নীতি এবং শুদ্ধ জ্ঞান কি ভারতীয় জনসমাজকে সম্পূর্ণরূপে অধিকার করিতে সমর্থ হইবে? পূর্বেও কদাপি তাহা হয় নাই। বর্তমানেও হইতেছে না এবং ভবিষ্যতেও তাহা হইবে না। এ বিষয় পুরুষ নারী উভয়েই চিন্তা করিয়া উভয়ে উভয়ের মুখাপেক্ষী থাকিবেন। ভারতের পরম কল্যাণ, পরম ধর্ম এবং জ্ঞান ও নীতি বিস্তার নারীশক্তির উপরে অধিকরূপে নির্ভর করে।

মহিলাগণ ভারতের ইতিহাস ধর্ম ও সামাজিক উন্নতির ইতিবৃত্ত, এবং প্রাচীন-স্মরণীয়া পূজ্যা রমণীগণের চরিত্র ও কার্য যেমন আলোচনা করিবেন, তেমন সভ্য জগতে রমণীগণ সামাজিক ও ধর্মসম্বন্ধীয় কল্যাণসাধনে কিরূপ কার্য করিয়াছেন তাহারও বৃত্তান্ত অধ্যয়ন করিবেন। তবেই তাঁহাদেরও যে ভারতীয় জনসমাজের কল্যাণ সাধনে কত গুরুতর দায়িত্ব তাহা হৃদয়ঙ্গম করিতে পারিবেন। বর্তমান সময়ে দশটি শিক্ষিতা মহিলাও যদি একরূপ ভাবে স্বকীয় এবং দেশীয় সকলের হিত চিন্তায় ব্রতী হন, তদ্বারা অচিন্তনীয়রূপে হিতসাধনের পথ প্রমুক্ত হইবে।

দাদামহাশয় ও নাতিনী।

দাদামহাশয়। কি দিদিমণি, তবু ভাল, আমাদের যে মনে পড়িল তাই পরম ভাগ্য। মনে পড়িবেই বা কেন, অমন বড় ঘর পেয়ে কি আর কিছু মনে থাকে। সে যাহা হউক, তোমার একটি নূতন বিদ্যা হয়েছে, এ বিদ্যা শিখিলে কোথায়, আমি তো তোমাকে শিখাই নাই?

সরলা। আমার আবার কি নূতন বিদ্যা হয়েছে?

দাদাম। তোমার তিনি সেদিন আমার আছে তোমার নামে বড় অভিযোগ করিলেন। তিনি বলিলেন, তুমি তাঁর মন চুরি করেছ, এই চুরি বিদ্যা তুমি কোথায় শিখিলে? নিশ্চয়ই তোমার ঠাকুর মার নিকট শিখেছ, তিনি পাকা চোর, আমার মন প্রাণ সর্বস্ব চুরি করেছেন এবং আমাকে পর্যন্ত একেবারে তাঁর কেনা করে রেখেছেন। কি যাহু করেছেন জানি না, আমি কিন্তু তাঁর অপেক্ষা আর কাহাকেও ভাল দেখি না, তিনি কোনও দিন আমার নিকট পুরাতন নন। আর একথাও স্বীকার করিতে হইবে যে তিনিও আমাকে একরূপ দেখেন। তিনি আমাকে চিরনূতনত্বের উৎস দেখেন। কেন একরূপ হইল তুমি কি বলিতে পার?

সরলা। অপনাদের কথা আমি কি রূপে বলিব, তবে এইমাত্র বলিতে পারি অপনাদের ছুজনের বেশ ভাব, ঠাকুর মা আপনাকে কত যত্ন করেন, আপনিও

তাঁকে খুব যত্ন করেন। আপনারা ছুজনে যেন একপ্রাণ।

দাদাম।—এত ভালবাসা কেন হইল তার তো কোন উত্তর হইল না। আমার হৃদয় তোমার হউক, তোমার হৃদয় আমার হউক, আর আমাদের উভয়ের হৃদয় ঈশ্বরের হউক। একরূপ মন্ত্র তোমরা বিবাহের সময় উচ্চারণ কর। আমাদের সেকালে একরূপ মন্ত্র বলা ছিল না। কি মন্ত্র পুরোহিত ঠাকুর পড়াইয়াছিলেন তার অর্থ আমরা ছুজনেই কিছু বুঝি নাই, কিন্তু স্বয়ং ঈশ্বর আমাদের ঐ মন্ত্রে দিক্ষীত করিলেন। আমরা যখন ছুজনে একত্রে উপাসনা ও ভজন সাধন করিতে আরম্ভ করিলাম তখনই আমাদের প্রাণে ঐ মন্ত্র জাগিল, এবং দৈনিক জীবন ঐ মন্ত্র অহুসারে চালানিবার জগু চেষ্টা হইতে লাগিল। যতই আমরা অগ্রসর হইতে লাগিলাম ততই দাম্পত্য প্রেম পবিত্র ও মিষ্ট হইতে লাগিল, আমাদের স্বার্থের স্থানে পরার্থ উপস্থিত হইতে লাগিল। জীবনের দায়িত্ব বোধ ক্রমেই বাড়িতে লাগিল। আমরা যে আমাদের ঘরের কর্তা গিন্নি একথা মন হইতে চলিয়া যাইতে লাগিল এবং তৎপরিবর্তে আমরা ঈশ্বরের দাস দাসী এই প্রত্যয় হইতে লাগিল। আমরা অধিকারী নই, কিন্তু স্বয়ং ঈশ্বরই অধিকারী। আমাদের পুত্র কন্যা আত্মীয় স্বজন বিষয় বিদ্যা বুদ্ধি উজ্জ্বল সামর্থ সকলই তাঁর, তিনি যখন ইচ্ছা তখন আমাদেরকে এ সমস্ত হইতে বঞ্চিত করিতে পারেন। “আমরা আমাদের নই তাঁহারই”

এই বোধ যতই হইতে লাগিল, ততই আমাদের জীবন নূতন আকার ধারণ করিতে লাগিল। ততই আমাদের প্রেম আমাদের কাজ, আমাদের চিন্তা, আমাদের ভাব এবং আমাদের সংসার পবিত্র ও মধুময় হইতে লাগিল। সেই জন্ত আমাদের পরিবারের নাম “পবিত্র প্রেমপরিবার” রাখিয়াছি। তুমি এই পরিবারে অতি যত্নে ও আদরে লালিত পালিত হইয়াছ। তুমি যেন এই পরিবারের গৌরব রাখিতে পার এই আমাদের একান্ত ইচ্ছা ও প্রার্থনা। দেখ ভাই তুমি যেন পেঙ্গী হইও না এবং তোমার তাঁকে ভূত করিও না।

সরলা। ও আবার কি কথা, ভূত পেঙ্গী আবার কি ?

দাদা ম। এ সংসারে সকল দম্পতীই যে পতি পত্নী তাহা নয়, অনেকেই ভূত আর পেঙ্গী। তাহাদের লক্ষণ তোমাকে একটু জানাইয়া রাখি, রূপের কাঙ্গাল স্বার্থপর বিলাসপ্রিয় স্বামী ভূত বই আর কিছুই নয়। সে স্ত্রীকে কেবল বিলাসের বস্তু মনে করে। পত্নীর কোন প্রকার সদৃশ উচ্চ ভাব পবিত্র প্রেম ধর্মপ্রবৃত্তি যাহাতে বৃদ্ধি হয় তাহার চেষ্টা না করিয়া তাহার বিপরীত চেষ্টা করেন। পত্নীর বিলাসপ্রবৃত্তি যাহাতে বৃদ্ধি হয় সেইরূপ পান ভোজন বেশ ভূষা দেন। স্ত্রী যাহাতে তাঁহার নানা প্রকার শাবীরিক সুখ সচ্ছন্দতার আয়োজন উদ্যোগ করেন তাহারই ব্যবস্থা করেন। এই সংসারই সর্ব্বম্ব, ইহার ধন মান বিলাস বিভব উপার্জন

করায় জীবনের একমাত্র উদ্দেশ্য ইহা ছাড়া যে একটা উচ্চ জীবন আছে তাহা তাঁহার মনে হয় না এবং স্ত্রীর মনে আসিতে দেয় না। বলিতে কি তাঁহার স্ত্রী তাহার সহধর্মিণী নন। সহবিলাসিনী মাত্র, এই পশু জীবন লক্ষণাক্রান্ত পতি-কেই আমি ভূত বলি।

সরলা। ভূতের কথা তো বেশ বুদ্ধি-লাম এখন পেঙ্গীর কথা বলুন। আপনি যখন যে বিষয় বলিতেন তাহা আমি লিখে রাখিতাম এবং সেইরূপ করিতে চেষ্টা করিতাম তাতে আমার খুব উপকার হয়েছে। এখনও তাই করিব।

দাদা ম। আর বুড়ার উপদেশ শুনিতে হইবে না এখন M. A উপদেষ্টা পাইয়াছ, তিনি তোমায় উপদেশ দিবেন। তিনি পবিত্র প্রেমের দ্বারা চালিত হইয়া যে উপদেশ দিবেন তেমন উপদেশ কি—আর কেহ দিতে পারিবে? এখন তুমি ঘরের গুরু নিকটে উপদেশ লইবে।

সরলা। আপনার ঠাট্টা করা রোগটা গেল না, এখন পেঙ্গীর লক্ষণ বলুন।

দাদা ম। আচ্ছা বলি, পেঙ্গী সকলকে বঞ্চিত করে পতিকে কেবল আপনার করিতে চায়। তাঁর (পতির) পিতা মাতা ভাই ভগ্নী স্বজন সকলকে পর করিয়া রাখিতে চায়। এবং স্বামীকে নিজের গোলাম করিতে চায়, তিনি যেন কেবল তাঁরই সুখ বিলাসের জন্য এ সংসারে এসেছেন; তাঁর অন্য কোন কর্তব্য নাই, তাঁর জীবনের অন্য কোন উচ্চ উদ্দেশ্য নাই, তাকে কেবল সংসারে ডুবাঁইতে

চায়। পত্নী পতিপ্রাণা ও পেঙ্গী নীচপ্রাণা, সে যাতে আপনার বিলাসবাসনা রুচিস্পৃহা চরিতার্থ হয় সেইজন্যই ব্যস্ত। পতি তাঁহার অসংখ্য দাবী দাওয়া মিটাইবেন। তাঁহার হুকুম মাথায় করে বহিবেন। তাঁহার সেবার একটু মাত্র ক্রটি হইলে আর রক্ষা নাই। পূর্বে এদেশে বিবাহ করিতে যাইবার সময় বরের ম! জিজ্ঞাসা করিতেন “বাবা তুমি কোথায় যাইতেছ” বর উত্তরে বলিতেন “মা আমি আপনার জন্য দাসী আনিতে যাইতেছি” কিন্তু একজন বর একবার উত্তর করিয়াছিল যে আমি আগার মহিষমর্দিনী ও আপনার শাসন-কর্ত্ত্ব আনিতে যাইতেছি। পেঙ্গীই মহিষ মর্দিনী আর কত শূর বীর সভ্য ভব্য শিক্ষিত কৃতবিদ্যা ভদ্রলোক দলিত হইয়া পেঙ্গীর পায়ের তলায় পড়ে থাকে আর বলে।

ওগো আমি তোমার ছুচা

পায়ের তলায় পড়ে আছি আমার চুখ ঘুচা সরলা। আচ্ছা দাদা মশাই মুখ অশিক্ষিত অভদ্র লোকদের এরূপ তর্দিশা হইতে পারে কিন্তু শিক্ষিতদের কি এরূপ ছুরবস্থা হইতে পারে?

দাদা ম। না প্রকৃত শিক্ষিতদিগের এরূপ হইতে পারে না কিন্তু আমাদের শিক্ষিতদের মধ্যে অতি অল্প লোকই প্রকৃত শিক্ষিত, কতকগুলি বিষয় জানিলেই যে শিক্ষিত হয় তা নয়, জ্ঞানোপার্জনের সঙ্গে সঙ্গে ইন্দ্রিয় সংযম, কর্তব্য পরায়ণতা, নিয়ম নিষ্ঠা, ইচ্ছাশক্তির উৎকর্ষ সাধন এবং সত্য ঈশ্বর পরায়ণতা না থাকিলে

কোন ব্যক্তিই প্রকৃত শিক্ষিত নয়। দাম্পত্য সম্বন্ধকে পবিত্র স্বর্গীয় করিবার একমাত্র উপায় ইন্দ্রিয় সংযম কিন্তু ঈশ্বর ভক্তি এবং তাঁহার উপর নির্ভর ও তাঁহার নিকট প্রার্থনা ব্যতীত এই সংযম ব্রত রক্ষা হয় না। রূপের মোহ, বিলাসের কুহক, লোকের সর্ব্বনাশ করে। ঈশ্বর পরায়ণতা এবং তাঁহারই রূপায় এই মোহ নাশের একমাত্র উপায়। তোমরা হুজনে মিলিয়া নিত্য উপাসনা করিবে এবং হরিরূপাকে সহায় করিয়া জীবনের দায়িত্বের প্রতি দৃষ্টি রাখিয়া শরীর মনকে পবিত্র এবং শুদ্ধ রাখিয়া চলিতে চেষ্টা করিবে। সর্ব্বমঙ্গলময় তোমাদের মঙ্গল করিবেন।

সরলা। আচ্ছা আমি তাই করিব। এখন তবে আমি একটু ঠাকুর মার সঙ্গে কথাবার্তা বলিগে রাত ৯টার সময় তিনি আমাকে লইয়া যাইবেন।

দাদা ম। আচ্ছা ঠাকুর মার কাছে যাও। তাঁর কাছে দাম্পত্য প্রেমের মন্ত্র গ্রহণ করগে, তিনি আমারও গুরুঠাকুরাণী। তাঁহার সঙ্গে ঈশ্বরের চরণ তলে বসে তাঁহার মধ্য দিয়া কতই প্রেমতত্ত্ব শিখিয়াছি। তাঁহার দৈনিক জীবনে মেহ প্রেম পবিত্রতা নিস্বার্থতা দেখিয়া কতই শিক্ষা করিয়াছি, তিনি এখনকার শিক্ষিত মেয়েদের মত নানা ছন্দে বন্দে হাত মুখ নেড়ে লেকচার (lecture) দিতে পারেন না দেবার চেষ্টাও করেন না কিন্তু তাঁহার নীরব চরিত্র আগার শিক্ষার প্রশ্রয়, সেইজন্য আমি তাঁহাকে “প্রেমের গুরু সহধর্মিণী দেবী” বলিয়া সময়ে সময়ে আদর

করিয়া ডাকি। তোমার তিনি আজই লইয়া যাইবেন? তা বেশ আর তো ভাই আমাদের জোর নাই আর জোর করিলেই বা তোমার তিনির ভাল লাগিবে কেন?

নারী-চরিত্র।

পৃথিবীর সমস্ত নারীচরিত্রে দুইটি অতুল রত্ন। প্রথম সেবা, দ্বিতীয় প্রেম। সেবা বহুবিধ। প্রেমেরও প্রকাশ নানারূপ। পিতৃমাতৃ সেবা, ভক্ত ও সাধুসেবা, পতি ও পুত্র কল্যাণ-সেবা, ভাইভগিনী সেবা, রুগ্ন দুঃস্থের সেবা। পিতৃ মাতৃ ভক্তি, পতি প্রেম, অপত্য স্নেহ, ভ্রাতা ভগিনীর ভালরাসা, দীনদুঃখীর প্রতি দয়া। সেবা ও প্রেমের এ প্রকারে বহনাম করা যায়। সভ্যসভ্য কিস্তা শিক্ষিতাশিক্ষিত নির্দেশে নারীমাত্রকে সেবা ও প্রেম ব্রতে বিবিধরূপে এজগতে ব্রতী হইতে হয়। সেবা, প্রেমরূপ বীজ হইতে উৎপন্ন বৃক্ষ। ভালবাসা না থাকিলে কে কাহার সেবা কার্যে রত হইয়া থাকে! তবে প্রেম অনেক সময়ে সঙ্গপ্রিয়তা এবং কথোপকথনে অধিক আসক্তি প্রকাশ করে। তাই অনেক নারী অতি প্রিয়বাদিনী, কিন্তু কার্যে অপটু। প্রিয়বচনে প্রিয়জনের পরিতোষ সাধনে অনেক নারী অতি দক্ষতা প্রকাশ করেন; অথচ প্রিয়জনের শরীর মনের অভাব মোচন পূর্বক সুখ সম্প্রদানে তাঁহারা উদাসীন। আমাদের বিবেচনায় চরিত্রের ঐ দুই প্রধান উপাদানেরই উৎকর্ষ সাধন করা কর্তব্য। জগতের হিত

সাধন সম্বন্ধে উক্ত দুই উপাদানের একটি ও উপেক্ষণীয় হইতে পারে না।

জগতের পরমকল্যাণার্থী ভক্তিভাজন যীশুখ্রীষ্টের জীবনচরিতের সহিত উল্লিখিত দ্বিবিধ নারী জীবনেরই ঘনিষ্ঠ সম্পর্ক বাইবেল গ্রন্থে উল্লেখিত হইয়াছে। সে চরিত্র দুটি বিশেষরূপে আলোচনা করিলে মহিলাগণ আমাদের আভিপ্রায় বুঝিতে সমর্থ হইবেন, এই আশায় আমরা তাহা নিম্নে উল্লেখ করিতেছি।

পেলেষ্টাই দেশে নেজারথ নগরে যীশু বাল্য জীবন যাপন করেন। পেলেষ্টাইন দেশই যীশুখ্রীষ্টের বাল্যকাল এবং জীবন লীলার অভিনয় ভূমি। ঐ প্রদেশের নানানগরে ভ্রমণ পূর্বক যীশু অসংখ্য অলৌকিক কর্ম সংসাধন করেন। ঈশ্বরের অনন্ত করুণা ও প্রেমের ধর্ম ঐ প্রদেশেই যীশুকর্তৃক প্রচারিত হয়। তিনি গরীব দুঃখীদিগের গৃহে গৃহে গমন পূর্বক তাহাদের পাপ দুঃখ মোচনেও তাহাদের সঙ্গে স্বর্গীয় তত্ত্ব কথোপকথনে দিবা নিশি যাপন করিতেন। সুকথা বলিতে তাঁহার আলস্য ছিল না। কথোপকথন বিষয়ে যীশুর বিশেষ দক্ষতা ছিল। তাঁহার বাক্যের আকর্ষণে শতমিত্র অভেদে শত শত লোক সতত তাঁহাকে ঘেরিয়া থাকিত।

একদা যীশু বেথানী নামক এক পল্লীতে উপনীত হইয়া ছিলেন। সেই পল্লীতে মার্খা এবং মেরী নামে দুটি ভগিনী এক ক্ষুদ্র কুটীরে বাস করিতেন। যীশু তাঁহাদের গৃহে অতিথি হইলেন। মেরী

জ্যেষ্ঠা এবং যুগৃহিণী। তিনি ঈশ্বরের তনয় যীশুকে গৃহে অতিথিরূপে উপনীত দেখিয়া ভক্তিতে পরিপূর্ণ হইয়া তাঁহার জগ্ন যথা যোগা আহারীয় উপকরণ প্রস্তুতি-কার্যে নিযুক্ত হইলেন। কনিষ্ঠা মেরী যীশুর অত্যন্ত প্রসঙ্গের আকর্ষণে আকৃষ্ট হইলেন, এবং নিশ্চিতভাবে তাঁহার বচন-সুধা পানে মত্ত হইয়া যীশুর চরণতলে উপবিষ্ট রহিলেন। মেরী মার্খার কার্যের কিছুই সাহায্য করিতে গেলেন না। মার্খা আশা করিয়াছিলেন, যীশুর সেবাকার্যে মেরী ও তাঁহার সহায়তা করিবেন। কিন্তু মেরীর সে বিষয়ে দৃকপাত ও রহিল না। অথচ যীশুর সহিত প্রসঙ্গ করিতে মেরীও যে অনিচ্ছুক তাহা নহে। কিন্তু সেবার প্রতি তাঁহার সমধিক অনুরাগ। যীশুর শ্রান্ত ও ক্লান্ত হৃদিত দেহের যাহাতে বিশ্রাম ও তৃপ্তি ঘটে, তদুপযোগী আয়োজন না করিয়া কিরূপে মেরীর গায় তিনি যীশুপদে বসিয়া থাকিবেন!

এখানে চরিত্রের স্বাভাবিক গতির প্রকাশ। মার্খার চরিত্র সেবার দিকে স্বভাবতঃ গতি শীল। পৃথিবীতে গ্রামে গ্রামে অনেক স্ত্রী চরিত্রই মার্খাসদৃশ। কিন্তু মেরী অধিকতর আসঙ্গলিপ্সু এবং আলাপপিয়, আলাপ দ্বারা যদি কিছু সেবা হয়, তবে তাহাতেই মেরীর মতি ও গতি, কার্য ও সেবাতে রতি অন্ন। বিরল হইলেও জন পদ মধ্যে এরূপ নারী চরিত্র দেখা গিয়া থাকে।

মার্খা জ্যেষ্ঠা হইলেও, কনিষ্ঠা মেরীর উদাসিন্য এবং প্রসঙ্গ ভোগরূপ সুখসাধন-

তৎপরতা অধিকক্ষণ সহ করিতে পারিলেন না। তিনি কর্ম ছাড়িয়া যীশুখ্রীষ্টের সমীপবর্তী হইলেন; এবং বলিলেন, প্রভু, এ তোমার কেমন উদাসীনতা তাহা আমি বুঝিতে পারি না; আমার ভগিনী যে আমাকে কিছু মাত্র সাহায্য না করিয়া তোমার নিকট বাসিয়া আছে, তাহা কি তুমি দেখ না? আমি, কাজেই, এক! সমুদায় বিষয়ে পরিশ্রম করিতেছি। অতএব আমার সহায়তা করিবার জগ্ন তুমি মেরীকে অনুমতি কর।

মার্খার বাক্য শ্রবণে যীশু মস্তকোত্তোলন পূর্বক মেরীর পানে তাকাইয়া বিনম্রভাবে সহানুভূতির সহিত এইমাত্র বলিলেনঃ মার্খা, তুমি বহুবিধ বিষয়ে পরিশ্রম ও চিন্তা করিয়া ক্লান্ত হইয়াছ। মেরী তাহা করে নাই। সে একটী মাত্র উৎকর্ষ কার্যে বাছিয়া লইয়াছে। সেটি তাহা হইতে কাড়িয়া লওয়া যায় না।

ঈশ্বরের তনয় ঈশা মার্খা এবং মেরী উভয় সহোদরারই প্রিয়জন। একজন তাঁহার সেবা পছন্দ করিয়া লইলেন। দ্বিতীয়া তাঁহার প্রতি প্রেম;—প্রেম হইতেই আসঙ্গলিপ্সা এবং আলাপে আসক্তি। মেরীর তাহাতেই অনুরাগ। মার্খা যাহা মনোনীত করিলেন তজ্জন্য অচিরাৎ ক্লান্তি উপস্থিত হইল। কিন্তু মেরীর ক্লান্ত হইতে হয় নাই। বরং উত্তরোত্তর যীশুর মুখের কথা শুনিতে শুনিতে তাঁহার অনুরাগ ও সঙ্গস্পৃহা বর্দ্ধিত হইয়াছিল।

যীশুখ্রীষ্ট মার্খাকে যে ভাবে প্রেমের

উত্তর প্রদান করিলেন, ইহাহইতে অনেকে সেবার নিরুপস্থিতা নির্ধারণ করে। কিন্তু আমাদের গ্রাহিকা গণেরও কি সেইরূপ সিদ্ধান্ত? সেবায় যদি যৌষিৎবন্দ শিথিল হন, পৃথিবী একদিন ও চলিতে পারে না। শিশু অকালে কাল কবলে পতিত হয়; অসহায় রোগীগণ শুশ্রূষা ভিন্ন প্রাণধারণ করিতে পারে না। কত অশীতিপর বৃদ্ধ বুদ্ধা যুবতীর সেবা ভিন্ন একদিন এ সংসারে জীবনধারণে সমর্থনহে। গৃহে গৃহে, পল্লীতে পল্লীতে অসংখ্য সেবিকা শরীরের শক্তি, মনের একান্ততা দ্বারা অসংখ্যরূপ সেবাশ্রুত্যাতে নিরুপস্থিত। সেবা-সম্মান সর্বদা কর্তব্য। সেবা শ্রদ্ধা, সেবাই সম্মানীয়। যাঁহারা সেবা কার্যে জীবন যাপন করেন, তাঁহারা যদি অন্তরে প্রীতি, মনে ধৈর্য এবং হৃদয়ে আশা রক্ষা করেন, তবে আর মেরীকে উদাসীন দেখিয়াও তাঁহাদের উন্নতা বা উদ্দিগ্ন হইবার হেতু ঘটে না।

জগতের পক্ষে প্রীতি এবং প্রিয়কার্য উভয়ই প্রয়োজনীয়। উভয়ই মনুষ্যজাতি স্মৃতির নর বা নারী উভয়ের পক্ষেই ঈশ্বরের অভিপ্রেত বটে। ইহার কোনটি উপেক্ষিত হইতে পারে না। নারী চরিত্র এ উভয়েরই সমঞ্জসীভূত অবস্থা। নারীগণ যেমন মার্খা তেমন মেরীকে স্ব স্ব জীবনে গ্রহণ করিবেন। মেরী একদিকে দৃষ্টান্ত; মার্খা অত্রদিকে অতি আদরণীয় দৃষ্টান্ত। যীশুর সংস্পর্শে এ দুটি চরিত্রপুষ্প মহিলা-কুল কাননে প্রফুল্লিত হইয়াছে। অতএব আমরা পুনরায় বলি যে, এ দুই সমস্ত

জগতের নারীচরিত্রের উপযোগী উদাহরণ। আমরা যে কোন সমুদ্র সেচিয়া যেমন রত্নোদ্ধার পূর্বক জীবনের উন্নতি বিধানে ব্যবহার করি, তেমনি ভ্রমণলস্থ যে কোন প্রদেশে, যে কোন ধর্মসম্প্রদায় বা জাতি-মধ্যে দৃষ্টান্ত সন্দর্শন করি, তাহাও যত্নসহ-কারে আহরণ পূর্বক আমাদের জাতীয় চরিত্র সংগঠনে ব্যবহার করিব। এজগৎ খ্রীষ্টীয় সম্প্রদায়ের ধর্মগ্রন্থ বাইবেল হইতে নারীচরিত্রের জগৎ মার্খা এবং মেরীর চরিত্রকথা সংগৃহীত হইল। আশাকরি আমাদের মহিলা কুল ইহা হইতে সার গ্রহণ করিতে কুণ্ঠিত হইবেন না। প্রেম এবং ধৈর্য অতুল্যে রক্ষা না করিতে পারিলে আশার সহিত সেবার পরিশ্রম বহন করা যায় না। যাঁহারা সেবিকা তাঁহাদের এ কথা গোপনে হৃদয়ে রক্ষা করা কর্তব্য। সহবাস এবং আলাপ ও অগ্ন প্রকারে সেবা বটে। তাহাতে যাঁহাদের স্বাভাবিক রুচি তাঁহারা তৎসম্পদনে নিরত থাকুন। সেবিকাগণ ইহা মনে রাখিলেই কল্যাণ হইবে।

বালিকাদিগের নীতিবিদ্যালয়।

যিনি বীজ সৃজন করিয়াছেন তার মধ্যে ফল পুষ্প শোভিত বৃক্ষের সন্তানবা তিনিই নিহিত রাখিয়াছেন। কিন্তু তার বিকাশ, তার সৌন্দর্যের পূর্ণ পরিণতি চারিদিকের অবস্থার উপরেও নির্ভর করে। যদি ক্ষেত্র তেমন উর্বরা হয়, ক্ষেত্র স্বামীর কর্ণে ও জল সেচনে যত্নের অভাব না

থাকে তবেইতো সেই বীজনিহিত সকল উপাদান পূর্ণ সৌন্দর্যে বিকশিত হইয়া বিপের সুন্দরোপাসনায় যোগ দিতে পারে। এই চারবৎসরে আমাদের এই ক্ষুদ্র নীতি বিদ্যালয় তাহার সকল সম্ভাবনাকে জানিনা কতখানি বিকশিত করিয়া তুলিতে পারিয়াছে। ক্ষুদ্র বীজের ভিতরে ভগবান যে মহান সম্ভাবনা নিহিত রাখিয়াছেন, কৃষকের ক্রটি ও অবহেলায় তাহা হইতে সে কতক পরিমাণে বিকশিত হইলেও তাঁরই করুণার আলোক ও বারিধারা তাহাকে জীবিত রাখে। আমাদের অনেক ক্রটি, অপূর্ণতা ও অভাবের ভিতরেও ভগবানের অশেষ করুণা এই ক্ষুদ্র বিদ্যালয়কে এতদিন রক্ষা করিয়াছে। এবং তাঁরই আনন্দের দূত এই সকল ক্ষুদ্র বালিকাগণের উৎসাহও ইহাকে জীবিত রাখিয়াছে।

প্রতি সপ্তাহে বালিকাদিগের যাতায়া-তের ব্যয় প্রভৃতি নির্বাহের জগৎ কয়েকটি মহিলা ইহাতে মাসিক অর্থ সাহায্য করিয়া বিদ্যালয়কে চিরকৃতজ্ঞতাপাশে আবদ্ধ করিয়াছেন। আমাদের স্নেহের ভগ্নী স্বর্গগতা সাক্ষী প্রিয়তমার নামে তাঁহার পিতা শ্রীযুক্ত বাবু শরৎকুমার লাহিড়ী মহাশয় ১০ টাকা পুরস্কার প্রদান করিয়াছেন। প্রথম ও দ্বিতীয় শ্রেণীর দুইটি বালিকা রচনার জগৎ, এবং অপর দুই শ্রেণীর তিনটি বালিকা বাধ্যতা ও মিষ্ট স্বভাবের জগৎ এই পুরস্কার লাভ করিয়াছে। বাবু জ্ঞানেন্দ্রমোহন সেন তাঁহার স্বর্গগতা শ্রীযুক্ত প্রিয়তমা শিশু কন্যা কুমারী সুরমার নামে একটা ২১০ টাকার পুরস্কার প্রদান

করিয়াছেন। শিশু বালিকা শ্রেণীর একটা বালিকা মিষ্টস্বভাবের জগৎ এই পুরস্কার লাভ করিয়াছে। দাতাগণ নীতি বিদ্যা-লয়ের সভার কৃতজ্ঞতা গ্রহণ করুন।

পূর্ব পূর্ব বৎসরের ত্রায় এ বৎসরও নীতিবিদ্যালয়ের কার্য সেই ভাবেই চলিয়াছে। বালিকাদিগকে চারিটি শ্রেণীতে বিভক্ত করিয়া শিক্ষা দেওয়া হইয়াছে। কিন্তু অনেক সময়েই শিক্ষয়িত্রীর অভাবে তিনটি শ্রেণী করিতে হইয়াছে! তাহাতে ঠিক আশারূপ ফল পাওয়া যায় না, অপেক্ষাকৃত অধিক বয়স্ক বালিকাদিগের সঙ্গে অল্প বয়স্ক বালিকাদিগকে একত্রে শিক্ষা দিলে কাহারও শিক্ষা উপযোগী হয় না। নিতান্ত শিশু বালিকাগণকে ছবি দেখান হয়, ও সহজ গল্প বলা হয়। অপেক্ষাকৃত অধিক বয়স্ক বালিকাদিগের দুইটি বিভাগ থাকিলেও সাধারণতঃ তাহাদের এক সঙ্গেই শিক্ষা দেওয়া হয়, তাহাদিগকে গল্প, সহজবোধ্য কবিতা ও শ্লোক এবং সাধু সাধ্বীদিগের জীবন অবলম্বন করিয়া বলা হয়। অধিক বয়স্ক বালিকাদিগকে ব্রাহ্মধর্ম গ্রন্থ হইতে শ্লোক আবৃত্তি করান হয় এবং মহাপুরুষ-দিগের জীবনী ও ধর্মোপদেশ অবলম্বন করিয়া বলা হয়।

ইংরাজী এবং বাঙ্গালা কবিতা ও প্রবন্ধও তাহাদের সহজভাবে বুঝাইয়া দেওয়া হয়; রচনার ভঙ্গী বা ব্যাকরণ, এ সকল বিষয় লইয়া কোন আলোচনা না করিয়া এমন ভাবে তাহাদের পড়া হয়, যাহাতে তাহারা সেই কবিতা বা রচনার যথার্থ রসটুকুর

আনন্দন পায়, তার ভিতরকার কথাটা গ্রহণ করিতে পারে। যে সৌন্দর্য্যবোধ, যে আনন্দের সুর চিরদিন মানবের হৃদয়-তন্ত্রীতে ঝঙ্কত হইতেছে, বালিকারাও সেই আনন্দের স্পন্দন অনুভব করে, সেই সুরে তাহাদের হৃদয়ও প্রতিধ্বনিত হইয়া নিখিল মানবের সঙ্গে তাহাদের চিরন্তন যোগ অনুভব করে এই উদ্দেশ্য। অনেকবারই বলা হইয়াছে যে, বালিকাগণের ছাত্রীজীবনের শিক্ষায় যে অসম্পূর্ণতা তাহাই দূর করিবার জন্ত এই বিদ্যালয়ের যত্ন। যে শিক্ষা হৃদয়ের অন্তরতম স্থানকে পূর্ণ না করে, জীবনের ভিতরে জীবনদেবতার আবির্ভাবকে উজ্জ্বল করিয়া না তুলে, সে শিক্ষা শেষে জীবনকে ফল ফুলে স্তম্ভ করিয়া তুলে না। কালে একটা একটা বালিকাকে সংসারের সমুদায় ভার বহন করিতে হইবে। আনন্দের সহিত সেই ভার বহন করিয়া পরিবারে ও সমাজে সেবা ও আনন্দবিতরণ করিবার শক্তি কোন্ শিক্ষায় তাহারা লাভ করিবে? সাধারণ বিদ্যালয়ে যে পাঠ কণ্ঠস্থ করিয়া তাহারা পরীক্ষোত্তীর্ণ হয়, তাহা অনেক সময় কেবল অতিরিক্ত ভারের মত হৃদয় মনের উপর চাপিয়া থাকে। পরিবারে ও সমাজে নানা চরিত্রের সহিত সংসর্ষে, সংসারদোলার এই বিচিত্র আন্দোলনের মধ্যে, জীবনের নানা সম্বন্ধে শ্রদ্ধা, প্রীতি, স্নেহে এবং বর্ণে গীতে গন্ধে যে আনন্দ ও প্রেমধারা অহো-রাত্র আমাদের জীবনকে ভরিয়া তুলিতেছে তাহার অনুভূতিটা যে নিয়ত উজ্জ্বল রাখা চাই। ইচ্ছা করে, যে শিক্ষা বিপলোকের

দ্বার তাহাদের নয়নের সম্মুখে উদ্ঘাটিত করিয়া দেয়, যে শিক্ষা তাহাদের অন্তর-নিহিত দেবশক্তির পরিচালনা অনুভব করিতে সহায়তা করে, নীতিবিদ্যালয়ের বালিকারা সেই যথার্থ শিক্ষা লাভ করে।

কিন্তু অনেক সময়েই মনে হয় যে, যে উচ্চ আদর্শ সম্মুখে রাখিয়া আমরা কার্যক্ষেত্রে অগ্রসর হইয়াছিলাম, কার্যে কৈ তাহা ফুটাইয়া তুলিতে পারিয়াছি? এ কার্যে সকলের সহায়তার আবশ্যক। তাই আজ এই আনন্দোৎসবের দিনে আমাদের ক্ষুদ্র শক্তিকে বান্ধিত করিবার জন্ত আমরা ভাই ভগ্নীদিগকে আহ্বান করিতেছি। ইহার মাসিক ব্যয় নির্বাহার্থ যেমন অর্থের প্রয়োজন, তেমনি কার্যকারিণী ভগ্নীদিগের সাহায্যও প্রয়োজন। যাহার যাহা আছে তিনি তাহাই দিয়া এই বিদ্যালয়ের সাহায্য করুন। ভগবান কাহাকেও ধনসম্পদে মগ্নিত করিয়াছেন, কাহারও ললাটে বিদ্যাপ্রতিভার গৌরব টীকা অঙ্কিত করিয়াছেন; সকলেই ভগবানের দানের সামান্য অংশ দিয়া এই ক্ষুদ্র বীজকে বিকশিত করিয়া তুলেন এই বিনীত নিবেদন।

আমাদের জীবনের অনেক ক্রেটী, অবস্থার অনেক অভাবের ভিতরে আদর্শকে আমরা কার্যে পরিণত করিতে পারি নাই। কিন্তু তাই বলিয়া কি নিরাশ হইলে চলিবে? যিনি প্রথমে আমাদের এই কার্যে আহ্বান করিয়াছিলেন তিনি যে এখনও বলিতেছেন হইলই বা তোমাদের ক্ষুদ্র শক্তি, হইলই বা তোমাদের ক্ষীণ কাহ্ন, দুর্বল চরণ, তোমা-

দের এই ক্ষুদ্র শক্তি লইয়া অনন্ত শক্তি-সমুদ্রে বাঁপ দাও, দেখিবে অনন্তের সংস্পর্শে তোমাতে কত শক্তি সঞ্চারিত হইয়াছে, তাহারই আকর্ষণে কোন্ স্বপ্নের অগোচর রাজ্যে নীত হইয়াছ।

আমাদের সকল ক্রেটীর মধ্যেও তাহার অসীম ক্ষমার উপরে নির্ভর করিয়া যদি আবার আমরা সরল অহরে তাহার আহ্বান শুনিয়া কার্য করিতে পারি, তিনি সকল অপরাধ মার্জনা করিয়া নূতন পথ প্রদর্শন করিবেন।

ফেব্রুয়ারী ১৯১০ হইতে জানুয়ারী

১৯১১ পর্য্যন্ত বালিকাদিগের

নীতি বিদ্যালয়ের আয়

ব্যয় বিবরণ।

আয়।		
মাসিক চাঁদা	ফেব্রুয়ারী	৬৭
"	মার্চ	১০৭
"	এপ্রিল	৮১০
"	মে	৪৭
"	জুন	১৫৭
"	জুলাই	৭৬০
"	আগষ্ট	৬৬০
"	সেপ্টেম্বর	৬৬০
"	অক্টোবর	১০
"	নবেম্বর	৯৭
"	ডিসেম্বর	৭৬০
"	জানুয়ারী (১৯১১)	৪১০
উৎসবের এককালীন দান জানুয়ারী		২৬৭
চরিত্র পুস্তকের মূল্য আদায়		২৭
		১১৪১০

ব্যয়।

বালিকাদিগকে স্কুলে আনিবার গাড়ীভাড়া		৬৩১।০
উৎসবের দরুণ জানুয়ারীর গাড়ীভাড়া		১৭৭।১০
প্রাইজের খরচ		৩০০।১০
আলিপুর পুস্তকালয় গমনের খরচ		২৭
চরিত্র পুস্তকের মূল্য		৫৭
		১১৮১।০

শ্রীশকুন্তলা সেন।

সম্পাদিকা—

বালিকাদিগের নীতি বিদ্যালয়।

অমর গ্রন্থকার গিরিশচন্দ্র সেন।

(নবভারত হইতে উদ্ধৃত।)

ইংরাজিতে একটা কথা আছে, "প্লেন লিভিং এণ্ড হাই থিংকিং"। এই কথাটা এদেশের একজন মহাপুরুষের জীবন-চিত্রে প্রতিফলিত হইয়াছে, তাহার নাম তাই গিরিশচন্দ্র সেন। ঢাকার অধীন পাঁচদোনা গ্রামের দেওয়ান বংশে তাহার জন্ম। সম্ভবত ১২৪২ সালের বৈশাখ মাসে জন্ম, তারিখ অজ্ঞাত—এবং ঢাকা নগরে ১৩১৭ সালের ৩০শে শ্রাবণ, ৭৫ বৎসর বয়সে স্বর্গারোহণ। আমরা অনেক লোক দেখিয়াছি, কিন্তু এরূপ আড়ম্বরহীন, নির্দোষ জ্ঞান-কর্মের সামঞ্জস্যময় জীবন দেখিয়াছি বলিয়া মনে হয় না। গিরিশচন্দ্রের জীবনে বিধাতার অপূর্ণ লীলা প্রকটিত হইয়াছিল। তিনি শ্রীযুক্ত কে, জি, গুপ্ত, ৩৭য়ারী-

মোহন ও গঙ্গাগোবিন্দ গুপ্ত মহাশয়দিগের মাতুল, ৩কালীনারায়ণ গুপ্ত মহাশয়ের শ্যালক—কিন্তু স্বাধীনচেতা গিরিশচন্দ্র আজীবন স্বাধীনভাবে দুঃখ-দারিদ্র্য প্রসন্ন-চিত্তে সহ্য করিয়া জীবন কাটাইয়া গিয়াছেন,—একদিনের জন্তও বিলাসবাসনার দাসত্ব করেন নাই। প্রকৃত ঋষি-জীবন-যাপনের সময় যে সকল অন্তরায় উপস্থিত হইত, অতি সাবধানে সর্বদা তাহা পরিত্যাগ করিতেন। সংযম, নিষ্ঠা, ব্রহ্মচর্য, সত্য ও পতিব্রতা সাধন করিয়া তিনি যে আদর্শ-জীবনের ছায়া রাখিয়া গিয়াছেন, তাহা প্রতি সাধকের অনুধ্যানের বিষয়। এরূপ নিকাম জীবন সর্বদেশের পূজ্য।

কেহ কেহ বলেন, গিরিশচন্দ্র “স্বদেশী ছিলেন না,—এই কথার প্রতিবাদ স্বরূপ তিনি বলিয়াছেন, “আমি কখনও ইংরাজী জুতা পদে স্পর্শ করি নাই, কোনরূপ বিলাসী পোষাক পরি নাই। আমি নিরেট স্বদেশী, স্বদেশী বস্ত্র তা শুনিয়া আমি স্বদেশী হই নাই।” গিরিশচন্দ্র স্বগ্রাম, স্বদেশ, স্বজন প্রভৃতির প্রতি যেরূপ আজীবন অনুরাগী ছিলেন, এরূপ দৃষ্টান্ত ব্রাহ্ম-সমাজের লোক সাধারণের মধ্যে বড় অধিক দেখা যায় না। তাঁহার “বহুবৈধ কুটুম্বকম” মন্ত্রের নাকি সাধক, তাই স্বদেশ, স্বজন, স্বপরিবার, স্বগোষ্ঠীর বড় ধার ধারেন না। কিন্তু গিরিশচন্দ্রের জীবন অশ্রু প্রকার ;—তিনি চিরকাল স্বজনপ্রিয়, স্বদেশের অনুরক্ত ভক্ত। তবে একথা স্বীকার করি, তিনি কপট স্বদেশীয়তাকে, বড়ই ঘৃণা করিতেন। সীমায় প্রেম-সাধনের

আরম্ভ, অসীমে পরিব্যাপ্তি—ইহাই প্রকৃত সাধক-জীবনের সাধন-সোপান। একজনকে যে কখনও ভালবাসে নাই, তাহার বিধিপ্রেম আকাশ-কুসুম অধিভবৎ, প্রতারকের তেজী। স্বদেশকে যে ভুলিয়া যায় স্বদেশের যে অমঙ্গল সাধন করে, কাজে বা কল্পনায় যে স্বদেশের অহিত করে, তাহার হায় ঘোর পাপী কে? সকল পাপের প্রায়শ্চিত্ত আছে, কিন্তু স্বদেশদ্রোহীতা পাপের প্রায়শ্চিত্ত নাই। গিরিশচন্দ্র স্বপত্নী স্বদেশ, স্বজন হইতে সাধন আরম্ভ করিয়া অনন্তের পথে ছুটিয়াছিলেন। তাঁহার দাম্পত্য-জীবনের কথা স্মরণ করিলে চক্ষের জল সঞ্চার করা যায় না। পত্নীবিরোগের পর কঠোর সংযম-ব্রত-পরায়ণতার বলে তিনি নিকাম পুত্ৰজীবন অর্জন করিয়া আমাদিগকে মোহিত করিয়া গিয়াছেন। আহা-বিহারে, বাক্য-কার্যে গমন-উপবেশনে তিনি ধীর, স্থির ও সংযত ;—উচ্ছ্বাস বা উল্লঙ্ঘন, বিহ্বলতা বা প্রমত্ততা তদীয় জীবনে কেহ কখনও দেখে নাই। তিনি অতলে ডুবিয়া তন্ময়তার গান্ধীর্যে উপনীত হইয়াছিলেন। তাঁহার পুত্ৰচরিত্র সকলেরই আদর্শ।

তিনি বাঙ্গালা ভাষার একজন প্রকৃত সাধক। ভক্ত কেশবচন্দ্র কমল-সরোবরের জল সংস্কারের দিন তাঁহার মস্তকে তৈলার্পণ করিয়া বলিয়াছিলেন,—“আমি মহাপুরুষ মোহন্যদের অঙ্গে তৈল ম্রক্ষণ করিতেছি।” কোরাণ সরিফ, হাদিশ এবং মুসলমান সাধুদিগের জীবন-চরিতের দ্বারা অনুপ্রাণিত হইয়া গিরিশচন্দ্র ভক্ত কেশব-

চন্দ্রের কথার যথার্থ প্রতিপন্ন করিয়া দিয়াছেন। সমস্ত দিন সামান্য আহারে পরিতুষ্ট থাকিয়া কঠোর পরিশ্রম করিতেন—বাঙ্গলা ভাষার শ্রীকৃষ্ণ সাধনের জন্য কেবল তাহা নয়। যে দেশ মুসলমানদিগকে চিরকাল ঘৃণা করিয়া আসিয়াছে, সেই দেশে অমর মুসলমান সাধুদিগের গুণ কীর্তন করিয়া, ভারতের হিন্দুজাতির মুসলমান বিদ্বেষ উন্মূলিত করিতে চেষ্টা করিয়া গিয়াছেন। এদেশে এরূপ ব্রতপরায়ণ দ্বিতীয় ব্যক্তি আর অভ্যুদিত হন নাই। হিন্দু মুসলমান—এক মায়ের দুই সন্তান, প্রাণের ভাই ;—কিন্তু আমরা পরস্পর কত বিদ্বেষ্টা, ভাবিলে চক্ষে জলধারা বহে। গিরিশচন্দ্র এই জাতি বিদ্বেষের মূল উৎপাতন করিয়া জীবনপাত করিয়া প্রকৃত মৌলবীর কাজ করিয়া গিয়াছেন। এহেন ব্যক্তিকে এদেশ যদি তোলে, তবে দেশের দুর্গতির একশেষ হইবে।

যজন যাজন এদেশের একশ্রেণীর নিত্যব্যবসা। যাহারা নিজেরা ধর্মলাভের চেষ্টা করে না তাহারাও অন্যকে ভজাইতে সদা লালায়িত! ধর্ম যেন একালের একটা বাহ্য পোষাক,—শুধু বাহ্য-পোষাক নয়, ধর্ম যেন একালের একটা ব্যবসা! যাহা মুক্তির পথে লইয়া যাইবার একমাত্র উপায়, তাহাই যেন এখন স্বার্থ-সাধনের চরমগতি হইয়াছে! ধর্ম বেচিয়া খাওয়ার ন্যায় ঘৃণিত কাজ সংসারে আর নাই। যে উপাসনা করিতে জানে না, সেও ব্যবসার খাতিরে উপাসনা করিবে, যে কখনও সাধন ভজন করে নাই, সেও অন্যকে ভজাইবে!

যে মন্ত্র তন্ত্র জানে না, সেও অন্যকে উদ্ভুদ্ধ করিবে! ভগুর উপাসনা ও অবিধাসীর ধর্মের বক্তৃতা শুনিয়া শুনিয়া আমরা হতজ্ঞান। গিরিশচন্দ্রের আচার্য-নির্দারিত কার্য ছিল—সত্যাহুত্যাগ এবং মোহন্যদীয় ধর্মশাস্ত্রের চর্চা। তিনি “আত্মজীবনে” লিখিয়াছেন, “আমি ব্রহ্মমন্দিরে নিয়মিতরূপে উপাসনার কার্য করিবার জন্য অনেকবার শ্রীধরবার ও মণ্ডলী কর্তৃক অনুরুদ্ধ হইয়াছি। কিন্তু সেই কার্যের অনুপযুক্ত ভাবিয়া অসম্মতি প্রকাশ করিয়াছি।” সত্যানুসন্ধান যাহার জীবনে ব্রত, যজন যাজন তাঁহার জীবনে শোভা পায় না। অন্যকে ভজাইতে গেলেই কপটতা ও অসত্য প্রদ্রব্য পায়। সত্য-বিচ্যুতি ঘটে এইজন্য যে, উপাসনার ভাষায় অন্যের মনোরঞ্জনের জন্য আত্ম গোপন করিয়া চলিতে হয়। ক্রমে ক্রমে ধর্ম ব্যবসায় পরিণত হয় ;—বাহ্যের সহিত মনের সঙ্গতি থাকে না,—কাপট্যের খসড়া সরলতা খণ্ডিত হয়। অনেক অসংযত ব্যক্তিকে বক্তৃতার স্থায় সুর করিয়া উপাসনা করিতে শুনিয়াছি,—আজকাল তাহাই নিত্য-নৈমিত্তিক ব্যাপারে পরিণত হইয়াছে—আরাধনা যেন বক্তৃতা বিশেষ হইয়া উঠিয়াছে। কতজনের কত প্রকার সুরসাধন! কিন্তু গিরিশচন্দ্রকে এরূপ কাজে বড় লিপ্ত হইতে দেখি নাই। তিনি উপাসনা করিয়াছেন, কিন্তু সুর করিয়া, বক্তৃতা করার স্থায় অসংযত বাক্য কখনও বলিয়াছেন বলিয়া শুনি নাই,—তিনি দেশে দেশে প্রচারার্থ গিয়াছেন বটে, কিন্তু যাহা জীবনে

উপলব্ধি করেন নাই, এমন কোন সত্য ঘোষণা করিয়াছেন বলিয়া শুনি নাই। তিনি বাক্যবীর ছিলেন না, কিন্তু ছিলেন কার্যবীর। সাধনার চরম সীমায় উপনীত হইয়া নৈষ্ঠিক জীবন লাভ করিয়াছিলেন;—খাটিতে আরম্ভ, খাটিতে খাটিতেই তদীয় জীবন শেষ হইয়া গিয়াছে। তাঁহার শ্রায় লেখনী-সিক্ত কৰ্ম্মবীর মহাজ্ঞানী ঐ সমাজে আর একজন আছেন; কিন্তু তিনি এখনও জীবিত, সুতরাং তাঁহার সম্বন্ধে কোন কথা লিপিবদ্ধ করিতে চাহি না। গিরিশচন্দ্র ও তিনি যেন এক পুণ্যতোয়ার দ্বিধারা,—এক রমণীয় উদ্যানের দুই অমৃত ফল। দেখিয়াছি, সন্তোষ করিয়াছি,—কিন্তু ভাষা পাই না যে সম্যকরূপে ব্যাখ্যা করিতে পারি। এই দুয়ের জ্ঞানভক্তিময় কৰ্ম্মজীবনের সুশীতল পুণ্য প্রবাহ এদেশে অক্ষয় হউক। তাঁহাদের জ্ঞানে অহঙ্কার নাই, প্রেমে কপটতা নাই, চরিত্রে কলঙ্ক নাই, ভক্তিতে উচ্ছ্বাস নাই, বিধাসে কাপট্য নাই—দুই যেন সোণার ছবি। এদেশে ঐ ছবি অক্ষয় হউক।

কেশবচন্দ্র অনেক তপস্যা করিয়া ভগীরথের গঙ্গা-আনয়নের শ্রায়, নববিধানকে এই দেশে আনয়ন করিয়াছিলেন। কিন্তু নববিধান ব্যর্থ হইত, যদি কোন জীবনে উহা অনুশীলিত বা প্রতিফলিত না হইত। নববিধান ব্যাপ্ত, জমিত, সঞ্চিত, অনুশীলিত, প্রতিফলিত, অনুরঞ্জিত, অনুপ্রাণিত ও সম্যক আচরিত প্রতাপচন্দ্র ও গিরিশচন্দ্রে এবং আরো কাহারও কাহারও জীবনে। পথিক, ক্ষণকাল দাঁড়াও

এবং তত্ত্বকথা শুনিয়া যাও। নববিধান উপেক্ষিত ও উপহসিত হইতে পারিত যদি, প্রতাপচন্দ্র বা গিরিশচন্দ্রে এবং আরো কতিপয় মহাপুরুষের এদেশে অভ্যুদয় না হইত। কেশবচন্দ্রের ভক্তি অনুরঞ্জিত ঋগ্বেদের জীবনে, তাঁহাদের মধ্যে গিরিশচন্দ্র অগ্রতর। বলিতে সঙ্কোচ কি যে, কেশবজীবন এবং নববিধান সার্থক হইয়াছে? নববিধান বাঁচিয়া থাকে যদি, তবে গিরিশচন্দ্র অমর; বাঙ্গালা ভাষা বাঁচিয়া থাকে যদি, গিরিশচন্দ্র অমর; মুসলমান ধর্ম্মশাস্ত্র বাঁচিয়া থাকে যদি, গিরিশচন্দ্র অমর; বাঙ্গালা দেশ বাঁচিয়া থাকে যদি, তবে গিরিশচন্দ্র অমর এবং নির্ভয়ে লিখিতেছি, পুণ্য, নিষ্ঠা, বিধাস, ভক্তি, চরিত্র এবং স্বদেশপ্রেম বাঁচিয়া থাকে যদি, তবে গিরিশচন্দ্র অমর! অমর-জীবনের অমর কাহিনী পাঠক নিবিন্টচিত্তে একবার অধ্যয়ন কর, জীবন সার্থক হইবে।

মহিলার রচনা ॥

ফুল।

কে তুমি গো বল মোরে

কুসুমের রূপ ধরে

এসেছ অবনী পরে

সুধা গন্ধ মাখিয়া

কল কোন্ শিরীকরে

তব রূপ বর্ণিবারে

মোহন তুলিকা ধরে

দিয়েছে গো আঁকিয়া ?

পরিষে মোহিনী বেশ

দ্রাণে মত্ত কর দেশ

করণে দুঃখের শেষ

তব রূপ দেখায়ে ।

সুবাসে উন্মত্ত হ'য়ে

মলয় যায় গো ব'য়ে

তব পরিমল ল'য়ে

ধীরে ধীরে বিলায়ে !

তুলি গুণ গুণ রব

ভ্রমর ভ্রমরী সব

সুখে করে পান তব

পরিমল লুটিয়া

নির্জনে গহন বনে

শত তরু-লতা সনে

আনন্দে আপন মনে

থাক তুমি ফুটিয়া

তোমা হেন সুকোমল

তোমা হেন সুনির্মল

কোন্ বস্ত্র আছে বল

দিব তারে তুলনা !

কামিনী-কুন্তল-শোভা !

মধুকর-মনোলভা !

ভগবতী পদ সেবা

তোমা বিনে হয় না ?

কোন্ শিক্ষা দিতে নরে

বলরে প্রকাশ ক'রে

এসেছ অবনী পরে

হেন রূপ ধরিয়া ?

দিনেকের তরে হেথা

ঘুচাইয়া মনে ব্যথা

শুকাইয়ে যেথা সেথা

থাক তুমি পড়িয়া

বুঝিবা মানব ভরে

দুই দিন শুধু রবে

হেসে খেলে চলে যাবে

দুদিন না কুরাতে ?

সকলি যে ক্ষণ তরে

অসার পৃথিবী পরে

বুঝি এই শিখাবারে

এস ফুল মরতে !

দিনেকের তরে আসি

অতুল আনন্দে ভাসি

মুছাইয়ে দুঃখ রাশি

যাও তুমি শুকায়ে !

তোমারি মতন হ'য়ে

আপনারে বিলাইয়ে

পর দুঃখ বৃকে লয়ে

যাব মোরা লুকায়ে ?

শ্রীমতী ইন্দুপ্রভা দেবী ।

বিবিধ ।

মহিলার পাঠিকাদিগের নিকট বিশেষ ভাবে নিবেদন, যে সকল মহিলা সভা-সমিতিতে বক্তৃতা লিখিয়া পাঠ করেন কিংবা সংবাদপত্রে প্রবন্ধ লেখেন, তাঁহারা যেন দয়া করিয়া মাঝে মাঝে মহিলার জগৎ লেখা পাঠাইয়া আমাদের সাহায্য করেন। আমাদের যে কতগুণ উপর এত দিন মহিলা লেখার বিশেষ দায়িত্ব ছিল, তিনি সম্প্রতি বিবাহিত হইয়া বিদেশে গমন করিয়াছেন। নূতন স্থানে নূতন

নূতন অবস্থার মধ্যে স্থির হইয়া না বসিলে, তাঁহার নিকট হইতে কোন লেখা পাইবার আশা করা যায় না। মহিলার এই মাসেই বৎসর শেষ হইল, নূতন বৎসরের প্রথম হইতে নূতন লেখিকাদের লেখা বাহির করিতে চাই। আশা করি আমাদের আশা অপূর্ণ থাকিবে না। আমাদের মহিলার উদ্দেশ্য কি, এবং কি ভাবে ইহা এত বৎসর কার্য্য করিয়াছেন, বোধ হয় পাঠিকাগণ তাহা অবগত আছেন। লেখিকাদের নিকট বিশেষ অনুরোধ, সেই উদ্দেশ্য স্মরণ রাখিয়া তাঁহারা যেন প্রবন্ধ লেখেন। মহিলাপত্রিকা খানি শ্রীদরবারের অধীনস্থ পত্রিকা, শ্রীদরবার হইতেই এক জন প্রচারক এই পত্রিকার সম্পাদক নিযুক্ত আছেন, সমস্ত লেখার দায়িত্ব যখন সম্পাদক মহাশয়ের উপরে রহিয়াছে, তখন সকল লেখাই তিনি দেখিয়া দিয়া থাকেন। প্রবন্ধলেখিকা মহোদয়াগণ যেন এ কথাটি স্মরণে রাখেন। “মহিলা সম্পাদক” কিংবা “মহিলা কার্য্যাধ্যক্ষ” তনু রমানাথ মজুমদারের স্ট্রীট হারিসন রোড ডাকঘর, কলিকাতা এইরূপ ঠিকানা দিয়া যেন পত্র লিখেন।

গ্রাহক ও গ্রাহিকাগণ যেন অল্পগ্রহ করিয়া ত্বরায় স্ব স্ব দেয় মূল্য পাঠাইয়া দিয়া বাধিত করেন। দুঃখের বিষয় অনেকের নিকট ৩।৪ বৎসরের মূল্য বাকি রহিয়াছে।

আগামী ১৫ই আগষ্ট ৩০শে শ্রাবণ মঙ্গলবার মহিলার ভূতপূর্ন সম্পাদক স্বর্গীয় গিরিশচন্দ্র সেন মহাশয়ের প্রথম বাৎসরিক শ্রদ্ধানুষ্ঠান সম্পন্ন হইবেক। মহিলার

পাঠক পাঠিকাগণ তাঁহার আত্মার সহিত মিলিত হইয়া অর্চনা ও প্রার্থনা করেন এই ইচ্ছা।

২২শে জুন লণ্ডন নগরে সম্রাট পঞ্চম জর্জ ও সম্রাজ্ঞী মেরীর রাজ্যাভিষেক কার্য্য অতিশয় সমারোহের সহিত সুসম্পন্ন হইয়া গিয়াছে। প্রজাবৎসল সম্রাট তাঁহার সমস্ত প্রজাবর্গের রাজভক্তি সন্দর্শন করিয়া খুবই আনন্দানুভব করিয়াছেন। যে অনন্ত করুণাময় ঈশ্বর তাঁহাদিগকে সিংহাসনে বসাইলেন, তাঁহারা চিরদিন তাঁহারই পদাশ্রয়ে বাস করিয়া পরম সুখে প্রজাপালন করুন।

বড় সুখের সংবাদ পাঠকপাঠিকাদের বিস্তারিত রূপে দিব মনে করিয়াও এবার দিতে পারিলাম না। যদি ইচ্ছাময়ের ইচ্ছা হয় নূতন বৎসরের প্রথমে উহা প্রকাশিত হইবে। আমাদের সাধের ভিক্টোরিয়া মহিলাবিদ্যালয়টা বার বৎসরের কঠিন পরিশ্রমের পর গবর্নমেন্টের শিক্ষাক্রমের কর্তৃপক্ষীয়গণের কৃপার চক্ষে পতিত হওয়ায় আমরা বিশেষ সুখী হইয়াছি। তাঁহারা কৃপা করিয়া ইহার উন্নতির নিমিত্ত মাসিক ৪২৫ টাকা বালিকাদিগের জন্ম এবং ৭৫ টাকা বয়স্ক মহিলাদের উপদেশের জন্ম সাহায্য দান করিতে প্রতিশ্রুত হইয়াছেন। অধ্যক্ষগণ সরকারবাহাদুর হইতে সাহায্য পাইবার প্রত্যাশায়, গত বৎসরের আরম্ভ হইতে উপযুক্ত একজন বিশ্ববিদ্যালয়ের বি. এ. উপাধিধারিণী শিক্ষয়িত্রী উচ্চ বেতন দিয়া রাখিয়াছিলেন, বর্তমান বৎসর হইতে সাহায্য পাইবার আশা পাইয়া আর একটা বি. এ. শিক্ষয়িত্রী নিযুক্ত করিয়াছেন। স্কুলের কার্য্য সুচারুরূপে চলিতেছে দেখিয়া আমরা বিশেষ আনন্দিত হইয়াছি। “সাধু যাহাদের ইচ্ছা স্বয়ং ভগবানই তাঁহাদের সহায়।”

মহিলার ষোড়শ বর্ষের নিৰ্ঘণ্ট ।

বিষয়।	পৃষ্ঠা।	বিষয়।	পৃষ্ঠা।
১ম সংখ্যা, শ্রাবণ।		মহিলাদিগের রচনা—পূর্ণিমা	৬৭
প্রার্থনা	...	” ” পল্লীর কি কি গুণ	...
মহিলার নববর্ষ	...	থাকা উচিত	৬৭
ভারতীয় নারীজাতি এবং জন্মান্তরবাদ	...	” ” ঈশ্বরে বিশ্বাস	৬৮
রহস্য	৪	” ” একখানি পত্র	৭০
হ্যালিবার্টনপত্রীর জীবনের পরীক্ষা	...	বিবিধ প্রশঙ্গ	...
নারী-কীর্তি	...	৪র্থ সংখ্যা, কার্তিক।	...
স্বর্গগত ভাই গিরিশচন্দ্র সেন	...	প্রার্থনা	...
ভিক্টোরিয়া মহিলাবিদ্যালয়	...	কর্মফল না মঙ্গলস্বরূপের প্রকাশ	৭৪
মহিলাদিগের রচনা—সং-সংসর্গ	২৩	কে যুবা? কে বৃদ্ধ?	৭৮
” ” শ্রীযুক্ত গিরিশচন্দ্র	...	হ্যালিবার্টনপত্রীর জীবনের পরীক্ষা	৮১
সেনের পরলোকগমনোপলক্ষে	২৩	প্রাপ্ত	...
২য় সংখ্যা, ভাদ্র।		মহিলাদিগের রচনা—চিরসন্তোষের	...
প্রার্থনা	...	উপায়	৮৭
ধনোপার্জন	...	” ” সুনীতিকলেজ	...
ভারতীয় নারীজাতি এবং জন্মান্তরবাদ	...	কুচবিহার	৯০
রহস্য	২৯	” ” আমার ভিক্ষা	৯১
হ্যালিবার্টনপত্রীর জীবনের পরীক্ষা	৩৩	” ” জীবে দয়া	৯২
ভগ্নীসমাজের নবমবার্ষিক রিপোর্ট	৪১	নারী	...
ভিক্টোরিয়া মহিলাবিদ্যালয়	...	মহিলা নামের যোগ্য নারী	৯৩
৩য় সংখ্যা, আশ্বিন।		দাম্পত্য ধর্ম	...
প্রার্থনা	...	মন্তব্য	...
বঙ্গের বার্ষিক মহোৎসব	...	৫ম সংখ্যা, অগ্রহায়ণ।	...
ফ্লোরেন্স নাইটিঙ্গেল	...	প্রার্থনা	...
বাণ	...	সময়ের সদ্যবহার	...
মেয়ের হাট	...	দেব-প্রতিষ্ঠা	...
হ্যালিবার্টনপত্রীর জীবনের পরীক্ষা	৬১	হ্যালিবার্টনপত্রীর জীবনের পরীক্ষা	১০৭
		ভগ্নী সমিতি	...

বিষয়।	পৃষ্ঠা।	বিষয়।	পৃষ্ঠা।
৬ষ্ঠ সংখ্যা, পৌষ।		৮ম সংখ্যা, তৈজ্য।	
প্রার্থনা ...	১২১	প্রার্থনা ...	১৬৯
সমস্ত অথচ বিশেষত্ব	১২২	বঙ্গীয় নারীসমাজের উন্নতি ...	১৭০
ওডেসি ...	১২৮	ওডেসি ...	১৭৫
আত্মিক ...	১২৯	ভারতীয় নারীজাতি এবং জন্মান্তরবাদ	
শিক্ষার আদর্শ ...	১৩১	রহস্য	১৮০
মহিলাদিগের রচনা	১৩৩	স্তুতি ও প্রার্থনা ...	১৮৬
এক ঘণ্টা সময়ের সদ্যবহার	১৩৪	রমণী আচার্য্য ...	১৮৭
পথ ছেড়ে বিপথে যায় যে, গর্তে পড়ে		পরিচ্ছদ ও বিলাস	১৮৯
মরে সে	১৩৬	সংবাদ ...	১৯২
বর্তমান যুগ ও এদেশীয় নারীজাতি	১৩৮		
প্রার্থনা ...	১৪০	৯ম সংখ্যা, আষাঢ়।	
ওগো প্রেমরাজ বিশ্বপ্রেমের প্রেমিক		প্রার্থনা ...	১৯৩
করগো মোরে	১৪১	সহিষ্ণুতা ...	১৯৪
৭ম সংখ্যা, বৈশাখ।		ভারতমহিলা ও ধর্ম	১৯৭
প্রার্থনা ...	১৪৫	দাদামহাশয় ও নাতিনী	২০১
উদ্দেশ্য সিদ্ধি ...	১৪৬	নারী চরিত্র ...	২০৪
মেয়ের হাট ...	১৫০	বালিকাদিগের নীতিবিদ্যালয়	২০৬
ভারতীয় নারীজাতি এবং জন্মান্তরবাদ		" " আয় ব্যয় বিবরণ	২০৯
রহস্য	১৫৩		
আমাদের অদূর ভবিষ্যৎ ...	১৫৮	অমর গ্রন্থকার গিরিশচন্দ্র সেন	২০৯
ছালিবার্টনপত্রীর জীবনের পরীক্ষা	১৬২	মহিলার রচনা—কুল	২১২
মহিলাদিগের রচনা—নারীর কর্তব্য	১৬৬	বিবিধ	২১৩
" " বিশ্বাসের জয়	১৬৭		